

საქართველოს სსრ მეცნიერებათა აკადემია
ივ. ჯავახიშვილის სახელობის ისტორიის ინსტიტუტი.

გ. ხ ა ჭ ა ვ უ რ ი ძ ე

სტაბ

1905—1907 წლების
რევოლუცია
საქართველოში



საქართველოს სსრ მეცნიერებათა აკადემიის
გამომცემლობა

თბილისი
1955



3. 896060



0. სტალინი



I

საქართველოს სოციალურ-დემოკრატიული მემდგომი XX საუკუნის
დასაწყისში

XIX საუკუნის დასაწყისში ქართველმა ხალხმა სამუდამოდ დაუკავშირა თავისი ბედი მოძმე რუს ხალხს.

ჯერ კიდევ დიდი ხნით ადრე საქართველოს რუსეთთან შეერთებამდე ამ ქვეყნებს შორის დამყარდა ეკონომიური ურთიერთობა, რამაც შემდგომ ხელი შეუწყო რუსი და ქართველი ხალხების პოლიტიკურ და კულტურულ დაახლოებას.

მიუხედავად იმისა, რომ იმ დროს რუსეთს სათავეში ედგნენ შეფე და მემამულეები, საქართველოს რუსეთთან შეერთებას მაინც უდიდესი პროგრესული მნიშვნელობა ჰქონდა, ქართველი ხალხის შემდგომი ეკონომიური, პოლიტიკური და კულტურული განვითარებისათვის.

საქართველოს რუსეთთან შეერთებამ განამტკიცა რუსი და ქართველი ხალხების კავშირი და მეგობრობა მათ ბრძოლაში უცხოელ დამპყრობთა წინააღმდეგ, რუსი და ქართველი მებატონეებს უდიდესი წინააღმდეგ, რუსეთის ყველა ხალხის უბოროტესი მტრის—მეფის თვითმპყრობელობის წინააღმდეგ.

რუსეთთან შეერთებით საქართველო ჩაება უფრო მოწინავე ეკონომიკის სფეროში, რამდენადაც რუსეთი უკვე კაპიტალისტური განვითარების გზაზე იდგა.

თავისი ბედის დიდ რუს ერთან დაკავშირებით ქართველმა ხალხმა თავი იხსნა ფიზიკური განადგურებისაგან. ეს ძალიან კარგად ესმოდათ და შემდგომში კიდევაც დასაბუთეს ქართული კულტურის გამოჩენილმა მოღვაწეებმა—ნიკოლოზ ბარათაშვილმა, ილია

ქავჭავაძემ, აკაკი წერეთელმა, იაკობ გოგებაშვილმა. ცნობილი ქართველი მწერალი, რევოლუციონერ-დემოკრატი ეგნატე ნინოშვილი 1888—1889 წლებში დაწერილ რომან „ჯანყი გურიაში“, მიმართავს რა გლეხებს, ინტელიგენტ გიორგის პირით ამბობს:

ჩვენ „სრულიად დაუძღვრებული ვიყავით და მოველოდით, აი დღეს, აი ხვალ აგვიკლებს სპარსი, ოსმალი... რა რომ რუსეთს შევუერთდით, მას შემდეგ ამ მხრით სრულიად უშიშარნი შევიქვენით... რა ვიქნებოდით, აქამომდე რუსეთს რომ ჩვენთვის პატრონობა არ გაეწია! დარწმუნებული ბრძანდებოდეთ, ჩვენ ვიქნებოდით მაშინ ბარბაროსი ოსმალების ანუ ეგეთივე ბარბაროსი სპარსეთის ყურმოჭრილი ყმა. მხოლოდ რუსეთმა დაიხსნა ჩვენი ქვეყანა ამ უბედურებისაგან“¹.

ამასთან ერთად ეგნატე ნინოშვილი იმავე გიორგის პირით განუმარტავდა გლეხებს, რომ საქართველოს მშრომელთა ბრძოლა შეიძლება გამარჯვებით დაგვირგვინდეს მხოლოდ იმ შემთხვევაში, თუ იგი დაკავშირებული იქნება რუსი ხალხის ბრძოლასთან ცარიზმისა და ბატონყმობის წინააღმდეგ.

„ჩვენი გლენ-კაცობა, — ამბობდა გიორგი, — უნდა იყოს შემყურად რუსეთისა და უნდა მოელოდეს იმავე ბედს, რასაც რუსეთის გლენ-კაცობა. ვინიცობაა, რუსეთში გლენ-კაცობამ ნებაყოფლობით ვერარა გამოიტანოს და აჯანყდეს, მაშინ, რა თქმა უნდა, ჩვენი გლენკაცობაც ვერ გაჩერდება გულხელ-დაკრეფილი, მიხედავს რუსეთის მაგალითს და იომებს თავისუფლების მოსაპოვებლად“².

რუსეთმა არა მარტო იხსნა საქართველო უცხოელ დამპყრობთაგან, რომლებიც ხელყოფდნენ საქართველოს მიწაწყალს, არამედ გამოიყვანა იგი ღრმა შინაგან სოციალურ-ეკონომიური კრიზისისგან.

საქართველოს რუსეთთან შეერთებით ბოლო მოელო ქვეყნის ეკონომიურ და პოლიტიკურ დაქუცმაცებას.

თურქეთთან, ირანთან და ინგლისელი და თურქი აგრესორების სამსახურში მყოფ შამილთან წარმატებითი ომების შედეგად რუსის ჯარებმა ქართველთა, სომეხთა და აზერბაიჯანელთა მილიციის ნაწილებთან ერთად ამიერკავკასიაში სტრატეგიულად ხელსაყრელი საზღვრები დაამყარეს. საქართველო მნიშვნელოვანწილად აღდგენილ იქნა თავის ისტორიულ საზღვრებში. კერძოდ, 1877—

¹ ე. ნინოშვილი, მოთხრობები, თბ., 1947, გვ. 22.

² იქვე, გვ. 32.

1878 წლების რუსეთ-თურქეთის ომის შემდეგ რუსეთს მიეკუთვნა აჭარა ქალაქ ბათუმთან ერთად, რომელიც თურქებმა ძალით მოსწყვიტეს საქართველოს ჯერ კიდევ XVI საუკუნეში.

რუსეთის მოწინავე საზოგადოებრივი აზრის, კულტურის კეთილმყოფელი გავლენით ვითარდებოდა ქართველი ხალხის კულტურა. „არ არის დღეს ჩვენში არც ერთი მოღვაწე და მომკმედი კაცი მწერლობაში, თუ საზოგადო საქმეთა სარბიელზედ, — წერდა ილია ჭავჭავაძე, — რომ თავისუფალი იყოს ხსენებული ლიტერატურის ზეგავლენისაგან. საკვირველიც არ არის: რუსულმა სკოლამ — მეცნიერებამ გაგვიღო კარი განათლებისა და რუსულმავე კულტურამ მოაწოდა საზრდო ჩვენს გონებასა და გამოკვება ჩვენი აზრი მოძრაობის გზაზედ... თვითეული ჩვენგანი რუსულის ლიტერატურით გაზრდილა, თვითეულს ჩვენგანს მის გამონარკვევზედ აუგია თავისი რწმენა, თავისი მოძღვრება და თავისი საგანი ცხოვრებისა საზოგადო საქმისათვის ამ გამონარკვევის მიხედვით გამოურჩევია“¹.

თავის მხრივ ქართველი ხალხის კულტურა კეთილმყოფელ გავლენას ახდენდა რუსი მწერლების, მეცნიერებისა და ხელოვნების მოღვაწეთა შემოქმედებაზე.

XIX საუკუნის 60-იან წლებში რუსეთის სოციალურ-ეკონომიურმა განვითარებამ აიძულა მეფის მთავრობა 1861 წელს გაეუქმებინა ბატონყმობა.

განაპირა ქვეყნების ექსპლოატაციის კაპიტალისტურმა წესმა, თვით საქართველოს ეკონომიურმა განვითარებამ, ფეოდალურ-ბატონყმურ ურთიერთობათა წინააღმდეგ გლახთა ბრძოლის თანდათანობითმა გაძლიერებამ აიძულა მეფის მთავრობა 60-იან წლებში აქაც გაეუქმებინა ბატონყმობა და შეკვეცილი სახით განეხორციელებინა ზოგიერთი ბურჟუაზიული რეფორმა, რომლებიც განხორციელებულ იქნა ცენტრალურ რუსეთში.

საქართველოში ბატონყმობის გაუქმების შემდეგ კაპიტალიზმის განვითარებას თან სდევდა ღრმა ცვლილებები ქართველი ხალხის მთელ ცხოვრებაში როგორც ქალაქად, ისე სოფლად.

XIX საუკუნის მეორე ნახევარში, ბატონყმობის გაუქმების შემდეგ, კაპიტალისტური ურთიერთობის განვითარების, ქვეყნის ეკონომიური და პოლიტიკური კონსოლიდაციის, ეროვნული კულტურის განვითარების პროცესში ქართველი ხალხი ყალიბდება ბურჟუაზიულ ერად.

¹ ი. ჭავჭავაძე, ნაწერების სრული კრებული, ტ. 8, გვ. 285.

„...საქართველო, როგორც ერი, მხოლოდ XIX საუკუნის მეორე ნახევარში გაჩნდა,—წერს ი. ბ. სტალინი,—როცა ბატონყმობის გაუქმებამ და ქვეყნის ეკონომიური ცხოვრების ზრდამ, გზების განვითარებამ და კაპიტალიზმის წარმოშობამ დაამყარა შრომის განაწილება საქართველოს ოლქებს შორის, საბოლოოდ შეარყია სამთავროთა სამეურნეო კარჩაკეტილობა და ერთ მთელად შეაკავშირა ისინი“¹.

კავკასიასა და საქართველოში კაპიტალისტურ ურთიერთობაო განვითარებისათვის გადამწყვეტი მნიშვნელობა ჰქონდა რუსეთის კაპიტალიზმს. ამის გამო ვ. ი. ლენინი წერდა:

„...რუსეთის კაპიტალიზმი კავკასიას ითრევდა საქონლის-მსოფლიო ბრუნვაში, ანიველირებდა მის ადგილობრივ თავისებურებებს—ძველებური პატრიარქალური კარჩაკეტილობის ნაშთს,—ჰქმნიდა ბაზარს თავისი ფაბრიკებისათვის. ქვეყანა, რეფორმისშემდგომი ხანის დასაწყისში ოდნავ დასახლებული ან დასახლებული მთიელებით, რომელნიც მსოფლიო მეურნეობიდან და ისტორიიდანაც კი განზე იდგნენ, თანდათან ნავთის მრეწველთა, ღვინის ვაჭართა, ხორბლის და თამბაქოს მეფაბრიკეთა ქვეყნად იქცეოდა“².

XX საუკუნის დასაწყისისათვის ამიერკავკასიაში დამთავრდა რკინიგზების განშტოებული ქსელის მშენებლობა, რომლის მეშვეობითაც დამყარდა კავშირი შავსა და კასპიის ზღვებს შორის. ამასთან ამ გზებმა ამიერკავკასიის დიდი ქალაქები და მთავარი სამეურნეო ცენტრები დაუკავშირა ევროპულ რუსეთს.

რკინიგზების მშენებლობასთან ერთად გაჰყავდათ შარავნებიც, რომლებიც იჭრებოდნენ მიყრუებულ ხეობებსა და მთიან მასივებში და წინათ მიუწვდომელ რაიონებს აკავშირებდნენ ქვეყნის ცენტრებთან. 1892 წელს დამთავრდა ნოვოროსიისკ-სოხუმის შარავნის მშენებლობა.

ჯერ კიდევ 1858 წელს შავ ზღვაზე აგებულ იქნა დიდი და კეთილმოწყობილი ნავსადგური — ფოთი, საიდანაც საზღვარგარეთ გაჰქონდათ უმთავრესად ჭიათურის მარგანეცი.

1878 წელს აჭარის რუსეთთან შემოერთების შემდეგ შავი ზღვის აღმოსავლეთ სანაპიროზე ერთ-ერთი საუკეთესო ნავსადგური გახდა ბათუმი.

¹ ი. ბ. სტალინი, თხზ., ტომი 2, გვ. 318.

² ვ. ი. ლენინი, თხზ., ტ. 3, გვ. 704.

მოეწყო „რუსეთის სანაოსნო და ვაჭრობის საზოგადოების“ საზღვაო გემების რეისები ოდესას, ნოვოროსიისკს, სოხუმს, ფოთს, ბათუმსა და კონსტანტინეპოლს შორის. რეგულარული სანაოსნო მიმოსვლა წარმოებდა აგრეთვე კასპიის ზღვაში.

საქართველოს დაკავშირება რუსეთის ბაზართან, ამიერკავკასიაში რკინიგზებისა და მიმოსვლის სხვა საშუალებათა მშენებლობა არღვევდა ნატურალურ-პატრიარქალურ კარჩაკეტილობას, ხელს უწყობდა სამანქანო ინდუსტრიის აღმოცენებას, შინაური ბაზრის შექმნას და ქვეყნის ყველაზე უფრო დაშორებული რაიონების ჩაბმას სავაჭრო ურთიერთობაში. გზები განამტკიცებდნენ ამიერკავკასიისა და საქართველოს ეკონომიურ კავშირს ცენტრალურ რუსეთთან.

რკინიგზის გაყვანამ ბიძგი მისცა სამთო მრეწველობის განვითარებასა და ისეთი სამრეწველო ცენტრის წარმოშობას, როგორცაა ქიათურა მისი მარგანეცის მადნის მსოფლიო მარაგით.

საზღვარგარეთ გაზიდულ იქნა მარგანეცი:

1882 წ.	562,720	ფუთი
1884 წ.	1.247,841	
1886 წ.	3.403,426	
1888 წ.	3.043,615 ¹	

მუშების რიცხვი ქიათურაში 1890 წელს აღწევდა 3,702 კაცს. ამიერკავკასიის რკინიგზის მოთხოვნილებასთან დაკავშირებით იზრდება ქვანახშირის მოპოვება ტყიბულში. თუ იქ ქვანახშირის მოპოვება 1888 წელს შეადგენდა 320 ათას ფუთს, 1890 წელს იგი 3.875 ათას ფუთს აღწევს.

ამავე პერიოდში იწყება, თუმც უმნიშვნელო ოდენობით, ტყვარჩელის ქვანახშირის მადნის დამუშავება.

ჩატახის თუჯსასხმელ ქარხანაში, სადაც 140-მდე კაცი მუშაობდა, წელიწადში საშუალოდ 10.000 ფუთამდე თუჯსა და 5000 ფუთ რკინას ამზადებდნენ. მირზაანის ნავთის სარეწაოები წელიწადში 40.000 ფუთამდე ნავთს იძლეოდნენ. 60-იან წლებში თბილისში გაიხსნა კაპიტალისტური ტიპის პირველი საწარმოები: საფეიქრო ფაბრიკა, გაუმჯობესებული მანქანებით გამართული თუჯსასხმელი და მექანიკური ქარხნები.

¹ სტ. გული შ ა მ ბ ა რ ო ვ ი. Обзор фабрик и заводов закавказского края, თბილისი, 1894, გვ. 73.

1883 წელს თბილისში გაიხსნა ამიერკავკასიის რკინიგზის მთავარი სახელოსნოები, სადაც დაახლოებით 3.500 კაცი მუშაობდა. გასული საუკუნის 90-იან წლებში თბილისში ამუშავდა მთელი რიგი ახალი ფაბრიკები და ქარხნები: თუჯსასხმელი, ტყავის, ავეჯის, ღვინის, საპნისა და სხვა საწარმოები. ქუთაისში აშენდა თამბაქოს ფაბრიკა, სპირტისა და არყის ქარხნები და სხვა საწარმოები. ამ პერიოდისათვის აფხაზეთში ირიცხებოდა მთელი რიგი სამრეწველო საწარმოები, მათ შორის ყველაზე დიდი იყო მაქსიმოვის სახერხი ქარხანა, სადაც დაახლოებით 100 კაცი მუშაობდა.

მნიშვნელოვანი სამრეწველო ცენტრი გახდა ბათუმი, სადაც ირიცხებოდა ათი დიდი სამრეწველო საწარმო: ნობელის, მანთაშევის, როტშილდისა და სხვათა ბიდონის ქარხნები, ორი თამბაქოს ფაბრიკა, თუჯსასხმელი და ლურსმნის ქარხნები, მინერალური წყლების ქარხნები, რამდენიმე ნავთობსასხმელი სადგური. 1900 წელს დამთავრდა ბაქო-ბათუმის ნავთსადენის გაყვანა. ბათუმის ოლქის ართვინის რაიონში წარმოებდა სპილენძის სამრეწველო მოპოვება.

1898 წელს ფაბრიკებისა და ქარხნების რაოდენობა თბილისისა და ქუთაისის გუბერნიაში ოფიციალური სტატისტიკის მიხედვით შეადგენდა 4401-ს, ხოლო პროლუქციის ღირებულება 17.666 ათას მანეთს უდრიდა. მაგრამ საქართველოს საწარმოთა უმრავლესობა ამ პერიოდისათვის წვრილი და ჩამორჩენილი იყო.

ცარიხში ცდილობდა საქართველო გადაექცია ნედლეულის წყაროდ და გასაღების ბაზრად რუსეთის მრეწველობისათვის და ამ მიზნით ხელოვნურად აფერხებდა მისი საწარმოო ძალების განვითარებას. აქ თითქმის არ ამუშავებდნენ ისეთი ძვირფასი ლითონების მდიდარ საბადოებს, როგორც არის ბარიტი, გუმბრინი, კალა, თუთია, დიატომიტი და ა. შ. „ცარიელ და მავნე ფანტაზიად“ ითვლებოდა საქართველოს უმდიდრესი ჰიდროენერგეტიკული რესურსების გამოყენება. საქართველოში კაპიტალიზმის განვითარებასთან დაკავშირებით იხსნება ბანკები და საკრედიტო დაწესებულებანი. ჯერ კიდევ 1867 წელს თბილისში არსდება რუსეთის სახელმწიფო ბანკის განყოფილება. 1871 წელს აქ მუშაობას იწყებს კომერციული ბანკი, ურთიერთკრედიტის საზოგადოება, აზოვ-დონისა და ვოლგა-კამის კომერციული ბანკების განყოფილებანი. 1874 წელს არსდება თბილისის სათავადაზნაურო საადგილმამულო ბანკი, ხოლო 1875 წელს ქუთაისის მიხაილოვის საადგილ-



1905



ბ. ს. ლავროვი
ი. ვ. სტალინი



პ. ბ. ლენინი
მ. ი. სურგულაძე



ს. ბ. შავერვაძე
ბ. ჯ. უსტინოვი



ს. ბ. ლავროვი
მ. ი. სურგულაძე



ს. ბ. ლენინი
მ. ი. სურგულაძე



ს. ბ. ლავროვი
მ. ი. სურგულაძე



ბ. ს. ლავროვი
მ. ი. სურგულაძე



ბ. ს. ლავროვი
მ. ი. სურგულაძე



მ. ი. სურგულაძე
მ. ი. სურგულაძე



მ. ი. სურგულაძე
მ. ი. სურგულაძე

რსდმპ კავკასიის კომიტეტის შემადგენლობა (1905—1906 წწ.)

მამულო ბანკი. 1884 წელს თბილისში იხსნება ქალაქის საკრედიტო ამხანაგობა, ხოლო 1890 წელს სახელმწიფო სათავადაზნაურო საადგილმამულო ბანკის განყოფილება. სახელმწიფო და კომერციული ბანკების განყოფილებები არსდება ბათუმში, ქუთაისში, ფოთსა და გორში. 1874 წლიდან საქართველოში არსდება პირველი სასოფლო შემნახველ-გამსესხებელი ამხანაგობები. თუ როგორ იზრდებოდა ბანკებისა და საკრედიტო დაწესებულებების ბრუნვა, ამას ნათელყოფს თუნდაც შემდეგი ფაქტი: თბილისის კომერციული ბანკის ძირითადი კაპიტალი შეადგენდა 500 ათას მანეთს, ხოლო 1872 წელს მისი ბრუნვა 1665 ათას მანეთს უდრიდა. რკინიგზების გაყვანამ, მრეწველობის აღმოცენებამ და განვითარებამ საქართველოში დიდად გაზარდა სავაჭრო ბრუნვა. 1872 წელს, ესე იგი ფოთი-თბილისის რკინიგზის გახსნის პირველ წელს, საზღვარგარეთთან ვაჭრობის მთელი ბრუნვა ამიერკავკასიიდან საქონლის გაზიდვა-შემოზიდვის მიხედვით შეადგენდა 15.079,4 ათას მანეთს, ხოლო 1893 წელს ის უკვე 55.835 ათას მანეთს უდრიდა. თუ ავიღებთ ცალკეულ ქალაქებს, მაგ., თბილისს, აქ სავაჭრო ბრუნვა 1860 წლიდან 1890 წლამდე გაიზარდა 5-ჯერ (7 მილიონიდან 37,6 მილიონამდე), ქუთაისის გუბერნიის ქალაქების მიხედვით კი იგი გაიზარდა 3.745 ათასი მანეთიდან 14,5 მილიონ მანეთამდე. დიდად იზრდება ქალაქების ბიუჯეტიც. 1860 წელს თბილისის ბიუჯეტი შეადგენდა 84,9 ათას მანეთს, ხოლო 1899 წელს მან 1.079,5 ათას მანეთს მიაღწია; ქუთაისის ბიუჯეტი შესაბამისად 11,9 ათასი მანეთიდან 147,9 ათას მანეთამდე გაიზარდა.

XX საუკუნის დასაწყისში საქართველო ადმინისტრაციულად გაყოფილი იყო ორ გუბერნიად — თბილისისა და ქუთაისის გუბერნიებად. ქუთაისის გუბერნიაში შედიოდა ბათუმის ოლქი და სოხუმის ოკრუგი. ოსები ცხოვრობდნენ თბილისის გუბერნიაში (გორისა და დუშეთის მაზრებში). ოსების უმნიშვნელო ნაწილი ცხოვრობდა აგრეთვე ქუთაისის გუბერნიაშიც (რაჭისა და შორაპნის მაზრებში).

1897 წლის აღწერით მოსახლეობის ენობრივი ნიშნის მიხედვით საქართველოში ირიცხებოდა კაცი და ქალი (ათასობით):

ქუთაისის გუბერნიაში (ბათუმის ოლქისა და სოხუმის ოკრუგის ჩათვლით): ქართველი—929,0, სომეხი და ბერძენი—45,8, აზერბაიჯანელი—47,9, ებრაელი—7,0, რუსი—19,0, უკრაინელი—4,0, ბელორუსი—0,2, პოლონელი—2,2 და სხვ. მოსახლეობის საერთო რიცხვი გუბერნიაში შეადგენდა 1.058,0-ს.

თბილისის გუბერნიაში (ზაქათალის ოლქის ჩათვლით): ქართველები—513,3, სომეხი და ბერძენი—295,3, აზერბაიჯანელი—134,2, ებრაელი—5,2, რუსი—79,0, უკრაინელი—6,4, ბელორუსი—0,2, პოლონელი—6,5.

მოსახლეობის საერთო რიცხვი გუბერნიაში შეადგენდა 1.050,9-ს. მთელ საქართველოში მოსახლეობის რაოდენობა უდრიდა 2.108,9 ათას კაცს, ამათგან ქართველი იყო 1.442,3 ათასი კაცი¹.

საქართველოს მოსახლეობა განსაკუთრებით სწრაფად იზრდებოდა XIX საუკუნის მეორე ნახევარში ქალაქების მიხედვით. 1865 წ. საქართველოს ყველა ქალაქში ირიცხებოდა 120.899 კაცი ხოლო 1897 წ. მათი მოსახლეობა 296.372 კაცამდე გაიზარდა.

„კაპიტალიზმის განვითარებამ რუსეთში განაპირობა ახალი კლასის—პროლეტარიატის წარმოშობა. რუსი პროლეტარიატის სახით ჩვენი ქვეყნის ყველა ეროვნების მშრომელებმა ისტორიაში პირველად პირველად საიმედო ხელმძღვანელი იმ ბრძოლაში, რომელსაც ისინი სოციალური და ეროვნული ჩაგვრის მოსპობისათვის ეწეოდნენ“².

მრეწველობის განვითარებასთან ერთად საქართველოში წარმოიშვა მუშათა კლასი, რომელიც რუსეთის პროლეტარიატის შემადგენელ ნაწილს წარმოადგენდა და რომელიც ყალიბდებოდა გაპროლეტარებული გლეხებისა და, აგრეთვე, ქალაქის გალატაკებული ხელოსნებისაგან. XX საუკუნის დასაწყისში საქართველოში, ოფიციალური ცნობების საფუძველზე შედგენილი დაახლოებითი გაანგარიშებით, მუშათა კლასის რაოდენობა 35.402 კაცს უდრიდა. მათგან ქართველები შეადგენდნენ 70%-ს, შემდეგ—სომეხები, რუსები და სხვა ეროვნებანი.

ბატონყმობის გაუქმების შემდეგ საქართველოს სოფლის მეურნეობაში დაიწყო დაქირავებული მუშების კადრების ჩამოყალიბება გაპროლეტარებული ღარიბი გლეხობის წრიდან. სოფლის მეურნეობის მუშები დაკავებული იყვნენ საუფლისწულო მამულებში, მემამულეთა ცალკეულ მეურნეობებში და ა. შ. სოფლის მეურნეობის მუშათა საერთო რაოდენობა 62.121 კაცს შეადგენდა.

¹ ეს ცნობები ამოღებულია დ. ი. მენდელეევის წიგნიდან „К познанию России“, სპბ, 1907 წელი, გვ. 36—41.

² „თეზისები უკრაინის რუსეთთან შეერთების 300 წლისთავის შესახებ (1654—1954 წწ.)“, ვახ. „კომუნისტი“, 1954, № 9, 2 იანვარი.

საქართველოს სამრეწველო მუშების მატერიალური და უფლებრივი მდგომარეობა კიდევ უფრო მძიმე იყო, ვიდრე რუსეთში. კაპიტალისტურ ექსპლოატაციას თან ერთვოდა მკაცრი ნაციონალურ-კოლონიური ჩაგვრა. საქართველოში, ისე როგორც ამიერკავკასიაში საერთოდ, არ ვრცელდებოდა ის საფაბრიკო კანონებიც კი, რომლებიც რუსეთში მოქმედებდნენ. საფაბრიკო-საქარხნო ინსპექცია საქართველოში მხოლოდ 1902 წელს შემოიღეს, მაგრამ იგი ფორმალურად არსებობდა და თითქმის არაერთარ საქმიანობას არ ეწეოდა. დამახასიათებელია ისიც, რომ ეს ინსპექცია ხარკოვის ოლქს ემორჩილებოდა. სამუშაო დღის ხანგრძლიობა სავალდებულო ზედმეტ სამუშაოსთან ერთად კანონით არ წესრიგდებოდა. ფართოდ იყენებდნენ ქალთა და ბავშთა შრომას, რაშიაც გაცილებით ნაკლებ გასამრჯელოს იძლეოდნენ, ვიდრე მოზრდილი მამაკაცის შრომაში. არ არსებობდა სამედიცინო დახმარება, დაზღვევა ინვალიდობისა და დასახიჩრების შემთხვევისათვის.

მუშათა მათხოვრული სამუშაო ხელფასი იკვეცებოდა ჯარიმების, ყოველგვარი დაქვეითებისა და მოტყუების გზით. მეფაბრიკეები და ადმინისტრაცია განუსაზღვრელ თვითნებობას იჩენდნენ, სცემდნენ და აწამებდნენ მუშებს.

განსაკუთრებით მძიმე იყო მუშათა საბინაო პირობები. თბილისსა და ბათუმში ისინი ცხოვრობდნენ განაპირა უბნებში, ბინძურ და ვიწრო ქოხმახებში. ქიათურის მუშების საბინაო პირობების შესახებ „ისკრა“ წერდა:

„არსებული შენობები—ეს სახელდახელოდ აგებული, ნოტიო, ბნელი და ჭუჭყიანი ბარაკებია, ხვრელებიანი და იმდენად ცივი ზამთრობით, რომ ვერც ერთი მუშა ვერ ბედავს იქ ღამის გატარებას. ამასთან ერთად ბინები იმდენად ვიწროა, რომ დაახლოებით ექვსი კვადრატული საყენის ზომის ბარაკში 20 და უფრო მეტი მუშაა მოთავსებული“¹.

ქიათურაში მუშათა უმრავლესობა ღია ცის ქვეშ ცხოვრობდა. ზამთრობით და ცუდი ამინდის დროს ისინი თავს აფარებდნენ მალაროებს.

ლ. კეცხოველი 1901 წელს წერდა, რომ ქართველ მუშას რუს და სომეხ მუშასთან ერთად სასტიკ ექსპლოატაციას უწევდნენ, მის მიერ შექმნილ პროლეტს მთლიანად მესაკუთრე ითვი-

¹ გახ. „ისკრა“, 1902, № 16.

სებდა, მას კი რჩებოდა მხოლოდ ნამცეცები და განუწყვეტელ ტანჯვა-წამებას განიცდიდა¹.

საშინელი კაპიტალისტური ექპლოატაციით და ეროვნული ჩაგვრით გაწამებულმა საქართველოს მუშებმა აღრევე გააჩაღეს ბრძოლა თავიანთი მჩაგვრელების წინააღმდეგ. უკვე 1865 წელს თბილისში გაფიცვა მოაწყვეს არსენალის მუშებმა. 1872 წელს და შემდგომ წლებში რამდენჯერმე მოაწყვეს გამოსვლები მიწხოვეის საფეიქრო ფაბრიკის მუშებმა. სამუშაო დღის თვითნებურად გადიდების გამო 1878 წელს გაიფიცნენ ზაიცერის სახელოსნოს მუშები. 1889 წელს გაიფიცნენ ამიერკავკასიის მთავარი სახელოსნოების მუშები და ა. შ.

მუშების ეს გაფიცვები მეტწილად ნაკლებორგანიზებული და სტიქიური იყო, რის გამოც კაპიტალისტები მათ აღვილად ახშობდნენ.

70-იან წლებში საქართველოში წარმოიშვა მუშათა პირველი წრეები, სადაც კითხულობდნენ არალეგალურ ლიტერატურას და იხილავდნენ სოციალ-პოლიტიკურ საკითხებს.

1889—1892 წლებში თბილისში გაჩნდა მუშათა არალეგალური ხელნაწერი ჟურნალები—„განთიადი“, „მუშა“, „სინათლე“.

საქართველოში რომ მატალი კულტურული დონისა და პოლიტიკური შეგნების მქონე მუშები იყვნენ, ამას მოწმობს თბილისის მუშათა ჯგუფის შესანიშნავი წერილი, რომელიც მათ გაუგზავნეს დიდი რუსი სატირიკოსის სალტიკოვ-შჩედრინის გარდაცვალების გამო მის მეუღლეს.

„ნება მოგვეციო ჩვენ, მუშებს,—წერდნენ ისინი—გამოვთქვათ ჩვენი მწუხარება თქვენი დაუფიწყარი და საყვარელი მეუღლის სავალალო დაკარგვის გამო. მიხაილ ევგრაფის-ძის გარდაცვალებამ დაამწუხრა ყველა, ვისაც კი გულწრფელად სურს სიკეთე და ბედნიერება თავისი სამშობლოსათვის. მისი სახით რუსეთმა დაკარგა სიმართლისა და თავისუფლების საუკეთესო, სამართლიანი და ენერგიული დამცველი, მებრძოლი ბოროტებასთან, რომელსაც იგი ლახვარს სცემდა თავისი ძლიერი გონებითა და სიტყვით და ჩვენ, მუშებიც, ვუერთდებით საერთო მწუხარებას დიდი ადამიანის დაკარგვის გამო“².

¹ გახ. „ბრძოლა“, 1901, № 1.

² წერილი დათარიღებულია 1889 წლის აპრილ-მაისის თვეებით. „Историческое наследие“, მოსკოვი, 1934, № 13—14, გვ. 221—223.

ბატონყმობის გაუქმების შემდეგ კაპიტალიზმი გზას იკაფავდა სოფლის მეურნეობაშიც, ანგრევდა მის ნატურალურ-პატრიარქალურ ფორმებს, სახეს უცვლიდა წვრილ გლეხურ მეურნეობას და ბაზრისაგან დამოკიდებულს ხდიდა მას.

ცალკეულ სასოფლო-სამეურნეო რაიონებში მომეტებულად ვითარდება მეურნეობის ესა თუ ის დარგი, ვითარდება მეთამბაქოეობა, რომლის ცენტრი ხდება აფხაზეთი. 1902 წლის ცნობებით აქ 143 სოფლიდან თამბაქოს პლანტაცია გაშენებული იყო 80 სოფელში. თამბაქოს წარმოებამ ოზურგეთის მაზრაში 80-იან წლებში მიაღწია საშუალოდ წელიწადში 8.000 ფუთამდე და დესეტინაზე დაახლოებით 200 მანეთ წმინდა შემოსავალს იძლეოდა. მეურნეობის ამ დარგის შემდგომი განვითარებისათვის ქ. ოზურგეთის მახლობლად მოეწყო თამბაქოს საცდელი სადგური. მეთამბაქოეობა ფართოდ განვითარდა აპარაში (განსაკუთრებით ართვინისა და ბათუმის რაიონებში).

დასავლეთ საქართველოში იზრდება ღვინის, აბრეშუმის, სიმინდის წარმოება საექსპორტოდ.

გორის მაზრაში სამრეწველო მნიშვნელობა ენიჭება მეხილეობას. მევენახეობისა და მეღვინეობის ცენტრი ხდება თელავისა და სიღნაღის მაზრები, საქართველოს მთიან რაიონებში და, აგრეთვე, ბორჩალოს მაზრაში ყველაზე მეტად ვითარდება მერძეობა. აფხაზეთსა და აპარაში ვრცელდება ჩაისა და ციტრუსების კულტურა.

მაგრამ სოფლად კაპიტალიზმი ნელი ტემპით ვითარდება, ვინაიდან ბატონყმობის ნაშთები აქ გაცილებით უფრო ძლიერად იყო ფეხმოკიდებული, ვიდრე ცენტრალურ რუსეთში.

1881 წლის კანონი დროებით-ვალდებულებითი ურთიერთობის ლიკვიდაციის შესახებ საქართველოზე არ გავრცელებულა.

XX საუკუნის დასაწყისისათვის საქართველოში ირიცხებოდა 35.786 გლეხთა კომლი (მთელი გლეხური მოსახლეობის 48,8⁰/₁₀), რომლებიც კვლავ დროებით-ვალდებულ გლეხთა მდგომარეობაში რჩებოდნენ¹.

1904 წელს მარტო თბილისის გუბერნიაში დროებით-ვალდებულ გლეხთა 17.467 კომლი ითვლებოდა².

¹ თრესტ სემინი. Великая головишна. Аграрный вопрос и крестьянская (крепостная) реформа на Кавказе. კიევი, 1911, გვ. 34.

² ს. ავალიანი, Крестьянский вопрос в Закавказье. თბილისი, 1912, ტ. 1, გვ. 427.

XX საუკუნის დასაწყისში გამოსყიდვის ოპერაციაც შენელდა. მაგალითად, ქუთაისის გუბერნიაში 1892—1897 წლების პერიოდში ნადელებს გამოსყიდვას ყოველწლიურად აწარმოებდა 1000 კომლი, ხოლო შემდგომ ხუთწელში—საშუალოდ 558 კომლი წელშიაღწადა.

საუკეთესო სახნავი მიწები, სათიბები მემამულეთა ხელში რჩებოდა. ასე მაგალითად, თბილისის გუბერნიაში მემამულეები ფლობდნენ მთელი კერძომესაკუთრული მიწის 68,11%, მაშინ როცა გლეხთა დიდი უმრავლესობის თითოეულ კომლზე მოდიოდა 1 ჰექტარ მიწაზე ცოტა მეტი. მემამულეებს შორის იყვნენ ისეთი მაგნატები, როგორც თავადი ორბელიანები, რომელთაც ეკუთვნოდათ 80 ათას ჰექტარ მიწაზე მეტი, თავადი ციციშვილები, რომლებიც ფლობდნენ 70 ათას ჰექტარ მიწას და სხვა.

ქუთაისის გუბერნიაში მემამულეები ფლობდნენ მთელი კერძომესაკუთრული მიწის 42% გუბერნიაში იყო 9 მსხვილი მამული (თავადი მინგრელსკების, თავადი გურიელების და სხვა), რომელთა ფართობი შეადგენდა 358.000 დესეტიანას.

საქართველოში უზარმაზარი მამულები ეკუთვნოდა რუსეთის მეფეს (აბასთუმნისა და წინანდალის მდიდარი მამულები). მის ნათესავებს ჰქონდათ მამულები ბორჯომში, ჩაქვში და ა. შ. აფხაზეთში, გაგრის რაიონში პრინც ოლდენბურგსკის ეკუთვნოდა 15 ათას დესეტიანამდე მიწა. წებელდაში დიდი მემამულე იყო გრაფი ბობრინსკი.

დიდძალ მიწას ჰფლობდნენ მონასტრები და ეკლესიები. მართო ახალი ათონის მონასტერს აფხაზეთში 3899 დესეტინა მიწა ეკუთვნოდა. „აფხაზეთში პირადი დამოკიდებულების მოსპობისა და საადგილმამულო მოწყობის დებულების“ საფუძველზე, რაც დამტკიცებულ იქნა 1870 წელს, საუკეთესო მიწები მემამულეებს მიეკუთვნა. გარდა ამისა, მათ ხაზინიდან მიიღეს 400.000 მანეთი ერთდროული დახმარების სახით. აფხაზეთის გლეხთა თითოეულმა კომლმა საშუალოდ 2-3 დესეტინა მიწა მიიღო. მათ თავიანთი ნადელები უნდა გამოესყიდათ 4 წლის ვადაში, ხოლო ამ დროის განმავლობაში დროებით-ვალდებულ გლეხთა მდგომარეობაში რჩებოდნენ. მაგრამ დროებით-ვალდებულებითი ურთიერთობა აფხაზეთში, ისე როგორც საერთოდ საქართველოში, გაუქმებულ იქნა მხოლოდ 1912 წლის 20 დეკემბრის კანონით. სვანეთში რეფორმის შემდეგ გლეხთა მიწის ნადელები ძლიერ შემცირდა. გარდა ამისა,

გლებები იხდიდნენ დიდ ღალას და ასრულებდნენ სხვადასხვა ბეგარას ტყითა და სათიბებით სარგებლობისათვის. აჭარაში საუკეთესო ზღვისპირა მიწები ცარიზმმა საუფლისწულო უწყებებს გადასცა და ურიგებდა მიღალი წოდების სამხედრო მოსამსახურეებსა და ჩინოვნიკურ ბიუროკრატias. მიწა კვლავ ადგილობრივი მემამულე-ბეგებისა და სამღვდელოების ხელში რჩებოდა. მხოლოდ 1912 წელს მომზადდა კანონპროექტი, რომლითაც განზრახული იყო აჭარის გლებებისათვის მიენიჭებინათ მიწის ნაკვეთების გამოსყიდვის უფლება გადასახადების 28 წლის განმავლობაში გადახდის პირობით. მაგრამ არც ეს კანონპროექტი განხორციელებულა.

საქართველოში გლებებს სავალდებულო ნაღვლების ერთი ჰექტარი მიწა საშუალოდ დაუჯდა 387 მანეთი, მაშინ როცა ევროპული რუსეთის გლებმა 41 მანეთი გადაიხადა. საქართველოს მემამულეებმა გლებთა პირადი განთავისუფლებისათვის ხაზინიდან მიიღეს 25-დან 50 მანეთამდე „ერთ სულ გლებზე“, რამაც „შეადგინა თანხა 7.000.000 მანეთის რაოდენობით და გლებთა საადგილმამულო ბეგარა მემამულეთა სასარგებლოდ ბატონყმობის დროს არსებულ ნორმაზე მეტად გააღიდა“¹.

საქართველოში კვლავ არსებობდა „ხიზანთა“ სახელწოდებით ცნობილი გლებთა კატეგორია, რომლის მიმართაც ბატონყმობის ლიკვიდაციის კანონი სრულიად არ ყოფილა გამოყენებული.

ხიზნები ითვლებოდნენ მემამულეთა მიწების მოიჯარეებად და მათ დაკისრებული ჰქონდათ მემამულეთა სასარგებლოდ ფულადი და ნატურალური ბეგარა. მაგალითად, გორის მაზრაში, სადაც ოს ხიზანთა უმრავლესობა ცხოვრობდა, საბატონო ბეგარა წლის განმავლობაში 30 ღლეს შეადგენდა. გარდა ამისა, ხიზნები მემამულეებს აძლევდნენ თავიანთი მინდვრებიდან, ბაღებიდან და ვენახებიდან მოსავლის 1/4-ს, ცალკე აძლევდნენ ვადასახადს მემამულეს ტყით, სათიბებით და სხვ. სარგებლობისათვის, მაგრამ მემამულეები ამით არ კმაყოფილდებოდნენ და მოითხოვდნენ ხიზნებიდან საიჯარო გადასახადის მომატებას (მოსავლის 1/2-მდე), ანდა მათ აყრას დასახლებული ადგილებიდან, რასაც ჩვეულებრივად კიდევ აღწევდნენ ადმინისტრაციისა და სასამართლო ორგანოების დახმარებით. ამასთან, ხიზნები ჰკარგავდნენ თავისი

¹ Всеподданнейшая записка по управлению Кавказским адъютанта графа Воронцова-Дашкова, თბილისი, 1907, გვ. 38.

მრავალი წლის შრომის ნაყოფს: ბალებს, ვენახებს, სამეურნეო-შენობებს და ა. შ.

ხიზნების საკითხი იმდენად გამწვავდა, რომ მეფის მთავრობა იძულებული გახდა 1891 წელს გამოეცა საგანგებო კანონი, რომელიც ხიზნებს უფლებრივად ათანაბრებდა დროებით-ვალდებულ გლეხებთან. მაგრამ ამ კანონის მოქმედება ხანმოკლე იყო. ქართველი მემამულეების ზეგავლენით იგი გაუქმებულ იქნა 1900 წელს. XX საუკუნის დამდეგს საქართველოში ხიზანთა სულ მცირე 12.000 კომლი ირიცხებოდა. საგლეხო რეფორმა საქართველოში არ შეხებია აგრეთვე სახელმწიფო გლეხებს.

ოფიციალური ცნობებით 80-იან წლებში „მარტო კავკასიაში სახაზინო მიწებზე დასახლებულ სახელმწიფო გლეხთა შორის ამიერკავკასიის ოთხ გუბერნიაში ითვლებოდა 22.000 სული სრულიად უმიწაწყლო, 66.000 სულზე — ერთ დესეტინამდე ნადელით, 254.000 — ერთიდან ორ დესეტინამდე ნადელით, 5.013 სული — ორიდან ოთხ დესეტინამდე ნადელით. სულ 1.000.000-მდე სული, რომელთა ნადელები კავკასიაში გადასახლებულთათვის ნადელის მიცემის მინიმალურ ნორმაზე ნაკლები იყო“¹.

მხოლოდ 1900 წლის 1 მაისს გამოიცა კანონი, რომლითაც სახელმწიფო გლეხების სასოფლო საზოგადოებებს ნადელად მიეკუთვნათ მთელი ის მიწა, რაც მათ უდავო და ნამდვილ სარგებლობაში იყო. ეს კანონი დამტკიცებულ იქნა 1903 წლის 21 აპრილს. მაგრამ სამიწათმომწყობო სამუშაოები იმდენად ნელი იყო, რომ 1908 წლის 1 იანვრისათვის ამიერკავკასიაში არსებული 5000 სახაზინო სოფლიდან იგი შეეხო მხოლოდ 361 სოფელს 454.790 დესეტინა ფართობით. ეს კიდევ ცოტაა. ამ დროს განმავლობაში არც ერთ სოფელს არ მიუღია წერილობითი საბუთი იმის შესახებ, რომ მას დაუმკვიდრდა მიწის ნადელი. ანრივად, სამიწათმომწყობო სამუშაოთა წარმოების ხუთი წლის პერიოდში არც ერთი სოფელი არ ყოფილა საბოლოოდ მოწყობილი 1903 წლის კანონის საფუძველზე.

ნადელებით სარგებლობისათვის დროებით-ვალდებული გლეხები მემამულეებს უხდიდნენ სანადელო მიწებიდან მიღებული მოსავლის 1/4-ს და არსებითად იმყოფებოდნენ ნახევრად-ბატონყმურ დამოკიდებულებაში თავიანთი ყოფილი მემამულეებისაგან.

ყველა კატეგორიის გლეხთა უმრავლესობა იძულებული იყო

¹ ვ. ი. ლენინი, თბზ., ტ. XVIII, გვ. 99.



ვ. კურნატოვსკი

იჯარით აელო მიწა მემამულეებისა ან ხაზინისაგან. XX საუკუნის დამდეგს გლეხურ მეურნეობათა 60% მიწას იჯარით იღებდა.

უფრო ხშირად გლეხები იძულებული იყვნენ მემამულეებისათვის იჯარა გადაეხადათ ნატურით მოსავლის 1/4-დან 1/2-მდე. გარდა ამისა, მათ აუცილებლად უნდა მიერთშიათ მემამულეებისათვის საჩუქრები, გამასპინძლებოდნენ მათ, ემუშავნათ რამდენიმე დღე მემამულესთან. საქართველოს ბევრ რაიონში საიჯარო ქირა წინასწარვე განსაზღვრული იყო მარცვლეულის გარკვეული რაოდენობის სახით, მოსავლისაგან დამოუკიდებლად. მოუსავლიან წლებში გლეხები იძულებული იყვნენ ჩაებარებინათ მიწის მფლობელისათვის არა მარტო მთელი მოსავალი, არამედ შეესყიდათ კიდევ მარცვლეული იჯარის გადასახდელად. სახაზინო მიწებს იჯარით იძლეოდნენ ფულად გადასახადში. სტატისტიკური ცნობები გვიჩვენებენ, რომ თბილისის გუბერნიაში გლეხების მიერ დამუშავებული მიწების შემოსავლის დაახლოებით 81% მიჰქონდათ მემამულეებს, ხოლო ქუთაისის გუბერნიაში — 75%.

გადასახადებისა და სხვა ბეგართა სიმძიმე მთლიანად გლეხურ მოსახლეობას აწევებოდა. კავკასიაში გლეხები იხდიდნენ სახელმწიფო გადასახადებს 5.570.000 მანეთის რაოდენობით. პრივილეგირებული წოდებანი, მეტწილად ქართველი თავადაზნაურები, რომელთა განკარგულებაში იყო 5.000.000 დესეტინა მიწა, არავითარ გადასახადს არ იხდიდნენ¹.

1900 წლის 12 ივნისის კანონით ნაცვლად საკომლო გადასახადისა 1901 წლის 1 იანვრიდან დაწესებულ იქნა საღალღად საადგილმამულო გადასახადი. პირველი სახის გადასახადი გავრცელდა იმ სახაზინო მიწებზე, რომლებითაც გლეხები სარგებლობდნენ, ხოლო ყველა დანარჩენ მიწაში ახდევინებდნენ საადგილმამულო გადასახადს. მაგრამ თავადაზნაურები ამჯერადაც განთავისუფლებულ იქნენ გადასახადებისგან. გადასახადებით დაბეგვრას ხშირად თვითნებური ხასიათი ჰქონდა.

1905 წლის აგვისტოში გენ. ზ. გ. ქავჭავაძემ მოიარა თბილისის გუბერნიის მთელი რიგი მაზრები გლეხთა განმოსვლების მიზეზების განოსარკვევად. სიღნაღის მაზრაში ანაგის საზოგადოების გლეხებმა მას შესჩივლეს, ჩვენ გადასახადებს ვიხდით 6.000 დესეტინა მიწაზე, ჩვენს განკარგულებაში კი სულ 3.400 დესეტინა

¹ Всеподданнейшая записка по управлению Кавказским краем ген.-адъютанта графа Воронцова-Дашкова, თბილისი, 1907, გვ. 86.

მიწა არისო. საქობაოს საზოგადოების გლეხები გადასახადებს იხდიდნენ 9084 დესეტინაზე, მაშინ როცა მათ განკარგულებაში იყო სულ 6466 დესეტინა და ა. შ.¹

საადგილმამულო და საღალაო გადასახადების გარდა გლეხები იხდიდნენ საერობო გამოსაღებს, ასრულებდნენ ყოველგვარ, როგორც მუდმივ, ისე დროებით საზოგადოებრივ ბეგარას, ისინი იხდიდნენ თანხას სამღვდელთების შესანახად, ეგრეთ წოდებულ „დრამის ფულს“—2 მანეთს კომლზე, რაც არ ათავისუფლებდა მათ ნათლობის, ქორწინების, დაკრძალვისა და სხვა წესების შესრულებისათვის საჭირო ხარჯებისაგან. გორის მაზრაში გლეხებს უნდა ეძლიათ მღვდლისათვის გარკვეული რაოდენობის ხორბალი და ღვინო, სამსხვერპლო პირუტყვის —ტყავი და უნდა გამასპინძლებოდნენ მათ სახლში მოსვლის დროს. გარდა ამისა, დაწესებული იყო ნიხრი: პანაშვიდისათვის—7 მანეთი, განსვენებულის გაცალებისათვის—3-დან 6 მანეთამდე, ქორწინებისათვის—12—15 მანეთი, გარდაცვალების წლის თავზე გამართული წირვისათვის—10—14 მანეთი და ა. შ.²

„ხშირად, —წერდა თიანეთის მაზრის უფროსი ლეონტიევი,— მე მიხდებოდა მხარეთა საჩივრების, გაუგებრობების განხილვა, უცნაური და საშინელი ფაქტების გამოკვლევა: მღვდელმა, რომელსაც სურდა ქორწინებისათვის დათქმულ თანხაზე მეტის მიღება (მაგ., ერთ შემთხვევაში 10 მანეთი), დაიწყო ქორწინების წესის შესრულება, მაგრამ შეწყვიტა იგი და მხოლოდ იმის შემდეგ, რაც გამოსძალა უხერხულ მღვდომარეობაში ჩავარდნილ ნეფე-დედოფალს და შეშფოთებულ საზოგადოებას კიდევ 15 მანეთი, დაამთავრა ქორწინება. სოფელ სვიმონიანთხევის გლეხ ქალს ქმარი და ბავშვი გარდაეცვალა. მას ოჯახში აღარავინ დარჩა, დაკრძალვისათვის მღვდელს გადაუხადა 17 მანეთი, 2 თუნგი (10 ბოთლი) ღვინო, ორი ცხვარი და ორი კოდი პური, ე. ი. დაახლოებით 35 მანეთი, მაგრამ მღვდელი უკმაყოფილო დარჩა და მწუხარებით გულმოკლულ ქალს წაუყენა კიდევ ძიება 3 მანეთზე სასოფლო სასამართლოში“³.

¹ საქართველოს სსრ არქ. ცენ. სახელ. ინსტ., ფ. 570/529, კავკასიის მეფის ნაცვლის კანცელარია, გლეხთა მაგიდის განყოფილება. გენ. ხ. კავკავადის მოხსენება თბილისის გუბერნიის მაზრებში მისი მგზავრობის გამო.

² ჟურნ. „მოგზაური“, 1905, № 11.

³ საქართველოს სსრ აქცი, ფ. 570/529, გენ. ხ. კავკავადის მოხსენება თბილისის გუბერნიის მაზრებში მისი მგზავრობის გამო.

გლებები იხდიდნენ ფულს სასოფლო სამმართველოებისა და პოფლის სკოლების შესანახად. ისინი ეწეოდნენ ხარჯებს ხიდებისა და გზების შეკეთებისათვის, სკოლებისა და ეკლესიების აშენებისათვის, სამხედრო ნაწილების ტვირთის გადაზიდვისათვის, სახაზინო და საზოგადოებრივი დაწესებულებების დაკვისათვის.

1895 წელს სენაკის მაზრაში მარტო საგზაო ბეგარა გლებთა თითოეულ კომლზე ფულად 40 მანეთს უდრიდა¹.

1902 წელს ოზურგეთის მაზრის მოსახლეობა, რომელიც გლებთა 9.934 კომლისაგან შედგებოდა, იხდიდა სხვადასხვა სახის ბეგარას, ფულად თუ ვინაგარიშებთ—61.491 მანეთის რაოდენობით.

იმავე წელს გლებებს უნდა გაეყვანათ სამუშაოდ 10.645 ურემი, 1.949 ცხენი, 68.644 კაცი უცხენოდ და 258 ცხენოსანი. ფულადი გამოხატულებით ეს ნატურალური ბეგარები დაახლოებით 47.303 მანეთს უდრიდა.

იმის გამო, რომ გლებები მეტისმეტად გადატვირთული იყვნენ უაღრესად მძიმე და აუტანელი გადასახადებითა და ყოველგვარი ბეგარით, ოზურგეთის მაზრაში 1901—1903 წლებში დაგროვდა ნარჩენები („ნედლომკები“) 272.065 მანეთისა და 67 კაპიკის რაოდენობით².

1901 წლის ნოემბერში თბილისის მაზრის სართიქალის უბნის სასოფლო საზოგადოებებმა კავკასიის მეფისნაცვალ გენ. გოლიცინს წარუდგინეს განცხადება, რომელშიც სჩიოდნენ:

„...სართიქალის უბანი წარმოადგენს ყოველგვარი ჯარების მოძრაობის ადგილს, სადაც ეწყობა შესაკრები, საბანაკო პუნქტი... ამის გამო ჩვენს უბანს ყოველწლიურად მაისიდან დეკემბრამდე გამოჰყავს გამვლელი სამხედრო ნაწილებისათვის სულ მცირე 2000 ურემი. ამ ბეგარას ჩვენ ვასრულებთ წლის ყველაზე გახურებულ სამუშაოთა დროს და იგი მრავალი დღით აცდენს გლებს და მის პირუტყვს მინდვრად მუშაობისაგან“. შემდეგ განცხადებაში ნათქვამი იყო, რომ ვინაიდან გლებებს არა ჰყავთ საკმაო რაოდენობით მუშა-პირუტყვი და ურემები, ისინი იძულებული არიან იქირაონ ასეთი სხვაგან და გადაიხადონ ამაში ორმაგი და სამმაგი ფასი, რომ ყოველწლიურად ამ უბნის გლებები საურმე ბეგარის შესრულებისათვის იხდიან 20 ათას მანეთს, იმ დროის ჩაუთვლელად, რასაც გლებები ურემების გაძლოლას ანდომებენ³.

¹ საქ. სსრ აცსი, ფ. 1, ს. 66, გვ. 4—16.

² საქ. სსრ აცსი, ფ. 1, 66, გლებთა მაგიდის განყოფილება. კანცელარიის დირექტორის მთადგოლის ნ. მაქსიმოვის მოხსენება.

³ საქართველოს სსრ აცსი, 1, ს. 9, აღწერისა 251|107, ს. 8.

გლეხურ მეურნეობათა ბიუჯეტს ამძიმებდა არაპირდაპირად გადასახადებიც პირველი მოთხოვნის საგნებზე: მარილზე, ნავთსა და ასანთზე.

სპეციალისტების გამოანგარიშებით, საქართველოში ღარიბი გლეხობის მეურნეობანი საერთოდ ხაზინას, მემამულეს, სოფლის ბურჟუაზიასა და სამღვდლოებს უხდიდნენ საშუალოდ თავისი მცირე შემოსავლის 80 პროცენტამდე¹.

გლეხთა მეურნეობისათვის უცხო იყო აგრონომიული დახმარება, მიწის დამუშავების გაუმჯობესებელი მეთოდები, სასოფლო-სამეურნეო მანქანების გამოყენება. საქართველოს რაიონების უმრავლესობა სამმინდვრიანობასაც კი არ მისდევდა. ქუთაისის გუბერნიაში მემინდვრობის დარგში შემოღებული იყო მიწის დასვენების სისტემა. რამდენიმე წლის განმავლობაში მინდორზე თესდნენ სიმინდს, შემდეგ გარკვეული დროის მანძილზე მას ასვენებდნენ. მიწას არასოდეს არ ანოყიერებდნენ. გლეხები კვლავაც მამაპაპურ სასოფლო-სამეურნეო იარაღებს იყენებდნენ. სოფლის მეურნეობის განვითარებას აფერხებდა ის გარემოება, რომ გლეხებს არ ჰყავდათ საკმაო რაოდენობით მუშა-პირუტყვი. ასე მაგ., 1900 წლის ცნობებით, ოზურგეთის მაზრაში ირიცხებოდა დაახლოებით 77 ათასი სული შინაური პირუტყვი, აქედან ცხენი იყო 3.500, ხოლო კამეჩი 100 სული. 1901 წელს პირუტყვის სულადობა აღწევდა მხოლოდ 58 ათას სულს მემამულეების კუთვნილი პირუტყვის ჩათვლით. გლეხთა მეურნეობის მოსავლიანობა ყოველ ათ წელში კლებულობდა. მაგ., ქუთაისის გუბერნიაში საშუალოდ სიმინდის მოსავალი თითოეულ დესეტინაზე უდრიდა 27—30 ცენტნერს, მაგრამ 30 წლის შემდეგ, XX საუკუნის დამდეგს, საშუალო მოსავალი იმავე ფართობზე შეადგენდა უკვე 7—10 ცენტნერს.

„უმეტესი ნაწილი ჩვენის საზოგადოების მცხოვრებთა ღარიბია. — წერდა გაზეთ „ივერიაში“ კორესპონდენტი ქუთაისის მაზრიდან, — პურს იშვიათად სთესენ. ყველა სიმინდს ეტანება, მაგრამ კარგ ამინდშიაც წლის სარჩო თითქმის ვერავის მოჰყავს. ამ საზოგადოების ავლა-დიდება ღვინო იყო და ამან ბოლო ხანებში ძალიან იკლო“².

უკანასკნელი გარემოება აიხსნება იმით, რომ საკმაოდ არ უგლიდნენ ვაზს, ვრცელდებოდა ფილოქსერა და არ მოიპოვე-

¹ Материалы по распространению крестьянского банка на Закавказском Край, გვ. 239.

² გაზ. „ივერია“, 1893, № 297.

ზოდა წამალი მის წინააღმდეგ საბრძოლველად. მოუფლელობის გამო ცუდად ვითარდებოდა მებალეობა. თუფის ხის ფოთლების ნაკლებობისა და იმის გამო, რომ მოსახლეობას არ ჰქონდა ტექნიკური ცოდნა, ფერხდებოდა მეაბრეშუმეობის შემდგომი განვითარება.

მოსახლეობის ზრდასა და მიწის მოთხოვნილების გადიდებასთან ერთად მისი საბაზრო ღირებულება ძლიერ იზრდებოდა. აკამარისია აღინიშნოს, რომ, მაგ., ოზურგეთის მაზრაში ერთი ქვევა მიწა (0,4 ჰექტარი) მე-20 საუკუნის დამდეგს ღირდა 500 მანეთიდან 800 მანეთამდე.

გლეხობის მნიშვნელოვანი ნაწილი იძულებული იყო საშოვარზე წასულიყო. ისინი მუშაობდნენ შავი ზღვისპირა რკინიგზის მშენებლობაზე; მემამულეთა, სამონასტრო და საუფლისწულო მამულებში, მოჯამაგირედ უდგებოდნენ კულაკებს. ღარიბი გლეხობის პროლეტარიზაცია ხელს უწყობდა მუშახელის ბაზრის ზრდას. ჩამოსული გლეხები ბევრი იყო ქალაქებში—ბათუმში, ფოთში, თბილისში, ბაქოში, ნოვოროსისკსა და ოდესაში.

მაგ., რაჭის მაზრიდან 1897 წელს „საშოვარზე“ წასული იყო მამაკაცთა მოსახლეობის 29 პროცენტი. შორაპნის მაზრაში გლეხურ კომლთა 90 პროცენტი იძულებული იყო შეეგოს თავისი ბიუჯეტი „საშოვრებით“. 1904 წ. ოზურგეთის მაზრის 4 სასოფლო საზოგადოებიდან, სადაც 2.073 გლეხური კომლი ირიცხებოდა, „საშოვარზე“ წავიდა 1.188 კაცი¹.

ზემოთ მოხსენებული გენ. ზ. ჭავჭავაძე, რომელიც მივიღინებული იყო თბილისის გუბერნიის მაზრებში გლეხების მდგომარეობის გამოსარკვევად, იძულებული იყო თავის მოხსენებაში აღენიშნა, რომ თიანეთის მაზრაში გლეხები გაჭირვებას განიცდიდნენ და შიმშილობდნენ უკვე 15 წლის განმავლობაში. „პირადად, ვიცნობ,—წერდა ზ. ჭავჭავაძე,—ბევრი გლეხის ოჯახს, რომელთა წევრები ზამთრის განმავლობაში პურს ჭამენ დღეგამოშვებითა, ხოლო ზოგჯერ ყოველი ორი დღის შემდეგ, რადგან საკუთარი პური არა აქვთ. გლეხები ძლივს ირჩენენ თავს შემთხვევითი სამუშაოებით“².

¹ საქართველოს სსრ აცსი, ფ. 1, ს. 66, გვ. 4—16.

² საქ. სსრ აცსი, ფ. 570/519. კავკასიის მეფისნაცვლის კანცელარია, გლეხთა მაგიდის განყოფილება. გენ. ჭავჭავაძის მოხსენება თბილისის გუბერნიის მაზრებში მისი მგზავრობის გამო.

იმავე მოხსენებაში გენ. ზ. ჭავჭავაძეს მოჰყავს ფაქტები, რომლებიც ნათელყოფენ მთიელ გლეხთა ცხოვრების განსაკუთრებით მძიმე პირობებს. მაგალითად, ხევსურები ნახევრად მშვიგრები იყვნენ და იკვებებოდნენ ისეთი პურიით, რომელიც სრულიად უვარგისი იყო საკმელად. მათი არსებობის პირობები იმდენად მძიმე იყო, რომ ხევსურთა ოჯახებში ჩვეულებად იქცა ორზე მეტი ბავშვი არ ჰყოლებოდათ. ხევსურთა რიცხვი ნელა, მაგრამ განუხრელად კლებულობდა.

ჟურნალ „მოგზაურის“ კორესპონდენტი, აღწერს რა გორის მაზრის გლეხთა ცხოვრებას, აღნიშნავს, რომ მათი საცხოვრებელი შენობა ნახევრად სარდაფს, ნახევრად მიწაში ჩაფლულ, ნახევრად დანგრეულ, ულანათო და ქუჩყიან ფარდულს წარმოადგენდა. ამლატაკურ სარდაფში ერთად ცხოვრობდა გლეხის პირუტყვი და ოჯახი; მათ ერთად ეძინათ და ერთად მუშაობდნენ მინდვრად. ოჯახის წევრებს საერთო ქვეშაგები ჰქონდათ, საბანი ზოგს ჰქონდა, ზოგი კი ჯარისკაცის ფარაჯას იხურავდა, დღით რომ ტანზე ეცვა. უსაზღვრო სილატაკე, საცხოვრებელი შენობის სივიწროვე და ცხოვრების მძიმე პირობები—აი როგორი იყო გორის მაზრის გლეხის ყოფაცხოვრება. აქ ცხოვრობდნენ დროებით-ვალდებული, სახაზინო, საეკლესიო-სამონასტრო, საუფლისწულო გლეხები და ხიზნები. უფრო ხშირად გლეხები სხვის მიწაზე ცხოვრობდნენ და მიწათმფლობელებს მიწის სარგებლობისათვის აძლევდნენ თავიანთი მოსავლის უმეტეს ნაწილს ნატურით ან ფულით. მათ არ შეეძლოთ სახაზინო ან მემამულეთა ტყიდან შეშის ან საშენი მასალის გამოტანა, თუ წინასწარ გადასახადს არ მისცემდნენ. მათ არ შეეძლოთ ქვის, ლორღის, ქვიშის წალბა, თევზის ქერა, თუ „წყლის“ გადასახადს არ გადაიხდიდნენ. გარკვეული დროის განმავლობაში მათ საბატონო ბეგარა უნდა შეესრულებინათ მემამულეთა სასარგებლოდ, ისინი იხდიდნენ ფულს მამასახლისისა და მღვდლის შესახად.

ასეთ უსაზღვრო გაპირვებაში იყოფ გლეხს,—წერს დასასრულ ჟურნალ „მოგზაურის“ კორესპონდენტი,—არ შეუძლია დამშვიდებული იყოს, შეეგუოს ცხოვრების ამ არაადამიანურ პირობებს და სწორედ ეს იყო ქართლის გლეხების მღელვარების მიზეზი¹.

¹ მხედველობაშია გლეხთა რევოლუციური ბრძოლა გორის მაზრაში 1905 წლის წინახაჩვში. ჟურნალი „მოგზაური“, 1905, № 11.

მაგრამ საქართველოს ყველა გლეხი ერთნაირ მდგომარეობაში როდი იმყოფებოდა. კაპიტალიზმის შემოჭრასთან დაკავშირებით საქართველოს სოფელში გაძლიერდა დიფერენციაციის პროცესი, სულ უფრო ძლიერდებოდა წინააღმდეგობა, ერთი მხრით, გლეხებსა და მემამულეებს შორის, რომლებსაც ხელთ ჰქონდათ მიწის საუკეთესო ნაწილი, და, მეორე მხრით, გლეხების ძირითად მასასა და კულაკობას შორის.

გლეხ-კულაკთა პატარა ჯგუფის სიმდიდრის ზრდა და გლეხთა უმრავლესობის ლატაკური, ნახევრად მშვიერი არსებობა—ასეთი იყო ქართული სოფლის ტიპიური სურათი. რეფორმის შემდეგ გლეხობა იყოფოდა ფენებად, დიფერენციაციის შედეგად ერთ პოლუსზე გამოიყოფოდა სოფლის ბურჟუაზია, მეორეზე კი ლარიბი გლეხობა, რომელიც კარგავდა წარმოების საშუალებებს და ძირითადად წარმოადგენდა კაპიტალისტური საზოგადოების ახალი კლასის—ნაციონალური პროლეტარიატის შექმნის წყაროს.

გლეხობის ფენებად დაყოფის მკაფიო სურათია მოცემული გაზეთ „ივერიის“ მე-13 ნომერში (1878 წ.). მაგალითისათვის აღებულია კახეთის სოფელი, სადაც ერთმანეთს მძაფრად უპირისპირდებიან სოფლის შეძლებული ფენები თავიანთი მდიდრად მორთული სახლკართა და ბაღ-ვენახებით და ლარიბ-ლატაკი გლეხობა, რომელსაც სარჩო-საბადებელიც კი არ გააჩნდა.

მემამულეთა მეურნეობა ბატონყმობის გააქმების შემდეგ ნელ-ნელა ეგუებოდა კაპიტალისტური განვითარების პირობებს. მემამულეებისათვის უფრო ხელსაყრელი იყო მიწის იჯარით გაცემა, ვიდრე საკუთარი მეურნეობის წარმოება, ინვენტარის, მანქანების შეძენა და მუშების დაქირავება.

მაგალითად, XIX საუკუნის დამლევს მთელ გორის მაზრაში სულ 4-5 მემამულე თუ მოინახებოდა ისეთი, რომელიც თავის მეურნეობას კაპიტალისტურ საწყისებზე წარმართავდა. ბევრი მემამულე, იმის გამო, რომ ვერ ეგუებოდა მეურნეობის ახალ პირობებს, ყიდდა თავის მიწას. მიწებს ყიდდა ხაზინაც. ამ მიწებს ყიდულობდნენ უმთავრესად კულაკები და სოჭეხი ბურჟუაზია.

თბილისის მაზრის სართიკალის უბნის გლეხები კაკასიის მეფისნაცვალ გოლიცინს 1901 წელს სწერდნენ, რომ მათ რაიონში კულაკები ხაზინიდან იღებენ მიწის დიდ ფართობებს, შემდეგ მათ პატარ-პატარა ნაკვეთებად ანაწილებენ და ამ სახით გადასცემენ

სარგებლობისათვის გლეხებს სამმაგ და მეტ-ფასად, რითაც ღარიბი გლეხის შრომის ხარჯზე უდიდეს მოგებას ღებულობენო¹.

საქართველოს სხვა ნაწილებისაგან განსხვავებით სიღნაღის მაზრაში (ქიზიყში), სადაც სახაზინო გლეხები ცხოვრობდნენ, თემური მიწათსარგებლობა არსებობდა. კაპიტალისტურ ურთიერთობათა განვითარების ზეგავლენით იწყება თემური მიწათმფლობელობის რღვევისა და სოფლის ბურჟუაზიის გაძლიერების პროცესი. საქართველოს ამ ნაწილის მდგომარეობის დახასიათებისას ხელისუფლების წარმომადგენლები იძულებული იყვნენ აღენიშნათ:

„... ქიზიყის მიწათმფლობელობის საერთო კოლორიტი შეიძლება დახასიათებულ იქნეს სიტყვებით: „სრული ქაოსური მდგომარეობა“.

ერთი საზოგადოება არ არის გამიჯნული მეორისაგან, ყოველი საზოგადოების შიგნით გამეფებულია სრული თვითნებობა მიწათსარგებლობის წესის მხრივ. ყველგან გაბატონებულია ძლიერის უფლება. დასასრულ, ქიზიყი გახრწნილია მიწათმფლობელობის იმ წესის გამო, რომელსაც „თემი“ ეწოდება... მიწა ეკუთვნის საზოგადოებას—ეს გამოთქმა წმინდა ფიქციაა. ნამდვილად მიწა ეკუთვნის შეძლებულ ბებატონეებს სოფლად... აქ თქვენ ხედავთ დიდძალი ქონების პატრონ გლეხებს, რომლებიც იხდიან გადასახადს 500—600 მანეთამდე წელიწადში და მათ გვერდით გლეხ-მოჯამაგირეებისა და პროლეტარების 90%-ს².

სოფლის ფენებად დაყოფის პროცესი ხასიათდება უწინარეს ყოვლისა მიწათმფლობელობით. სპეციალური გამოკვლევის საფუძველზე გამოირკვა, რომ XX საუკუნის დამდეგისათვის გორის მაზრის 26 სოფლის გლეხებიდან ჭლებთა ყველა კატეგორიის მიხედვით მიწას ჰფლობდა:

1 ჰექტარამდე — 40,42%
1-2 ჰექტარამდე — 21,37%
2-3 ჰექტარამდე — 14,85%
3-5 ჰექტარამდე — 8,83% ³

¹ საქ. სსრ აცსი, ს. № 8, აღწერის 251/107. თბილისის მაზრის სართი-ჭალის უბნის სასოფლო საზოგადოებათა მოწყობის შესახებ.

² საქ. სსრ აცსი, კავკასიის მეფისნაცვლის კანცელარიის საქმე, გლეხთა ნაგიდის განყოფილება. № 570/529.

³ ჟურნალი „Кавказское сельское хозяйство“, 1903, გვ. 955—956.



ლადო კესხოველი

თუ იმ პირებს, ვინც 2 ჰექტარამდე მიწას ფლობს, ჩავთვლით ღარიბებად, ორიდან ხუთამდე—საშუალო გლეხებად, ხოლო ხუთ ჰექტარზე მეტს—კულაკებად, მივიღებთ შემდეგ სურათს:

ღარიბები	—64,79%
საშუალო გლეხები	—26,38%
კულაკები	—8,83%

გლეხთა დიფერენციაციის ასეთივე სურათი იყო საქართველოს სხვა რაიონებშიც.

„ქუთაისის გუბერნიაში,—წერდა ვ. ი. ლენინი, —29.977 კომლზე ითვლებოდა უმიწაწყლო და კომლზე ერთ დესეტინამდე ნადელის მქონე 2541 კომლი, ერთიდან ორ დესეტინამდე—4227, ორიდან სამამდე—4016, სამიდან ხუთამდე—5321 კომლი. უახლესი ცნობებით, წერდა შემდეგ ლენინი, ქუთაისის გუბერნიაში 33 პროცენტამდე მიწით არაუზრუნველყოფილი კომლი ითვლებოდა“¹.

გლეხობის ფენებად დაყოფის ნათელ სურათს იძლევა აგრეთვე მუშა და პროლეტარული პირუტყვების განაწილება.

ასე მაგალითად, თელავის მაზრაში სოფლის ბურჟუაზია ფლობდა პირუტყვის 44%-ს, მაშინ როცა გლეხურ მეურნეობათა 54%-ს სულ არა ჰყავდა მუშა პირუტყვი, ხოლო მეურნეობათა 14%-ს მხოლოდ თითო სული გააჩნდა².

სოფლის ბურჟუაზია სასტიკ ექსპლოატაციას უწევდა ღარიბ გლეხობას. ამ ექსპლოატაციის ზემოთ მითითებული ფორმის გარდა, ღარიბთა მეურნეობის უმრავლესობა ყოველგვარი ჯურის შემსყიდველების, მედუქნეებისა და სოფლის მევახშეების ვალში იყო. ზრდის ნორმალურ პროცენტად ითვლებოდა 200—300%. ზოგჯერ საქმე ფაქტიურ მონობამდე მიდიოდა. მაგალითად, შვილი მამის ვალში კულაკის მოჯამაგირედ უნდა ყოფილიყო რამდენიმე წელიწადი³.

გლეხურ მეურნეობაზე მეტად უარყოფით გავლენას ახდენდა აგრეთვე ბატონყმობის უფლებრივი ნაშთები. უფლებრივად გლეხები მთლიანად ადმინისტრაციის თვითნებობისაგან დამოკიდებული გახდნენ.

¹ ვ. ი. ლენინი, თხზ., ტ. 18, გვ. 99.

² „Кавказское сельское хозяйство“, 1903, გვ. 955—956.

³ იქვე, გვ. 955—956.

1865 წლის 14 ოქტომბრის კანონით საქართველოში შემოღებულ იქნა ეგრეთ წოდებული სასოფლო მმართველობა, რომელსაც უნდა შეესრულებინა როგორც ადმინისტრაციული, ისე სამეურნეო ერთეულის მოვალეობანი. არსებითად სოფლად მთელი ძალაუფლება მამასახლისისა და მწერლის ხელში იყო. ისინი არ ემორჩილებოდნენ სოფლის ყრილობებს და, როგორც წესი, მათსა მაზრო ადმინისტრაცია ნიშნავდა. გლახთა დამოუკიდებელი თვითმმართველობის ნაცვლად შეიქმნა ფისკალურ-პოლიციური კანცელარია, რომელიც თავისი ნება-სურვილის მიხედვით განაგებდა გლახობის ყველა სამეურნეო და საზოგადოებრივ საქმეს.

სასოფლო სამმართველოში გაბატონებული იყო უკანონობა, თვითნებობა, მექრთამეობა, არეგ-დარევა. ლარიბი გლახობის შეუბრალებლად მყვლეფავი სოფლის ადმინისტრაციის ტიპი რეალისტური სიმართლით ასახულია მოთხრობაში „მოსე მწერალი“, რომელიც ცნობილი ქართველი მწერლის ე. ნინოშვილის კალამს ეკუთვნის, უკანასკნელი კი მშვენივრად იცნობდა ქუთაისის გუბერნიის რეფორმის შემდგომდროინდელ სოფელს. მთლიანად სამაზრო ადმინისტრაციის ხელში აღმოჩნდნენ სოფლის სასამართლოებიც, რომლებიც ისედაც არ შეესაბამებოდნენ ცხოვრების მოთხოვნილებებს და თავიანთ გადაწყვეტილებათა გამოტანისას თვითნებურად და მიკერძოებით მოქმედებდნენ. მოსახლეობის ნდობას მოკლებული იყვნენ მომრიგებელი მოსამართლეებიც, რომლებიც სულ ერთიანად დანიშნულ რუს მოხელეთაგან შედგებოდნენ. მომრიგებელი მოსამართლეები არ იცნობდნენ ადგილობრივ პირობებს, არ იცოდნენ ქართული ენა და არაკეთილსინდისიერ თარჯიმანთა გავლენის ქვეშ ხვდებოდნენ.

მეფის მთავრობა განზრახ წარმართავდა საქმეს ისე, რომ მშრომელთა მასები უმეცრებასა და სიბნელეში ყოფილიყვნენ. მშრომელი მოსახლეობისათვის მიუწვდომელი იყო საშუალო განათლება. ასე მაგალითად, თბილისის ვაჟთა გიმნაზიაში 1898 წელს 2196 მოსწავლიდან მხოლოდ 40 (1,4%) იყო გლახი, ხოლო ქალთა საშუალო სასწავლებელში 3671 ქალიშვილიდან გლახი იყო 70 (2%-ზე ნაკლები).

მართალია, გლახის შვილებს იღებდნენ დაწყებითს, ეგრეთ წოდებულ სამონასტრო და საეკლესიო-სამრევლო სკოლებში, მაგრამ ოფიციალური ცნობები ნათელყოფენ, თუ ჭა მდგომარეობაში იმყოფებოდნენ ეს სკოლები.

მაზრაში, — წერს თიანეთის მაზრის უფროსი ლეონტიევი,

— არ არის არც ერთი ცოტად თუ ბევრად ინტელიგენტი მასწავლებელი, სკოლები გაქუქყიანებული და გატიალებულია... სკოლების მდგომარეობა სულ მცირე მოთხოვნილებასაც ვერ აკმაყოფილებს. არის სოფლები, სადაც სკოლა ათეული წლებია რაც არსებობს, სადაც საზოგადოება 300—600 მანეთს ხარჯავს წელიწადში სკოლის შესანახად, მაგრამ არ მოიპოვება არც ერთი წერა-კითხვის მკოდნე აღამიანი, რომელსაც შეეძლოს წერილის დაწერა გლეხისათვის¹.

ასეთივე მდგომარეობაში იყო სოფლის სკოლები საქართველოს სხვა რაიონებშიც. მწერალი ე. ნინოშვილი, რომელიც ერთ დროს მასწავლებლად მუშაობდა ოზურგეთის მაზრის სოფ. ჩოჩხათში, იღია ქავეკაეძეს სწერდა, რომ ამ სოფლის სკოლა ძალიან ცუდ მდგომარეობაშია, მასში ქარი თავისუფლად ნავარდობს, იგისრულიად მოუწყობელია. კვამლსადენი ჩამოინგრა, ოთახში კვამლის ბური დვას, რაც მოსწავლეებს (კიდევ უფრო მეტად მასწავლებელს) თვალებს სწვავსო! სამასწავლებლო ოთახი არ არის. მასწავლებელი მოკლებულია საშუალებას შეიძინოს რაიმე სახელმძღვანელო, რათა გააუმჯობესოს სწავლების ხარისხი. სკოლას, როგორც ე. ნინოშვილი აღნიშნავს, არ ჰქონია ხის სასკოლო დაფა, სკამი, მაგიდა მასწავლებლისათვის, საანგარიშო, შკაფი, მოსწავლეთა მერხები კი უვარგისი, შეუღებავი და საზიზღარი ყოფილა.

მსმენელთა რიცხვი ამ სკოლაში მატულობდა გაზაფხულზე დაკლებულობდა ზამთრობით, რადგან მოსწავლეებს ცუდად ეცვათდა ამის გამო ზამთარში არ შეეძლოთ სკოლაში სიარული².

ცარიზმი სკოლებს რუსიფიკატორული / პოლიტიკის იარაღად სთვლიდა და ამის გამო ყოველნაირად კვეცავდა იქ მშობლიური ენის სწავლებას. კავკასიის სასწავლო ოლქის მზრუნველის ბნელეთის მოციქულ იანოვსკის ცირკულარით 1881 წლიდან მშობლიური ენის სწავლება ქართულ სკოლებში ნებადართული იყო მხოლოდ პირველი სასწავლო წლის პირველ ნახევარში, შემდეგ კი მოსწავლეებს ყველა საგანი რუსულ ენაზე უნდა ესწავლათ.

მალე ამის შემდეგ გამოიცა ახალი ცირკულარი, რომელიც წინადადებებს იძლეოდა სკოლებში გამოეყენებინათ სწავლების.

¹ საქ. სსრ აცხი, ფ. 570/529 კავკასიის მეფის ნაცვლის კანცელარია, თიანეთის მაზრის უფროსის კაპ. ლეონტიევის მოხსენება 1905 წ.

² ეს ადგილი მოყვანილია ე. ნინოშვილის თხზულებათა რუსული გამოცემის მიხედვით, თხზ., 1950 ტ. 2, გვ. 155.

„მუხჯური“ მეთოდი, რომლის დროსაც მოსწავლეებს უფლება არ ჰქონდათ ესარგებლათ ქართული ენით. რუსული სიტყვების ახსნისას მასწავლებელს უნდა გამოეყენებინა სურათები, ხმათმიმბაძველობა და ა. შ.

მეფის მთავრობა განაგრძობდა ამიერკავკასიასა და საქართველოში კოლონისტების დასახლებას.

„გადასახადების ფონდი,—წერდა ვ. ი. ლენინი,—იქმნება ადგილობრივ მკვიდრთა საადგილ-მამულო უფლებების აღმაშფოთებელი დარღვევის გზით, ხოლო რუსეთიდან გადასახლება ხდება „განაპირა მხარეთა რუსიფიკაციის“ კვლავ იმავე ნაციონალისტური პრინციპისათვის“¹.

1901 წელს შესრულდა რუსეთის იმპერიასთან საქართველოს შეერთების ასი წლისთავი. საიუბილეო თარიღთან დაკავშირებით მოეწყო ოფიციალური დღესასწაულები. ქართველი თავადაზნაურობა და ბურჟუაზიული ინტელიგენცია ყოველნაირად გამოხატავდა თავის ერთგულ ქვეშევრდომულ გრძნობებს ცარიზმისადმი. ქართველმა თავადაზნაურობამ მეფის მთავრობისაგან მიიღო მთელი რიგი წყალობანი: მათ აპატიეს ნარჩენების გადახდა, გაათავისუფლეს გადასახადებისაგან 1907 წლამდე, დაუწესეს ყოველწლიური სუბსიდი 40 ათას მანეთამდე, სტიპენდიები კადეტთა კორპუსებში თავადაზნაურთა შვილებისათვის და ა. შ. იუბილესთან დაკავშირებით მეფის მთავრობას არ განუხორციელებია არც ერთი ღონისძიება მშრომელთა მიმე მატერიალური და უფლებრივი მდგომარეობის შესამსუბუქებლად. უარყოფილ იქნა აგრეთვე თბილისის ბურჟუაზიული ქალაქის საბჭოს შეამდგომლობაც თბილისში პოლიტექნიკუმის გახსნის შესახებ.

თბილისის ლენინურ-ისკრული მიმართულების სოციალ-დემოკრატიულმა ორგანიზაციამ გამოუშვა პროკლამაცია „ქართველ მუშებს“. პროკლამაცია ამხილებდა ცარიზმის ნაციონალურ-კოლონიურ პოლიტიკას და მოუწოდებდა საქართველოს ყველა მშრომელს გაეჩაღებინათ რუსი ხალხის მეთაურობით შეურიგებელი ბრძოლა ცარიზმისა და კაპიტალიზმისაგან განთავისუფლებისათვის.

XX საუკუნის დამდეგს საქართველოში, ისე როგორც მთელ რუსეთში, ეკონომიური განვითარების მთელი მსვლელობა ცხადყოფდა, რომ საწარმოო ძალთა შემდგომი ზრდა შეუძლებელი იყო ისე, თუ არ მოიხსობოდა ეკონომიკაში არსებული ძირითადი წინააღმდეგობა.

¹ ვ. ი. ლენინი, თხზ., ტ. 18, გვ. 101.

„... XIX საუკუნის დასასრულს,— წერდა ვ. ი. ლენინი— რუსეთში ვხედავთ მთელი საზოგადოებრივი განვითარების საჭიროებისა და ბატონყმობის უაღრესად მწვავე წინააღმდეგობას. ეს ბატონყმობა მემამულური, თავადაზნაურული ლატიფუნდიების სახით, მეურნეობის შრომამიგების სისტემის სახით წარმოადგენს. სამეურნეო ევოლუციის მუხრუჭს, ჩაგვრის, ბარბაროსობის, თათრული წესების უსასრულო ფორმების სათავეს რუსეთის ცხოვრებაში“¹.

¹ ვ. ი. ლენინი, თხზ., ტ. 15, გვ. 96.





2

მუშათა მოძრაობა და დენინუარ-ისკაკალი მიმართულების სოსიან-დამოუკაცხიელი ოკგანიზაციის ნაკომობა

XIX საუკუნის დასასრულისა და XX საუკუნის დასაწყისისათვის მსოფლიო რევოლუციური მოძრაობის ცენტრმა გადაინაცვლა რუსეთში, სადაც ამ დროს მზადდებოდა უდიდესი სახალხო რევოლუცია, მიმართული ცარიზმის ფეოდალურ-ბატონყმურ ურთიერთობათა ნაშთებისა და კაპიტალიზმის წინააღმდეგ.

კაპიტალიზმი შევიდა თავისი განვითარების უმაღლეს და უკანასკნელ, იმპერიალისტურ ფაზაში, მან იწყო პარაზიტულ, ლობადა და მომაკვდავ კაპიტალიზმად გადაქცევა.

რუსეთი ამ დროს წარმოადგენდა იმპერიალიზმის ყველა წინააღმდეგობის საკვანძო პუნქტსა და ყველაზე სუსტ რგოლს მსოფლიო იმპერიალიზმის სისტემაში. რუსეთში ბურჟუაზიულ-დემოკრატიული რევოლუცია იმპერიალიზმის ეპოქაში აუცილებლად უნდა გადაზრდილიყო სოციალისტურ რევოლუციაში.

რუსეთი გახდა ლენინიზმის — რუსეთისა და მსოფლიო კულტურის უდიდესი მიღწევის, იმპერიალიზმისა და პროლეტარული რევოლუციების ეპოქის მარქსიზმის — სამშობლოდ.

უდიდესი სახალხო რევოლუციის, მუშათა მოძრაობის, გლეხთა რევოლუციური ბრძოლის აღმავლობის ამ ახალ ისტორიულ ვითარებაში მთელი სიმწვავეით დაისვა საკითხი იმის შესახებ, რომ რუსეთში შექმნილიყო მუშათა კლასის მებრძოლი, რევოლუციური მარქსისტული პარტია, რომელსაც ექნებოდა უნარი სათავეში ჩასდგომოდა მუშათა კლასისა და ყველა მშრომელის ბრძოლას,

ჯაეწია ხელმძღვანელობა ამ ბრძოლისათვის და მიეყვანა იგი გამარჯვებამდე.

პირველი მარქსისტული ჯგუფი — „შრომის განთავისუფლება“ პლენანოვის მეთაურობით შექმნილ იქნა ჯერ კიდევ 1883 წელს. მაგრამ ამ ჯგუფმა, როგორც ლენინი მიუთითებდა, „მხოლოდ თეორიულად დააარსა სოციალ-დემოკრატია და გადასდგა პირველი ნაბიჯი მუშათა მოძრაობისაკენ“¹.

ლენინის პეტერბურგის „მუშათა კლასის განთავისუფლებისათვის ბრძოლის კავშირი“ (1895 წ.) გადაიქცა რუსეთში რევოლუციური პროლეტარული პარტიის ჩანასახად. 1898 წლის მარტში გაიმართა რსდმპ პირველი ყრილობა. მან მხოლოდ გამოაცხადა რუსეთში მუშათა პარტიის შექმნა, მაგრამ არ მოუცია არც პარტიის პროგრამა და არც მისი წესდება.

II ინტერნაციონალის რეფორმისტული პარტიებისაგან პრინციპულად განსხვავებული, ახალი ტიპის პარტიის — კომუნისტური პარტიის შემქმნელი და ბელადი არის ვ. ი. ლენინი. მეცნიერული კომუნიზმის ფუძემდებლების მარქსისა და ენგელსის საქმისა და მოძღვრების დიდი განმგრძობი, რევოლუციის გენია, რევოლუციური მეცნიერების კორიფე ვ. ი. ლენინი მრავალი წლის მანძილზე, XIX საუკუნის 90-იანი წლების დასაწყისიდან, დაუნდობლად ებრძოდა მარქსიზმის აშკარა და ფარულ მტრებს, ოპორტუნიზმის ყოველგვარ გამოვლინებას მუშათა მოძრაობაში. ვ. ი. ლენინმა პირველად მარქსიზმის ისტორიაში დაამუშავა მოძღვრება, პარტიის როგორც პროლეტარიატის ხელმძღვანელი ორგანიზაციის, როგორც ხელისუფლებისათვის ბრძოლაში მისი ძირითადი იარაღის შესახებ.

მარქსისტული პარტიისათვის ბრძოლაში, „ეკონომისტთა“ განადგურებაში, დაქსაქსული სოციალ-დემოკრატიული წრეების გაერთიანებაში, რსდმპ მეორე ყრილობის მომზადებაში გადამწყვეტი როლი შეასრულა ლენინის მიერ შექმნილმა საერთო-რუსულმა მარქსისტულმა გაზეთმა „ისკრამ“. ლენინის გეგმით გაზეთი პარტიული ძალების გაერთიანების, პარტიული კადრების შეკრებისა და აღზრდის ნათელი, მარქსისტული პროგრამის, რევოლუციური ტაქტიკის, ერთიანი ნებისა და რკინისებური დისციპლინის მქონე სრულიად რუსეთის მებრძოლ ცენტრალიზებულ პროლეტარულ პარტიად მათი დარაზმვის ცენტრი გახდა. პარტიის შექმნის ეს

¹ საქ. კომ. პარტიის (ბ) ისტორია. მოკლე კურსი, გვ. 21.

ლენინური გეგმა ემყარებოდა რევოლუციური ბრძოლის საარსებო ამოცანებს და ოსტატურად განაზრგადებდა მარქსისტების ორგანიზაციულ გამოცდილებას. ამ გეგმის გამარჯვებამ საფუძველი ჩაუყარა დარაზმულ, მებრძოლ, გამოწრთობილ კომუნისტურ პარტიას, რომელიც ნიმუში გახდა საერთაშორისო რევოლუციური მუშათა მოძრაობისათვის¹.

რუსეთის სოციალ-დემოკრატიული მუშათა პარტიის (რსდმპ) მეორე ყრილობაზე, რომელიც 1903 წლის 30 ივლისს გაიხსნა, გაიმარჯვა რუსეთში პროლეტარული პარტიის შექმნის გენიალურმა გეგმამ. „ბოლშევიზმი,—წერდა ვ. ი. ლენინი, —როგორც პოლიტიკური აზროვნების მიმდინარეობა და როგორც პოლიტიკური პარტია, 1903 წლიდან არსებობს“².

XIX საუკუნის ბოლოს ევროპაში დაიწყო სამრეწველო კრიზისი, რომელიც გავრცელდა აგრეთვე რუსეთზე. ვ. ი. ლენინმა ჯერ კიდევ 1897 წელს იწინასწარმეტყველა კრიზისის აუცილებლობა.

„ამჟამად,—წერდა ვ. ი. ლენინი,—როგორც სჩანს, კაპიტალისტური ციკლის იმ პერიოდს განვიცდით, როდესაც მრეწველობა „ჰყვავის“. გაცხოველებული ვაჭრობა სწარმოებს, ფაბრიკები მთელი დატვირთვით მუშაობენ და, როგორც წვიმის შემდეგ სოკოები, ისე ჩნდებიან ახალ-ახალი უამრავი ქარხნები, ახალი საწარმოები, სააქციო საზოგადოებანი, სარკინიგზო ნაგებობანი და სხვ. და სხვ. საჭირო არ არის წინასწარმეტყველი იყო, რომ წინასწარ განჭვრიტო ის აუცილებელი კრაზი (ცოტათ თუ ბევრად მძაფრი), რომელიც უნდა მოჰყვეს მრეწველობის ამ „აყვავებას“³.

კრიზისები კაპიტალიზმის აუცილებელი თანამგზავრია და გამოხატავს წინააღმდეგობებს კაპიტალიზმის საწარმოო ძალებსა და წარმოებით ურთიერთობებს შორის, წარმოების საზოგადოებრივ ხასიათსა და მითვისების კაპიტალისტურ ფორმას შორის. კრიზისის მოქმედება რუსეთში, კერძოდ ამიერკავკასიაში, უფრო ძლიერი იყო, ვიდრე რომელიმე სხვა ქვეყანაში. მაშინ, როცა ყველაზე დიდ კაპიტალისტურ ქვეყნებში (აშშ, გერმანია და სხვ.) 1903 წელს დაიწყო ახალი სამრეწველო აღმავლობა, რუსეთში 1902 წელს კრიზისმა მიაღწია უმაღლეს განვითარებას და 1909 წლამდე მრეწვე-

¹ „საბჭოთა კავშირის კომუნისტური პარტიის ორმოცდაათი წელი“ ჟურნ. „Коммунист“ 1953, № 11, გვ. 14.

² ვ. ი. ლენინი, თხზ., ტ. 31, გვ. 9.

³ ვ. ი. ლენინი, თხზ., ტ. 2, გვ. 426—427.



წულუკიძე

ლობა კვლავ შეფერხებას განიცდიდა. რუსეთში კრიზისის ღრმა და ხანგრძლივი ხასიათი აიხსნება ბატონყმობის ნაშთების არსებობით, მით, რომ ძალაუფლება კვლავ მემამულეთა ხელში იყო და კვლავ რჩებოდა მსხვილი მიწათმფლობელობა.

კარიზმის სასტიკი ნაციონალურ-კოლონიური პოლიტიკა, ფეოდალურ-ბატონყმური ნაშთები, რომლებიც აფერხებდნენ საწარმოო ძალთა განვითარებას, მწვავე კლასობრივი წინააღმდეგობანი XIX საუკუნის დამლევისა და XX საუკუნის დამლევისათვის ხელს უწყობდნენ ნამდვილი რევოლუციური ვხთარების შექმნას საქართველოში.

სამრეწველო კაპიტალიზმის განვითარებას თან ახლდა მუშათა მოძრაობის ზრდა. ამ გარემოებამ თავის მხრით მოამზადა ნიადაგი მარქსიზმის გავრცელებისათვის.

საქართველოს მუშებმა მკიდროდ დაუკავშირეს თავიანთი ბედი მთელი რუსეთის მუშათა კლასს, საქართველოს მუშათა კლასის საუკეთესო წარმომადგენლები მარქსიზმ-ლენინიზმის დროშის ქვეშ დადგნენ.

საქართველოსა და ამიერკავკასიაში მარქსიზმის პირველი თესლი შემოიტანეს აქ გადმოსახლებულმა რუსმა მარქსისტებმა.

ი. ბ. სტალინი, ხაზგასმით აღნიშნავდა რა რუსი მარქსისტების როლს ამიერკავკასიასა და საქართველოში მარქსიზმის იდეების გავრცელების საქმეში, წერდა:

„რევოლუციურ მოძრაობაში მე ჩავეები 15 წლის ასაკიდან, როდესაც დავუკავშირდი მაშინ ამიერკავკასიაში მცხოვრები რუსი მარქსისტების არალეგალურ ჯგუფებს. ამ ჯგუფებმა დიდი გავლენა მოახდინეს ჩემზე და შემაყვარეს არალეგალური მარქსისტული ღრტერატურა“¹.

1893 წელს თბილისში აღმოცენდა პირველი ქართული სოციალ-დემოკრატიული ორგანიზაცია. 1898 წ. ამ ორგანიზაციაში შევიდა ი. ბ. სტალინი. თავისი პოლიტიკური მოღვაწეობის დასაწყისიდანვე ი. ბ. სტალინი გამოვიდა როგორც პარტიის ერთგული შვილი, ლენინის ნიჭიერი მოწაფე და მიმდევარი. იგი დაულალავად ეხმარებოდა ლენინს ჩვენი პარტიის მშენებლობაში. საბჭოთა სახელმწიფოს შექმნისა და განმტკიცებისათვის გაჩაღებული ბრძოლის რთულ და მძიმე პირობებში ი. ბ. სტალინი იყო ვ. ი. ლენინის ერთ-ერთი უახლოესი თანამემწე და თანამებრძოლი.

¹ ი. სტალინი, თბზ., ტ. 13, გვ. 119.

1898—1900 წლებში ი. ბ. სტალინის ხელმძღვანელობით თბილისის სოციალ-დემოკრატიული ორგანიზაციის შიგნით ჩამოყალიბდა რევოლუციური ჯგუფი, რომელიც შეურიგებელ ბრძოლას ეწეოდა სოციალ-დემოკრატიული ორგანიზაციის ოპორტუნისტული ნაწილის წინააღმდეგ, რევოლუციური მარქსიზმის ყოველგვარი დამახინჯების წინააღმდეგ და ხელმძღვანელობდა თბილისის პროლეტარიატის გაფიცვებსა და პოლიტიკურ ბრძოლას.

საქართველოსა და ამიერკავკასიაში რევოლუციური მუშათა მოძრაობის დასაწყისიდან რანმომდევრული ლენინელები და ი. ბ. სტალინის თანამებრძოლები იყვნენ — ლ. კეცხოველი, ა. წულუკიძე და სხვ.

ლენინის „მუშათა კლასის განთავისუფლებისათვის ბრძოლის კავშირი“ წარმოადგენდა ნიმუშს, რომელსაც განუზრგლად მიბაძა დენ თავიანთ თეორიულ და პრაქტიკულ საქმიანობაში საქართველოსა და ამიერკავკასიის რევოლუციური სოციალ-დემოკრატები.

1898 წელს თბილისში მოეწყო დიდი გაფიცვა ამიერკავკასიის რკინიგზის მთავარ სახელოსნოებში.

შემდეგ დიდი გაფიცვები მოეწყო ბოზარჯიანცის თამბაქოს ფაბრიკაში, ადელხანოვის ტყავის ქარხანაში, სტამბებში.

გაზეთი „ბრძოლა“ ხაზგასმით აღნიშნავდა მუშათა მოძრაობის ზრდას საქართველოში 1899 წლის ამბებთან დაკავშირებით. როგორც „ბრძოლა“ აღნიშნავს, 1899 წ. 19 აპრილს ქალაქ გარეთ შეიკრიბა სამოცდაათი მუშა, რომლებმაც ერთიმეორეს შეფიცეს მტკიცედ დაკავშირებოდნენ ერთმანეთს და გაეჩაღებინათ ბრძოლა საერთო მტრის—ბურჟუაზიისა და მეფის მთავრობის წინააღმდეგ. ერთი წლის შემდეგ, 1900 წლის 19 აპრილს ქალაქ გარეთ შეიკრიბა უკვე ოთხას-ხუთასამდე მუშა, რომლებმაც სიტყვა მისცეს ერთმანეთს მთელი ძალღონით განემტკიცებინათ მუშათა ძმობა; ერთიანობა და თავგამოდებით შებრძოლებოდნენ მტერს¹.

1900 წლის 1 იანვარს დაიწყო თბილისის „კონკის“ მუშების გაფიცვა. ამავე წლის აგვისტოში გაფიცვა მოაწყვეს რკინისგზის მთავარი სახელოსნოებისა და დეპოს მუშებმა. ეს გაფიცვა წარმოადგენდა რუსეთის მუშათა კლასის მძლავრი მოძრაობის ერთ-ერთ მკაფიო გამოხატულებას, მუშათა კლასისა, რომელმაც გააჩაღა

¹ გაზ. „ბრძოლა“ 1901, № 2—3.

რევოლუციური ბრძოლა ცარიზმისა და კაპიტალისტური ექსპლოატაციის წინააღმდეგ.

ამ პერიოდში ამიერკავკასიის მუშათა მოძრაობაში განსაკუთრებული მნიშვნელობა ჰქონდა თბილისის პროლეტარიატის აშკარა პოლიტიკურ გამოსვლას—1901 წლის საპირველმაისო (22 აპრილს ძვ. სტ.) დემონსტრაციას. „ის ამბავი, —წერდა ლენინური „ისკრა“,—რაც თბილისში კვირას, 22 აპრილს (ძვ. სტილით) მოხდა, ისტორიულად ღირსშესანიშნავია მთელი კავკასიისათვის: ამ დღიდან კავკასიაში იწყება აშკარა რევოლუციური მოძრაობა“¹.

1901 წლის სექტემბრიდან ბაქოში დაიწყო პირველი ქართული სოციალ-დემოკრატიული გაზეთის, ლენინურ-ისკრული ჯგუფის ორგანოს—„ბრძოლის“ გამოცემა.

„ბრძოლა“ იბეჭდებოდა ლ. კეცხოველის მიერ მოწყობილ არალეგალურ სტამბაში, სადაც ლენინის დავალებით მრავლდებოდა „ისკრის“ ცალკეული ნომრები და სხვა ლენინური გამოცემანი, რაც აქედან ვრცელდებოდა საქართველოში, კავკასიისა და სამხრეთ რუსეთის ქალაქებში. კავკასიის ისკრელები, რომლებსაც ი. ბ. სტალინი მეთაურობდა, მთელ თავიანთ რევოლუციურ მოღვაწეობას განსაზღვრავდნენ და წარმართავდნენ ლენინის გენიალური იდეებით. „ბრძოლის“ ფურცლებზე, „ისკრის“ მაგალითის მიხედვით, გაჩაღებული იყო თანმიმდევრული და დაუნდობელი ბრძოლა მარქსიზმის აშკარა და ფარული მტრების წინააღმდეგ, ლიბერალური ხალხოსნობისა და ლეგალური „მარქსიზმის“ წინააღმდეგ, კუსტარულობისა და წრეობანას წინააღმდეგ, „ეკონომისტების“ ოპორტუნიზმის წინააღმდეგ. „ბრძოლა“ იცავდა იმ აზრს, რომ აუცილებელია სოციალ-დემოკრატიული ორგანიზაციების გადასვლა მასობრივ პოლიტიკურ აგიტაციაზე, მარქსიზმის შეერთება მუშათა მოძრაობასთან, პოლიტიკური ბრძოლის გაჩაღება თვითმპყრობელობის წინააღმდეგ.

„ბრძოლა“ ეწეოდა ლენინის იმ გეგმის პროპაგანდას, რომლის თანახმად უნდა შექმნილიყო მებრძოლი და გამობრძმედილი პროლეტარული პარტია ნათელი მარქსისტული პროგრამით, რევოლუციური ტაქტიკით, პარტია, რომელიც იხელმძღვანელებდა მოწინავე თეორიით, რომელიც შეძლებდა მშრომელთა მოწინავე მებრძოლისა და ბელადის როლის შესრულებას.

„ბრძოლა“ შეუერივებელ ბრძოლას ეწეოდა ბურჟუაზიული ნაციონალიზმის წინააღმდეგ, ზრდიდა მუშებსა და ყველა მშრომელს

¹ „ისკრა“ 1901 წ. № 6, ივლისი.

პროლეტარული ინტერნაციონალიზმის სულისკვთებით, რაზმადუ-
ყველა ეროვნების მშრომელებს—რუსებს, ქართველებს, სომხებს,
აზერბაიჯანელებს საერთო ბრძოლისათვის ცარიზმისა და ბურჟუ-
აზიის წინააღმდეგ.

„ბრძოლა“ იცავდა საქართველოსა და ამიერკავკასიის მუშათა-
კლასის რევოლუციური ბრძოლის განუყრელ კავშირს მთელი რუ-
სეთის მუშათა კლასის რევოლუციურ ბრძოლასთან.

„ქართული სოციალ-დემოკრატიული მოძრაობა, — ნათქვამი-
იყო „ბრძოლის“ მოწინავეში, — არ წარმოადგენს კერძო, მარტო-
ქართველ მუშათა მოძრაობას საკუთარი პროგრამით. ის ხელიხელ
გადახვეულია მთელი რუსეთის მოძრაობასთან და, მაშასადამე, ექ-
ვემდებარება რუსეთის სოციალ-დემოკრატიულ პარტიას“¹.

ლენინურმა „ისკრამ“ გაზეთ „ბრძოლის“ გამოცემა აღნიშნა,
როგორც უმნიშვნელოვანესი მოვლენა პარტიული ცხოვრების ის-
ტორიაში.

1901 წლის 11 ნოემბერს თბილისში გაიმართა სოციალ-დემო-
კრატიული ორგანიზაციის კონფერენცია, რომელზეც არჩეულ
იქნა ლენინური მიმართულების რსდმპ თბილისის კომიტეტი.

საქარაველოში მარქსიზმის პროპაგანდის, ლენინური მიმარ-
თულების სოციალ-დემოკრატიული ორგანიზაციის გაფორმებისა და
შემდგომი განმტკიცების საქმეში დიდი როლი შეასრულეს ცენტრ-
რალური რუსეთიდან გადმოსახლებულმა, ლენინის მტკიცე და
თანმიმდევრულმა მომხრეებმა ვ. ა. კურნატოვსკიმ, მ. ი. კალინინმა,
ს. ი. ალილუევმა და სხვ.

XX საუკუნის დასაწყისში ბათუმში ამიერკავკასიის ერთ-ერთ
უდიდეს სამრეწველო ცენტრს წარმოადგენდა. იქ თავმოყრილი
იყო მრავალი ათასი მუშა. ისინი არაერთხელ გამოსულან ეროვნუ-
ლი ჩაგვრისა და კაპიტალისტური ექსპლოატაციის წინააღმდეგ,
მაგრამ მუშათა გამოსვლები მარცხით თავდებოდა იმის გამო, რომ
მათ არ ჰქონდათ ორგანიზაციული ხასიათი და მოკლებული იყუ-
ნენ ხელმძღვანელობას.

1896 წელს ბათუმში რუსმა მარქსისტებმა ი. ლ. ლუზინმა და
გ. ი. ფრანჩესკომ დააარსეს პირველი სოციალ-დემოკრატიული წრე,
მაგრამ იგი დაარბია მეფის საიდუმლო პოლიციამ ჯერ კიდევ 1898
წლის დამდეგს.

ბათუმში მყოფი ქართველი „ლეგალური მარქსისტები“ იმ

¹ ი. სტალინი, თხზ., ტ. I, გვ. 3.

ზაბაბით, რომ ქალაქში თითქოს შეუძლებელი იყო არალეგალური რევოლუციური მუშაობა, კმაყოფილდებოდნენ ლეგალური/ კულტურულ-საგანმანათლებლო მუშაობით ბათუმის მუშათა პატარა ჯგუფში.

რსდმპ თბილისის კომიტეტის დავალებით 1901 წლის ნოემბრის დამლევეს ბათუმში სოციალ-დემოკრატიული ორგანიზაციის დასაარსებლად ჩავიდა ი. ბ. სტალინი. ის დაუკავშირდა მოწინავე მუშებს, შექმნა სოციალ-დემოკრატიული წრეები ბათუმის მთელ რიგ მსხვილ საწარმოებში და მოაწყო არალეგალური სტამბა, სადაც დაიწყო პროკლამაციებისა და ფურცლების ბეჭდვა.

1901 წლის დამლევეს დაარსდა ლენინური მიმართულების რსდმპ ბათუმის კომიტეტი.

1902 წლის იანვარში ბათუმში მოეწყო მანთაშევის ქარხნის მუშების დიდი გაფიცვა, რაც მათი გამარჯვებით დამთავრდა. თებერვალში დაიწყო მუშების გაფიცვა როტშილდის ქარხანაში. 9 მარტს გაიმართა ბათუმის მუშების ცნობილი პოლიტიკური დემონსტრაცია, რომელშიც მონაწილეობა მიიღო დაახლოებით 6 ათასმა კაცმა. აქ განხორციელდა გაფიცვის შეერთება პოლიტიკურ დემონსტრაციასთან. დემონსტრაციას პოლიციამ ტყვია დაუშინა, რის შედეგადაც 15 მუშა მოკლეს და 54 დაჭრეს; დემონსტრაციის მონაწილე 500-მდე მუშა გადასახლებულ იქნა ბათუმიდან. ბათუმის ამბები მოწმობდა რევოლუციური მოძრაობის აღმავლობას ამიერკავკასიაში, ხელს უწყობდა მუშათა კლასობრივი სოლიდარობისა და ინტერნაციონალური შემჭიდროების ზრდას. ამ ამბებმა უდიდესი გამარეგოლუციონერებელი გავლენა მოახდინა ქართულ სოფელზე.

თუ რამდენად გაიზარდა ამ დროს მუშათა პოლიტიკური შეგნება, ამას მოწმობს წერილი, რომლითაც ბათუმის მუშებმა რსდმპ პეტერბურგის კომიტეტს მიმართეს. მუშები ამ წერილში აყენებდნენ კითხვას, როგორ მოვიქცეთ პოლიტიკური დემონსტრაციების დროს, აშკარა შეჯახებისას. ეს მიმართვა გვიჩვენებს, რომ ბათუმის მუშებში სავსებით მომწიფდა განზრახვა გაეჩაღებინათ გადამწყვეტი ბრძოლა არსებული წყობილების წინააღმდეგ და საქირო შემთხვევაში იარაღისათვის მიემართათ.

არანაკლები ყურადღების ღირსია ის გარემოებაც, რომ მუშები გრძნობდნენ ახალი ტიპის პროლეტარული, მებრძოლი და რევოლუციური პარტიის შექმნის აუცილებლობას, ისეთი პარტიისა, რომლისთვისაც დიდი ლენინი იბრძოდა.

ამავე მიმართვაში ბათუმის მუშები წერდნენ, რომ „მუშათა

მოდრაობის მეტი თანმიმდევრობისათვის, მეტი მიზანშეწონილები-
სათვის ბათუმელები გამოთქვამენ სურვილს მოეწყოს ცენტრალური
სრულიად რუსეთის ორგანიზაცია. ერთიანი ცენტრალური ხელმ-
ძღვანელი კომიტეტის მეთაურობით¹.

ცალკეული სოციალ-დემოკრატები მუშაობდნენ აფხაზეთის
მუშებს შორისაც. ისინი ეწეოდნენ პროპაგანდისტულ მუშაობას
მცირერიცხოვან საწარმოთა მუშებში, განსაკუთრებით მაქსიმოვის
ხე-ტყის ქარხანაში. გამოჩენილმა მარქსისტმა და რევოლუციურმა
მოღვაწემ, ი. ბ. სტალინის თანამებრძოლმა ა. წულუკიძემ
დარაზმა აფხაზეთის სოციალ-დემოკრატები ლენინურ-ისკრული მი-
მართულების ერთიან სოციალ-დემოკრატიულ ჯგუფად და 1903
წლის ზაფხულზე იგი გაფორმდა, როგორც რსდმპ ბათუმის კომი-
ტეტის სოხუმის ჯგუფი.

გ. ი. ლენინმა მარქსისა და ენგელსის მითითებებზე დაყრ-
დნობით, მუშათა მოძრაობის შესწავლის საფუძველზე დაამუშავა
მოძღვრება პარტიის, როგორც პროლეტარიატის ხელმძღვანელი
ორგანიზაციის, როგორც ცარიზმისა და კაპიტალიზმის წინააღმდეგ
ბრძოლაში მისი ძირითადი იარაღის შესახებ.

ლენინი გვასწავლიდა, რომ მუშათა კლასს, როდესაც მას
ჰყავს პარტია, რომელიც ხელმძღვანელობს მოწინავე თეორიით და
ასრულებს მშრომელთა მოწინავე მებრძოლისა და ბელადის როლს,
შეუძლია გაიმარჯვოს პროლეტარიატის დიქტატურისათვის ბრძო-
ლაში და ააშენოს სოციალიზმი და კომუნისმი.

შრომაში „რა ვაკეთოთ“ გ. ი. ლენინი წერდა:

„ისტორიამ ახლა ჩვენს წინაშე დააყენა უახლოესი ამოცანა,
რომელიც ყველაზე უფრო რევოლუციური რომელიც გნე-
ბავთ სხვა ქვეყნის პროლეტარიატის ყველა უახლოეს ამოცანა-
თა შორის. ამ ამოცანის განხორციელება, არა მარტო ევროპის,
არამედ აგრეთვე (შეგვიძლია ვთქვათ ახლა) აზიის რეაქციის უაღ-
რესად ძლიერი დასაყრდენის დანგრევა რუსეთის პროლეტარიატს
საერთაშორისო რევოლუციური პროლეტარიატის ავანგარდად გახ-
დიდა“².

რევოლუციური მარქსისტული პარტიის შექმნის აუცილებლო-
ბის შესახებ ლენინური მოძღვრების, ამიერკავკასიისა და საქართ-
ველოში რევოლუციური მოძრაობის ზრდისა და რევოლუციური

¹ „ისკრა“ 1902, № 23.

² გ. ი. ლენინი, თხზ., ტ. 5, გვ. 465.

სოციალ-დემოკრატიის ნაყოფიერი მუშაობის ზეგავლენით იქმნება წინამძღვრები ცალკეული სოციალ-დემოკრატიული ორგანიზაციების გასაერთიანებლად მტკიცე და შემქმნელობით ორგანიზაციად, ერთიანი ხელმძღვანელი ორგანოს მეთაურობით.

ლენინურ-ისკრული მიმართულების სოციალ-დემოკრატიული ორგანიზაციები არსებობდნენ თბილისში, ბაქოში, ბათუმში, ქუთაისში, კიათურაში, გორში, ხაშურში, ფოთსა და სხვა ადგილებში.

1903 წლის მარტს თბილისში გაიმართა სოციალ-დემოკრატიული ორგანიზაციების არალეგალური ყრილობა, რომელსაც 15 დელეგატი დაესწრო. ყრილობამ მოიწონა ლენინური „ისკრის“ ხაზი, მიიღო „ისკრის“ მიერ შემუშავებული პარტიული პროგრამის პროექტი და დაადგინა გამოცემული ყოფილიყო გაზეთი „პროლეტარიატის ბრძოლა“ რუსულ, ქართულ და სომხურ ენებზე.

ყრილობამ ჩაიარა პარტიის შექმნის ლენინური ორგანიზაციული პრინციპების ნიშნით. მან აირჩია სამი დელეგატი რსდმპ II ყრილობაზე გასაგზავნად.

ყრილობაზე არჩეულ იქნა ხელმძღვანელი პარტიული ორგანო — რსდმპ კავკასიის კავშირის კომიტეტი 9 კაცის შემადგენლობით და დამტკიცებულ იქნა მისი ორგანიზაციული წესდება. რსდმპ კავკასიის კავშირის კომიტეტის შემადგენლობაში დაუსწრებლად აირჩიეს ი. ბ. სტალინი, რომელიც იმ დროს დაპატიმრებული იყო და ბათუმის ციხეში იმყოფებოდა. კომიტეტში, ი. ბ. სტალინის გარდა, სხვადასხვა დროს შედიოდნენ: მ. ცხაკაია, ა. წულუკიძე, ს. შაუმიანი, ა. ჯაფარიძე, ბ. კუნიაძე, ვ. ბობროვსკი, ფ. მახარაძე, მ. ბოჭორიძე, მ. დავითაშვილი, ნ. ალაჯალოვა, დ. პოსტალოვსკი და სხვ.

რსდმპ კავკასიის კავშირი ეყრდნობოდა ლენინის მოძღვრებას რევოლუციური მარქსისტული პარტიის, ახალი ტიპის პარტიის შექმნის შესახებ. მან თავიდანვე გააჩაღა დიდი მუშაობა ამიერკავკასიის პარტიული ორგანიზაციების ხელმძღვანელობის უზრუნველსაყოფად, მასების პოლიტიკურად აღზრდისათვის და ამიერკავკასიის ქალაქებსა და სოფლებში რევოლუციური სახალხო მოძრაობის სახელმძღვანელოდ.

რსდმპ კავკასიის კავშირის კომიტეტმა დიდი მუშაობა გასწია 1903 წელს საპირველმართო პოლიტიკური დემონსტრაციების მოსაწყობად თბილისში, ბაქოსა და ამიერკავკასიის სხვა სამრეწველო ცენტრებში.

ამ პერიოდში ამიერკავკასიის რევოლუციური მოძრაობის

ავანგარდში დგება ბაქოს პროლეტარიატი, რომელმაც 1903 წლის ივლისში დაიწყო ცნობილი გაფიცვა, რამაც მალე რუსეთის მთელი სამხრეთი მოიცვა და რაც ისტორიაში შევიდა სახელწოდებით — „საყოველთაო გაფიცვა სამხრეთ რუსეთში“.

საქართველოში გაფიცვა დაიწყო 14 ივლისს ჯერ თბილისში, შემდეგ კი მოედვა ბათუმის, ქიათურის, ხაშურის მუშებს, სადაც მეფის ჯარებთან მუშების შეტაკების შემდეგ მოკლულ და დაჭრილ, იქნა 18 კაცი. დაახლოებით გამოანგარიშებით აქ დროს ამიერკავკასიაში მოწყობილ გაფიცვებში მონაწილეობდა 100 ათასა მდე კაცი¹.

რსდმპ კავკასიის კავშირის კომიტეტის ერთ-ერთ პროკლამაციაში ნათქვამი იყო:

„ჩვენ განგაშს ვტყვით! ყველგან გაჩაღდა ბრძოლა ბედნიერებისათვის, თავისუფლებისა და უკეთესი ხვედრისათვის. ახლოვდება დიადი ამბები. რუსეთი ამოძრავდა, კავკასია ფეხზე დგება“.

დაე მეფის მთავრობაში მიმართოს როგორ ღონისძიებებსაც სურს, დაე უჩვენოს მან მსოფლიოს ჯერ კიდევ გაუგონარი სისასტიკისა და მხეცობის მაგალითები! ბრძოლა გაჩაღდა და მოახლოებულია ის დღე, როდესაც ყველა ქალაქის მუშები აღდგებიან! კიდით-კიდემდე გაისმება ძახილი: „ძირს მეფე!“ „ძირს კაპიტალისტები!“ და შედრკება მაშინ მტერი!

ამხანაგებო, ჩვენ განგაშს ვტყვით!

ძირს თვითმპყრობელობა!

გაუმარჯოს დემოკრატიულ რესპუბლიკას!

ძირს კაპიტალიზმი!

გაუმარჯოს საერთაშორისო სოციალ-დემოკრატიას!².

კავკასიის 1903 წლის ივლისის საყოველთაო გაფიცვაში რსდმპ კავკასიის კავშირის კომიტეტს ხელმძღვანელი როლი ეკუთვნოდა.

ამიერკავკასიაში 1903 წლის საყოველთაო გაფიცვამ არსებითი გავლენა იქონია პროლეტარიატისა და გლეხობის რევოლუციური მოძრაობის განვითარებაზე. იგი ცხადყოფდა მუშათა კლასის პოლიტიკური შეგნების ზრდას. ამ გაფიცვამ დასაბამი მისცა ამიერკავკასიის პროლეტარიატის ცალკეული გამოსვლების გადასვლას ბრძოლაზე მთელი რუსეთის მასშტაბით.

¹ «Всеобщая стачка на юге России в 1903 году», საბუთების კრებული, მ., 1938, გვ. 16.

² იქვე, გვ. 54—56.



პირველ მაისს დემონსტრაცია თბილისში, 1901 წ.

1903 წლის 30 ივლისს გაიხსნა რუსეთის სოციალ-დემოკრატიული მუშათა პარტიის (რსდმპ) მეორე ყრილობა.

„ლენინის ბრძოლამ ყრილობაზე ოპორტუნისტული ელემენტების წინააღმდეგ პროგრამულ და ორგანიზაციულ საკითხებში მიიღო გააფლო რსდმპ რევოლუციურ ნაწილსა — ბოლშევიკებსა და ოპორტუნისტულ ნაწილს — მენშევიკებს შორის.

რევოლუციური მარქსისტული პარტიის — სოციალისტური რევოლუციისა და პროლეტარიატის დიქტატურის პარტიის შექმნის გენიალური ლენინური გეგმის გამარჯვებამ ცხადყო, რომ ლენინის სახით რუსეთსა და საერთაშორისო პროლეტარიატს ჰყავს მარქსიზმის დიდი თეორეტიკოსი, მარქსისა და ენგელსის საქმისა და მოძღვრების განმგძობი, რევოლუციის გამოჩენილი სტრატეგი, რომელიც გამჭრიახად ხედავს მუშათა მოძრაობის განვითარების პერსპექტივებს, მთის-არწივი, რომელმაც არ იცის შიში ბრძოლაში“¹.

რსდმპ II ყრილობაზე სპეციალურად განხილულ იქნა საკითხი რსდმპ კავკასიის კავშირის ტიპის რაიონული პარტიული ორგანიზაციების შესახებ. ვ. ი. ლენინის წინადადებით ამ საკითხზე ყრილობამ მიიღო რეზოლუცია, რომლის საფუძველზეც დამტკიცებულ იქნა რსდმპ კავკასიის კავშირი.

რსდმპ კავკასიის კავშირი ამხილებდა მენშევიკების ანტიმარქსისტულ ორგანიზაციულ და იდეურ შეხედულებებს; მან დაგმო მენშევიკების ცდა დამახინჯებული სახით წარმოედგინათ II ყრილობის მუშაობა, დაგმო მათი დეზორგანიზატორული და ფრაქციული საქმიანობა, რითაც ისინი ცდილობდნენ ხელთ ეგდოთ ადგილობრივი პარტიული ორგანიზაციების ხელმძღვანელობა.

რსდმპ კავკასიის კავშირის კომიტეტმა მოუწოდა რსდმპ ყველა კომიტეტს დარაზმულიყო ლენინის გარშემო. იგი მკაცრად გამოხდა მენშევიკურ „ისკრას“, მოითხოვდა ცენტრალური კომიტეტისაგან არაფერი არ დაეთმო მენშევიკებისათვის და დაუყოვნებლივ დაეწყო III პარტიული ყრილობის მოწვევის მზადება.

ვ. ი. ლენინი განსაკუთრებულ ყურადღებას აქცევდა ამიერკავკასიის სოციალ-დემოკრატიულ ორგანიზაციებს, აწარმოებდა მიწერ-მოწერას რსდმპ კავკასიის კავშირის კომიტეტთან, აძლევდა მას სახელმძღვანელო მითითებებს. 1903 წლის 20 ოქტომბრით

¹ „საბჭოთა კავშირის კომუნისტური პარტიის ორმოცდაათი წელი“, ჟურნ. „შნათობი“, 1953, №7, გვ. 13—14.

ღმთარღებულ წერილში ჟენევიდან ლენინი კავკასიის კავშირის კომიტეტს წერდა:

„დაე კავკასიელი ამხანაგები მტკიცედ იდგნენ იმ გზაზე, რომელსაც ისინი დაადგნენ. ნუ უგდებენ ყურს ქორებს უმრავლესობის წინააღმდეგ, მაღე გამოვა ყრილობის სრული ოქმებო და მაშინ საქმე ყველასათვის ნათელი იქნება. განაგრძონ შეწყობილი მუშაობა ამხანაგური ნდობით ცენტრალური კომიტეტისადმი, და ჩვენ დარწმუნებული ვართ, რომ ახლანდელი პარტიული „არეულობა“ მაღე დაცხრება.

ჩვენ ახლა ძალიან ვფიქრობთ იმაზე, რომ მოვაწყოთ აქ ქართული და სომხური ლიტერატურის გამოცემა“¹.

1903 წლის შემოდგომაზე ი. ბ. სტალინი იმყოფებოდა ვადასახლებაში აღმოსავლეთ კიმიბრში. მან მიიღო წერილი ლენინისაგან.

„ლენინის წერილი, — წერს ი. ბ. სტალინი, — შედარებით პატარა იყო, მაგრამ ის იძლეოდა ჩვენი პარტიის პრაქტიკის გაბედულ, უშიშარ კრიტიკას და მასში შესანიშნავი სიცხადით და შეკუმშულად იყო მოცემული პარტიის მუშაობის მთელი გეგმა უახლოესი პერიოდისათვის“².

მეფის მთავრობა მიმართავდა სასტიკ რეპრესიებს სოციალ-დემოკრატიული ორგანიზაციებისა და მათი ხელმძღვანელების წინააღმდეგ.

1902 წლის 2 სექტემბერს ჟანდარმერიამ მოახერხა მუშათა კლასის საქმისათვის უშიშარი მეზრძოლის, თანმიმდევრული ლენინელის ლადო კეცხოველის დაპატიმრება. ბაქოს საპატიმროდან ლ. კეცხოველი გადმოიყვანეს თბილისში, მეტეხის ციხეში, სადაც ამ დროს იმყოფებოდა ვ. კურნატოვსკი. კეცხოველი და კურნატოვსკი დაუკავშირდნენ ერთმანეთს. ისინი აგიტაცია-პროპაგანდას ეწეოდნენ პატიმრებს შორის, ხელმძღვანელობდნენ პოლიტიკურ პატიმართა პროტესტებს ციხის აუტანელი რეჟიმის წინააღმდეგ, ამხნეებდნენ პატიმრებს და უნერგავდნენ მათ მუშათა კლასის სამართლიანი საქმის გამარჯვების რწმენას. ლ. კეცხოველი გამცემლურად მოკლეს მეფის ჯალათებმა 1903 წლის 30 (17) აგვისტოს.

რსდმპ თბილისისა და ბაქოს კომიტეტებმა გამოუშვეს პროკლამაციები კეცხოველის დალუპვის გამო.

¹ ვ. ი. ლენინი, თხზ., ტ. 34, გვ. 195—196.

² ი. ბ. სტალინი, ლენინის შესახებ, გვ. 36.

ბაქოს ბოლშევიკებმა თავისი პროკლამაციისათვის ეპიგრაფად აიღეს პროლეტარული მწერლის მ. გორკის სიტყვები: „ჰო, ამაყო შევარდენო, შენ სისხლისგან დაიცალე მტრებთან ბრძოლაში“...

ლადო კეცხოველი ქართველი ხალხის-ღირსეული შვილი იყო. როგორც პროკლამაციაშია ნათქვამი, ის იყო „ერთ-ერთი გაბედული და ძლიერი მუშაკი, აღამიანი, რომელმაც ძვირფას საქმეს შესწირა ყველაფერი, რის გაღებაც კი აღამიანს შეუძლია: თავისი ბედნიერება, თავისი ძალა, თავისი სიცოცხლე“.

რსდმპ კავკასიის კავშირის კომიტეტმა ლ. კეცხოველის დაღუპვასთან დაკავშირებით გამოუშვა მისი რევოლუციური მოღვაწეობისადმი მიძღვნილი არაღეგალურად დაბეჭდილი ბროშურა. ბროშურაზე წარწერილი იყო „შენი ხსოვნა ჩვენს შორის მუდამ წმინდა იქნება“.



გლეხთა მოძრაობა 1905 წლის რევოლუციის წინაპანაგები

საქართველოს სოფლის მეურნეობაში, ისე როგორც რუსეთის სხვა ნაციონალურ რაიონებში, კაპიტალიზმის განვითარებას აფერხებდა ძლიერი ფეოდალურ-ბატონყმური ნაშთები.

მკვეთრმა შეუსაბამობამ როგორც მემამულური, ისე გლეხური მიწათმფლობელობის ფორმებსა და სახალხო მეურნეობის მთელ ზისტემას შორის, სახალხო მეურნეობისა, რომელიც კაპიტალისტური გახდა XIX საუკუნის დასასრულსა და XX საუკუნის დასაწყისში, გაამწვა აგრარული კრიზისი როგორც მთლიანად რუსეთში, ისე, კერძოდ, საქართველოშიც.

სოფლის მეურნეობა ამ დროს ხასიათდება სათესი ფართობის, მოსავლიანობის, პირუტყვის სულადობისა და სხვ. შემცირებით. გლეხურ მეურნეობათა დიდი ნაწილის გაპარტახებასა და მძიმე მდგომარეობას ცხადყოფდა სახაზინო გადასახადთა ნარჩენების ზრდა, სხვადასხვა სახის ბეგარის შეუსრულებლობა. კაპიტალისტური და ბატონყმური ექსპლოატაცია შეხამებული იყო ცარიზმის მიერ წარმოებულ ნაციონალურ ჩაგვრასთან.

1907 წელს ვ. ი. ლენინი წერდა, რომ უკანასკნელი ნახევარი საუკუნის მანძილზე კაპიტალიზმის განვითარებამ ისეთი ნაბიჯი გადადგა წინ, რომ „მიწათმოქმედებაში ბატონყმობის შენარჩუნება აბსოლუტურად შეუძლებელი გახდა, მისმა მოსპობამ იძულებითი კრიზისის, საერთო — ნაციონალური რევოლუციის ფორმები მიიღო“¹.

¹ ვ. ი. ლენინი, თხზ., ტ. 13, გვ. 529-530.

იძლეოდა რა რუსეთის პირველი რევოლუციის ხასიათის გენიალურ განსაზღვრას, ვ. ი. ლენინი წერდა, რომ „ბგარული საკითხი რუსეთის ბურჟუაზიული რევოლუციის საფუძველია და განსაზღვრავს ამ რევოლუციის ნაციონალურ თავისებურებას“¹.

მიუხედავად ცარიზმის სასტიკი ნაციონალურ-კოლონიური პოლიტიკისა, საქართველოში 1905—1907 წლების რევოლუციის ძირითად არსს შეადგენდა არა ეროვნული, არამედ აგრარული საკითხი.

მუშათა კლასის რევოლუციურმა მოძრაობამ ამიერკავკასიასა და საქართველოში გლეხობის მასებიც ჩააბა მასობრივ ბრძოლაში მემამულე-მებატონეების წინააღმდეგ, რომლებიც თავიანთ ხელში ინარჩუნებდნენ საუკეთესო მიწების ნაწილს.

1905 წლის წინახანებში გლეხთა გამოსვლების უახლოესობიძგი გახდა 1901 და 1902 წლების მოუსავლიანობა, რომლის შედეგი იყო გლეხთა მასების შიმშილობა და უკიდურესი გაჭირვება.

მეტწილად გლეხები იძულებული იყვნენ იჯარით აღებული მიწებიდან მიღებული მთელი თავისი მოსავალი მემამულეებისათვის ეძლიათ; ეკონომიურ კრიზისსა და უმუშევრობასთან დაკავშირებით გლეხების ნაწილი, რომელიც გასული იყო საშოვარზე ქალაქებში, კარგავდა სამუშაოს და იძულებული იყო დამშეულ სოფელში დაბრუნებულიყო.

გლეხების ეკონომიური მდგომარეობა იმის გამოც უარესდებოდა, რომ 1900 წლის 29 მაისს გამოიცა ახალი სააქციზო წესები, რამაც პირველ წელსავე 60 პროცენტით შეამცირა არაყის გამოხდა მეღვინეობის ნარჩენებისა და ხილისაგან. ახალი სააქციზო წესების თანახმად მეფაბრიკეების ინტერესების სასარგებლოდ გლეხებს აეკრძალათ თამბაქოს გაყიდვა სხვაგვარად, თუ არა ფოთლების სახით. დაჭრილი თამბაქოს გაყიდვა ითვლებოდა კონტრაბანდად და სასტიკად ისჯებოდა.

არალეგალურად გამოცემულ ბროშურაში რსდმპ კავკასიის კავშირის კომიტეტი ამგვარად განმარტავდა გლეხთა გამოსვლებს საქართველოში.

„მიწის სივიწროვე, საიჯარე გადასახადების სიდიდე, დიდი სახელმწიფო გადასახადები, დრამა-ფული, ჭბათუმის ამბები, სოფლების ქალაქის უკმაყოფილო მუშებით ავსება და 1901 წლის

¹ ვ. ი. ლენინი, თხზ., ტ. 13, გვ. 529.

შოუსაგლობა — აი მოკლეთ ის მიზეზები, რამაც გააღვიძა გლეხებში „წინააღმდეგობის სურვილი“. ამნაირად დაიბადა მათში იდეა ბრძოლისა. თუ კი მუშები იბრძოდნენ ხაზინების წინააღმდეგ, რატომ გლეხებს არ უნდა ამოეღოთ ხმა მემამულეებისა და სამღვდლოების ძარცვა-გლეჯის წინააღმდეგ? მერე ეს მუშაც ხომ ამისთანა კაცი იყო, მისი ძმა და ოჯახის წევრი? მაშ, რას უნდა დაეშალა ზელი?“¹.

საქართველოს გლეხების გარევოლუციონერებაზე ძლიერ გავლენას ახდენდნენ მუშათა მოძრაობის ისეთი კერები, როგორც იყო თბილისი, ბათუმი, ქიათურა. 1901—1902 წლებში მასობრივად ასახლებდნენ ქალაქებიდან თავიანთ სოფლებში გაფიცვების მონაწილე მუშებს. განსაკუთრებით დიდი ზეგავლენა მოახდინა გლეხთა მოძრაობის განვითარებაზე საქართველოში ბათუმის 1902 წლის 9 მარტის დემონსტრაციის დროს მუშებისათვის ტყვიის დაშენამ, რის შემდეგაც ასობით მუშა გაასახლეს თავიანთ სოფლებში. ამ მუშათაგან ბევრნი, როგორც სოციალ-დემოკრატიული ორგანიზაციების წევრები, მომარაგებული იყვნენ რევოლუციური ლიტერატურითა და ფურცლებით.

„აი სწორედ ამ თავიანთ სოფლებში, — ამბობდა რსდმპ III ყრილობაზე მ. ცხაკაია, — თავიანთ გაჩანაგებულ მეურნეობებში გადასახლებულმა მუშებმა, რომლებმაც სოციალიზმის მოძღვრება იგემეს და პოლიტიკური განათლების გაცეითილები მიიღეს თვითმპყრობელობისაგან მათრახების, საპყრობილეებისა და ტყვიების სახით, გაბედულად და მხნედ გააჩაღეს აგიტაცია გლეხობაში. ეს აგიტაცია დაუყოვნებლივ, უკვე რამდენიმე თვისა და კვირების შემდეგაც კი, იძლეოდა თავის ნაყოფს“².

რევოლუციური სოციალ-დემოკრატიის ორგანიზაციებმა ფართო ორგანიზაციული და პროპაგანდისტული მუშაობა გააჩაღეს სოფლად, უწინარეს ყოვლისა, იმ მუშების მეშვეობით, რომლებსაც ჯერ კიდევ არ გაეწყვიტათ კავშირი სოფლის მეურნეობასთან, სახალხო მასწავლებლების, ფერშლების, მოსწავლე ახალგაზრდების დახმარებით. რევოლუციური სოციალ-დემოკრატები ავრცელებდნენ გლეხებში რევოლუციურ ლიტერატურას, პროკლამაციებსა და ფურცლებს.

¹ „გლეხთა მოძრაობა გურიაში,“ რსდმპ კავკასიის კავშირის გამოცემა, თბილისი, 1904 წ., გვ. 12-13.

² „Третий съезд РСДРП“, გვ. 243—244.

უკვე 1902 წელს ბათუმიდან უფრო ახლოს მდებარე ოზურგეთის მაზრაში წარმოიშვა სოციალ-დემოკრატიული წრეები. ამ წრეებისა და რევოლუციური ბრძოლისათვის ხელმძღვანელობის გასაწევად რსდმპ ბათუმის სოციალ-დემოკრატიულ კომიტეტთან შეიქმნა სოფლის მუშების განსაკუთრებული კომისია.

პოლიციის ცნობებით ჯერ კიდევ 1901 წლის შემოდგომაზე ოზურგეთის მაზრის გლეხურ მოსახლეობაში შემჩნეული იყო ერთგვარი მღვდვარება, მაგრამ მას გარკვეული ორგანიზაციის ხასიათი არ ჰქონებოდა.

1902 წლის მაისში სოფელ ნიგოთში მოხდა გლეხების შეტაკება მემამულე მაჭუტაძესთან სათიბების გამო. რევოლუციურმა სოციალ-დემოკრატებმა ამ გამოსვლას ორგანიზებული ხასიათი მისცეს. მოეწყო რამდენიმე ფარული კრება, სადაც განუმარტვდნენ გლეხებს მათი გაჭირვების მიზეზებს და მიუთითებდნენ უკეთესი ცხოვრებისათვის ბრძოლის გზებზე. ანალოგიური კრებები გაიმართა ოზურგეთის მაზრის სხვა სოფლებშიც: მიქელგაბრიელის, აკეთის, ჯუმათის, ძიმითისა და სხვა საზოგადოებებში.

წამოყენებულ იქნა მოთხოვნა, რათა საიჯარო ქირა შემცირებულიყო მოსავლის 1/2-ან 1/8—1/10-ედ ნაწილამდე, გაუქმებულიყო „დრამის ფული“ და ა. შ.

გლეხთა ფარული კრებების ხელმძღვანელები და ინიციატორები იყვნენ უმთავრესად ბათუმიდან ჩამოსული აგიტატორები. ისინი ავრცელებდნენ გლეხებს შორის რევოლუციურ გამოცემებს, წარმოთქვამდნენ სიტყვებს კრებებზე, აძლევდნენ გლეხებს საჭირო მითითებებს.

მოძრაობაში ჩაბმულ იქნა მაზრის გლეხთა მოსახლეობის სულ მცირე 80%.

ვინაიდან მემამულეებმა და მღვდლებმა უარი თქვეს წამოყენებული პირობების მიღებაზე, გლეხებმა მათ წინასწარი შეთანხმებით ბოიკოტი გამოუცხადეს. გლეხებმა გადაჭრით უარი განაცხადეს მემამულეებისაგან მიწის იჯარით აღებაზე ძველ პირობებში და „დრამის ფულის“ გადახდაზე. მემამულეებს მოუხსნეს შინამოსამსახურეები. ხელისუფალთა ცდა — იძულებული გაეხადათ გლეხები ხელი აეღოთ ბოიკოტზე — უშედეგოდ დამთავრდა.

ავვისტოსათვის ბოიკოტის მოძრაობა მთელ ოზურგეთის მაზრას მოედო. მემამულეებმა ადგილობრივ ხელისუფალთა დახმარებით გააძლიერეს თავიანთი მამულების დაცვა. ბევრი მათგანი ქალაქში გაიქცა.

ქ. ოზურგეთში გამართულმა თავადაზნაურთა ფარულმა კრებამ დახმარების თხოვნით მიმართა მეფის მთავრობას. ოზურგეთის მაზრაში კაზაკების თანხლებით ჩავიდა ქუთაისის გუბერნატორი სმაგინი. მან ჩამოთარა სასოფლო საზოგადოებანი „უწესრიგობათა მიზეზების გამოსარკვევად“ და გლეხების „დასამშვიდებლად“.

გლებთა სახელით ხელისუფალთ წარედგინათ გარკვეული, წინასწარ შემუშავებული მოთხოვნები:

1) საიჯარო ქირა არ უნდა აღემატებოდეს მოსავლის 1/10 ნაწილს, ამასთან მემამულეებმა თვითონ უნდა წაიღონ თავიანთი წილი.

2) აიკრძალოს მემამულეებისა და მათი მოურავების მიერ გლეხების პირუტყვის დაჭერა სათიბებში.

3) აიკრძალოს მიწის გამყიდველ მემამულეებსა და მათ ნათესავებს დავის ატეხა გლეხებთან გლებთა მიწის ნაკვეთების გამო.

4) გამიჯვნის ხარჯები განაწილდეს ყველა წოდებაზე, გასამიჯნავი მიწის ფართობის კუთვნილების შესაბამისად.

5) სასოფლო ბეგარებს უნდა ასრულებდეს ყველა წოდება.

6) მოისპოს „დრამის ფული“.

7) აღდგენილ იქნეს მამასახლისის არჩევის უფლება, რაც წაერთვა ზოგიერთ საზოგადოებას, განთავისუფლებულ იქნენ საზოგადოებანი მამასახლისთა შესანახი ხარჯებისაგან და ა. შ.

გუბერნატორ სმაგინის რჩევა სრულიად უნაყოფო აღმოჩნდა. გლეხები მოითხოვდნენ თავიანთი მოთხოვნების დაუყოვნებლივ დაკმაყოფილებას. 1903 წლის 6 აგვისტოს ოზურგეთში ჩავიდნენ სამხედრო ნაწილები და კაზაკები. 2 თვის განმავლობაში ოზურგეთის მაზრაში არ შეწყვეტილა ძალადობა და ძარცვა-გლეჯა. 300-მდე გლეხი დააპატიმრეს და მოათავსეს ბათუმის, ქუთაისისა და ფოთის საპყრობილებებში. გლეხებს იძულებით ახდევინებდნენ მემამულეებისადმი მიყენებულ ზარალს. მაზრის უმრავლეს სასოფლო საზოგადოებებში დაინიშნა მთავრობის მამასახლისები, რომლებსაც წელიწადში ეძლეოდათ ჯამაგირის სახით 300—400 მანეთი მოსახლეობის ხარჯზე. ფართოდ მიმართავდნენ ეგზეკუციებს. რევოლუციური მოძრაობის ძირშივე აღმოსაფხვრელად ხელისუფლების წარმომადგენლებმა დახურეს ბიბლიოთეკა - სამკითხველოები იმ საბაბით, რომ იქ შემოწმების დროს აღმოჩენილ იქნა საკითხავად აკრძალული წიგნები“.



ბაჰუმის მუშათა დემონსტრაცია, 1902 წ.

მხ. ა. ქუთათელაძე

მაგრამ ყველა ეს ღონისძიება საწინააღმდეგო შედეგებს იძლეოდა. ხალხი არ „დამშვიდდა“. გლეხთა მოძრაობა მოედო მეზობელ რაიონებს: სენაკის, ზუგდიდის, ქუთაისისა და სხვა მაზრებს.

1902 წლის გაზაფხულზე გლეხთა გამოსვლები დაიწყო აგრეთვე გორის მაზრაში, რომელშიც შედიოდა ახლანდელი ბორჯომის, ხაშურის, ქარელის, გორის, კასპის რაიონებისა და აგრეთვე სამხრეთ-ოსეთის ავტონომიური ოლქის ტერიტორია. XX საუკუნის დასაწყისში გორის მაზრის ტერიტორიაზე იყო რამდენიმე კაპიტალისტური ტიპის საწარმო. მათ შორის მთავარი იყო ხაშურისა და ბორჯომის რკინიგზის დეპოები, ბორჯომის, ატენის, ჩიხანტურის ხე-ტყის ქარხნები, ბორჯომის შუშის ქარხანა. რამდენიმე ასეული კაცი მუშაობდა გორის ნავთსადენისა და რკინიგზის ხიდის მშენებლობაზე სადგურ ქარელის მახლობლად.

რევოლუციური იდეების გავრცელება და ლენინურ-ისკრული მიმართულების პირველი სოციალ-დემოკრატიული წრეების შექმნა გორის მაზრაში დაკავშირებულია ი. ბ. სტალინის სახელთან, მის თანამებრძოლებთან — ლ. კეცხოველთან, მ. დავითაშვილთან და სხვა რევოლუციონერებთან. სოციალ-დემოკრატიული წრე გორში არსებობდა უკვე 1901 წელში. მარქსისტული ჯგუფები და წრეები შემდეგ შექმნილ იქნა მიხაილოვოში (ხაშური), ბორჯომში, სურამში, ცხინვალში, ტყვიავეში, ახალქალაქში, ჯავაში, ატენსა და ა. შ. რევოლუციური სოციალ-დემოკრატები ეწეოდნენ აგიტაციასა და პროპაგანდას, ავრცელებდნენ ლენინურ „ისკრას“, „ბრძოლას“, პროკლამაციებსა და ფურცლებს მუშებსა, გლეხებსა და სოფლის ინტელიგენციაში. 1902 წლის 18 აპრილს (ძვ. სტ.) ქარელში, რკინიგზის სადგურის მახლობლად, მოეწყო საპირველმანისო დემონსტრაცია. 1902 წლის 1 აპრილს სოფ. კარალეთში მოეწყო გლეხთა გამოსვლა მემამულე გ. ერისთავის წინააღმდეგ აგრარულ ნიადაგზე. გლეხების „დასამშვიდებლად“ ხელისუფლების წარმომადგენლებმა სოფ. კარალეთში საეგზეკუციოდ გაგზავნეს ჯარის ასეული. 1902 წლის 23 აპრილს სოფ. სატიხავში მოხდა შეტაკება გლეხებსა და მემამულე ამილახვარს შორის, რის შედეგადაც მოკლულ იქნა სამი გლეხი და ორი ჩაფარი. შემდეგში გლეხთა მოძრაობა გავრცელდა მთელ მაზრაზე.

გაზეთი „ბრძოლა“ ამის გამო წერდა, რომ მაისის დამდეგს გორის მაზრაში გლეხებმა გააჩაღეს ბრძოლა მემამულეების წინააღმდეგ, ამასთან დაიწყო აგრარული მოძრაობა სურამის, ხაშურის,

ცხინვალის, ხურვალეთის, კასპისა და სხვა სასოფლო საზოგადოებებში, რაც მალე მთელ მაზრას მოედო.¹

გლეხები ძალით იტაცებდნენ მემამულეთა სახნავ მიწებსა და სათიბებს. შეტაკების დროს მოკლულ იქნა რამდენიმე მემამულე.

რევოლუციური სოციალ-დემოკრატები დიდ მუშაობას ეწეოდნენ თელავისა და სიღნაღის მაზრების სოფლების გლეხობაში.

1902 წლის 31 მაისს თელავის მაზრაში სოფელ აწყურის გლეხებმა სოფლის ყრილობაზე ბოიკოტი გამოუცხადეს მემამულეებს. გლეხებმა ჩამოართვეს მემამულეებს მუშები, შინამოსამსახურეები და უარი განაცხადეს ღალის გადახდაზე. ხელისუფალთა წარმომადგენლებმა ჩაახშეს გლეხთა გაპოსვლები, მოთავეები და აპატიმრეს და სასტიკად დასაჯეს. იმავე წლის აგვისტოში თიანეთის მაზრის გლეხებმა უარი განაცხადეს „დრამის ფულის“ გადახდაზე, რასაც შედეგად მოჰყვა რეპრესიები პოლიციის მხრივ. გლეხთა გამოსვლები ამ პერიოდში მოეწყო აგრეთვე თბილისის მაზრაშიც.

გლეხთა მოძრაობას წარმართავდა რევოლუციური სოციალ-დემოკრატია. მაგრამ თუმცა გლეხებმა გააჩაღეს ბრძოლა მემამულეების წინააღმდეგ, თუმცა რევოლუციური სოციალ-დემოკრატები განუმარტავდნენ მათ ამ ბრძოლის მიზანს, მათ ჯერ კიდევ არ ესმოდათ, რომ მემამულეთა მიწათმფლობელობა დაკავშირებული იყო მეფის წყობილებასთან. ტერორისტული ფაქტები ცხადყოფდნენ, რომ სოციალ-დემოკრატთა ჯერ კიდევ არ ჰქონდა მოპოვებული საკმაო გავლენა, რომ გლეხთა მოძრაობა ჯერ კიდევ ნაკლებ შეგნებული იყო.

მიუხედავად იმისა, რომ საქართველოში ძლიერდებოდა გლეხთა დიფერენციაცია, ისინი ჯერ კიდევ გაერთიანებული არ იყვნენ სიძულელით საერთო მტრის — მემამულე-მებატონეებისადმი. გლეხთა მოძრაობას პირველ პერიოდში მეტწილად ეკონომიური ხასიათი ჰქონდა. გლეხები მხოლოდ საკუთარი გამოცდილებით, რევოლუციური ბრძოლის პროცესში დარწმუნდნენ, რომ მათი მთავარი მტერია ცარიზმი, რომ აგი ასულდგმულებს ყველა მზავგრელსა და ექსპლოატატორს — მემამულე თავადაზნაურობას, სოფლის ბურჟუაზიასა და სამღვდლოებს. ამრიგად, გლეხთა აგრარული მოძრაობა იწყებს გადაზრდას პოლიტიკურ ბრძოლაში და უფრო ორგა-

¹ გაზ. „ბრძოლა“, 1902 № 4.

ნიშებულ ხასიათს იღებს. ეს განსაკუთრებით შესამჩნევი ხდება რსდმპ კავკასიის კავშირის ჩამოყალიბების შემდეგ.

„სოფლის მუშების კომიტეტის“ სახელწოდება, — ამბობდა მიხა ცხაკაია რსდმპ III ყრილობაზე, — კავშირის კომიტეტმა შეარჩია სიფრთხილის გამო, რათა ორგანიზაციის ხელმძღვანელები, აგიტატორები და პროპაგანდასტები სოფლად მუშაობისას წვრილბურჟუაზიულ თვალსაზრისზე არ გადამცდარიყვნენ, რომ მათ სოფლის ღარიბ გლეხობაში მუშაობის დროს ექადაგნათ მისთვის სოციალური წმინდა და ნათელი მოძღვრება, განემარტათ გლეხებისათვის რსდმპ მთელი პროგრამა და ესწავლებინათ მათთვის ბრძოლა მთელ პარტიასთან ერთად პროგრამა — მინიმუმისათვის“¹.

1903 წლის მაისში რსდმპ კავკასიის კავშირის კომიტეტმა გამოუშვა ქართულ ენაზე 70 ათასი ცალი სპეციალურ პროკლამაცია „გურიის გლეხობას“. პროკლამაცია გავრცელდა მთელ დასავლეთ საქართველოში და მან განსაკუთრებული როლი შეასრულა. მასში განმარტებული იყო სოციალ-დემოკრატიის პროგრამა გლეხობის მიმართ. გლეხებს მოუწოდებდნენ დაემყარებინათ კავშირი მუშათა კლასთან, გაეჩაღებინათ საერთო ბრძოლა ცარიზმის, სა, ბურჟუაზიისა და მემამულეების წინააღმდეგ. იმავე ხანებში რსდმპ კავკასიის კავშირის კომიტეტმა ქართულ ენაზე გამოსცა და გაავრცელა ლენინის ცნობილი ბროშურა „სოფლის ღარიბი გლეხობისადმი“, რაც უდიდესი წარმატებით სარგებლობდა მშრომელ გლეხობაში.

დაპატიმრებული გლეხები საპყრობილეებში ხვდებიან სოციალ-დემოკრატებს. აქ ისინი პოლიტიკური აღზრდის გაკვეთილებს იღებენ. განსაკუთრებით დიდ მუშაობას ეწეოდა ი. ბ. სტალინი პატიმარ გლეხებს შორის ქუთაისის საპყრობილეში, სადაც იგი გადაიყვანეს ბათუმიდან 1903 წლის აპრილში.

სოციალ-დემოკრატ ლენინელების მოღვაწეობამ გლეხებს შორის თავისი ნაყოფი გამოიღო. საქართველოს ყველა რაიონში იზრდება სოციალ-დემოკრატიული წრეების რიცხვი. მარტო იმერეთში 1905 წლის დამდეგს 600 წრე იყო. გლეხთა მიტინგებზე იკრიბებოდა 100-დან 5000 კაცამდე. გლეხთა მოძრაობის ზრდა გავლენას ახდენდა მუშათა კლასის რევოლუციური ბრძოლის საერთო აღმავლობაზე. მთელ რუსეთში, ამიერკავკასიის ჩათვლით, გაფიცებები“... სულ უფრო და უფრო შეუპოვარი, ორგანიზებული ხდება. მუშათა კლასის წინანდელი გამოსვლებისაგან განსხვავებით, მუშე-

¹ „Протокол третьего съезда РСДРП“, 1937, стр. 245.

ბის პოლიტიკურ ბრძოლას თითქმის ყველგან უკვე სოციალ-დემოკრატიული კომიტეტები ხელმძღვანელობენ.

რუსეთის მუშათა კლასი ფეხზე დგებოდა მეფის ძალაუფლების წინააღმდეგ რევოლუციური ბრძოლისათვის¹.

1903 წელს რსდმპ თბილისის კომიტეტმა რუსეთში ბატონყმობის გაუქმების წლისთავთან დაკავშირებით მოაწყო ქალაქის ცენტრში პოლიტიკური დემონსტრაცია.

გლებთა მოძრაობის ზრდაზე განსაკუთრებული გავლენა მოახდინა 1903 წლის საყოველთაო გაფიცვამ ამიერკავკასიაში. **!**

შემდეგშიც მუშათა საგაფიცვო ბრძოლა საქართველოში ერთი წუთითაც არ შეწყვეტილა.

1903 წლის შემოდგომაზე ბათუმში მოეწყო 30 გაფიცვა რომელთა დიდი ნაწილი მუშათა გამარჯვებით დამთავრდა.

ახალ ეტაპზე გლებთა ბრძოლა წარმოებს არა მარტო ეკონომიური მდგომარეობის გაუმჯობესებისათვის, არამედ თვითმპყრობელური წყობილების მოსასპობათაც. ამ დროიდან ბოიკოტი ვრცელდება არა მარტო მემამულეებსა და სამღვდელთაზე, არამედ აგრეთვე სასოფლო სამმართველოებზე და ხელისუფლების სხვა ორგანოებზე. მწვაედება ბრძოლა სოფლის ბურჟუაზიის წინააღმდეგაც.

მაგრამ აღსანიშნავია, რომ 1903—1904 წლებში საქართველოს მთელ რიგ რაიონებში გლებთა მოძრაობა კვლავ ინარჩუნებს არაორგანიზებული აგრარული მოძრაობის ხასიათს.

1903 წელს რევოლუციური ალი მოედო მთელ ოზურგეთის მაზრას. შეიქმნა რსდმპ გურიის კომიტეტი, რომელიც სათავეში ჩაუდგა გლებთა რევოლუციურ მოძრაობას. მაზრა გაიყო 5 რაიონად, -თითოეული რაიონი 5-6 სასოფლო საზოგადოებად². 1903 წლის მაისში* რსდმპ გურიის კომიტეტმა მოიწვია პირველი კონფერენცია, რომელზედაც შემუშავებულ იქნა ორგანიზაციის პროგრამა და გეგმა. სოფლებში შეიქმნა ძირითადი პარტიული უჯრედები. კონფერენციამ დაგმო აგრარული ტერორი. ყველგან ეწყობოდა გლებთა მასობრივი კრებები. ხშირდება პოლიციასა და ჩაფრების რაზმებთან შეიარაღებული შეტაკების შემთხვევები.

¹ საკავშირო კომუნისტური [პარტიის (ბ) ისტორია. მოკლე კურსი, გვ. 35.

² „გლებთა მოძრაობა გურიაში“. რსდმპ კავკასიის კავშირის კომიტეტის არალეგალური გამოცემა, თბილისი, 1904, გვ. 38-39.

რევოლუციურ მოძრაობაში ებმება მოსწავლე ახალგაზრდო-
ბა, რის შედეგადაც სკოლების უმრავლესობა მაზრაში დაიხურა.
გლებთა მოძრაობა ჩაღდება სენაკის, ზუგდიდის, ქუთაისისა
და შორაპნის მაზრებში. მუშების მაგალითის მიხედვით ეწყობა
გლებთა პოლიტიკური დემონსტრაციები. მაგ., ასეთი დემონსტრა-
ცია მოეწყო 13 აპრილს ქუთაისის მაზრის სოფელ „კულაშში“. მას-
ში 400-მდე კაცი მონაწილეობდა. დემონსტრანტები მიდიოდნენ
წითელი დროშებით, მღეროდნენ რევოლუციურ სიმღერებს, გაი-
სმოდა შეძახილები: „ძირს თვითმპყრობელობა!“, გაუმარჯოს სო-
ციალიზმს!“ და ა. შ. ახალქალაქის მაზრაში სოფელ დიდ კონდუ-
რაში მიწების გამიჯვნის ნიადაგზე გლებებმა წინააღმდეგობა გაუ-
წიეს ხელისუფალთ.

ახალციხის მაზრის სოფელ ვანში ნარჩენების აკრეფის დროს
მოხდა შეტაკება ჩაფრების რაზმსა და გლებებს შორის.

1903 წელს გლებთა მასობრივი გამოსვლები მოხდა გორის
მაზრაში, ხაშურის, სურამის, ცხინვალისა და სხვ. რაიონებში.

ხელისუფალთ ვერ შესძლეს დაემაღათ ის, რომ გლებთა გა-
მოსვლები დაკავშირებული იყო სოციალ-დემოკრატიული ორგანი-
ზაციის მუშაობასთან. „სურამის უბანსა და ცხინვალის სამხრეთ
დასავლეთ ნაწილში, — წერდა, მაგალითად, მაზრის უტროსი ლეონ-
ტიევი 1903 წ. 28 აპრილს, — მრავალ სოფელში იწყება გლებთა
ძლიერი მოძრაობა; პროკლამაციები სულ უფრო და უფრო მეტ
რაიონში ვრცელდება და მოსახლეობა იწყებს ამ პროკლამაციებით
დაინტერესებას, შალაეს მათ მამასახლისებისა და ბოქაულები-
საგან“¹.

1 მაისს (18 აპრილს) გორში ქალაქგარეთ გაიმართა საპირ-
ველმაისო დემონსტრაცია; აღმართეს წითელი დროშა და წარმო-
თქვეს სიტყვები. იქვე 7 ივლისს მოეწყო აშკარა პოლიტიკური
დემონსტრაცია გორიდან პოლიტიკური პატიმრების გადაგზავნას-
თან დაკავშირებით. 14 ივლისს სადგურ მიხაილოვოში (ხაშური) გაი-
მართა მასობრივი პოლიტიკური დემონსტრაცია, რომელსაც ჯარის-
კაცებმა და პოლიციელებმა ტყვია დაუშინეს. მოკლულ იქნა 14
კაცი, დაიჭრა 15. ამასთან დაკავშირებით რსდმპ კავკასიის კავ-
შირის კომიტეტის მიერ გამოშვებულ პროკლამაციაში ნათქვამი
იყო:

¹ საქ. სსრ აცსი, ფ. № 17, ს. 721, გვ. 14

„... ორშაბათს, 14 რიცხვს, სადგურ მიხაილოვოში სისხლიანი დრამა დატრიალდა. თავისი სისასტიკით და მსხვერპლთა რაოდენობით მან დიდად გადააჭარბა თბილისში გამეფებულ საშინელებას. იქ მუშები გაიფიცნენ ერთსა და იმავე დღეს თბილისელ მუშებთან ერთად. ისინი პირველად დადგნენ ბრძოლის წითელი დროშის ქვეშ და შეძახილებით „ძირს თვითმპყრობელობა“ 500-მდე კაცმა დაბის ყველა ქუჩა შემოიარა“¹. სადგურ მიხაილოვოში მომხდარ ამბავთან დაკავშირებით რევოლუციურმა სოციალ-დემოკრატიებმა გლეხთა მასებში ფართო სააგიტაციო მუშაობა გააჩაღეს. სოციალ-დემოკრატების მუშაობის ერთ-ერთი შედეგი იყო სოფ. დირბის გლეხთა გამოსვლა. მათ აშკარად უარი თქვეს გადასახადის მიცემაზე მონასტრისათვის და მის მოურავს განუტყუადეს: ჩვენ „არ გვსურს არც მემამულეები, არც მღვდლები და არც სხვა ვინმეო“. ამის გამო გორის მაზრის უფროსი 1903 წ. 31 ივლისს თბილისის გუბერნატორს სწერდა:

„სოფელ დირბში მოხდა არეულობა მონასტრისადმი გლეხთა აგრარული დამოკიდებულების ნიადაგზე, ვილაც ჩამოსულის მიერ მოსახლეობაში გაწეული პროპაგანდის გამო“. ეს პირი, — ნათქვამია შემდეგ მოხსენებით ბარათში, — „აგროვებდა თავის მიმდევრებს, წინადადებას იძლეოდა ხელი მოეწერათ საგანგებო ფურცელზე, რომლის შინაარსი დაახლოებით შემდეგია: ყველა ხელმომწერი და ჩვენი თანამოაზრე უნდა ემსახურებოდეს საერთო საქმეს, იმოქმედოს იმ მიზნით, რომ მოვიშოროთ კაპიტალისტებისა და მემამულეების უღელი, თუნდაც სიცოცხლის ფასად“².

ს. დირბის გლეხთა გამოსვლის საქმეზე პასუხისგებაში მისცეს 27 კაცი. აღსანიშნავია აგრეთვე სოფელ ბერშუეთის გლეხების გამოსვლა 1903 წ. ნოემბერში. ამ სოფლის 145 კომლმა გადაწყვიტა ბოიკოტი გამოეცხადებინა მემამულეებისათვის, არ დამორჩილებოდა ხელისუფლების ორგანოებს, არ გადაეხადა გადასახადები. სოფელ ბერშუეთის გლეხების „დასამშვიდებლად“, მას შემდეგ რაც იქიდან გამოაძევეს ჩაფრები, გაიგზავნა ჯარის სამი ასეული.

რსდმპ კავკასიის კავშირის კომიტეტის ორგანომ „პროლეტარიატის ბრძოლის ფურცელმა“ სოფ. ბერშუეთის გლეხების გამო-

¹ «Всеобщая стачка на юге России в 1903 году». საბუთების კრებული, 33. 65-66.

² საქ. სსრ აქტი, ფ. 36, ს. 583, ფ. 52-71

სვლას სპეციალური წერილი მიუძღვნა, რომელშიც აღნიშნავდა, რომ გლეხებს აღარ სურთ მორჩილებდნენ მეფესა და მემამულეებს, და მოუწოდებდა მათ კიდევ უფრო მჭიდროდ დარაჭმულიყვნენ და გამსჭვალულიყვნენ იმის რწმენით, რომ მემამულეებისა და მეფის მთავრობის წინააღმდეგ მიმართული განმათავისუფლებელი ბრძოლა გამარჯვებით დაგვირგვინდებოდა¹.

1903 წლის აპრილ-აგვისტოში გლეხთა გამოსვლები მოხდა დუშეთის მაზრაში, გლეხებმა მოიწვიეს სამაზრო ყრილობა, სადაც დაადგინეს გამოცეხადებინათ მემამულეებისათვის ბოიკოტი, არ ემუშავნათ მათ მიწაზე, არ გადაეხადათ ღალა, ხელთ ეგდოთ მემამულეთა მიწები. მაზრაში გაიგზავნა ჯარის ნაწილები.

ბორჩალოს მაზრაში განსაკუთრებით აღსანიშნავია სოფ. ახეთის გლეხების გამოსვლა. მათ შეწყვიტეს მემამულეთა მიწების დამუშავება, დაებატრონენ სათიბებს. 1903 წლის ნოემბერში აქ მოხდა შეტაკება გლეხებსა და პოლიციელთა რაზმს შორის, რის შედეგადაც მოკლულ და დაჭრილ იქნა რამდენიმე გლეხი. 1903 წელს გლეხთა გამოსვლები მოეწყო სიღნაღისა და თბილისის მაზრებში.

პოლიციის მოხსენებით ბარათში ნათქვამი იყო, რომ თბილისის მაზრის სოფ. ხაშმის გლეხთა გამოსვლებს ხელი შეუწყეს „ადგილობრივიმა გლეხმა გიორგი შაქარაშვილმა, რომელიც ხშირად დადიოდა თბილისში, და აგრეთვე რკინიგზის მუშებმა ადგილობრივი გლეხებიდან — თევდორაშვილმა და გოგიევმა“. შემდეგ ბარათში აღნიშნულა, რომ თბილისიდან ჩამოსული პირები „აქეზებდნენ გლეხებს მოეწყოთ ლაშქრობა თბილისში და შეერთებოდნენ იქ მუშათა მოძრაობას“. მემამულეთა მიწები ხელთ იგდეს სოფელ ხატისტელეთის გლეხებმა. სოფლების ტაბახმელისა და შინდისის გლეხებმა, როგორც კი გაიგეს თბილისისა და სხვა ქალაქების მუშათა გაფიცვების ამბავი, დაიწყეს მემამულეთა მიწების დატაცება და განაცხადეს, რომ „ამიერიდან მთელი მიწა გლეხებს ეკუთვნისო“.

1903 წლის შემოდგომაზე ახალგაზრდობის ჯარში გაწვევასთან დაკავშირებით რსდმპ კავკასიის კავშირის კომიტეტმა გამოსცა სპეციალური პროკლამაცია ახალწვეულთა შორის გასაფრცხლებლად. რევოლუციური სოციალ-დემოკრატები განუმარტავდნენ:

¹ „პროლეტარიატის ბრძოლის ფურცელი“, 1903, № 5-6.


ახალწვეულებს არმიის როლს ცარიზმის დროს და მათ მოვალეობას შრომელი მასების მიმართ. ისინი მოუწოდებდნენ ჯარისკაცებს შუშებთან და გლეხებთან ერთად ებრძოლათ ცარიზმის, მემამულეებისა და კაპიტალისტების წინააღმდეგ დემოკრატიული წყობილების დამყარებისათვის. ქვეყნად არსებული ვითარებისა და რევოლუციური სოციალ-დემოკრატიის მუშაობის შედეგად საქართველოში ყველგან იმართებოდა ახალწვეულთა დემონსტრაციები. 4 ნოემბერს ასეთი დემონსტრაცია მოეწყო ოზურგეთის მაზრის დ. ჩოხატაურში. დემონსტრანტებმა აღმართეს წითელი დროშა და რევოლუციური სიმღერებით ჩაიარეს დაბის მთავარ ქუჩაზე. ახალწვეულთა დემონსტრაციები გაიმართა ლანჩხუთში და ქ. ოზურგეთში. აქ დემონსტრანტებმა იმის გამო, რომ ნამდვილი დროშა არ ჰქონდათ, ჯოხზე მიაბეს წითელი თავშალი, მაღლა ასწიეს იგი და ასე შემოიარეს ქუჩები. დემონსტრანტები წყევლიდნენ მეფეს, იმ დროინდელ რეჟიმს და ხმამაღლა გაიძახოდნენ: „ჩვენგან ნურაფერს სანუგეშოს ნუ მოეღიოთ“.

8 ნოემბერს თბილისის გუბერნიის ქ. სიღნაღში ახალწვეულებმა ჯოხზე მიბმული წითელი თავშალით გაიარეს ქალაქის ქუჩებში შეძახილებით: „ძირს თვითმპყრობელობა!“, „გაუმარჯოს თავისუფლებას!“, „ძირს სალდათობა!“

ახალწვეულებმა შეფიცეს ერთმანეთს არასოდეს არ დაეშინათ ტყვია მუშებისა და საერთოდ „მეამბოხეებისათვის“. ახალწვეულთა განსაკუთრებით ძლიერი დემონსტრაცია მოეწყო ბათუმში 1903 წლის 19 ნოემბერს, სანამ მათ გემში ჩასხამდნენ. აქ თავი მოიყარა 2000-მდე ახალწვეულმა სიღნაღის, თელავის, გორის, სენაკის, ზუგდიდის, რაჭის, ოზურგეთისა და სხვა მაზრებიდან. მიუხედავად ხელისუფალთა მიერ წინასწარ მიღებული ღონისძიებებისა, ახალწვეულებმა შეძლეს შეერთება რკინიგზის პლატფორმის მახლობლად, აღმართეს წითელი დროშა და ნავსადგურამდე ორგანიზებულად მიდიოდნენ შეძახილებით: „ძირს მეფე, გაუმარჯოს სახალხო მმართველობას“, „ძირს სალდათობა!“ და ა. შ. როცა ყველა ახალწვეული ერთად შეკრიბეს, კვლავ აღიმართა წითელი დროშა და ყველამ ერთხმად შესძახა: „ძირს ხელისუფლება! ვაშა!“¹.

გლეხთა მოძრაობა კიდევ უფრო შეგნებულ და ორგანიზებულ ხასიათს იღებს საქართველოს მრავალ რაიონში 1904 წელს.

¹ ფურცელი «Борьба пролетариата», 1904, № 5-6,



ბოლშევიკური არალეგალური სტამბის საბეჭდი დაზუგა

1904 წელს ოზურგეთის მაზრაში გლეხთა მოძრაობის ხასიათის განსაზღვრისას ხელისუფალნი იძულებული იყვნენ აღენიშნათ, რომ „გარეგნულად... მოძრაობა კარგავს თავის აგრარულ ხასიათს და გამოხატულებას პოულობს მხოლოდ და მხოლოდ პარტიკულარებში არსებული სახელმწიფოებრივი წყობილების წინააღმდეგ“¹.

1904 წ. აპრილში გამოიცა და ფართოდ გავრცელდა რსდმპ კავკასიის კავშირის კომიტეტის პროკლამაცია კავკასიის ყველა მუშის, მუშა-ქალისა და გლეხისადმი. პროკლამაცია მოუწოდებდა მათ ორგანიზებული მონაწილეობა მიეღოთ პირველი მაისის დღესასწაულში. მასში ნათქვამი იყო: „... რუსეთის პროლეტარიატი 1 მაისს მეტის გაბედულებით და მეტის ზიზლით აღჭურვილი გამოვა ქუჩაზე და იერიშს მიიტანს თვითმპყრობელობაზე; ის უშიშრად და ხმა-მალა განაცხადებს, რომ მას არაფერი საერთო არ აქვს იმ მძარცველებთან, რომელნიც მეფის გარს შემოგროვილან და ხალხის სახელით ახალ საზიზღრობას სჩადიან. ის მოითხოვს მშვიდობიანობას და თავისუფლებას.

და თქვენ, გლეხებო! თქვენ კი გულ-გრილად უცქერით ჩვენ ბრძოლას?!

არა! თქვენ ისე, როგორც შარშან, ბანი მიეცათ პროლეტარიატის შებრძოლ ხმას და საერთო ძალით თავზარი დავცეთ ჩვენ საუკუნოებით მძარცველ მთავრობას!“².

მუშათა საპირველმაისო დემონსტრაციებთან ერთად საქართველოს ბევრ რაიონში ეწყობოდა გლეხთა გამოსვლებიც. მაგალითად, გორის მაზრის ცხინვალის რაიონში, საყინულეში მოეწყო საპირველმაისო მიტინგი, სადაც წარმოთქვეს მუშათა საერთაშორისო სოლიდარობისადმი მიძღვნილი სიტყვები.

ჯერ კიდევ 1904 წლის იანვარში გურიის სოციალ-დემოკრატიულმა კომიტეტმა მოიწვია კონფერენცია, რომელმაც დაადგინა მთელ ოზურგეთის მაზრაში გამართულიყო დღესასწაული მუშათა საერთაშორისო დღის—1 მაისის აღსანიშნავად.

კონფერენციამ დაადგინა აგრეთვე გაძლიერებული ყოფილიყო ბოიკოტი მემამულეების, სამღვდელთა და მთავრობის ყველა დაწესებულების მიმართ, შესდგომოდნენ მიწების ხელში ჩაგდებას რევოლუციური გზით და რევოლუციური თვითმმართველობის ორგანოების შექნას.

¹ საქართველოს სსრ აცსი, ფ. 1, ს. 66.

² „ამიერკავკასიის ბოლშევიკური ორგანიზაციების პროკლამაციები“ 1904—1906 წწ., გვ. 17-18.

1904 წლის 1 მაისს ოზურგეთის მაზრაში გაიმართა გლეხთა მასობრივი დემონსტრაციები. გლეხები ვერ შეაჩერა ტყვიამ და მათთან, რომლითაც მთავრობას სურდა დემონსტრანტების დაშინება, ჩაფრებში სროლა აუტეხეს დემონსტრაციას, რომელიც სოფელ ხიდისთავში დაიწყო და ორგანიზებულად მიემართებოდა დაბა ჩონხატაურისაკენ, იერთებდა რა გზადაგზა ყველა მეზობელი სოფლის გლეხებს. სროლის შედეგად მოკლულ იქნა გლეხი ფოცხიშვილი და სასიკვდილოდ დაიჭრა მკერდში გლეხი იესე კალანდაძე. „ის იტლებოდა სისხლისაგან, — ნათქვამი იყო რსდმპ კავკასიის კავშირის ბათუმის კომიტეტის მიერ გამოშვებულ პროკლამაციაში, — მარა დაივიწყა თავისი თავი, დაივიწყა თავისი წვრილ-შვილიანი ოჯახი და სიცოცხლის უკანასკნელი წუთიც მუშათა საქმეს უძღვნა. „დამტოვეთ მე, ამხანაგებო — სთქვა მან — მე აქ უნდა მოგვედეთქვენ კი გასწით წინ, იბრძოლეთ ბოლომდე, უკანასკნელ წუთამდე. როცა დადგება დღე რევოლუციისა, ჩემი ძვლები მიწიდან ამოხეთქს და თქვენთან ერთად შეებრძოლება მტარვალებს“... განისვენეთ მშვიდობით, ძვირფასო ამხანაგებო!... თქვენ მიერ ნაანდერძევი სიტყვები ცეცხლივით ანთებს დარჩენილ მებრძოლთ!... წითელი დროშა როდი დაეშვა ჯალათთა წინაშე!... ძირს მეფის მთავრობა! გაუმარჯოს დემოკრატიულ რესპუბლიკას“¹.

გლეხთა მოძრაობა საქართველოში 1902—1904 წლების პერიოდში მუშათა რევოლუციური მოძრაობის ძლიერი ზეგავლენით მიმდინარეობდა. რევოლუციური სოციალ-დემოკრატიის ხელმძღვანელობით ქვეყნის ცალკეულ რაიონებში გლეხთა მოძრაობამ ორგანიზებული და შეგნებული ხასიათი მიიღო. რუსეთის პირველი რევოლუციის წინახანებში გლეხთა მოწინავე ნაწილში პოპულარული გახდა ბრძოლის ისეთი ფორმა, როგორცაა დემონსტრაცია. რსდმპ II ყრილობის მიერ მიღებულ აგრარულ პროგრამაში წამოყენებული იყო ისეთი ამოცანები, როგორცაა წოდებრივი გადასახადების გაუქმება, მიწის საიჯარო ქირის დაკლება, გადახდილი გამოსასყიდი თანხებისა და ჩამონაჭრების დაბრუნება და გლეხთა კომიტეტების შექმნა ბატონყმურ ურთიერთობათა ნათებების აღმოსაფხვრელად. განსაკუთრებით ხაზგასმით იყო აღნიშნული კავკასიის გლეხებისათვის იმ მიწების გადაცემის აუცილებ-

¹ სკკპ ცკ-თან არსებული მარქს-ენგელს-ლენინ-სტალინის ინ-ის საქართველოს ფილიალის პროკლამაციების ფონდი. რსდმპ კავკასიის კავშირის ბათუმის კომიტეტის პროკლამაციები.

ლობა, რომლებითაც ისინი სარგებლობდნენ როგორც დროებით-
ვალდებულები, ხიზნები და ა. შ.¹.

რევოლუციისათვის უდიდესი მნიშვნელობა ჰქონდა ყრილობის მიერ აგარაულ-გლეხურ საკითხში ლენინურ პრინციპების მიღებას, ლენინის მოძღვრებას იმის შესახებ, რომ აუცილებელია მხარი დაეუჭიროთ გლეხობას ყველა მისი რევოლუციური ღონისძიების განხორციელებაში და ამავე დროს დაეიცვათ სოფლის პროლეტარიატის დამოუკიდებელი ინტერესები და დამოუკიდებელი ორგანიზაცია. მან ნათელი და მკაფიო მითითება მისცა ბოლშევიკებს იმის შესახებ, თუ როგორ წარემართათ მუშაობა სოფლად.

რსდმპ კავკასიის კავშირის თბილისის კომიტეტის მიერ 1904 წლის დეკემბერში გამოშვებულ პროკლამაციაში ხაზგასმულია პროლეტარიატის ხელმძღვანელი როლი ექსპლოატატორული წყობილების წინააღმდეგ ბრძოლაში დემოკრატიული რესპუბლიკის გამარჯვებისათვის.

მოწოდებაში „კავკასიის მუშებო, დროა შური ვიძიოთ!“, რომელიც 1905 წლის იანვარში გამოიცა, ი. ბ. სტალინი წერდა:

„რუსეთის რევოლუცია გარდუვალა. იგი ისევე გარდუვალა, როგორც გარდუვალა მზის ამოსვლა! განა შეგიძლიათ შეაჩეროთ მზის ამოსვლა? ამ რევოლუციის მთავარი ძალაა ქალაქისა და სოფლის პროლეტარიატი, ხოლო მისი მედროშე — სოციალ-დემოკრატიული მუშათა პარტია...“².



¹ „КПСС в резолюциях“, 1953 წ., ნაწ. 1, გვ. 42-43.

² ი. ბ. სტალინი, თხზ., ტ. I, გვ. 77.

რსდმპ კავკასიის კავშირის კომიტეტის მოქმედება 1905 წლის წინახანებში

რსდმპ კავკასიის კავშირმა თავისი ჩამოყალიბებისთანავე უაპაჩალა დიდი მუშაობა, რათა უზრუნველყო ხელმძღვანელობა ამიერკავკასიის პარტიული ორგანიზაციების მიმართ, რომლებიც იქმნებოდნენ პროლეტარული ინტერნაციონალიზმის საფუძველზე, რაც საშუალებას იძლეოდა რუსი, ქართველი, სომეხი და სხვა მუშების ჩასაბმელად მძლავრი პროლეტარული მოძრაობის ერთიან კალაპოტში. რსდმპ კავკასიის კავშირის კომიტეტი დიდ მუშაობას ეწეოდა კავკასიის ქალაქებსა და სოფლებში საპირველმართო დემონსტრაციების ორგანიზებულად ჩატარებისათვის. 1903 წელს გამოშვებულ იქნა სპეციალური საპირველმართო პროკლამაცია, რის გამოც ლენინური „ისკრა“ წერდა:

„კავკასიაში 1 მაისის წინახანებში დიდი რაოდენობით გავრცელდა პროკლამაცია კავკასიის სოციალ-დემოკრატიული მუშათა კავშირისა, რომელიც შეიქმნა პარტიის სამი კომიტეტის (ბაქო, ბათუმი, თბილისი) შეერთების შედეგად. პროკლამაცია, სხვათა შორის, მიმართავს კავკასიის გლეხებს და მოუწოდებს მათ „გამოვიდნენ უბადრუკი სოფლებიდან და ჩავიდნენ 1 მაისს ქალაქში“. პროკლამაცია განუმარტავს გლეხებს, რომ მათი ხსნა პროლეტარულ მოძრაობასთან შეერთება“¹.

1903 წ. მაისში ქ. ქუთაისში მოწვეულ იქნა ბათუმისა და ქუთაისის სოციალ-დემოკრატიული კომიტეტების კონფერენცია. კონფერენციის მუშაობა მიმდინარეობდა რსდმპ კავკასიის კავში-

1. „ისკრა“, 1903, № 40.

რის კომიტეტის წევრის ა. წულუკიძის ხელმძღვანელობით. შექმნილ იქნა რსდმპ ქუთაისის კომიტეტი, უმთავრესად ქიათურის, ტყიბულისა და ქუთაისის მუშებში სამოქმედოდ, და გურიისა და იმერეთის სოფლის მუშათა კომიტეტები. ივნისში ქუთაისის კომიტეტი და იმერეთის სოფლის მუშათა კომიტეტი გაერთიანდნენ ერთ კომიტეტად—რსდმპ იმერეთ-სამეგრელოს კომიტეტის სახელწოდებით. მაისიდან დაიწყო რსდმპ კავკასიის კავშირის კომიტეტის ორგანოს—„პროლეტარიატის ბრძოლის“ გამოცემა. 1903 წლის ივლისში რსდმპ კავკასიის კავშირის კომიტეტი ხელმძღვანელობს ამიერკავკასიის მუშების ცნობილ საყოველთაო გაფიცვას.

რსდმპ II ყრილობაზე პროგრამული და ორგანიზაციული საკითხების გამო ოპორტუნისტული ელემენტების წინააღმდეგ ვ. ილენინის ბრძოლის შედეგად მოხდა გამიჯვნა რსდმპ რევოლუციურ ნაწილს—ბოლშევიკებსა და მის ოპორტუნისტულ ნაწილს—მენშევიკებს შორის.

ამიერკავკასიაში II ყრილობის შემდეგ პარტიული ორგანიზაციების უმრავლესობა ლენინს მიემხრო.

1903 წლის ოქტომბერში გაიმართა რსდმპ კავკასიის კავშირის II ყრილობა. რსდმპ კავკასიის კავშირმა დაგმო მენშევიკების დეზორგანიზატორული საქმიანობა, გააძევა ისინი თავისი წრიდან და აიჩიო ახალი საკავშირო კომიტეტი, რომელიც მთლიანად ლენინურ პოზიციებზე დადგა. რსდმპ კავკასიის კავშირმა მკაცრად დაგმო მენშევიკური „ისკრა“, რომელიც „პირადი ანგარიშების გასწორების ასპარეზად“ გადაიქცა, და მოითხოვდა რსდმპ ცენტრალური კომიტეტისაგან არაფერი არ დაეთმო უმცირესობისათვის და დაუყოვნებლივ დაეწყო პარტიული ყრილობის მზადება.

1904 წლის იანვარში ი. ბ. სტალინი გამოიქცა გადასახლებიდან და იმავე წლის თებერვალს უკვე თბილისში იყო. აქ იგი სათავეში ჩაუდგა ბოლშევიკურ ორგანიზაციებს. რსდმპ კავკასიის კავშირის კომიტეტი ი. ბ. სტალინის ხელმძღვანელობით, ასრულებდა რა ლენინის მითითებებს, მტკიცე და შეურიგებელ ბრძოლას აწარმოებდა მენშევიკებისა და ბურჟუაზიული ნაციონალისტების წინააღმდეგ. რსდმპ კავკასიის კავშირის კომიტეტი მტკიცედ ახორციელებდა მენშევიკებთან განხეთქილების ხაზს; მან გაწყვიტა კავშირი რსდმპ ცენტრალურ კომიტეტთან, რომელიც მენშევიკების ხელში იყო.

1904 წლის ნოემბერში თბილისში გაიმართა კავკასიის კომიტეტების ბოლშევიკური კონფერენცია (15 დეკემბრის შემადგენლო-

ბოთ). მან გადაჭრით დაგმო მენშევიკების ანტიპარტიული და დეზორგანიზატორული საქმიანობა და გამოიტანა გადაწყვეტილება, რსდმპ III ყრილობის მოწვევის შესახებ, რისთვისაც არჩეულ იქნა ბიურო. ამიერკავკასიაში რევოლუციური მოძრაობის უმნიშვნელოვანეს ცენტრებში—ბაქოში, თბილისში, ბათუმში, ქიათურაში, ქუთაისში და სხვ. ბოლშევიკები დაულაღვე ბრძოლას აწარმოებდნენ მენშევიკებსა და რევოლუციური მარქსიზმის სხვა მტრებთან.

რსდმპ იმერეთ-სამეგრელოს კომიტეტი ასევე ბოლშევიკურ პოზიციებზე იდგა. მენშევიკებმა მოიკალათეს რსდმპ თბილისის კომიტეტში, რომელიც არ ასრულებდა კავკასიის კავშირის კომიტეტის ბოლშევიკურ დირექტივებს. 1905 წლის 17 იანვარს მან მიიღო გადაწყვეტილება რსდმპ კავკასიის კავშირის კომიტეტიდან გამოსვლის შესახებ. უკანასკნელმა წინადადება მისცა თბილისის კომიტეტს უკან წაეღო თავისი განცხადება, მაგრამ მან ამაზე უარი განაცხადა. რსდმპ კავკასიის კავშირის კომიტეტმა გადაწყვიტა დაეშალა მენშევიკური კომიტეტი.

რსდმპ შიგნით ბრძოლა ორ ხაზს—რევოლუციურ—ბოლშევიკურ და ოპორტუნისტულ—მენშევიკურ ხაზებს შორის განსაკუთრებით მწვავედება რუსეთის პირველი რევოლუციის წლებში (1905—1907).

კავკასიის კავშირის კომიტეტს 1903 წლის შემოდგომისათვის თბილისი ჰქონდა ავლაბრის არალეგალური სტამბა, რომელიც ბოლშევიკური არალეგალური ტექნიკის ნიმუშს წარმოადგენდა და რომელსაც უდიდესი მნიშვნელობა ჰქონდა ბოლშევიკური ორგანიზაციების მუშაობისათვის.

ამ სტამბაში დაბეჭდილი იყო ვ. ი. ლენინის შრომები—„პროლეტარიატისა და გლეხობის რევოლუციურ-დემოკრატიული დიქტატურა“, „სოფლის ღარიბი გლეხობისადმი“ და სხვა; ი. ბ. სტალინის შრომები—„გაკვირვით პარტიულ უთანხმოებაზე“, „ორი შეჯახება“ და სხვ. ავლაბრის სტამბაში დაიბეჭდა რსდმპ პროგრამა, მიღებული პარტიის II ყრილობაზე, რსდმპ წესდება, მიღებული პარტიის III ყრილობაზე, ათეული პროკლამაცია და მოწოდება. არალეგალურ ბოლშევიკურ სტამბაში იბეჭდებოდა რსდმპ კავკასიის კავშირის კომიტეტის ორგანო—„პროლეტარიატის ბრძოლა“, „პროლეტარიატის ბრძოლის ფურცელი“. ეს გაზეთები, აგრეთვე წიგნები, ბროშურები, ფურცლები იბეჭდებოდა რუსულ, ქართულ, სომხურ ენებზე მრავალათასიანი ტირაჟით და არალეგალურად ვრცელდებოდა ამიერკავკასიისა და რუსეთის სხვა ადგილებში.

ავლაბრის არალეგალური სტამბა რსდმპ კავკასიის კავშირის კომიტეტის ხელში წარმოადგენდა მძლავრ იარაღს მეფის, მემამულეებისა და კაპიტალისტების წინააღმდეგ ბრძოლაში, მარქსიზმ-ლენინიზმის დიადი რევოლუციური იდეების პროპაგანდის საქმეში.

შესანიშნავად ორგანიზებულმა კონსპირაციამ ხელი შეუწყო ბოლშევიკებს ხანგრძლივად შეენარჩუნებიათ ეს სტამბა. კავკასიის მეფისნაცვალი ვორონცოვ-დაშკოვი იძულებული იყო ოფიციალურ საანგარიშო მოხსენებაში აღენიშნა, რომ „ასეთი საიდუმლო მოწყობა (სტამბისა) გამორიცხავდა მისი ჩვეულებრივი წესით აღმოჩენის ყოველგვარ შესაძლებლობას“.

1905—1907 წლების პერიოდში გამოდიოდა მთელი რიგი გაზეთები: „პროლეტარიატის ბრძოლა“ და „პროლეტარიატის ბრძოლის ფურცელი“ (ორივე რუსულ, ქართულ, სომხურ ენებზე), „ახალი დროება“, „დრო“, „ახალი ცხოვრება“, „მნათობი“, „ჩვენი ცხოვრება“—ქართულ ენაზე, „კაიცი“ („ნაპერწკალი“), „ნორ-ხოსოკ“ („ახალი სიტყვა“)—სომხურ ენაზე. ბაქოში გამოდიოდა „ბაკინსკი რაბოჩი“, „ბაკინსკი პროლეტარი“, „გუდოკ“—რუსულ ენაზე, „ბანვორ ძაინ“ („მუშის ხმა“)—სომხურ ენაზე, „კოჩ-დეკეტი“ („მოწოდება“)—აზერბაიჯანულ ენაზე.

ბოლშევიკურ პრესაში ი. ბ. სტალინთან ერთად მონაწილეობდნენ მ. ცხაკაია, ა. წულუკიძე, ს. შაუმიანი, ა. ჯაფარიძე, ფ. მახარაძე, ს. სპანდარიანი, გ. ორჯონიკიძე, მ. დავითაშვილი და სხვ. ვ. ი. ლენინი უდიდეს მნიშვნელობას ანიჭებდა ამიერკავკასიაში ბოლშევიკების საგამომცემლო საქმიანობას. „პროლეტარიატის ბრძოლის“ პირველი ნომრების გამოშვების გამო გაზეთმა „პროლეტარი“, რომელსაც ვ. ი. ლენინი ხელმძღვანელობდა, თავის სარედაქციო სტატიაში შემდეგი სიტყვებით აღნიშნა ეს ფაქტი:

„მხურვალედ მივესალმებით კავკასიის კავშირის საგამომცემლო მოღვაწეობის გაფართოებას და ვუსურვებთ მას შემდგომ წარმატებებს კავკასიაში პარტიულობის აღდგენის საქმეში“¹.

¹ „პროლეტარი“ 1905, № 12.





კლასობრივ ძალთა განლაგება 1905 წლის რევოლუციის წინახანაში

1904 წელს დაწერილ სტატიაში „როგორ ესმის სოციალ-დემოკრატიას ნაციონალური საკითხი?“ ი. ბ. სტალინი ამბობს, რომ სხვადასხვა დროს სხვადასხვა კლასი გამოდის ბრძოლის ასპარეზზე და თითოეულ კლასს თავისებურად ესმის „ნაციონალური საკითხი“, XIX საუკუნის პირველ ნახევარში პოლიტიკური ბრძოლის ასპარეზზე გამოვიდა ქართველი თავადაზნაურობა. იგი ცდილობდა უკუ მოეტრიალებინა ისტორიის ჩარხი, დაებრუნებინა ძალაუფლება ქართველი მეფეებისათვის, ხოლო თავადაზნაურობისათვის კი მისი პრივილეგიები და მთლიანად აღედგინა ის ფეოდალურ-ბატონყმური ურთიერთობა, რომელიც არსებობდა რუსეთთან საქართველოს შეერთებამდე. „ეს იყო, — როგორც ი. ბ. სტალინიმ განსაზღვრა, — „ფეოდალურ-მონარქიული ნაციონალიზმი“¹.

კაპიტალისტურ ურთიერთობათა განვითარების, საზოგადოებრივ ცხოვრებაში მომხდარი ღრმა ცვლილებების, ქალაქად და სოფლად საზოგადოებრივ კლასთა ინტერესების შეურიგებელი წინააღმდეგობის, გლეხთა გაძლიერებულ რევოლუციური ბრძოლის ზეგავლენით თავადაზნაურული მოძრაობა, რასაც ადგილი ჰქონდა საქართველოში XIX საუკუნის პირველ ნახევარში, სრულიად შეწყდა და ქართველი თავადაზნაურობის უმრავლესობა ცარიზმის მხეტვარი პოლიტიკის ერთგული გამტარებელი გახდა.

რევოლუციური მოძრაობის ზრდისა და რუსეთ-იაპონიის ომში ცარიზმის დამარცხების გავლენით ქართველმა თავადაზნაურობამ მორიდებულად დაიწყო ლაპარაკი ზოგიერთი რეფორმის განხორ-

¹ ი. ბ. სტალინი, თხზ., ტ. 1, გვ. 32.



მ. კალინინი

ციელების სასურველობაზე. მაგალითად, ქუთაისის თავადაზნაურობამ თავადაზნაურობის წინამძღოლ თავად წერეთლის მეშვეობით წინაგან საქმეთა მინისტრს წარუდგინა ბარათი, რომლითაც ითხოვდა შემოეღოთ საქართველოში ერობა და ნაფიც მსაჯულთა სასამართლოს ინსტიტუტი, ნება დაერთოთ, რათა პირველი ინსტანციის სასამართლოში საქმეები განხილულიყო ქართულ ენაზე, გაეუქმებინათ ქართველთა მიერ სამშობლოში სახელმწიფო სამსახურის შესრულებასთან დაკავშირებით არსებული შეზღუდვანი, შემოეღოთ დაწყებით სკოლებზე ქართულ ენაზე სწავლება და ა. შ.

1905 წლის 1 აპრილს თბილისის თავადაზნაურობამ თავის საგანგებო კრებაზე დაადგინა „მოწიწებით ეთხოვნა“ მეფის მთავრობისათვის, რათა მას ებოძებინა „ქართველი ხალხისათვის“ თვითმმართველობა, ამასთან იგულისხმება ისეთი თვითმმართველობა, როდესაც საქართველოსათავეში ჩაუდგებოდა ქართველი თავადაზნაურობა. მაგრამ როცა ცარიზმის, მემამულეებისა და ბურჟუაზიის წინააღმდეგ მიმართული მუშათა და გლეხთა ბრძოლა ფართოდ გაჩაღდა, ქართველმა თავადაზნაურობამ უშუალო მონაწილეობა მიიღო რევოლუციური მოძრაობის ჩახშობაში, ცარიზმის დასახმარებლად სპეციალური თავადაზნაურული, ეგრეთ წოდებული „შავი რაზმების“ შედგენის გზით.

მუშათა და გლეხთა რევოლუციური ბრძოლისადმი ქართველი თავადაზნაურობის დამოკიდებულებას ნათელყოფს თუნდაც ზუგდიდის მაზრის თავადაზნაურობის კრების ანგარიში:

„კრების უმრავლესობას შეადგენენ ისინი, ვისაც სასტიკი, ჯოჯოხეთური ზომებით სურს დღევანდელი მოძრაობის ჩაქრობა ამით შორის თავი უსახელებია ვლ. აღშიზაიას, თ-დ მინგრესკის მამულების გამგეს. აი რა უთქვამს ამ ვაჟბატონს: „გლეხს დღეს არაფერი გაკირება არ ადგია. იგი ცხოვრობს სრულ კმაყოფილებაში, და სამწუხაროთ ვერ შეუგნია თავისი ბედნიერი მდგომარეობა, აყოლია ფეხის ხმას და დადგომია საზიზღარ გზას... როდესაც დაიწვება ერთი აზნაურის და თავადის ოჯახი, უნდა დაიწვას ასი გლეხის ოჯახი. როდესაც მოკლული იქნება ერთი ჩვენთაგანი, უნდა მოიკლას ათასი გლეხი; მათი დამშვიდება შეიძლება მხოლოდ მაშინ, როცა აქ იქვე იგრივალებს თოფ-ზარბაზანი“¹.

საქართველოში კაპიტალიზმის განვითარებამ, რამაც წარმოშვა ნაციონალური ბურჟუაზია, ხელი შეუწყოა ბურჟუაზიული იდეოლოგიისა და ბურჟუაზიული ნაციონალიზმის ჩამოყალიბებას.

¹ გაზ. „მოგზაური“, 1905, № 13.

„თანამედროვე საზოგადოებრივმა ცხოვრებამ,—წერს ი. ბ. სტალინი,—წამოაყენა ჩვენში ბურჟუაზიის ნაციონალური საკითხი, როცა ნორჩი ქართველმა ბურჟუაზიამ იგრძნო, თუ რა ძნელია მისთვის თავისუფალი კონკურენცია „უცხოელ“ კაპიტალისტებთან, ქართველი ნაციონალ-დემოკრატების პირით ატიტინდა დამოუკიდებელ საქართველოზე. ქართველ ბურჟუაზიას უნდოდა საბაჟო წრე შემოეგლო ქართული ბაზრისთვის, ძალით გაეღვენა ამ ბაზრიდან „უცხოელი“ ბურჟუაზია, ხელოვნურად აეწია საქონლის ფასები და ასეთი „პატრიოტული“ ხრიკებით ლელო გაეტანა გამდიდრების მოედანზე“¹.

ნაციონალური ბურჟუაზია სისტემატურ ნაციონალურ-შოვინისტურ პროპაგანდას ეწეოდა, რათა შუღლი ჩამოეგლო მშრომელთა შორის, პირველ რიგში კი მრავალეროვნებიანი ამიერკავკასიის მუშებს შორის. ნაციონალური ბურჟუაზია რუსეთის პირველი რევოლუციის პერიოდში აღმოჩნდა კონტრრევოლუციის ბანაკში და მას არ შეეძლო რევოლუციური მოძრაობის სათავეში ჩადგომა. ეს აიხსნება იმით, რომ ქართველმა ნაციონალურმა ბურჟუაზიამ პოლიტიკურად ჩამოყალიბება დაიწყო იმ პერიოდში, როდესაც ნაციონალური პროლეტარიატი, განუყრელად დაკავშირებული რუსეთის მუშათა კლასთან, უკვე გამოვიდა როგორც მძლავრი პოლიტიკური ძალა, მიზნად დაისახა რა მოესპო არა მარტო ნაციონალურ-კოლონიური ჩაგვრა, არამედ მთელი კაპიტალისტური წყობილებაც. ნაციონალურ ბურჟუაზიას კლასობრივი ინტერესები უბიძგებდნენ რუსეთის ბურჟუაზიასთან შეერთებისაკენ, რამდენადაც მათ შორის სულ უფრო და უფრო მტკიცდებოდა ეკონომიური ინტერესების ერთიანობა.

„...ჩვენ ეკონომიური განვითარება,—წერდა ი. ბ. სტალინი,—თანდათან ხიდსა სდებს ქართველი ბურჟუაზიის მოწინავე წრეებსა და „რუსეთს“ შორის, ეკონომიურად და პოლიტიკურად აკავშირებს ამ წრეებს „რუსეთთან“ და მით ნიადაგს ურყევს ისედაც შერყეულ ბურჟუაზიულ ნაციონალიზმს“².

გამოდდიოდა რა მუშებისა და გლეხების რევოლუციური ბრძოლის წინააღმდეგ, საქართველოს ნაციონალური ბურჟუაზია ცარიზმთან ჩარჩულ ვარიგებათა გზას დაადგა.

„ჩვენ წინააღმდეგნი ვართ პრინციპიებისაო,—გაიძახიან ლოზბერალები, ზურგს უკან კი მებატონეებს სცინცლავენ ხან ერთს ხან მეორე პრივილეგიას,—წერდა ვ. ი. ლენინი.

¹ ი. ბ. სტალინი, თხზ., ტ. 1, გვ. 33—34.

² ი. ბ. სტალინი, თხზ., ტ. 1, გვ. 35.

ასეთია ყოველი ლიბერალურ-ბურჟუაზიული ნაციონალიზმი — არა მარტო ველიკორუსული (იგი ყველაზე უარესია მისი ძალმომრეობითი ხასიათისა და ბატონ პურიშკევიჩებთან ნათესაობის წყალობით), არამედ პოლონური, ებრაული, უკრაინული, ქართული და ყოველი სხვა ნაციონალიზმიც. როგორც ავსტრიაში, ისე რუსეთში ყველა ერის ბურჟუაზია „ნაციონალური კულტურის“ ლაზტუნგით სინამდვილეში ატარებს მუშების დაქუცმაცებას, დემოკრატიის დასუსტებას, მებატონეებთან ჩარჩულ გარიგებას ხალხის უფლებებისა და ხალხის თავისუფლების გაყიდვის შესახებ“¹.

1905—1907 წლების რევოლუციის პერიოდში საქართველოში პოლიტიკურ ასპარეზზე მოქმედებდა სოციალ-ფედერალისტების პარტია. ეს იყო ბურჟუაზიულ-ნაციონალისტური პარტია, რომლის დამფუძნებელი კრება მოეწყო ჟენევაში 1904 წლის აპრილს. მისი ორგანო იყო გაზეთი „საქართველო“, რომელიც გამოდიოდა პარიზში 1903—1905 წლებში ქართულ და ფრანგულ ენებზე, და „ცნობის ფურცელი“, რომელიც გამოდიოდა თბილისში.

სტატიაში „როგორ ესმის სოციალ-დემოკრატიას ნაციონალური საკითხი?“ ი. ბ. სტალინი სოციალ-ფედერალისტების პარტიაზე წერდა:

„რას წარმოადგენს ამ ახირებული სახელწოდების „პარტია“? „საქართველო“ გვიამბობს... რომ წლებულს გაზაფხულზე საზღვარ გარეთ თავი მოიყარეს ქართველმა რევოლუციონერებმა: ქართველმა ანარქისტებმა, „საქართველოს“ მომხრეებმა, ქართველმა „სოციალ-რევოლუციონერებმა“ და... შეერთდნენ... „პარტიად“ ქართველი სოციალისტ-ფედერალისტებისა“... დიახ, სწორედ ანარქისტები, რომლებსაც სულითა და გულით ეზიზღებათ ყოველი პოლიტიკა, სოციალისტ-რევოლუციონერები, რომლებიც აღმერთებენ პოლიტიკას, საქართველოისტები, რომლებიც უარყოფენ ყოველ ტერორისტულ და ანარქისტულ ზომას, — აი, ეს ქრელი და ერთმანეთის უარმყოფელი ხალხი, თურმე ნუ იტყვი, შეერთებულა... „პარტიად“! იდეალური სხვადასხვაობა, როგორსაც კი წარმოიდგენს როდისმე აღამიანი! აი, სად არ მოსწყინდება კაცს!“².

სოციალ ფედერალისტების „პარტიის“ ერთ-ერთი ლიდერი, კაპიტალიზმისა და ბურჟუაზიული ნაციონალიზმის მეხოტბე იყო არჩილ ჯორჯაძე. იგი პრესაში იცაგდა ერის შიგნით „საერთო ნიადავისა“ და კლასობრივი მშვიდობის თეორიას, მოუწოდებდა მუ-

¹ ვ. ი. ლენინი, თხზ. ტ. 19, გვ. 418.

² ი. ბ. სტალინი, თხზ., ტ. 1, გვ. 52—53.

შებსა და გლახებს დაევიწყებინათ „შინაური უთანხმოებანი“ და კლასობრივი ბრძოლა დაემორჩილებინათ ბურჟუაზიულ-ნაციონალური მოძრაობის ინტერესებისათვის. ასეთივე პოზიცია ჰქონდა ქართველი „ლეგალური მარქსისტების“ ლიდერს ნ. ჟორდანიას.

„საერთო ნიადაგის“ გამანადგურებელი კრიტიკით გამოვიდა 1903 წელს რევოლუციური მარქსისტი ა. წულუკიძე თავის ცნობილ ბროშურაში „ოცნება და სინამდვილე“. ა. წულუკიძემ უწყვეად ნათელყო, რომ „საერთო ნიადაგის“ თეორიასა და „ინტერესთა ჰარმონიის“ იდეოლოგიას ბურჟუაზიულ-ნაციონალისტური ხასიათი აქვს. ა. წულუკიძე თავის შრომაში გვიჩვენებს, რომ კაპიტალიზმის განვითარება ჰქმნის არა ნიადაგს კლასთა საერთო მოქმედებისათვის, არამედ უფსკრულს მათ შორის, რომ კლასობრივი მშვიდობა შეუძლებელია. ა. წულუკიძემ დაბეჯითებით ცხადყო, რომ იმდროინდელ ქართველ საზოგადოებაში არსებობდა შეურიგებელი წინააღმდეგობანი ბურჟუაზიასა და პროლეტარიატს, თავადანაურობასა და გლახობას შორის და თვით გლახობის შიგნითაც.

სოციალ-ფედერალისტური ბურჟუაზიულ-ნაციონალისტური პარტიის საპროგრამო მოთხოვნა იყო საქართველოს ავტონომიამეფის რუსეთის ფარგლებში.

აგრარულ საკითხში სოციალ-ფედერალისტებმა მთლიანად გადმოიღეს ესერებისაგან მათი პროგრამა—მიწის სოციალიზაცია. თუმცა სოციალ-ფედერალისტები სოციალიზმისა და „მშრომელი ხალხის კლასობრივი პარტიის“ ნიღბით გამოდროდნენ, მაგრამ საქმით მათ არასოდეს არ უბრძოლიათ სოციალიზმისათვის, მუდამ უარყოფდნენ რევოლუციურ კლასობრივ ბრძოლას.

რუსეთის პირველი რევოლუციის პერიოდში სოციალ-ფედერალისტების პარტია მენშევიკებსა და ანარქისტებთან ერთიანი ფრონტით გამოდიოდა და ცდილობდა დაენგრია ცარიზმისა და კაპიტალიზმის წინააღმდეგ მიმართული ამიერკავკასიის მშრომელთა ერთიანი ინტერნაციონალური ფრონტი. ამიტომ. ამიერკავკასიისა და საქართველოს ბოლშევიკები შეურიგებელ ბრძოლას აწარმოებდნენ როგორც მენშევიკების, ანარქისტებისა და ესერების წინააღმდეგ, ისე სოციალ-ფედერალისტების წინააღმდეგაც და სასტიკად დაამარცხეს ისინი იდეურად.

რსდმპ II ყრილობის შემდეგ საქართველოში ჩამოყალიბდა ოპორტუნისტული მენშევიკური ჯგუფი.

მაშინ, როცა ბოლშევიკები იბრძოდნენ სახალხო რევოლუციის ვაშლისა და მისი გამარჯვებისათვის, ცარიზმისა და მემამულეების ულლისაგან მშრომელთა განთავისუფლებისათვის, ბურჟუაზიულ-დემოკრატიული რევოლუციის სოციალისტურ რევოლუციაში გადაზრდისათვის, მენშევიკები იცავდნენ რევოლუციაში ლიბერალური ბურჟუაზიის ჰეგემონიას, რევოლუციის შეკვეცას, გამოდიოდნენ ბურჟუაზიულ-დემოკრატიული რევოლუციის მამოძრავებელი ძალების ხასიათის ბოლშევიკური შეფასების წინააღმდეგ, შეიარაღებულ აჯანყებისა და დროებითი რევოლუციური მთავრობის შექმნის წინააღმდეგ.

თავის შრომებში, დაუნდობლად ამხილებდა რა რუსეთისა და საერთაშორისო მენშევიზმს, რომელიც ჩაეფლო შემთანხმებლობის ქაობში და გადაიქცა ბურჟუაზიის აგენტურად მუშათა მოძრაობაში, ლენინი არაერთხელ შეხებია ქართველ მენშევიზმსაც.

1905 წლის აპრილში კავკასიის მენშევიკების კონფერენციამ მიიღო რეზოლუცია დროებით რევოლუციურ მთავრობაში მონაწილეობის უარყოფის შესახებ. ამის გამო ლენინი თავის ცნობილ ნაშრომში „სოციალ-დემოკრატიის ორი ტაქტიკა დემოკრატიულ რევოლუციაში“ წერდა: „ორ მოკლე სტრიქონში კავკასიელმა ახალისკრელებმა შესძლეს გამოეთქვათ რევოლუციის მიმართ გამცემლობის ტაქტიკის მთელი რაობა, ბურჟუაზიული კლასების უბადრუკ მაჩანჩალად პროლეტარიატის გადაქცევის ტაქტიკის მთელი რაობა. ის, რაც ჩვენ ზემოთ ახალისკრელობის შეცდომებიდან გამოვიყვანეთ, როგორც ტენდენცია, აქ უკვე ნათელ და გარკვეულ პრინციპამდეა აყვანილი: ეს არის მონარქისტული ბურჟუაზიის კულში ჩანჩალი“¹.

1904 წლის იანვარში დაიწყო რუსეთ-იაპონიის ომი. იაპონიასთან ომისაკენ მეფის მთავრობას... უბიძგებდნენ მსხვილი ბურჟუაზია, რომელიც ახალ ბაზრებს ეშებდა, და მემამულეთა ყველაზე რეაქციული ფენები“².

ცარიზმს, რომელიც პოლიტიკურ კრიზისს განიცდიდა, სურდა რევოლუციის თავიდან აცდენა. მენშევიკებმა დაიკავეს „სამშობლოს“, მეფის რუსეთის დაცვის ობორონცული პოზიცია.

¹ ვ. ი. ლენინი, ტ. 9, გვ. 103.

² სკპ(ბ) ისტორია. მოკლე კურსი, გვ. 68.

ბოლშევიკები თანმიმდევრობით იცავდნენ ლენინურ ხაზს, რომელიც მიმართული იყო ცარიზმის დამარცხებისაკენ ომში და მოუწოდებდნენ მასებს შეიარაღებული ბრძოლისაკენ.

რსდმპ კავკასიის კავშირის თბილისის კომიტეტის ერთ-ერთ პროკლამაციაში ნათქვამი იყო:

„რამდენიც არ უნდა გვიძახონ: „არა-პატროტნი“, „შინაური მტრები“, —...ნუ შეგვაცდენს და შეგვაშინებს ხალხის ჯალათი ნიკოლოზ მეორე, ან მისი მინისტრები, ან ეს ჩვენი კავკასიის მხეცი—გოლიცინი. ვისურვოთ, რომ ეს ომი ყირიმის ომზე უარესი შეიქნეს რუსეთის თვითმპყრობელობისათვის... მაშინ ბატონყმობა დაიშნო, ახლა ამ ომის შედეგი-კი ბატონ-ყმობის ღვიძლი შევითვითმპყრობელობა თავის აყროლებულ მძოვრ პოლიცია-ჟანდარმებით—დავმარხოთ! ვნსურვოთ ეს და კიდევ ვიმოქმედოთ, ამხანაგებო!“.

ბოლშევიკებმა გააჩაღეს ფართო აგიტაცია და პროპაგანდა ჯარისკაცებში, მოუწოდებდნენ მათ მხარი დაეჭირათ მუშებისა და გლეხების ბრძოლისათვის მეფისა და მემამულეების წინააღმდეგ. რსდმპ კავკასიის კავშირის თბილისის კომიტეტის პროკლამაციაში „ძმებო, სალდათებო!“ ნათქვამი იყო: „...და თქვენც, დატანჯულო ძმებო, სალდათებო, თქვენც ვალდებული ხართ ჩვენთან ერთად ებრძოლოთ სულის შემხუთველ თვითმპყრობელობას... მხოლოდ თქვენი იმედიღა აქვს თვითმპყრობელობას და თუ თქვენც მიატოვებთ მას, ის ვერ გაუძლებს თავის სიმძიმეს და დაიშხვრევა“¹.

რუსეთ-იაპონიის ომში ცარიზმის დამარცხების, მთელს ქვეყანაში რევოლუციის ზრდის და ერობელების ლიბერალური მოძრაობის ზეგავლენით საქართველოშიც იწყება ნაციონალური ბურჟუაზიისა და ცალკეული თავადაზნაურული ჯგუფების გამოსვლები.

ბანკეტებზე, რომლებიც ეწყობოდა 1904 წლის დამლევსა და 1905 წლის დამლევს თბილისში, ბათუმში, ქუთაისში, სოხუმში, ლიბერალურად განწყობილი ბურჟუაზიული და თავადაზნაურული ელემენტები გამოთქვამდნენ გაუბეღლვ სურვილებს ცალკეულ რეფორმის განხორციელების შესახებ.

ამ დროისათვის გააქტივდა ქართველი მართლმადიდებელი სამღვდელთაგან. მისმა ზედაფენამ დააყენა ქართული ეკლესიის ავტოკეფალიის საკითხი. უმაღლესი სამღვდელთაგანის ნამდვილი მიზანი ის იყო, რომ გაეფართოებინა თავისი პრივილეგიები, რაც

¹ სკკპ ცკ-თან არსებული მარქს-ენგელს-ლენინ-სტალინის ინსტიტუტის საქართველოს ფილიალი, ფ. 33, ს. 63.

მან დაკარგა საქართველოს რუსეთთან შეერთების შემდეგ. 1906 წელს ქუთაისში გამოიცა წიგნი „სიმართლე საქართველოს ეკლესიის ავტოკეფალიის შესახებ“, რომლის ავტორი არ იყო დასახელებული. ამ წიგნის ანონიმური ავტორის გამოანგარიშებით მეფის მთავრობამ ქართულ ეკლესიას ჩამოართვა მთელი მიწა, რის ნაცვლადაც მას ყოველწლიურად ეძლეოდა ხაზინიდან 106.000 მანეთი, ანუ საშუალოდ წელიწადში 19 კაპიკი, დესეტინა მიწაში. ამავდროს, ავტორის აზრით, დესეტინას იმ დროისათვის უნდა მიეცა შემოსავალი 30 მანეთის რაოდენობით და ამის შემებაძმისად საქართველოს სამღვდლოება მიიღებდა 16.189.485 მანეთს.

მშრომელთა მასებში სამღვდლოების მოთხოვნა საქართველოს მართლმადიდებელი ეკლესიის ავტოკეფალიის შესახებ არაერთი პოპულარობით არ სარგებლობდა.

რევოლუციური მოძრაობის ზრდის, გლეხობის მიერ საეკლესიო-სამონასტრო მიწების მისაკუთრების, „დრამის ფულის“ გადახდაზე უარის თქმის გამო ქართველი სამღვდლოება ისე, როგორც ნაციონალური ბურჟუაზია და თავადაზნაურობა, თვითმპყრობელებურ-ექსპლოატატორული წყობილების დამკველთა რიგებში იდგა.

საქართველოს სინოდალურმა კანტორამ, რომელიც ხელმძღვანელობდა ეკლესიას საქართველოში, და ქართული ეკლესიის მეთაურმა-ეგზარქოსმა 1905 წლის თებერვლის დამდეგს შეიმუშავეს „არეულობასთან“ ბრძოლის ღონისძიებათა მთელი სისტემა. ყველა ეკლესიას გაეგზავნა ქართულ ენაზე სინოდის მოწოდება რევოლუციური მოძრაობის წინააღმდეგ ბრძოლის შესახებ.

სინოდის კანტორამ ქართულ და რუსულ ენებზე დიდი ტირაჟით დაბეჭდა და დაავრთა ფურცლები შემდეგი სათაურით: „პატივი ეციოთ მეფეს“, „დაემორჩილე ხელისუფლებას“, „მონანიეთ“ და ა. შ. საეკლესიო-სამრევლო სკოლების მასწავლებლებს დაეგზავნათ ცირკულარი, რომლითაც მათ წინადადება ეძლეოდათ დაეცვათ „ახალგაზრდა თაობა-ეკლესიისა და სახელმწიფოს წინააღმდეგ მიმართულ მოძღვრებათა სენისაგან“. როდესაც საქართველოში 1905 წელს რევოლუციური მოძრაობა მთელს ქვეყანას მოედო, სინოდის კანტორამ გადაწყვიტა შეექმნა შავრაზმული „ქრისტიანული კავშირები“ პოლიციისა და ოხრანკის დასახმარებლად.

ქართველი მენშევიკები ეწეოდნენ აგიტაციას ლიბერალური ბურჟუაზიისა და მემამულეების ოპოზიციური გამოსვლებმძათვის მხარდაჭერის სასარგებლოდ.

ისინი თანახმანი იყვნენ აგრეთვე მონაწილეობა მიეღოთ ადგილობრივ „წოდებათა წარმომადგენლების კრებაში“, რომლის მოწვევასაც აპირებდა რევოლუციური მოძრაობის ზრდით დამფრთხალი კავკასიის მეფისნაცვალი გრაფი ვორონცოვ-დაშკოვი.

ბოლშევიკები ამხილებდნენ ლიბერალების ოპოზიციისა და მენშევიკების შემთანხმებლობის ქეშმარიტ არსს. რსდმპ კავკასიის კავშირის თბილისის კომიტეტის მიერ სპეციალურად გამოშვებულ პროკლამაციაში ნათქვამი იყო:

„... ჩვენი დევიზი: „ძირს თვითმპყრობელობა!“—ნამდვილ მოთხოვნილებად უნდა გადაიქცეს... არა ლიბერალთა ლაჩრული სიტყვა, არამედ ჩვენი პირდაპირი და გაბედული სიტყვა უნდა გაისმოდეს მთელ რუსეთში.

ლიბერალებმა კი არა, ჩვენ უნდა მივსცეთ ტონი მთელ რევოლუციურ მოძრაობას. ჩვენ უნდა მოვითხოვოთ დემოკრატიული რესპუბლიკა საყოველთაო საარჩევნო უფლებით, ჩვენ უნდა ვიბრძოლოთ თვითმპყრობელობისა და ბურჟუაზიის წინააღმდეგ“.

ამიერკავკასიაში რუსეთის პირველი რევოლუციის წინახანებში ყველაზე დიდ რევოლუციურ მოვლენას წარმოადგენდა ბაქოს მუშების 1904 წლის დეკემბრის საყოველთაო გაფიცვა. ბოლშევიკური ხელმძღვანელობის, მუშების დარაზმულობისა და ორგანიზებულობის მეოხებით ბაქოს გაფიცვა გამარჯვებით დაგვირგვინდა. ამის შედეგად დაიდო რუსეთის მუშათა მოძრაობის ისტორიაში პირველი კოლექტიური ხელშეკრულება მუშებსა და ნავთის მრეწველებს შორის.

ბაქოს 1904 წლის გაფიცვამ დიდი გამოძახილი პოვა მთელი რუსეთის მუშებში. სამრეწველო ცენტრებში ბოლშევიკები მოუწოდებდნენ მუშებს მატერიალური დახმარება გაეწიათ ბაქოს გაფიცულებისათვის და ეწარმოებინათ მზადება საყოველთაო გაფიცვისათვის. მიესალმებოდნენ რა ბაქოს პროლეტარიატის საყოველთაო გამოსვლას, პეტერბურგის მუშები წერდნენ:

„ჩვენ, პეტერბურგის მუშები, მხურვალედ მივესალმებით თქვენს სახელოვან ბრძოლას... ამხანაგებო, თქვენი ხანგრძლივი, სახელოვანი ბრძოლა ერთ-ერთი სასახელო ფურცელია ჩვენი რევოლუციური ბრძოლის ისტორიაში, ხოლო თქვენი ახალი საქმე იმის იმედს გვაძლევს, რომ ლიბერალების გაუბედავი ზურჩულიც ნაცვლად მალე აზვირთდება მუშათა რევოლუციის მრისხანი ტალღა“¹.

¹ „პრავდა“, 1934, № 358.





დემონსტრაციის წინ

მხ. ა. ქუთათელაძე

რევოლუციის დასაწყისი,
საქათვალს მუშებისა და მღახების გამოსვლაზე

რუსეთ-იაპონიის ომში მეფის რუსეთის დამარცხებამ დააჩქარა რევოლუციური კრიზისი ჩვენს ქვეყანაში.

ბაქოს გაფიცვა „თითქოს იყო ქვეა-ქუხილის წინამორბედი ვლადი დიდი რევოლუციური ქარიშხლის წინ“¹.

რევოლუციური ქარიშხლის დასაწყისს წარმოადგენდა 1905 წლის 9 [22] იანვრის ამბები პეტერბურგში.

ამ დღეს მეფის მთავრობამ სისხლიანი ბოროტმოქმედება ჩაიდინა, დახვრიტა უიარაღო მუშები, ქალები და ბავშვები.

„დიანხ, გაკვეთილი დიდი იყო! — წერდა ვ. ი. ლენინი, — რუსეთის პროლეტარიატი ამ გაკვეთილს არ დაივიწყებს. მუშათა კლასის ყველაზე მოუმზადებელმა, ყველაზე ჩამორჩენილმა ფენებმა, რომლებსაც გულუბრყვილოდ სჯეროდათ მეფისა და გულწრფელად სურდათ „თვით მეფისათვის“ მშვიდობიანად გადაეცათ დატანჯული ხალხის ღზოვნა, ყველამ მიიღო გაკვეთილი სამხედრო ძალისაგან, რომელსაც ხელმძღვანელობდა მეფე ან მეფის ბიძა, დიდი მთავარი ვლადიმერი“².

„სისხლიანი კვირის“ საპასუხოდ მთელი რუსეთი მოიცვა აღშფოთებამ და გულისწყრომამ და ყველგან აზვირთდა პოლიტიკური გაფიცვების უზარმაზარი ტალღა. იანვარში გაფიცულთა რიცხვმა 440 ათას კაცს მიაღწია. ახლა მუშები მიდიოდნენ ქუჩაში ლოზუნგით: „ძირს თვითმპყრობელობა!“

¹ სკპ(ბ) ისტორია. მოკლე კურსი, გვ. 70.

² ვ. ი. ლენინი, თხზ., ტ. 8, გვ. 100.

იანვრის მოძრაობამ უდიდეს გასაქანს მიაღწია ამიერკავკასიაში. რუსულ, ქართულ და სომხურ ენებზე გამოიცა და ფართოდ გავრცელდა რსდმპ კავკასიის კავშირის კომიტეტის პროკლამაცია, დაწერილი ი. ბ. სტალინის მიერ. იგი კავკასიის მრავალეროვან პროლეტარიატს მოუწოდებდა გაეჩაღებინა რუს მოძმეებთან ერთად მზადება შეიარაღებულა აჯანყებისათვის მეფის თვითმპყრობელობის წინააღმდეგ.

„დროა შური ვიძიოთ! დროა შური ვიძიოთ სახელოვანი ამხანაგებისთვის, რომლებიც მხეცურად დახოცეს მეფის ბაშიბუზუკებმა იაროსლავლში, დამბროვოში, რიგაში, ჰეტერბურგში, მოსკოვში, ბათუმში, თბილისში, ზლატოუსტში, ტიხორეცკაიაში, მიხაილოვოში, კიშინიოვში, გომელში, იაკუტსკში, გურიაში, ბაქოსა და სხვა ადგილებში! დროა მოვთხოვოთ მას ანგარიში იმ სრულიად უდანაშაულო უბედურათათვის, რომლებიც ათეულ ათასობით დაიღუპნენ შორეული აღმოსავლეთის ველებზე! დროა თვალზე ცრემლი შევაშროთ მათ ცოლ-შვილს! დროა პასუხი მოვთხოვოთ მას ტანჯვისა და დამცირებისათვის, ადამიანის შემარცხენელი ბოკილეებისთვის, რომლითაც მან დიდი ხანია შეგებოჭა! დროა ბოლო მოვუღოთ მეფის მთავრობას და გზა გავკაფოთ სოციალისტური წყობილებისკენ! დროა დავანგრეოთ მეფის მთავრობა! და ჩვენ კიდევაც დავანგრევთ მას!“¹.

1905 წლის 18 იანვარს (ძვ. სტ.) თბილისში საპროტესტო გაფიცვა მოაწყეს მუშა-რკინიგზელებმა. მათ მიემხრენ სტამბებისა და თამბაქოს ქარხნების მუშები და მალე გაფიცვამ საყოველთაო ხასიათი მიიღო.

19 იანვარს თბილისის ერთ-ერთ მუშათა უბანში—დიდუბეში გაიმართა მიტინგი. მასში მონაწილეობა მიიღო ორი ათასამდე კაცი. ბოლშევიკი ორატორების გამოსვლის შემდეგ მიტინგის მონაწილეებმა მკაცრი პროტესტი განაცხადეს მეფის მთავრობის მიერ პეტერბურგის მუშების სისხლიანი დარბევის წინააღმდეგ და წარუდგინეს მას მთელი რიგი პოლიტიკური მოთხოვნები.

23 იანვარს თბილისის სხვადასხვა რაიონში გაიმართა პოლიტიკური დემონსტრაციები. გოლოვინის (ამჟამად რუსთაველის) პროსპექტზე დემონსტრანტები მიდიოდნენ წითელი დროშებით, და ლოზუნგებით: „ძირს თვითმპყრობელობა“ და სხვ. კაზაკებსა და პოლიციასთან შეტაკებას მოჰყვა ადამიანთა მსხვერპლი მოკლულთა და დაჭრილთა სახით. გაფიცვა და პოლიტიკური დემონსტრაცია

¹ ი. ბ. სტალინი, თხზ., ტ. I, გვ. 75—76.

სტრაცია შიშნადა რსდმპ კავკასიის კავშირის თბილისის კომიტეტ-
მა. ბოლშევიკები პროკლამაციებს ავრცელებდნენ მუშებს შორის.

თბილისის მუშების პოლიტიკურ გაფიცვას მოჰყვა საყოველ-
თაო გაფიცვები ბათუმში, ქიათურაში, სოხუმში და აგრეთვე გლეხ-
თა მძლავრი გამოსვლები საქართველოს სხვადასხვა რაიონში.

ბათუმში 9 იანვრის დახვერეთის პროტესტის ნიშნად გამოვიდ-
ნენ რკინიგზელები და ნავსადგურის მუშები, მალე მოძრაობამ სა-
ყოველთაო ხასიათი მიიღო. ქალაქში ყოველი მხრიდან შემოჰყავდათ
ჯარის ნაწილები. ბათუმის ოლქის სამხედრო გუბერნატორმა გა-
მოსცა ბრძანება რევოლუციური გამოსვლების შეწყვეტის შესახებ.
ამ მიზნით წინადადებას იძლეოდა „დაეშინათ ცეცხლი ცალკეულად
ან ზალპით, მაგრამ პირდაპირ ხალხისათვის“. ამის საპასუხოდ
რსდმპ კავკასიის კავშირის ბათუმის კომიტეტმა შექმნა ორგანი-
ზაცია, რომელმაც დაიწყო შეიარაღებული რაზმების ჩამოყალიბე-
ბა. სამტრედიის რაიონის სოფელ კულაშში მოეწყო კონსპირაცი-
ული სახელოსნო ხელყუმბარებისა და სხვა იარაღის დასამზადებ-
ლად. 18 იანვარს დაიწყო მუშების გაფიცვა ქუთაისში. მას მიემხ-
რნენ ხელოსნები, მოსამსახურეები, მეეტლეები, ნოქრები, ყველა
სასწავლებლის მოსწავლეები. ქუჩებში იმართებოდა დემონსტრაცი-
ები წითელი დროშებით და პოლიტიკური ლოზუნგებით. ერთ-ერთი
დემონსტრაციის დროს თავს დაესხნენ ციხეს პოლიტიკური
პატიმრების გასათავისუფლებლად. მოხდა დიდი შეტაკება პოლი-
ციასთან.

20 იანვარს გაიფიცნენ სოხუმის მუშები, მეორე დღეს—საჟ-
ვანძო სადგურ სამტრედიის რკინიგზელები, ფოთის ნავსადგური-
სა და ტყიბულის ქვანახშირის მალაროების მუშები. 22 იანვარს
დაიწყო ქიათურის მუშების გაფიცვა.

26 იანვარს აქ გაიმართა მუშათა შეიარაღებული დემონსტ-
რაცია ახლო-მახლო სოფლების გლეხთა მონაწილეობით. დემონ-
სტრაციის დროს წარმოთქვამდნენ პოლიტიკურ სიტყვებს, მღეროდ-
ნენ რევოლუციურ სიმღერებს, ავრცელებდნენ ბოლშევიკურ პროკ-
ლამაციებს.

მუშათა რევოლუციურმა ბრძოლამ თავისი გავლენა მოახდინა
ქართულ სოფელზედაც.

ოზურგეთის მაზრაში გლეხები უარს აცხადებდნენ მეფის კა-
ნონებისა და განკარგულებების შესრულებაზე, სოფლებიდან აძე-
ვებდნენ თანამდებობის პირებს, სპობდნენ სასოფლო საშმართვე-
ლოების წიგნებსა და საქმეებს, ხშირად ცეცხლს უკიდებდნენ სა-
სოფლო კანცელარიების შენობებსაც.

გლებები უარს ამბობდნენ რაიმე ბეგარის შესრულებაზე, სახელმწიფო გადასახადებისა და „დრამის ფულის“ გადახდაზე¹. ორგანიზებულად ეუფლებოდნენ მემამულეთა მიწებს. მაზრაში პირველად დაიწყო აღმოცენება გლებთა კომიტეტებისა, რომლებიც აქ ახალ წესებს აძყარებდნენ. „კომიტეტის დადგენილებით არც ერთ კაცს, ვინც კი მოძრაობას მიემხრო, არ უნდა მიემართა მთავრობის, სასამართლო და ადმინისტრაციული დაწესებულებებისათვის, რომლებიც, ამრიგად, სრული უმოქმედობის მდგომარეობაში უნდა დარჩენილიყვნენ“².

თავის საიდუმლო მოხსენებაში 1905 წ. 2 თებერვლის თარიღით ქუთაისის ოლქის სასამართლოს პროკურორი ატყობინებდა იუსტიციის მინისტრსა და თბილისის სასამართლო პალატას:

...უკანასკნელი 2 კვირის განმავლობაში ოზურგეთის მაზრაში მდგომარეობა ისე სწრაფად უარესდებოდა, რომ ამჟამად იქ თითქმის სრული ანარქიაა. მაზრის მთელი ტერიტორია ახლა უკვე „კომიტეტისა“ და მისი აგენტების სრულ განკარგულებაშია და მხოლოდ იქ, სადაც გამოჩნდება ხოლმე პოლიციის ან კაზაკების დიდი შეიარაღებული რაზმი, დროებით ხდება ჩვენი მთავრობის გავლენის აღდგენა“².

შემდეგ ამ მოხსენებითს ბარათში ნათქვამი იყო: მთავრობისაგან დანიშნულმა ყველა მამისახლისმა და სოფლის მწერალმა განუცხადა მაზრის უფროსს, რომ მათ არ შეუძლიათ სამსახურის შესრულება, რადგან ყოველდღიურად ძალადობასა და დაცინვას განიცდიან მოსახლეობისაგან, ზოგიერთი მათგანი კი პირდაპირ ძალით გააძევეს სასოფლო საზოგადოებებიდან. მაზრაში პოლიციის ბოქაულები ნაწილობრივად დახოცეს, სხვებმა კი სთხოვეს უფროსებს, რომ ისინი მოეხსნათ ან სხვაგან გადაეყვანათ. გლებები სრულიად აღარ მიმართავდნენ სასამართლო ორგანოებს. შეუძლებელი გახდა წინასწარი გამოძიების მოხდენა, რადგან არ ხერხდებოდა მოწმეების გამოწვევა. ვერც ერთი მეკუბოვე ოზურგეთის მაზრაში ვერავითარი ფულით ვერ დაითანხმეს გაეკეთებინა კუბო მოკლული მომრიგებელი შუამავლის თავად ნაკაშიძისათვის; არც ერთი მეეტლე არ დათანხმდა მისი ნათესაების წაყვანაზე, ხოლო მოკლულის პანაშვიდს დაესწრო 2 მოხუცი ქალი. 8 თებერვლისათვის დანიშნული ოლქის სასამართლოს სესია მოიხსნა, რადგან პოლიციამ უარი თქვა აღმოეჩინა რაიმე, თუნდაც სულ მცირე, დახმარება სასა-

¹ აქსი (ლენინგრადი), ფინანსთა სამინისტრო, კანცელარია. განყ. 2, 1905 წ. ს. № 20/16, ფ. 113.

² საქ. სსრ არსი, ფ. 31, ს. 3003, ფ. 15.

მართლოსათვის მოსახლეობის მხრივ შესაძლებელი თავდასხმისაგან-
დასაცავად...

მარტო 2 თებერვალს ოზურგეთის მაზრაში ორჯერ დაესხნენ თავს ჩაფრებს და აართვეს მათ იარაღი, მოეწყო ორი თავდასხმა-
სოფლის კანცელარიაზე, მოკვლის მიზნით თავს დაესხენ 2 მამა-
სახლისს და მოკლეს აზნაური ურუშაძე¹.

ოზურგეთის მაზრის გლეხები სწავლობდნენ სამხედრო საქ-
მეს და აშკარად ემზადებოდნენ შეიარაღებული აჯანყებისათვის.
გაზეთ „ვერიოდის“ 10 (23) მარტის ნომერში დაიბეჭდა კორეს-
პონდენცია, რომელშიც ნათქვამი იყო:

„რევოლუციისათვის მზად არის გურია (ოზურგეთის მაზრა),
რომელსაც საჭიროების შემთხვევაში დღესვე შეუძლია გამოიყვანოს
15.000 შერჩეული კაცი. ჭალები, მონუცები და ბავშვები ასევე გა-
ტაცებული არიან მოძრაობით და მოუთმენლად მოელიან რევოლუ-
ციის დაწყებას, რათა ჩაებნენ ბრძოლაში თვითმპყრობელობის
წინააღმდეგ და არ ჩამორჩნენ თავიანთ ქმრებს, შეილებსა და მა-
მებს. გურულები შეუდგნენ შეიარაღებას: აშკარად, დღით თავს
ესხმიან ბერდანის თოფის მქონე პირებს და ართმევენ იარაღს, სა-
მაგიეროდ იმით ანუგეშებენ, რომ რევოლუციის დამთავრების შემ-
დეგ ბერდანები უკან დაგებრუნდებათო“².

გლეხთა მოძრაობამ ანალოგიური ხასიათი მიიღო აჭარის იმ-
ნაწილში, რომელიც უშუალოდ ესაზღვრებოდა ბათუმს, აფხაზეთ-
ში, ზუგდიდის, სენაკის, რაჭის, ლეჩხუმის, შორაპნის მაზრებში.
მაგალითად, ბათუმის მახლობლად მდებარე სოფელ ბარცხანაში
„გამოჩნდა თვითმარქვია გუბერნატორი, რომელიც პროკლამაციის
სახით იძლეოდა თავის განკარგულებებს, გამოჰქონდა გადაწყვე-
ტილებანი ამა თუ იმ პირის გასახლების შესახებ, ასამართლებდა
და სჯიდა“³.

1905 წლის პირველი ორი თვის განმავლობაში ქუთაისის მაზ-
რაში გადაწვეს 16 სასოფლო კანცელარია მთელი თავისი საქმე-
ებით. შორაპნის მაზრაში გლეხებმა შეწყვიტეს ყოველგვარი ურთი-
ერთობა სოფლის თანამდებობის პირებთან და თავიანთი საქმეების
გადასაწყვეტად ისინი მათ მიერვე არჩეულ პირებს მიიართავდნენ.
გლეხები არ იხდიდნენ სახელმწიფო გადასახადებს, „უარს ამბობ-
დნენ სანადელო მიწებისათვის მემამულეების ხვედრ ბეგარათა შეს-

¹ საქ. სსრ აქსი, ფ. 31, ს. 3003, 15—16.

² „ვერიოდი“, 1905 № 11.

³ აქსი (ლენინგრადი), ფინანსთა სამინისტრო, კანცელარია. განყ. 2, 1905.
№ 20/16, ფ. 120.

რულემაზე და აცხადებდნენ, რომ ეს მიწები გლეხების საკუთრებაა და არა მემამულეებისა¹.

სენაკისა და ზუგდიდის მაზრებში ასევე გადაწყვეს სოფლისკანცელარიები, თავს ესხმოდნენ ჩაფართა რაზმებს. ერთ-ერთი ასეთი შეტაკება მოხდა სოფელ კახათში. 1905 წლის 14 თებერვალს ათასზე მეტი გლეხი თავს დაესხა პოლიციასა და ჩაფრებს მათ მიერ დაპატიმრებული გლეხების გასათავისუფლებლად. ქუთაისის მაზრის სოფელ დიდ ჯიხაიში გაიმართა გლეხთა დემონსტრაცია, რომელიც იმით დამთავრდა, რომ პოლიციელებმა და დემონსტრანტებმა ტყვია დაუშინეს ერთმანეთს.

გლეხთა მღელვარებამ მოიცვა თბილისის გუბერნიაც.

თებერვლის შუა რიცხვებში გორის მაზრაში გამოვიდნენ ოსი გლეხები. ოფიციალურ მოხსენებითს ბარათში ამის გამო ნათქვამი იყო:

„გორის მაზრის დასავლეთ და ჩრდილოეთ ნაწილის ოსები მთის სოფლებიდან ბარში ჩამოდიან და დიდ-დიდ ჯგუფებად დადიან მემამულეთა კარმიდამოებში... ცხინვალში მეზობელი სოფლებიდან თავმოყრილი რამდენიმე ათასი კაცი მოითხოვდა მომრიგებელი მოსამართლისა და სოფლის ექიმის გაძევებას.

გლეხები მემამულეებისაგან მოითხოვენ ხელწერილს იმის შესახებ, რომ დაუთმობენ მათ მიწებსა და ტყეებს. მემამულეთა მოსამსახურეებსა და მუშებს ერეკებიან. სოფლის ხელისუფალნი, ხალხისაგან დამფრთხალნი, უმოქმედობას იჩენენ, სოფლის კანცელარიებში საქმეებს სპობენ, სოფლის ფოსტა ბევრგან არ მოქმედებს, პაკეტებს ხსნიან და ხევენ. ზოგიერთი მომრიგებელი მოსამართლის საქმიანობა შეჩერდა. ბევრი მამული უმეტევალყუროდ დარჩა. მაზრაში გამგზავრებულ კოძისიას გლეხებმა მხოლოდ პოლიტიკური ხასიათის მოთხოვნები წაუყენეს“

სოფელ კორნისში გაიმართა მიტინგი, რომელსაც 21 სოფლის წარმომადგენლები დაესწრნენ. გლეხებმა მიიღეს ერთგულებისა და სოლიდარობის ფიცი და გამოიტანეს გადაწყვეტილება უარი ეთქვათ გადასახადების გადახდაზე, ბოიკოტი გამოეცხადებინათ მთავრობის ყველა დაწესებულებისათვის, აღარ ეძლიათ ღალა მემამულეებისათვის და „დრამის ფული“ მღვდლებისათვის. ანალოგიური გადაწყვეტილება გამოიტანეს გორის მაზრის სხვა სასოფლო-საზოგადოებებმაც.

¹ გაზ. „კავკაზი“, 1905, № 70.

28. თებერვალს მოეწყო პოლიტიკური დემონსტრაცია, რომელშიც მონაწილეობა მიიღეს ახლო-მახლო სოფლების გლეხებმა. წარმოითქვა სიტყვები, გავრცელებულ იქნა რევოლუციური ლიტერატურა. დემონსტრანტები მიდიოდნენ ქალაქის ქუჩებში შეძახილებით: „თავისუფლება!“, „ერთობა!“. პოლიციამ და ჯარისკაცებმა სროლა აუტენეს დემონსტრანტებს, რასაც შედეგად მოჰყვა მსხვერპლი მოკლულთა და დაჭრილთა სახით.

სიღნაღის მაზრაში გლეხებმა ორგანიზებულად დაიწყეს მემამულეთა მიწებისა და ტყეების მისაკუთრება.

ბოლშევიკები სათავეში ჩაუდგნენ პროლეტარიატისა და გლეხობის რევოლუციურ მოძრაობას, ჩამოაშორეს მასებს მენშევიკები და ფედერალისტები, რომლებიც ცდილობდნენ ნაციონალისტური ხასიათი მიეცათ გლეხთა ბრძოლისათვის.

იმ მიზნით, რომ შეეჩერებინა რევოლუციის შემდგომი განვითარება და დაებრკოლებინა ამიერკავკასიაში ყველა ჩაგრული ხალხის ერთიანი ინტერნაციონალური ფრონტის შექმნა, ცარიზმმა, რევოლუციური გამოსვლების იარაღით დათრგუნვის გარდა, მიმართა ძველ, ნაცად ხერხს—ერთი ერის წაქეზებას მეორის წინააღმდეგ, ეროვნული შუღლის გაღვივებას. ამ მხვეური პოლიტიკის განხორციელებაში ცარიზმს დახმარებას უწყევდნენ ბურჟუაზიული და წვრილ-ბურჟუაზიული ნაციონალისტური პარტიები: ქართველი მენშევიკები, სოციალ-ფედერალისტები, „სომხეთის სოციალ-დემოკრატიული მუშათა ორგანიზაცია“, სომხეთის ნაციონალისტური პარტია—„დაშნაკუტუნი“, აზერბაიჯანის ბურჟუაზია.

1905 წლის თებერვლის დასმდეგს მეფის ხელისუფლებამ ბაქოში პროვოკაციულად გამოიწვია სომეხ-აზერბაიჯანელთა ხოცვა-ჟლეტა. ამასთან დაკავშირებით რსდმპ კავკასიის კავშირის კომიტეტმა უდიდესი მუშაობა გააჩაღა: ყველგან მოეწყო კრებები და მიტინგები, სადაც იძლეოდნენ ცარიზმის პროვოკაციის ბოლშევიკურ შეფასებას; დაიბეჭდა და გავრცელდა მრავალი პროკლამაცია. ფართოდ გავრცელდა რსდმპ კავკასიის კავშირის პროკლამაცია „გაუმარჯოს საერთაშორისო ძმობას“.

...მეფის მთავრობამ თავისი ტახტის გასამაგრებლად „ახალი“ საშუალება გამოიგონა,—ნათქვამი იყო პროკლამაციაში.—იგი შუღლს თესავს რუსეთის ეროვნებებს შორის, ერთმანეთს უსისიანებს მათ, ცდილობს დააქუცმაცოს პროლეტარიატის საერთოდ მოძრაობა წვრილ მოძრაობებად და აამხედროს ისინი ერთი-მეორის წინააღმდეგ, იგი აწყობს ებრაელთა, სომეხთა და სხვა-

თა რბევას და ყოველივე ამას იმისთვის სჩადის, რომ ძმათა-
შველელი ომით ერთმანეთს დააშოროს რუსეთის ეროვნებანი, დაა-
უძღუროს ისინი და ცალ-ცალკე იოლად დაამარცხოს!


გასთიშე და იბატონე — ასეთია მეფის მთავრობის პოლი-
ტიკა. ასე მოქმედებს იგი რუსეთის ქალაქებში (გაიხსენეთ-
რბევა გომელში, კიშინიოვსა და სხვა ქალაქებში), ამასვე იმეორებს
კავკასიაშიც. საზიზლარი! მოქალაქეთა სისხლითა და ცხედრებით
ცდილობს იგი გაამაგროს თავისი საზიზლარი ტახტი! ბაქოში მო-
მაკვდავ სომეხთა და თათართა კვნესა; ცოლების, დედების, ბავშ-
ვების ცრემლი; სისხლი, უდანაშაულოდ დაღვრილი სისხლი პატი-
ოსანი, მაგრამ შეუგნებელი მოქალაქეებისა; შეშინებული სახეები
უმწეო აღამიანებისა, რომლებიც გარბიან, რომ სიკვდილს გადა-
ურჩნენ; დანგრეული სახლები, გაძარცული მალაზიები და ტყვიის
საშინელი, განუწყვეტელი ზუზუნი, — აი რით ამაგრებს თავის
ტახტს მეფე—პატიოსან მოქალაქეთა მკვლელი.

...მაგრამ იყავით ფხიზლად! თქვენ, სომეხებო, თათრებო, ქარ-
ფეელებო, რუსებო! ხელი გაუწოდეთ ერთმანეთს, მკიდროთ დაი-
რაზმეთ და მთავრობის ცდებზე—გაგთიშოთ თქვენ—ერთსულოვ-
ნად უპასუხეთ: „ძირს მეფის მთავრობა!“, „გაუმარჯოს ხალხთა
ძმობას!“¹.

13 თებერვალს თბილისში რსდმპ კავკასიის კავშირის კომი-
ტეტის ხელმძღვანელობით გაიმართა მიტინგი და მრავალათასიანი
დემონსტრაცია, რომელშიაც მონაწილეობა მიიღეს რუსებმა, ქარ-
თველებმა, სომეხებმა და სხვა ხალხთა წარმომადგენლებმა.

14 თებერვალს თბილისში სომხური ეკლესიის—ვანქის ტაძ-
რის ეზოში, სადაც რამდენიმე ათასმა კაცმა მოიყარა თავი, მოე-
წეო მიტინგი. აქ გამოსული ბოლშევიკები განუმარტავდნენ მასებს
ცარიზმის მიერ ბაქოში ჩადენილი ახალი ბოროტმოქმედების აზრს.
მიტინგის შემდეგ ბოლშევიკებმა მოაწყეს მასობრივი რევოლუცი-
ური დემონსტრაცია. დემონსტრანტებმა წითელი დროშით გაი-
არეს გოლოვინის პროსპექტზე, შეჩერდნენ მეფისნაცვლის სასახლეს-
თან და მოისმინეს ბოლშევიკი ორატორის სიტყვა. გაისმოდა შე-
ძახილები: „ძირს თვითმპყრობელობა!“, „გაუმარჯოს სოციალიზმს!“,
„გაუმარჯოს დემოკრატიულ რესპუბლიკას!“. გაზეთ „კავკაზის“ სტამ-
ბასთან დემონსტრანტებს თავს დაესხნენ კაზაკები და პოლიცია.
ამ დღეს გავრცელდა რამდენიმე ათასი ცალი ბოლშევიკური პროკ-
ლამაცია.

¹ ი. ბ. სტალინი, თხზ., ტ. I, გვ. 79—80.



წუღუნუკის რაკეტა

18—20 თებერვალს ბაქოს ამბებისადმი მიძღვნილი მიტინგები მოეწყო ბათუმში.

თბილისსა და საქართველოს სხვა ქალაქებში შესაძლებელი გახდა ბაქოში მომხდარი ხოცვა-ჟლეტის მსგავსი შეტაკების თავიდან აცილება მხოლოდ და მხოლოდ იმის მეოხებით, რომ საქართველს პროლეტარიატმა, რომელსაც ბოლშევიკები ხელმძღვანელობდნენ, გამოიჩინა რევოლუციური სიფხიზლე და ორგანიზებულობა. ამის გამო მარცხით დამთავრდა ცარიზმის გეგმები ჩაეხრჩო რევოლუცია ამიერკავკასიის ხალხთა შორის ხელოვნურად გაღვივებული ეროვნული შუღლის გზით. ეროვნული შუღლის ხელოვნურად გაღვივებას არ შეეძლო შეეჩერებინა რევოლუციური მოძრაობის შემდგომი ზრდა. „...რასობრივი შუღლისა და ტომობრივი სიძულვილის გაღვივებით, — წერდა ვ. ი. ლენინი, — მთავრობამ შეიძლება დროებით შეაფერხოს კლასობრივი ბრძოლის განვითარება, მაგრამ მხოლოდ მოკლე ხნით და ამასთან იმ საფასურით, რომ ახალი ბრძოლის ასპარეზი კიდევ უფრო გაფართოვდება, ხალხი კიდევ უფრო გაბოროტდება თვითმპყრობელობის წინააღმდეგ. ამის დამამტკიცებელია: შედეგები ბაქოს დარბევისა, რომელმაც გაათავისუფლა ფენის რევოლუციური განწყობილება ცარიზმის წინააღმდეგ“.¹

მუშებისა და გლეხების რევოლუციურმა ბრძოლამ დიდი გავლენა იქონია ამიერკავკასიაში განლაგებული ჯარის ნაწილებზე.

ბოლშევიკები უდიდეს ყურადღებას აქცევდნენ ჯარისკაცებს შორის მუშაობას, მოუწოდებდნენ მათ მხარი დაეჭირათ მუშებისა და გლეხებისათვის და მათთან ერთად მიემართათ იარაღი მეფისა და მემამულეების წინააღმდეგ.

ჯარისკაცთა მასებში შესამჩნევი ხდება რევოლუციურ მუშებთან და გლეხებთან სოლიდარობისა და მათ ბრძოლისადმი თანაგრძნობის შემთხვევები. ჯარისკაცებს შორის იქმნება სოციალდემოკრატიული წრეები. თბილისში 20 მარტს გამართულ კრებას ესწრებოდა 40 ჯარისკაცი, მეორე კრებას 25 მარტს დაესწრო უკვე 400 ჯარისკაცი სხვადასხვა სამხედრო ნაწილიდან. ამიერკავკასიაში ჯარი მეფის მთავრობისათვის უკვე არასაიმედო დასაყრდენი ხდებოდა.

¹ ვ. ი. ლენინი, თხზ., ტ. 8, გვ. 231—232.

ამიტომ მეფის ხელისუფლებას ამიერკავკასიაში რევოლუციური მოძრაობის წინააღმდეგ ბრძოლისათვის საჭიროდ მიაჩნდა რუსეთიდან ახალი სამხედრო ნაწილების ჩამოყვანა, ისეთი ნაწილებისა, რომლებსაც ჯერ კიდევ არ შეხებოდა რევოლუციური პროპაგანდა.

კავკასიის ხელისუფალთ არაერთხელ მიუმართავთ დაჟინებით შეფე ნიკოლოზ II-ის ამ ღონისძიების დასაჩქარებლად. ეს შუამდგომლობა დააკმაყოფილეს და კავკასიაში კიევის ოლქიდან გადმოსროლეს 33-ე დივიზია.

1905 წლის 18 თებერვალს ოზურგეთის მაზრაში გამოცხადდა სამხედრო მდგომარეობა. აქ გაიგზავნა არტილერიით მომავრებული სპეციალური დამსჯელი რაზმი გენერალ ალიხანოვ-ავარსკის მეთაურობით, რომელმაც სახელი გაითქვა თავისი სისასტიკით მუშებისა და გლეხების რევოლუციური გამოსვლების ჩახშობის დროს.

ეს რაზმი შედგებოდა 4 ათასზე მეტი კაცისაგან, მეტწილად კაზაკებისაგან და მას ოფიციალურად ეწოდებოდა „რიონის რაზმი“. იგი შეაჩერეს ოზურგეთის მაზრის კართან, ამიერკავკასიის რკინიგზის სადგურ ნატანებთან, რადგან გლეხთა მოძრაობის გაქანებით შეშინებულმა ხელისუფლებამ გადაწყვიტა შეცდილიყო მშვიდობიანი გზით დაემორჩილებინა გლეხები. სენატორ შიდლოვსკის კომისიის მსგავსად, რომელიც ამ დროს პეტერბურგში შეიქმნა, ოზურგეთის მაზრაში გაიგზავნა კომისია სულთან-კრიმ-გირეის მეთაურობით გლეხთა მღელვარების მიზეზების გამოსარკვევად. უკანასკნელი აღჭურვილ იქნა უფლებამოსილებით განეცხადებინა გლეხთა საზოგადოებებისათვის, რომ „ყველა კანონიერი და სამართლიანი შუამდგომლობა... დაუყოვნებლივ იქნება დაკმაყოფილებული“.

ასეთივე დავალებით გაიგზავნა გორის მაზრაში კომისია საპატრიო მომრიგებელი მოსამართლის ე. გ. ვეიდენბაუმის მეთაურობით.

სულთან-კრიმ-გირეის ფლიდმა სიტყვებმა და ცრუ დაპირებამ მის მიერ ოზურგეთის მაზრის 12 სასოფლო საზოგადოების ჩამოგლის დროს ვერავენ ვერ შეიყვანა შეცდომაში. მისი კითხვების საპასუხოდ გლეხები ყველგან ერთსულოვნად აყენებდნენ თავიანთ მოთხოვნებს. ეს მოთხოვნები ძირითადად ჩამოყალიბებული იყო სოციალ-დემოკრატიული პარტიის პროგრამა-მინიმუმის მიხედვით. გლეხები მოითხოვდნენ:

1. ყველა საუფლისწულო, საეკლესიო და სამონასტრო მიწების კონფისკაციას უსასყიდლოდ;
2. გლეხებისათვის იმ მიწების საკუთრებად დაბრუნებას, რომლებიც მათ ჩამოაქრეს ბატონყმობის გაუქმების დროს („ჩამონაჭრები“);
3. დროებით-ვალდებულებითი ურთიერთობის დაუყოვნებლივ ლიკვიდაციას და იმ მიწების საკუთრებად გადაცემას, რომლებითაც სარგებლობდნენ დროებით-ვალდებული გლეხები და ხიზნები;
4. ყველა სანადელო როგორც მემამულეების, ისე სახაზინო მიწების გლეხთა სრულ განკარგულებაში გადაცემას;
5. გამოსასყიდი გადასახადების დაბრუნებას;
6. გლეხთა კომიტეტების ორგანიზაციას საადგილმამულო რეფორმის ჩასატარებლად;
7. ყოველგვარი გადასახადის, აგრეთვე არაპირდაპირი გადასახადებისა და სააქციზო გამოსაღებთა გაუქმებას და პროგრესიული საშემოსავლო დაბეგვრის შეშლვას;
8. წოდებათა და წოდებრივი პრივილეგიების მოსპობას. სრული თანასწორობის დამყარებას ყველასათვის კანონის წინაშე;
9. საპასპორტო სისტემის მოსპობას და მიმოსვლის თავისუფლებას;
10. ფართო ადგილობრივი თვითმმართველობის შექმნას;
11. დემოკრატიულ თავისუფლებათა, გაფიცვების თავისუფლების, პიროვნებისა და ბინის ხელშეუხებლობის განხორციელებას;
12. მოსამართლეების არჩევითობას და მოხელეების პასუხშეგებლობას ხალხის წინაშე;
13. მუდმივი არმიის შეცვლას საყოველთაო-სახალხო მილიციით;
14. საერო სკოლის მოწყობას და სახელმწიფოსაგან ეკლესიის გამოყოფას;
15. საყოველთაო, სავალდებულო, უფასო სწავლებას ორივე სქესის ბავშვებისათვის 16 წლის ასაკამდე;
16. პოლიტიკური საქმეებისა და რელიგიური რწმენისათვის დაპატიმრებულთა დაუყოვნებლივ განთავისუფლებას;
17. დამფუძნებელი კრების დაუყოვნებლივ მოწვევას საყოველთაო, პირდაპირი, თანასწორი და საიდუმლო კენჭისყრის საფუძველზე¹.

¹ გაზ. „ვებერიოდი“, 1909, № 3.

ამ მოთხოვნათა წამოყენება საქმაოდ ნათლად გვიჩვენებს რევოლუციური სოციალ-დემოკრატიის დიდ გავლენას გლეხობის მშრომელთა მასებზე.

ოზურგეთის მაზრის გლეხები თავის რევოლუციურ ბრძოლას, ისე როგორც ყველა ქართველი გლეხი, უკავშირებდნენ რუსეთის ყველა ხალხის რევოლუციურ მოძრაობას. მათ ძალიან კარგად ესმოდათ, რომ ცარიზმის, მემამულეებისა და ბურჟუაზიის წინააღმდეგ გაჩაღებულ საერთო ბრძოლაში ხელმძღვანელი და წარმმართველი როლი ეკუთვნოდა დიდ რუს ხალხს.

ბახვის სასოფლო საზოგადოების გლეხთა მანიფესტში, რომელშიც გამოხატული იყო მთელი ქართველი მშრომელი ხალხის აზრი, ნათქვამი იყო:

„ჩვენ ქართველები, რუსები, სომხები, თათრები—ყველანი ძმები ვართ; ჩვენ არ წავეჩხუბებით ერთმანეთს, დაე ტყუილად ნუ ცდილობს ამას მთავრობა. ჩვენ არ შეგვიძლია ბოლომდე ავწეროთ ჩვენი საშინელი მდგომარეობა. ვის შეუძლია ჩვენი საჭიროების დაკმაყოფილება? ვინ გაიგონებს ჩვენს ხმას? არა ახლანდელი მთავრობა, რომელიც არასოდეს არ გვაქცევდა ყურადღებას და გვტანჯავდა. ჩვენი მოთხოვნები კერძო, მარტო ქართველების მოთხოვნები როდია. ამას მოითხოვს მთელი რუსეთი. ჩვენ ვუერთდებით რუს ძმებს. ჩვენი საერთო დაკმაყოფილება მხოლოდ მაშინ შეიძლება, როდესაც ხალხი საყოველთაო, პირდაპირი, საიდუმლო და თანასწორი კენჭისყრით აირჩევს თავის წარმომადგენლებს. მხოლოდ ასეთი მთავრობა იქნება ნამდვილი, მხოლოდ ხალხის ხმაა სამართლიანი და პატიოსანი. ამაში მდგომარეობს ჩვენი საჭიროება და რწმენა. სიმართლე უძლეველია. რა დაბრკოლებანი და ტანჯვა-წაჩეხვა არ უნდა გვხვდეს წილად, სიმართლეს არ ვუღალატებთ. ქვეყანა ხალხის ხელში უნდა იყოს“¹.

გურიაში ჩასული ჟურნალისტები ბეჭდავდნენ გაზეთებში დაწერილებით ანგარიშს გლეხთა კრებებისა და მათი მოთხოვნების შესახებ. ყოველივე ამან განსაკუთრებით პოპულარული გახდა ოზურგეთის მაზრის გლეხობის ბრძოლა არა მარტო კავკასიაში, არამედ მთელ რუსეთში.

მეფისნაცვლის ოფიციალური ორგანო „კავკაზი“ კი იძულებული იყო დაეწერა:

„...გლეხთა საზოგადოებების მიერ წამოყენებული მოთხოვნები ნაკარნახევია უკიდურესი სოციალ-დემოკრატიული პარტიისა-

¹ „პერიოდი“, 1905, № 12.

ჯან, რომელმაც, როგორც ჩანს, შვა ნიადაგი იპოვა. მღვლეარების
ილქერისათვის გლეხთა შორის¹.

როდესაც ხელისუფალნი დარწმუნდნენ, რომ მოლაპარაკებით
და მცირე დათმობით არ შეიძლება ოზურგეთის მაზრაში რევოლუ-
ციური ხანძრის ჩაქრობა, სულთან-კრიმ-გირეი უკან გაიწვიეს
1905 წლის 8 მარტს, ხოლო 10 მარტს ქ. ოზურგეთში შევიდა და-
მსჯელი რაზმი გენერალ ალიხანოვ-ავარსკის მეთაურობით.

ე. გ. ვეიდენბაუმის კომისია გორში ჩავიდა 1905 წლის 5
მარტს. 6 მარტს დაინიშნა 4 სოფლის გლეხთა კრება სოფელ მუხ-
რანში. მაგრამ მუხრანს მოაწყდა გლეხთა უზარმაზარი მასა წითე-
ლი დროშებით 14 სოფლიდან. ოზურგეთის მაზრის გლეხების მსგავ-
სად წამოყენებული იქნა წინასწარ შემუშავებული წერილობითი
მოთხოვნები. ამასთან გლეხებმა განაცხადეს, რომ ისინი უერთდე-
ბიან რუს ადამიანებს, რომელთაც „მემამოხეებს“ უწოდებენ².

ვეიდენბაუმის კომისიის ჩამოსვლისათვის სოფ. ახალქალაქში
თავი მოიყარა 3000-ზე მეტმა გლეხმა.

წამოყენებული იქნა შემდეგი მოთხოვნები:

1) ყველა მემამულური, სახაზინო, საუფლისწულო, საეკლესიო
და სამონასტრო მიწების კონფისკაცია;

2) მიწების მორწყვისათვის დაწესებული გადასახადის გაუქ-
მება;

3) ხე-ტყის მასალით, შეშით და სხვ. პირადი სარგებლობისათ-
ვის დაწესებული გადასახადის გაუქმება;

4) გლეხებისათვის სათიბების უსასყიდლოდ-გადაცემა;

5) ყველა არაპირდაპირი გადასახადის გაუქმება და პროგრე-
სული საშემოსავლო დაბეგვრის გაუქმება;

6) წოდებრივი უთანასწორობის მოსპობა;

7) თვითმმართველობის ადგილობრივი ორგანოების შექმნა;

8) სიტყვის, პრესის, კრებების თავისუფლება;

9) პიროვნების ხელშეუხებლობა;

10) სარწმუნოების თავისუფლება;

11) სოფლებში ორკლასიანი სასწავლებლების გახსნა;

12) სწავლება მშობლიურ ენაზე და რუსული ენის როგორც
შავალღებულო საგნის სწავლება;

13) სკოლებში სასოფლო-სამეურნეო და ტექნიკურ განყოფი-
ლებათა გახსნა და ა. შ.³.

¹ გაზ. „კავკაზი“, 1905, № 94.

² გაზ. „ივერია“, 1905, № 28.

³ იქვე.

ხაშურისა და სურამის გლეხებმა სრულიად უარი თქვეს რაიმე მოლაპარაკებაზე ვეიდენბაუმის კომისიასთან. მეფის მთავრობა იძულებული გახდა ისიც უკანვე, თბილისში გაეწვია. ამრიგად, მარცხით დამთავრდა კავკასიის ხელისუფალთა ცდა დაპირებისა და პირფერული სიტყვების საშუალებით შეეჩერებინათ რევოლუციური მოძრაობა სოფლად.

ბოლშევიკების მუშაობის შედეგად გლეხთა შორის სულ უფრო და უფრო მტკიცდებოდა ის აზრი, რომ მხოლოდ მუშათა კლასის ხელმძღვანელობით და მასთან შეკავშირებით შეიძლებოდა არსებული წესწყობილებისა და ექსპლოატაციის ყველა ფორმის მოსპობა, რომ თავისუფლების მოპოვება შეიძლება მხოლოდ შეიარაღებული აჯანყებით. ახორციელებდნენ რა ბოლშევიკურ ტაქტიკას, გლეხები ყველგან ხელთ იგდებდნენ იარაღს, ქმნიდნენ მებრძოლ რაზმებს და ემზადებოდნენ შეიარაღებული აჯანყებისათვის.

ბათუმსა და ფოთში გაფიცვების საპასუხოდ კაპიტალისტებმა ლოკაუტი გამოაცხადეს და რამდენიმე ათასი მუშა დაითხოვეს. მათმხ უმრავლესობამ ქუთაისის გუბერნიის სოფლებს მიაშურა, სადაც ისინი სათავეში უდგებოდნენ რევოლუციურ ბრძოლას და მას ორგანიზებულ და შეგნებულ ხასიათს აძლევდნენ.

„ჩვენში მოძრაობა დღითიდღე კი არა, ყოველ საათობით იზრდებოდა, — წერდა ბოლშევიკურ გაზეთ „პროლეტარის“ კორესპონდენტი. იქ, სადაც ერთი წუთის წინათ დიდი გაჭირვებით ხერხდებოდა ოცი-ოცდაათი კაცის შეკრება, ახლა პირველი დაძახებისთანავე რამდენიმე ათასი კაცი იკრიბება. მოძრაობის მთავარი და ერთადერთი იმპულსია მასების თვალწინ დატრიალებული პოლიტიკური ამბები, და მასებიც დაძაბული ყურადღებით უსმენდნენ რუსეთის ქალაქებიდან მიღებულ ყოველგვარ ცნობებსა და ხმებს“¹.

გუბერნიამი ყველგან შეიარაღებული შეტაკებები იმართებოდა. 25 თებერვალს ჭიათურაში თავს დაესხნენ პოლიციელთა საგუშაგოს. როდესაც ჭიათურაში ჯარის ნაწილი გაგზავნეს, შეეცადნენ დაემსხვრიათ მატარებელი. კაზაკებზე, ჟანდარმებზე, პოლიციებზე თავდასხმები ეწყობოდა ბათუმის, ფოთის, გუდაუთის, ზუგდიდის, სენაკისა და შორაპნის მაზრებში. 28 მარტს ზუგდიდის მაზრაში შეიარაღებულმა გლეხებმა გაანადგურეს კაზაკებისა და ჩაფრების რაზმები. 8 აპრილს ოჩამჩირეში მოხდა გლეხების შეიარაღებული შეტაკება კაზაკებთან, რასაც ორივე მხრით მოჰყვა ადამიანთა მსხვერპლი მოკლულთა და დაჭრილთა სახით. 28 აპრილს შე-

¹ „პროლეტარი“, 1905, № 6.

აირადებული შეტაკება მოხდა შორაპნის მაზრაში. აფხაზეთში დაიწყო მუშათა მღელვარება, პოლიციაზე თავდასხმა, იქ რამდენჯერმე შეეცადნენ მოეკლათ სოხუმის ოლქის უფროსი, გლეხები აღარ ემორჩილებოდნენ ხელისუფლების ორგანოებს. ყოველივე ამის გამო აფხაზეთში გაიგზავნა რამდენიმე ასეული კაზაკი „ეგზეკუციის“ მოსახდენად.

1905 წლის მარტში რსდმპ კავკასიის კავშირის კომიტეტმა გამოუშვა პროკლამაცია „ქართლ-კახეთის გლეხ-კაცობას“, რომელშიც განმარტებულია თვითმპყრობელობის წინააღმდეგ მუშათა და გლეხთა ამხედრების მიზეზები, მოცემულია მკაფიო მითითება, თუ რა მოთხოვნები უნდა წამოეყენებიათ გლეხებს იმ დროისათვის. პროკლამაცია თავდება შემდეგი მოწოდებით:

„მაშ, წინ შედგარად ვაჟაკებო, გავიმძღვაროთ წინ ქალაქის მუშები და გავყვეთ მათ დემოკრატიული რესპუბლიკისაკენ. გავყვეთ და მათთან ერთად დავლევოთ საზიზღარი წესები, რომ გზა გავიკაფოთ იმ თანასწორობის ცნობრებისაკენ, იმ სოციალისტური წესებისაკენ, საითკენაც ასე ვაფაციცებთ, მიისწრაფვიან ქალაქის მუშები და ღარიბი გლეხკაცობა“¹.

ოზურგეთის მაზრის მსგავსად, თბილისის გუბერნიის ზოგიერთ მაზრაშიც იქმნებოდა გლეხთა კომიტეტები, რომლებიც ადგილობრივი თვითმმართველობის ორგანოების როლს ასრულებდნენ. სოფლის ადმინისტრაციის საქმიანობა შეჩერდა, დაიხურა სასოფლო კანცელარიები, ხშირად მათ შენობებს ცეცხლს უკიდებდნენ, ხოლო იქ შენახულ საქმეებს სპობდნენ. გლეხები ხურავდნენ საეკლესიო-სამრევლო სკოლებს, როგორც ცარიზმის რუსიფიკატორული პოლიტიკის იარაღს და ხალხისათვის უსარგებლოს. გლეხებმა დაიწყეს მემამულეების მასობრივი გაძევება სოფლებიდან. ისინი რევოლუციური გზით ეუფლებოდნენ მემამულეთა, სახაზინო და საუფლისწულო მამულებს და ენერგიულად ემზადებოდნენ ამ მიწებზე საგაზაფხულო თესვისათვის.

გლეხები ხელისუფალთ უდგენდნენ სავესებით ჩამოყალიბებულ მოთხოვნებს, რომლებიც ძირითადად გათვალისწინებული იყო რსდმპ პროგრამა-მინიმუმით და რომლებიც ჩამოთვლილი იყო რსდმპ კავკასიის კავშირის კომიტეტის პროკლამაციაში „ქართლ-კახეთის გლეხ-კაცობას“.

¹ სკკპ ცვ-თან არსებული მარქს-ენგელს-ლენინ-სტალინის ინსტ-ის საქ. ფილიალი, ფ. 33, ს. 14.

14 მარტს ქ. გორში გაიმართა რევოლუციური სოციალ-დემოკრატიული ორგანიზაციის მიერ მოწყობილი მრავალრიცხოვანი პოლიტიკური დემონსტრაცია.

დემონსტრანტები შეიკრიბნენ ქალაქგარეთ და მიტინგის შემდეგ ისინი ორგანიზებულად, წითელი დროშით გაემართნენ ქალაქის ცენტრისაკენ. არტილერიის მოედანზე მოხდა შეტაკება ჯარისკაცთა რაზმთან, რის შედეგადაც მოკლულ და დაჭრილ იქნა რამდენიმე კაცი.


4 აპრილს დიდი შეიარაღებული შეტაკება მოხდა გლეხებსა და კაზაკებს შორის თიანეთის მაზრის თალათ-სოფელში, რომლის შედეგადაც მოკლულ იქნა 6 გლეხი და დაიჭრა 20. 18 აპრილს კაზაკებს შეიარაღებული წინააღმდეგობა გაუწიეს ოსმა გლეხებმა დაბა ცხინვალის (ამჟამად ქ. სტალინირი) მახლობლად. 26 აპრილს გლეხები განიარაღების მიზნით თავს დაესხნენ კაზაკთა რაზმს გორის მაზრის სოფელ თირძნისთან.

გორის მაზრაში გლეხთა მოძრაობის ხასიათის გაშუქებისას გაზეთ „პროლეტარის“ კორესპონდენტი წერდა:

„გლეხთა მოძრაობამ ერთბაშად მოძცვა ჩვენი მაზრის ყველა სოფელი. იმ ადგილებში, სადაც ჩვენმა ამხანაგებმა მიუსწრეს, მოძრაობამ შეგნებული მიმართულება მიიღო: აყენებდნენ როგორც ეკონომიურ, ისე პოლიტიკურ მოთხოვნებს... მოძრაობა დაიწყო მარტის დამდეგს... სოფლად კრებები ღია ცის ქვეშ ეწყობოდა. მათ 80—100 და 1000 კაციც კი ესწრებოდა, მოდიოდნენ ახლო მდებარე სოფლების გლეხები 10—15 ვერსის სიშორიდან. სოფელ ახალქალაქში მოეწყო ერთხელ 2-ათასიანი კრება, მეორედ—5-ათასიანი, გაიმართა დემონსტრაცია დროშებით. სოფელ ალში მოეწყო 3-ათასიანი კრება. ასეთივე კრებები იმართებოდა გორის მაზრის ყველა სოფელში. ორატორები ლაპარაკობდნენ წმინდა პოლიტიკურ თემებზე. კრებებს ესწრებოდნენ ახალგაზრდები და მოხუცები, ქალები და ბავშვები. აქვე ირჩევდნენ თავიანთ ადამიანებს და გამოჰქანდათ დადგენილებანი—შეწყვეტილიყო ყოველგვარი დამოკიდებულება პოლიციასთან, ხოლო საჭიროების შემთხვევაში მიემართათ არჩეული პირებისათვის. არჩეულები თვალყურს ადევნებდნენ იმას, რომ სოფლად არ მომხდარიყო უწყესრიგობა, ცეცხლის წაქივება, ტყის გაჩეხვა, ძარცვა“¹.

მარტში დაიწყო აგრეთვე სოფლის მეურნეობის მუშების ორგანიზებული გამოსვლები. ისინი პოლიტიკურ და ეკონომიურ მოთხოვნებს აყენებდნენ.

¹ „პროლეტარი“, 1905, № 1.



ავლაბრის ფარული ბოლშევიკური სტამბის ქების მოწყობილობის სქემა

გამოსვლებში მონაწილეობას იღებდნენ უმთავრესად საუფლისწულო მამულების მუშები დუშეთის მაზრაში (ქართლის საუფლისწულო მამული ს. მუხრანში), სიღნაღისა და თელავის მაზრებში (ნაფარეულის, წინანდლის, მუქუხანის მამულები), გორის მაზრაში (ცხინვალი; დირბი, ავლევი, ფრონის ხევი). გამოდიოდნენ აგრეთვე ჩაქვისა და აფხაზეთის საუფლისწულო მამულების მუშები.

სოფლის მეურნეობის მუშების გამოსვლების ჩასახშობად დუშეთის მაზრაში გაიგზავნა კავკასიის მსროლელთა 1-ლი ბატალიონი. წინანდლის საუფლისწულო მამულების მმართველი 31 მარტს ატყობინებდა კავკასიის საუფლისწულო მამულების ინსპექტორს, რომ 30 მარტს არც ერთი მუშა არ გამოვიდა სამუშაოდ, ხოლო მეორე დღეს ისინი ახლო-მახლო სოფლების გლეხებთან ერთად, რიცხვით 2000 კაცამდე, წითელი დროშით დაიძრნენ სოფლიდან საუფლისწულო მამულისაკენ და წამოაყენეს მთელი რიგი მოთხოვნები¹.

საუფლისწულო მამულების მუშები, აყენებდნენ რა გლეხებთან ერთად საერთო პოლიტიკურ მოთხოვნებს, ამავე დროს დაჟინებით მოითხოვდნენ შემდეგ ღონისძიებათა განხორციელებას მუშების სასარგებლოდ: ხელფასის გადიდებას, სამუშაო დღის შემცირებას 8 საათამდე, მუშებისა და მათი ოჯახების წევრებისათვის უფასო სამედიცინო დახმარების გაწევას, ყველა მუშის სავალდებულო დაზღვევას უბედური შემთხვევებისაგან, სკოლებში ბავშვების უფასოდ სწავლებას, ასეთი სკოლების გახსნას თითოეულ მაჟულში და ა. შ.

1905 წელს რევოლუციური მოძრაობა საქართველოში დაიწყო რუსეთის პროლეტარიატის რევოლუციური ბრძოლის ჭეშიალო ზეგავლენით. მუშებისა და გლეხების გმირულ ბრძოლას ხელმძღვანელობდა რსდმკ კავკასიის კავშირი, რომელსაც სათავეში ედგა ი. ბ. სტალინი. უფრო ორგანიზებული და შეგნებული ხასიათი ჰქონდა გლეხთა მოძრაობას იმ რაიონებში, სადაც უფრო ძლიერი იყო პროლეტარული გავლენა. მაგრამ ცარიზმმა შეძლო პირველი რევოლუციური ტალღის მოგერიება.

ეს აიხსნება იმით, რომ აჯანყებული გლეხობის პოლიტიკური შეგნების დონე საქართველოს ყველა რაიონში ერთნაირი როდი

¹ ლაცხი—საუფლისწულო მამულების მთავარი სამმართველო, ს. № 5, ფ. 16—17.

იყო. აჯანყებებს ჰქონდა ლოკალური და არა საყოველთაო ხასიათი.

„ჩვენ სხვადასხვა დროს გავილაშქრეთ მტერზე, — ნათქვამი იყო რსდმპ კავკასიის კავშირის კომიტეტის პროკლამაციაში „კავკასიის მუშებს“, — ჩვენ ცალ-ცალკე ჯგუფებად დაქუცმაცებულები შევხვდით რევოლუციას და სწორედ ამიტომ იყო, რომ ასე დაუსჯელად დაღვარა მთავრობამ ხალხის სისხლი“¹.

დიდი მნიშვნელობა ჰქონდა იმ გარემოებასაც, რომ მუშებსა და გლეხებს ჯერ კიდევ არ ჰქონდათ იარაღი; ჯარს თუმცა შეეხო ბოლშევიკური პროპაგანდა, მაგრამ იგი კვლავ ცარიზმის დასაყრდენად რჩებოდა. ამიტომ საქართველოს ცალკეულ რაიონებში გამოცხადდა სამხედრო მდგომარეობა, იქ იგზავნებოდა ეგზეკუციები, მასობრივად აპატიმრებდნენ ხალხს.

ქუთაისის გუბერნია და ბათუმის ოლქი გამოიყო დამოუკიდებელ საგენერალგუბერნატოროდ და მას სათავეში ჩაუყენეს კავკასიის კაზაკთა დივიზიის მეთაური გენერალი ჯამბაკურ-ორბელიანი.



¹ სკკპ ცკ-თან არსებული მარქს-ენგელს-ლენინ-სტალინის ინსტიტუტის საქართველოს ფილიალი, ფ. 33, ფ. 16.

ჩვეთაქსიუჩი მოქაროზის გენოთიკეპე 1905 წლის გეზუზხულსე დე ზეზხულზე

3. 0. ლენინი შეუწელებელი ინტერესით ადვენებდა თვალყურს რევოლუციური ბრძოლის მსვლელობას ამიერკავკასიაში. მას მუდმივი და მჭიდრო ურთიერთობა ჰქონდა რსდმპ კავკასიის კავშირთან.

რსდმპ III ყრილობამ, რომელიც 1905 წ. აპრილ-მაისში გაიმართა, ვ. ი. ლენინის წინადადებით მოისმინა ამიერკავკასიის ბოლშევიკების წარმომადგენლის მიხე ცხაკაიას (ბარსოვის) სპეციალური მოხსენება გლეხთა მოძრაობაზე საქართველოში.

ამ მკაფიო და შინაარსიანი მოხსენების საფუძველზე ყრილობამ, რომელიც უდიდეს მნიშვნელობას ანიჭებდა რევოლუციურ ბრძოლას კავკასიაში, მიიღო ვ. ი. ლენინის მიერ დაწერილი რეზოლუცია „კავკასიის ამბების გამო“.

მასში ნათქვამი იყო:

„იღებს რა მხედველობაში:

1. რომ კავკასიის სოციალურ-პოლიტიკური ცხოვრების განსაკუთრებული პირობები ხელს უწყობდა იქ ჩვენი პარტიის ყველაზე უფრო მებრძოლი ორგანიზაციების შექმნას;

2. რომ რევოლუციური მოძრაობა კავკასიის მოსახლეობის უმრავლესობაში როგორც ქალაქად, ისე სოფლად უკვე მივიდა საყოველთაო-სახალხო აჯანყებამდე თვითმპყრობელობის წინააღმდეგ;

3. რომ თვითმპყრობელური მთავრობა უკვე აგზავნის გური-აში ჯარსა და არტილერიას და ამზადებს აჯანყების ყველა უმნიშვნელოვანესი კერის უღმობელ განადგურებას;

4. რომ თვითმპყრობელობის გამარჯვება სახალხო აჯანყებაზე კავკასიაში, რასაც ადგილებს იქაური მოსახლეობის უცხოტომური შემადგენლობა, გამოიღებს უაღრესად მავნე შედეგებს აჯანყების წარმატებისათვის მთელ რუსეთში, რსდმპ III ყრილობა რუსეთის შეგნებული პროლეტარიატის სახელით მხურვალე სალამს უთვლის კავკასიის გმირ პროლეტარიატსა და გლეხობას და ავალებს პარტიის ცენტრალურ და ადგილობრივ კომიტეტებს მიიღონ უაღრესად ენერგიული ღონისძიებანი, რათა რაც შეიძლება უფრო კარგად გავრცელდეს ცნობები კავკასიაში არსებული მდგომარეობის შესახებ ბროშურების, მიტინგების, მუშათა კრებების, საწრეო საუბრებისა და სხვ. გზით, და აგრეთვე დროულად დაეხმარონ კავკასიის მათ განკარგულებაში არსებული ყველა საშუალებით¹.

ვ. ი. ლენინი დიდ მნიშვნელობას ანიჭებდა გლეხთა კომიტეტებს, რომლებიც იმ დროს, ეწყობოდა საქართველოს სხვადასხვა რაიონებში, რადგან ისინი მუშათა დეპუტატების საბჭოებთან ერთად რევოლუციური ხელისუფლების ჩანასახად მიაჩნდა. „მუშათა დეპუტატების საბჭოები ყველა დიდ სამრევველო ცენტრში, — წერდა ვ. ი. ლენინი, — მთელი რიგი ეკონომიური მონაპოვარნი, რომელნიც კაპიტალს გამოჰკლიჯეს, ჯარისკაცთა დეპუტატების საბჭოები არმიაში, გლეხთა კომიტეტები გურიაში და სხვა ადგილებში, ბოლოს, სწრაფწარმავალი „რესპუბლიკები“ რუსეთის რამდენიმე ქალაქში, — ყოველივე ეს პროლეტარიატის მიერ, პოლიტიკური ძალაუფლების დაპყრობის დასაწყისი იყო, პროლეტარიატისა, რომელიც რევოლუციურ წვრილ ბურჟუაზიას, განსაკუთრებით გლეხობას ეყრდნობოდა“².

1905 წლის აპრილში საქართველოში აზვირთდა რევოლუციური მოძრაობის ახალი ტალღა. პირველად გაიფიცივნენ რკინიგზელები. ამ გაფიცვის შეფასებისას გაზეთი „ეპერიოდა“ წერდა:

„იგი მიმდინარეობდა, როგორც ჩანს, კავკასიისათვის ჩვეულები სიმტკიცითა და სოლიდარობით; მან ერთბაშად მოიცვა მთელი ხაზი. ამაში გამოხატულებას პოულობს რსდმპ კავკასიის კავშირის გავლენა, თბილისიდან მიღებულ 6 აპრილის დეპეშაში ნათქვამია: „გაიფიცივნენ ყველა მემანქანენი, მატარებლის შემდგენ-

¹ საბჭოთა კავშირის კომუნისტური პარტია ყრილობების, კონფერენციებისა და ცენტრალური კომიტეტის პლენუმების რეზოლუციებსა და გადაწყვეტილებებში (რუსულად), მოსკოვი, 1953 წ. I, გვ. 84.

² ვ. ი. ლენინი, თხზ., ტ. 16, გვ. 204.

ლები, გადაზმელები და მეისრეები. შეჩერდა ყველა მატარებლის მოძრაობა. გაიფიცნენ ბაქოს მუშებიც. მოძრაობა შეწყვეტილია¹.

ამ დროს თბილისში, რკინიგზელების გარდა, გაფიცული იყვნენ სტამბის მუშები. 11 აპრილს მათ შეუერთდნენ რესტორნების; სასადილოების, ბუფეტების მოსამსახურეები, შინამოსამსახურეები, საშუალო სკოლის მოსწავლეები, ზაერთო რაოდენობით 5 ათასი კაცი. ქალაქის ქუჩებში იმართებოდა დემონსტრაციები და შეტაკებები პოლიციასა და კაზაკებთან. ამავე დროს საგაფიცობრივო ძალაში მონაწილეობდნენ ბათუმის, ფოთის, ქუთაისის მუშების სოხუმში გაიფიცნენ ნოქრები, ხარაზები, მენავეები, მეტლეები, მზარეულები, ყველა მალაზია დაიკეტა.

მუშები და გლეხები ერთად აღნიშნავდნენ საერთაშორისო პროლეტარულ დღესასწაულს—1 მაისს. მარტო ოზურგეთის მაზრაში ამ დღესასწაულში მონაწილეობა მიიღო 82 ათასმა კაცმა. გამართულ მიტინგებზე, სადაც ბოლშევიკი ორატორები გამოდიოდნენ, ყოველი წხრიდან მოისმოდა დაჟინებითი შეძახილები, ხალხი გუგუნებდა, როგორც ერთი კაცი: „იარაღი... იარაღი... მოგვეცით იარაღი!“ იყო კაზაკთა ხროვის თავდასხმის შემთხვევები, მაგრამ ამას სერიოზული შედეგები არ მოჰყოლია. ესე დამთავრდა ეს წითელი დღესასწაული, რომელმაც ღრმა, წარუშლელი შთაბეჭდილება დატოვა ხალხის გულში².

1 მაისის წინახანებში სოხუმში ადგილობრივმა სოციალ-დემოკრატიულმა ორგანიზაციამ დიდი მუშაობა გასწია. კერძოდ, მთელ ქალაქში გავრცელდა ფურცლები რუსულ და ქართულ ენებზე მოწოდებით: „პროლეტარებო ყველა ქვეყნისა, შეერთდით!“³.

რევოლუციურ ზრდასთან დაკავშირებით მეფის მთავრობამ დაადგინა კვლავ აღედგინათ კავკასიაში მეფისნაცვლის თანამდებობა და მისთვის გადაეცა მთელი სამოქალაქო, სამხედრო და საპოლიციო ძალაუფლება. მეფისნაცვალმა მიიღო თითქმის განუსაზღვრელი უფლებები, მას თავის განკარგულებაში ჰყავდა დიდი არმია, მის ხელში იყო უზარმაზარი მატერიალური საშუალებანი. კავკასიის მეფისნაცვლად დანიშნულ იქნა გრაფი ნ. ი. ვორონცოვ-დაშკოვი.

ალექსანდრე III-ის დროს ვორონცოვ-დაშკოვი იყო მეფის საიდუმლო პოლიციის უფროსი. მეფის კართან ახლომდგომ სხვა

¹ „ვერეილი“ 1905, № 16.

² „პროლეტარი“ 1905, № 5.

³ საქ. სსრ აცსი; ფ. 63, ს. 4322, ფ. 78.

პირებთან ერთად მან რევოლუციური მოძრაობასთან საბრძოლველად მოაწყო ე. წ. „სადმრთო რაზმი“. ვორონცოვ-დაშკოვი სარგებლობდა მეფე ნიკოლოზ II-ის განსაკუთრებული ნდობით, მას ჰქონდა მეფის ერთგული მსახურის ადმინისტრაციულ-დიპლომატიური გამოცდილება, ვორონცოვ-დაშკოვმა შეარჩია უახლოესი თანაშემწეები და 1905 წლის 5 მაისს ჩამოვიდა თბილისში. მან მიმართა მალაფარდოვანი მოწოდებებით მოსახლეობის მიძინების პირფერულ პოლიტიკას, დაპირდა მას მთელ რიგ რეფორმებს და ხალხის მდგომარეობის გაუმჯობესებას. ვორონცოვ-დაშკოვმა გამართა თათბირები და მოაწყო კომისიები ამიერკავკასიაში ერობის, ნაფიც მსაჯულთა სასამართლოს შემოღების, მემამულეებისადმი გლეხების დროებით-ვალდებულებითი და ხიზნური დამოკიდებულების ლიკვიდაციის, სკოლის რეფორმისა და სხვა საკითხებზე. ამავე დროს შეცვლილ იქნა კავკასიის ადმინისტრაციის ზოგიერთი პირი, რომელიც ყველაზე მეტად სძულდა მოსახლეობას. მეფისნაცვლის თანაშემწედ სამოქალაქო ნაწილში დაინიშნა მოლიბერალო მოხელე სულთან-კრიმ-გირეი. ქუთაისის გუბერნიაში, რომელიც სხვაზე მეტად მოიცვა რევოლუციურმა მოძრაობამ, გუბერნატორად დაინიშნა, საქარის (შორაპნის მაზრა) ამერიკული ვაზის კანერგის გამგე ლიბერალი აგრონომი სტაროსელსკი, რომელიც იცნობდა ქართული სოფლის ყოფაცხოვრებას. დაწყებით სკოლებში ნებადართულ იქნა მშობლიურ ენაზე სწავლება.

როგორც ცნობილია, 1903 წ. 12 ივნისს მეფის მთავრობამ გამოსცა ბრძანებულება სომხური სკოლების დახურვისა და საეკლესიო მიწებისა და კაპიტალების სეკულარიზაციის შესახებ, რამაც მასობრივი პროტესტი გამოიწვია.

ვორონცოვ-დაშკოვის წარდგინებით ეს ბრძანებულება გაუქმებულ იქნა. საპატიმროებიდან გამოუშვეს რამდენიმე პოლიტიკური პატიმარი, რომელთა „დანაშაული“ უმნიშვნელო იყო ან ვერ იქნა დამტკიცებული.

თავის-თავის ლიბერალურად მოჩვენების გზით ვორონცოვი მიზნად ისახავდა დაექსაქსა რევოლუციის ძალები, ჩამოეშორებინა მისგან ხალხის ზოგიერთი ფენა, დაემყარებინა კავშირი ლიბერალებთან. ვორონცოვ-დაშკოვმა მართლაც მიაღწია ამ უკანასკნელ მიზანს. რსდმპ ბაქოს კომიტეტის ფურცლებში ამის გამო ნათქვამი იყო „...საკმარისი იყო ვორონცოვ-დაშკოვის ეთქვა ორი-სამი ალერსიანი სიტყვა, რომ ლიბერალები ერთმანეთს შეჯიბრებოდნენ

შეფის სატრაპის შექებაში, როგორც დიდი რეფორმატორისა, რომელიც გააბედნიერებს ამიერკავკასიას¹.

ლიბერალებთან ერთად მენშევიკებიც აღფრთოვანებით შეეგებნენ მეფის პოლიტიკას. „ახალ კურსს“ კავკასიაში მათ დაადგინეს მონაწილეობა მიეღოთ „წოდებათა წარმომადგენლების კრებაში“, რომელსაც ვორონცოვ-დაშკოვი იწვევდა, ეწეოდნენ აგიტაციას ერობის შესაქმნელად კავკასიაში და ა. შ.

მხოლოდ ბოლშევიკები ამხილებდნენ ვორონცოვ-დაშკოვის პოლიტიკას, მის ნამდვილ მიზანს, ჩაეხშო რევოლუცია უმნიშვნელო რეფორმებისა და დათმობის გზით. ისინი მოუწოდებდნენ მშრომელთა მასებს აქტიური ბოიკოტი გამოეცხადებინათ ხელისუფალთა მიერ განზრახული ღონისძიებისათვის და ეწარმოებინათ მზადება შეიარაღებული აჯანყებისათვის.

ბოლშევიკური გაზეთი, რსდმპ კავკასიის კავშირის კომიტეტის ორგანო „ბორბა პროლეტარიატა“ („პროლეტარიატის ბრძოლა“), წერდა:

„რევოლუციურმა პროლეტარიატმა უკვე დიდი ხანია გაიგო მეფის მთავრობის ეს საზიზღარი პოლიტიკა. ის არ დააყოვნებს სათანადოდ შეაფასოს თვითმპყრობელობის ეს ახალი ცდა—გახრწნას ხალხის ფართო ფენები და ჩამოაშოროს მათი ყურადღება რევოლუციურ ბრძოლას.

ვეყრდნობით რა პარტიის III ყრილობის დადგენილებებს, ჩვენ წინადადებას ვაძლევეთ ყველა პარტიულ ორგანიზაციას:

ა) მთავრობის დათმობათა რეაქციული მიზნების მხილებასთან ერთად ხაზგასმით აღნიშნონ პროპაგანდისა და აგიტაციის დროს, ერთი მხრით, ამ დათმობათა იძულებითი ხასიათი და, მეორე მხრით, სრული შეუძლებლობა თვითმპყრობელობის მხრივ განახორციელოს პროლეტარიატის დამაკმაყოფილებელი რეფორმები;

ბ) ისარგებლონ საარჩევნო აგიტაციით და განუმარტონ მუშებს (და გლეხებს — „ბორბა პროლეტარიატას“ რედ.) მთავრობის ამგვარ ღონისძიებათა ჭეშმარიტი აზრი, ამტკიცონ, რომ პროლეტარიატისათვის (და გლეხობისათვის — „ბორბა პროლეტარიატას“ რედ.) აუცილებელია მოიწვიოს რევოლუციური გზით დამფუძნებელი კრება საყოველთაო, თანასწორი და პირდაპირი საარჩევნო უფლების საფუძველზე ფარული კენჭისყრით და სხვ.;

და გ) გასწიონ ფართო აგიტაცია გლეხობაში, რათა სოფლის ყრილობამ ბოიკოტი გამოეცხადოს მოტყუების პოლიტიკას,

¹ „პროლეტარი“ 1905, № 4.

რომელსაც ახორციელებს მეფის სატრაპი კავკასიაში, და არ. გაგზავნონ თავიანთი წარმომადგენლები თათბირზე“¹.

გორონცოვ-დაშკოვი ცდილობდა პირფერული სიტყვებითა და დაპირებებით ჩამოეშორებინა ხალხის მასები რევოლუციური მოძრაობისაგან და ამასთან წინდახედულად სხვა ზომებსაც ლებულობდა. ჯერ კიდევ მის ჩამოსვლამდე, მისივე შუამდგომლობით, ქუთაისის გუბერნიაში სამხედრო მდგომარეობა გამოცხადდა. სამხედრო მდგომარეობა გამოცხადდა თბილისის გუბერნიის ერთ ნაწილშიც. 22 მაისს გამოიცა მეფის ბრძანებულება კავკასიაში პოლიციის, გაძლიერებისა და პოლიციის უფროსის თანამდებობის შექმნის შესახებ. საქართველოს ცალკეულ რაიონებში გაიგზავნა ჯარის ახალი ნაწილები, გაძლიერებულ იქნა თბილისის გარნიზონი.

რსდმპ კავკასიის კავშირის კომიტეტის გადაწყვეტილებით 1905 წ. მარტს დასავლეთ საქართველოში პარტიული და რევოლუციური მუშაობის უშუალო ხელმძღვანელობისათვის ქუთაისს გაიგზავნა ა. წულუკიძე.

დადაბულმა პარტიულმა მუშაობამ, განუწყვეტელმა პუბლიცისტურ-ლიტერატურულმა მოღვაწეობამ, პატიმრობის მძიმე პირობებმა, ამასთან ტუბერკულოზის პროცესის გამწვავებამ საბოლოოდ შეარყია ამ გამოჩენილი ბოლშევიკის, რევოლუციური მოღვაწის, მარქსიზმის ნიჭიერი პროპაგანდისტისა და პუბლიცისტის, მუშათა კლასის საქმის ბოლომდე ერთგული ადამიანის ჯანმრთელობა.


ა. წულუკიძის კალამს ეკუთვნის მთელი რიგი მარქსისტული შრომები: „ახალი ტიპი ჩვენს ცხოვრებაში“, „საუბარი მკითხველთან“, „ეკონომიური მეცნიერების ისტორიიდან“, ჩვენი უთანხმოებანი“, „ოცნება და სინამდვილე“, „ნაწყვეტები პოლიტიკური ეკონომიიდან“, „პაწია შენიშვნა დიდ კითხვაზე“, „ავტონომია და პროლეტარიატის ინტერესები“ და სხვ.².

თავის შრომაში ა. წულუკიძე ღრმად ავითარებდა მარქსისტულ შეხედულებებს პოლიტიკური ეკონომიის, პროლეტარიატის კლასობრივი ბრძოლის, მუშათა კლასის პოლიტიკური პარტიის აუცილებლობის, ეროვნულ და სხვა საკითხებზე.

ა. წულუკიძე იყო საქართველოს ბოლშევიკური ორგანიზაციების ერთ-ერთი ფუძემდებელი, რსდმპ კავკასიის კავშირის

¹ „პროლეტარსკაია რევოლუცია“, 1939, № 4.

² ა. წულუკიძის თხზ. კრებული, 1937.



გაზეთი პროლეტარიატის ბრძოლა.—რსლმ კავკასიის კავშირის კომიტეტის ორგანო ქართულ, რუსულ და სომხურ ენებზე

კომიტეტის წევრი, ბოლშევიკური გაზეთის — „პროლეტარიატის ბრძოლის“ ერთ-ერთი რედაქტორი; იგი არაერთხელ ყოფილა დაპატიმრებული, იჯდა თბილისის მეტეხის ციხეში.

ა. წულუკიძე გარდაიცვალა 1905 წლის 8 (21) ივნისს. მისმა სიკვდილმა დიდი მწუხარება გამოიწვია საქართველოსა და ამიერკავკასიის შშრომელთა შორის. მის დაკრძალვას 12 ივნისს ათათასზე მეტი კაცი დაესწრო და იგი გადაიქცა მძლავრ პოლიტიკურ დემონსტრაციად არსებული ექსპლოატატორული წყობილების წინააღმდეგ.

რსდმპ კავკასიის კავშირის კომიტეტის ორგანომ მოათავსა ა. წულუკიძის ხსოვნისადმი მიძღვნილი ნეკროლოგი. ეს ნეკროლოგი გადაიბეჭდა ბოლშევიკების ცენტრალურ ორგანო „პროლეტარში“.

„წულუკიძე იყო, — ვკითხულობთ ნეკროლოგში, — კავკასიის კავშირის ერთი საუკეთესო ამხანაგი შოღვაწეთაგანი, სერიოზულად მომზადებული და ყველაზე უფრო გულ-მხურვალე მომხრე „უმრავლესობისა... მას ნათლად ჰქონდა წარმოდგენილი თუ რა მდგომარეობაშია პარტიული საქმე დღეს კავკასიაში, მარა მაინც, მიუხედავად პარტიული კრიზისისა, მხნედ და სრული რწმენით გაიძახოდა სიკვდილის წინ: „იდეა (აზრი) მაინც გაიმარჯვებს!“ დიხაც „გაიმარჯვებს იდეა“, ამხანაგო — მეგობარო! და ამ გამარჯვებაში შენც არამცირედი ღვაწლი მიგიძღვის პარტიის წინაშე!... პროლეტარები და სოფლის ლატაკნი არ დაგივიწყებენ, როგორც ერთ გულწრფელ მებრძოლთაგანს თავისუფლებისა და სოციალიზმისათვის!“¹.

კავკასიის კავშირის კომიტეტი დაუღალავად ეწეოდა III ყრილობის გადაწყვეტილებათა პროპაგანდას. რევოლუციური მოძრაობა საქართველოში ავიდა ახალ, უფრო მაღალ საფეხურზე და მოედვა ახალ რაიონებს.

1905 წლის 20 ივნისს თბილისში დაიწყო გაფიცვა, რომელმაც საყოველთაო ხასიათი მიიღო. „კავშირის კომიტეტის“ ხელმოწერით გაზეთ „პროლეტარში“ დაიბეჭდა შემდეგი კორესპონდენცია თბილისიდან:

„გუშინ მუშებმა შეწყვიტეს მუშაობა რკინიგზის სახელოსნოებში, ყველა კერძო ქარხანასა და ფაბრიკაში. შეწყდა ტრამვაისა და „კონკის“ მოძრაობა; დღეს გაფიცულებს შეუერთდნენ ნოქრები,

¹ „პროლეტარიატის ბრძოლა“, 1905, № 9.

დაიკეტა თითქმის ყველა მაღაზია. გაიფიცნენ ქალაქის გამგეობის შოსაშისაზურები. ქუჩებს გაძლიერებით იცავენ კაზაკები და პოლიცია. წარმოებს მასობრივი ჩხრეკა, ეძებენ იარაღს¹.

იენისში თბილისში გამოცხადდა საყოველთაო გაფიცვა ნიშნად პროტესტისა ცარიზმის შავრაზმული, დამრბევი პოლიტიკის წინააღმდეგ; ცარიზმი კი კვლავ ცდილობდა ჩამოეგდო მტრობა ამიერკავკასიის ხალხებს შორის, გაეთიშა მუშათა მოძრაობა. კავკასიის მეფისნაცვალმა ვორონცოვ-დაშკოვმა ნება დართო დაეარსებინათ „პატრიოტების“ წრე. მისი შეიარაღებული წევრები პოლიციისა და კაზაკების დახმარებით აშკარად თავს ესხმოდნენ მუშებსა და მშვიდობიან მცხოვრებლებს, სცემდნენ მათ და პოლიციაში გზავნიდნენ.

მშრომელთა მიტინგებზე, რაც თბილისში იენისის გაფიცვის დროს ყველგან იმართებოდა, იღებდნენ რეზოლუციებს, რომლებშიც მოითხოვდნენ საყოველთაო სახალხო დამფუძნებელი კრების მოწვევას, სიტყვის, პრესის თავისუფლებას, შავრაზმული ორგანიზაციების დაშლასა და განიარაღებას, ქალაქიდან კაზაკების გაყვანას, სამხედრო პატრულის მოხსნას და ა. შ.

23, 24, და 25 იენისს ქალაქის სხვადასხვა უბანში უუმბარებით თავს დაესხნენ კაზაკთა ნაწილებს და პოლიციელებს, რომელთა შორის იყვნენ მოკლულები და დაჭრილები.

საყოველთაო გაფიცვა ორგანიზებულად დამთავრდა 28 იენისს. თბილისელი მუშების გაფიცვას გამოეხმაურნენ გორის, თელავის, ქუთაისის, ბათუმის, ბორჯომის რკინიგზის კვანძის მუშები და ა. შ.

გორში გაფიცვა დაიწყო 21 იენისს. მუშებს მიემხრნენ ოსტატები, მეპურეები, მეეტლეები. 27 იენისიდან საყოველთაო გაფიცვა დაიწყო თელავში და გაგრძელდა 30 იენისამდე. ამ დროის განმავლობაში მუშაობა შეწყვეტილი იყო სახელოსნოებსა, აბრეშუმსახვევ ფაბრიკასა და სტამბებში, დაიკეტა ყველა დუქანი.

ივლისში გაიფიცნენ საუფლისწულო მამულების მუშები თელავის მაზრაშიც.

ივლისში დაიწყო მღელვარების ზრდა საქართველოში განლაგებულ სამხედრო ნაწილებს შორის. კავკასიის პოლიციის უფროსმა შირინკინმა აცნობა გრაფ ვორონცოვ-დაშკოვს, რომ სოხუმის 258-ე ქვეითმა სათადარიგო პოლკმა 10 ივლისს გამოთქვა უკმაყოფილება იმის გამო, რომ მას უფარგის პურს აძლევდნენ. 11 ივლისს

¹ „პროლეტარი“, 1905, № 12.

თითქმის მთელი პოლკი არ გამოვიდა ვახშამზე. იმავე დროს ამ პოლკის №-8 ასეულმა ნება არ მისცა დაეპატიმრებინათ ჯარისკაცი, რომელმაც ვამოთქვა პროტესტი კაპიტან იაკუბოვსკის მიერ ჯარისკაცთა ფულის დაკავების გამო. „უკანასკნელ დროს, — განაგრძობდა თავის მოხსენებაში შირინკინი, — საგრძნობლად გახშირდა ჯარისკაცებისადმი მიმართული სხვადასხვა რევოლუციური მოწოდების (ადგილობრივი, ბათუმის, სოციალ-დემოკრატიული კომიტეტის მოწოდებისა — რუსულ და ქართულ ენებზე) გავრცელება პოლკში... შიუხნედავად ამ მოწოდებათა პოვნისა იმ ადგილებში, სადაც დგანან შორიგეები და საერთოდ უცხო პირებს შეუძინებლად შესვლა არ შეუძლიათ, არ ყოფილა არც ერთი შემთხვევა მიეღოთ მონაცემები დამნაშავეთა გამომჟღავნებისათვის“¹.

17 ივლისს დაიწყო ქიათურის შავი ქვის მადარობის მუშათა გაფიცვა. სადგურთან შეიკრიბა 4 ათასი კაცი; მათ აღმართეს წითელი დროშა და ორგანიზებულად გაიარეს ქალაქში, შემდეგ კი ცალკე ჯგუფებად გაემართნენ დაბა საჩხერეში. ქიათურაში გაიგზავნა ქვეითი ჯარის ბატალიონი. 19 ივლისს ქ. ფოთში დაიწყო ნავსადგურის მუშებისა და რკინიგზელი მტვირთავების გაფიცვა.

ქუთაისიდან ფოთში გაიგზავნა კაზაკთა პოლკის ნაწილი და ადგილობრივ ხელისუფალთ წინადადება მიეცათ „მიეღოთ მათგან დამოკიდებული ზომები გაფიცვის ჩასაშობად“.

რევოლუციური აგიტაციისა და აგრეთვე მთელს საქართველოში გავრცელებული მძლავრი რევოლუციური პროტესტის ზეგავლენით, ოზურგეთის მაზრაში დაბანაკებულ ჯენერალ ალიხანოვ-ავარსკის ჯარის ნაწილებში დაიწყო გახრწნა. ამიტომ მეფის ხელისუფლების წარმომადგენლები იძულებული იყვნენ გაეწვიათ მაზრიდან დამსჯელი რაზმი.

1905 წლის გაზაფხულზე აქ მეფის ხელისუფლების ორგანოებმა ფაქტიურად შეწყვიტეს მოქმედება. სოფლად რეალურ, ნამდვილ ხელისუფლებას წარმოადგენდნენ გლეხთა კომიტეტები, რომლებიც სარგებლობდნენ უდიდესი ავტორიტეტით და რომელთა ხელში ფაქტიურად გადავიდა ძალაუფლების ფუნქციები. კომიტეტები აგებულნი იყო შემდეგი წესით. მთელი ორგანიზაციის პირველადი რგოლი იყო 9 კაცისაგან შემდგარი წრე. მას სათავეში ედგა ათისთავი. წრეებს ხელმძღვანელობდნენ ასისტავები; ასეთი სოფლად იყო ერთი-ორი კაცი. ცალკე ჯგუფებად გაერთიანებულნი

¹ საქ. სსრ არქივ, ფ. 63, ს. 17, ფ. 11.

სოფლების ასისტავები ირჩევდნენ ათასისთავებს. ეს სოფლის ათასისთავები, რიცხვით 3—5 კაცი, შეადგენდნენ გლეხთა კომიტეტებს. დიდ სოფლებში ასისტავები შეადგენდნენ ამა თუ იმ სოფლის რევოლუციურ კომიტეტს. სოფლად ქმნიდნენ სოციალ-დემოკრატიულ ორგანიზაციებს სოფლის მუშებისა და ღარიბი გლეხებისაგან. ბოლშევიკური ორგანიზაციები ხელმძღვანელობდნენ რევოლუციურ კომიტეტებს პარტიის წევრების მეშვეობით, რომლებიც მონაწილეობას იღებდნენ ამ კომიტეტების მუშაობაში.

გლეხთა კომიტეტებთან ეწყობა სასამართლოები, სასამართლო საქმეები აღიძვრებოდა დაზარალებულის განცხადებით. სასამართლოს გადაწყვეტილება დაუყოვნებლივ მოჰყავდათ სისრულეში.

გლეხთა კომიტეტებმა ოზურგეთის მაზრაში გააუქმეს სახელმწიფო გადასახადები, სამღვდლოებს სასარგებლოდ დაწესებული გადასახადი, ჩამოართვეს მიწები მექამულეებს, ახორციელებდნენ სიტყვის, სარწმუნოების თავისუფლებას, შეუდგნენ თავიანთი სკოლების დაარსებას და ა. შ. ყველგან შეიქმნა „წითელი ასეულები“, მიმდინარეობდა სამხედრო სწავლება და ენერგიულად ემზადებოდნენ შეიარაღებული ბრძოლისათვის ცარიზმის წინააღმდეგ.

ბურჟუაზიულ-ნაციონალისტური პრესა ამახინჯებდა ფაქტებს და ოზურგეთის მაზრის ამბებს აშუქებდა! ცალმხრივად და არასწორად. ეს პრესა ცდილობდა დაემტკიცებინა, რომ გლეხები განაგრძობენ ეკონომიურ ბრძოლას, რომ არ არსებობს კლასობრივი ანტაგონიზმი არამცთუ გლეხთა შიგნით, არამედ არც გლეხობასა და თავადაზნაურობას შორის. ებრძოდნენ რა ბოლშევიკურ ლოზუნგს შეიარაღებული აჯანყების შესახებ, მენშევიკები ცდილობდნენ გლეხთა მოძრაობა ოზურგეთის მაზრაში დაესახათ ისე, თითქოს გლეხებმა აქ მშვიდობიანი გზით შექმნეს საოლქო რევოლუციური თვითმმართველობა და რომ ეს ორგანო ფაქტურად ახორციელებდა ხელისუფლების ორგანოთა ფუნქციებს. მენშევიკები გლეხთა კომიტეტებში ვერ ხედავდნენ ვერც ხელისუფლების ჩანასახოვან ორგანოებს, ვერც შეიარაღებული აჯანყების ორგანოებს.

ამასთან დაკავშირებით ი. სტალინმა რსდმპ IV ყრილობაზე განაცხადა: „...ჯერ ერთი, გურია ოლქი კი არა, ქუთაისის გუბერნიის ერთერთი მაზრაა; მეორე, გურიაში არასოდეს არ არსებობდა მთელი გურიისთვის ერთიანი რევოლუციური თვითმმართველობა; იქ იყო მხოლოდ წვრილ-წვრილი თვითმმართველობანი,

რომლებიც, მაშასადამე, სრულებითაც არ უდრიან საოლქო თვით-
შმართველობებს; მესამე, მართვა-გამგებლობა—ერთია, მფლობელო-
ბა—სულ სხვა რამ. საერთოდ გურიის შესახებ ბევრი ლეგენდაა
ვაკრეცლებული და რუს ამხანაგებს ტყუილად მიაჩნიათ ის ჭეშმა-
რიტებად...“¹.

ვ. ლენინი უღმობელ ბრძოლას აწარმოებდა მენშევი-
კების წინააღმდეგ, ამტკიცებდა, რომ ცარიზმის დამხობისა და რე-
ვოლუციის გაძარჯვებისათვის საჭიროა არა რევოლუციური თვით-
შმართველობა, არამედ პროლეტარიატისა და გლეხობის რევოლუ-
ციურ-დემოკრატიული დიქტატურის დამყარება შეიარაღებული
აჯანყების გზით. „აჯანყების ლოზუნგის დაჩრდილვა ან თუნდაც უკან
ჯადაწევა, — წერდა ვ. ლენინი, — რევოლუციური თვითმმარ-
თველობის ორგანიზაციის ლოზუნგით — ეს რალაც იმის მსგავსი
რჩევაა, რომ ბუზი დაიჭირო და შემდეგ მას ბუზების საწინააღმდეგო
ფხვნილი დააყარო“².

გლეხთა მოძრაობამ ფართო გასაქანი მიიღო გორის მაზრა-
ში. 2 ივნისს თავადმა ფავლენოვებმა და აზნაურმა ტატივეებმა დე-
პეშით აცნობეს გრაფ ვორონცოვ-დაშკოვს, რომ კვლავ დაიწყო
გლეხთა მასობრივი აჯანყებანი, რომ ქართველი და ოსი გლეხები
ანადგურებენ მემამულეთა კარმიდამოს, კლავენ აზნაურებს, პოლი-
ცია უმწყოა. არსებობს საფრთხე, რომ გლეხთა მღელვარება „გა-
დაიქცევა მრისხანე, საყოველთაო აჯანყებად, — წერდნენ ისინი.—
გთხოვთ დაუყოვნებლივ გაგვიწიოთ მფარველობა და დაგვიცვათ,
თორემ ყველანი ვიღუპებითო“³.

თელავის მაზრის თავადაზნაურობის წინამძღოლმა 5 ივლისს
აცნობა ხელისუფალთ, რომ გლეხებს სახლში შიაკეთ მოსავალი
მინდვრებიდან ისე, რომ მემამულეებს საიჯარო ქირას არ აძლევენ,
რის გამოც მემამულენი გამოუვალ მდგომარეობაში ჩავარდნენო⁴.

გორის მაზრის თავადაზნაურობის წინამძღოლი ა. კ. ბაგრა-
ტიონ-დავიდოვი მაზრის თავადაზნაურთა სახელით სთხოვდა მეფის-
ნაცვალს დაუყოვნებლივ მიეღო საჭირო ზომები გლეხთა გამოსვლე-
ბის შესაწყვეტად, რადგან ამან „თავადაზნაურთა მნიშვნელოვანი
რაოდენობა სრულიად გააჩანაგა და აიძულა ისინი მიეტოვებინათ
თავიანთი კარმიდამო და მეურნეობა“⁵.

¹ ი. სტალინი, თხზ., ტ. 1, გვ. 223.

² ვ. ლენინი, თხზ., ტ. 9, გვ. 219.

³ საქ. სსრ აცსიფ. 31, ხ. 3622, ფ. 16.

⁴ იქვე, ფ. 25.

⁵ იქვე.

ივლისში მეფის 1905 წლის 10 აპრილის ბრძანებულების საფუძველზე საქართველოში დაარსებულ იქნა ეგრეთ წოდებული დროებითი სამაზრო კომისიები. მათ უნდა გამოერკვიათ ის ზარალი, რომელიც გლეხთა რევოლუციურმა მოძრაობამ მიაყენა მემამულე თავადაზნაურობას. ზარალის ანაზღაურება დაეკისრა სოფლის მოსახლეობას. მაგრამ გლეხები ყველგან გადამწყვეტ წინააღმდეგობას უწევდნენ ამ კომისიების მუშაობას.

თელავის, სიღნაღის, თბილისისა და ბორჩალოს მაზრებში გაიგზავნა კომისია გენერალ თავად ზ. გ. ჭავჭავაძის მეთაურობით, რომელიც დიდი უფლებებით იყო აღჭურვილი. მას თან ახლდა დრაგუნთა 43-ე პოლკის ესკადრონი: თავად ჭავჭავაძეს უნდა მოეწოდებინა მაზრები, „შეერიგებინა გლეხები მემამულეებთან და აღედგინა წესრიგი“. გენერალ ზ. გ. ჭავჭავაძის ხელში გადადიოდა ამ მაზრებში განლაგებული ყველა სამხედრო ნაწილის მეთაურობა, მას ენიჭებოდა დაპატიმრების, „არაკეთილსამიედლო“ პირების გასახლეების, ეგზეკუციების დანიშვნის და სხვ. უფლება. ასეთივე რწმუნებით გორისა და დუშეთის მაზრებში გაიგზავნა კომისია გენერალ-ადიუტანტ ნ. გ. ამილახერის მეთაურობით. მას ახლდა ნიჟეგოროდისა დრაგუნთა 44-ე პოლკი, თბილისის გუბერნატორი ადიუტანტი, მეფისნაცვლის საბჭოს წევრი ფინანსთა სამინისტროდან — ჯუნკოვსკი და საპატიო მომრიგებელი მოსამართლე ვეიდენბაუმი.

გლეხობისადმი სპეციალურ მიმართვაში მეფისნაცვალმა ვორონცოვ-დაშკოვმა დაპირდა მათ, რომ განზარაბული რეფორმების განხორციელების გზით გაუადვილებდა გლეხებს სახაზინო მიწების იჯარით აღების, ხელს შეუწყობდა მათ მემამულეთა მიწების ყიდვაში ბანკის მეშვეობით და ა. შ. ხელისუფალნი ფიქრობდნენ, რომ ამ დაპირებათა დახმარებით ზოგიერთ ელემენტს ჩამოაშორებდნენ გლეხთა რევოლუციური მოძრაობისაგან.

მართლაც, საქართველოს მრავალი მაზრის გლეხთა ნაწილს, მათ შორის ოზურგეთის მაზრის გლეხობის ნაწილსაც, ეშინოდა რეპრესიების, უარს ამბობდა რევოლუციურ ბრძოლაში მონაწილეობაზე, კმაყოფილდებოდა ბოიკოტით, სჯეროდა, რომ გლეხთა საჭიროებანი დაკმაყოფილებული იქნებოდა ხელისუფალთა მიერ რეფორმების განხორციელების გზით.

1905 წლის 6 ივლისს კავკასიის მეფისნაცვალმა ვორონცოვ-დაშკოვმა მიიღო გორის მაზრის გლეხების დელეგაცია. იგი დაპირდა მას, რომ განიხილავდა გლეხთა საზოგადოებების შუამდგომლობებს მიწის საკითხის გადაწყვეტის შესახებ, კერძოდ

აღუთქვა მას, რომ გაათავართობდა გლეხთა საადგილმამულო ბანკის მოღვაწეობას გლეხებისათვის მიწების მიყიდვის მხრივ და ა. შ. 9 ივლისს ვორონცოვ-დაშკოვმა მიიღო გლეხთა მეორე დელეგაცია. თავის მხრით გენერლები ქავკავაძე და ამილახვარი მოგზაურობდნენ განწყესებულ რაიონებში და ყოველგვარ ზომას იღებდნენ, რათა გლეხებს უქუეგდოთ ბოიკოტი და დათანხმებულიყვნენ სახელმწიფო გადასახადების შეტანაზე, მემამულეებისათვის საიჯარო ქირის გადახდასა და ბეგარათა შესრულებაზე. მაგრამ არც რჩევამ, არც მუქარამ და არც რეპრესიამ არ გამოიღო დადებითი შედეგები. გლეხთა ძირითადი მასა მტრულად იყო განწყობილი მემამულე-თავადაზნაურებისა და სამღვდლოებისადმი და მას ხელისუფალთა არაავითარი ნდობა არ ჰქონდა. თავიანთ მოხსენებაში¹ ქავკავაძე და, აგრეთვე, ამილახვარიც იძულებული იყვნენ ელიარეზინათ, რომ მათ მისიას არაავითარი დადებითი შედეგი არ მოუცია, რომ ავტატორების მიერ შთაგონებული გლეხები წინანდებურად ყოველნაირ წინააღმდეგობას უწევენ ხელისუფალთ, არ აძლევენ მემამულეებს მოსავლის ნაწილს, გადაქრით აფერხებენ იმ სამაზროკომისიების მუშაობას, რომლებიც არკვევდნენ თავადაზნაურობისათვის მიყენებული ზარალის რაოდენობას.

ამის შემდეგ ხელისუფლების წარმომადგენლები კიდევ უფრო აძლიერებენ რეპრესიათა პოლიტიკას. 29 ივლისს დუშეთისა და გორის მაზრები გამოყვეს თბილისის გუბერნატორის მმართველობიდან. სამხედრო და სამოქალაქო ხელისუფლება გაერთიანებული იყო ტენგინის 77-ე ქვეითი პოლკის მეთაურის პოლკოვნიკ ალფტანის ხელში. პოლკოვნიკ ალფტანს წინადადება მიეცა არ მორიდებოდა იარაღის გამოყენებას, „დაერწმუნებინა ამ მაზრების მოსახლეობა, რომ აუცილებელია შესრულებულ იქნეს ვალდებულებანი მთავრობის დაწყესებულებებისა და პირების და საზოგადო დაწყესებულებების მიმართ, აგრეთვე ხელი შეეწყო მემამულეებისა და საერთოდ მიწის მფლობელებისადმი გლეხთა ნორმალური დამოკიდებულების აღდგენისათვის“².

ადგილებზე გაიგზავნა ჯარის ახალი ნაწილები. კიდევ უფრო გააქტიურდნენ დაქირავებულ გარეწარ პირთაგან შედგენილი თავადაზნაურული „შავი რაზმები“. გორის მაზრაში განსაკუთრებით გამოირჩეოდა თავისი მხეცობით და უმსგავსოებით მსხვილ

¹ ხაქ. სსრ აცსი, აღწერის მიხედვით 5951/554, ს. № 34

² ხაქ. სსრ აცსი, ფ. 63, ს. № 7, ფ. 64.

მემამულეების გ. ამილახერისა და წ. აბდუშელიშვილის შეიარაღებული „შავი რაზმი“. აი რას იტყობინებოდნენ, მაგალითად, „შავი რაზმის“ მოღვაწეობაზე:

ქართველ თავადაზნაურობას „მოუკრებია ადგილობრივად უსაქმოდ მონეტიალე ხუნხუზები და გამოუწყვია ეგრეთ წოდებული „თავად-აზნაურთა დრუჟინა“, 750 კაცისაგან შემდგარი, რომელსაც ბელადობს უნივერსიტეტში კურსდამთავრებული პირიო და ეს ვაჟბატონი თურმე მათრახით ხელში, მაწანწალა ბრბოს თანხლებით, დაძრწის ქართლის ქალაქებსა და დაბებში და შიშის ზარსა სცემს ადგილობრივ უწყინარ და მშვიდობიან მცხოვრებლებსა“¹.

მეფის ხელისუფალთა და თავადაზნაურული „შავი რაზმების“ რეპრესიებს გლეხები უპასუხებდნენ მტკიცე წინააღმდეგობით.

31 ივლისიდან 17 აგვისტომდე გლეხთა რაზმებმა იარაღი ჩამოართვეს სოფლების—მეჯვრისხევის, ხურგალეთის, ზეგარდის, ხოვლეს, ფლავის, რუისის, ერედვის, აბანოს, მცხეთისა და სხვ. ყველა მემამულეს.

31 ივლისს დუშეთის მაზრის სოფელ მქადისჯვარში ჩავიდა ბოქაული გედევანოვი კაზაკების რაზმით და მოითხოვა, რომ გლეხებს მოსაულის ნაწილი მიეცათ მემამულე ბაგრატიონ-მუხრანსკისათვის. გლეხებმა ამაზე უარი განაცხადეს, მაშინ სამი მათგანი დააპატიმრეს. გლეხებმა გაათავისუფლეს პატიმრები და გააძევეს კაზაკები სოფლიდან. 1 აგვისტოს სოფელ მქადისჯვარში ჩავიდა მსროლელთა ნაწილი და კაზაკები, რომლებსაც გადაჰქონდათ მოსავლის ნაწილი გლეხთა მიწებებიდან მემამულეთა კარმიდამოში. 3 აგვისტოს დუშეთისა და გორის მაზრების სოფლებიდან შეიკრიბა დაახლოებით ათას გლეხამდე და მოითხოვა ჩამორთმეული პურის დაბრუნება. შეიარაღებული შეტაკების შედეგად მოკლულ იქნა დაახლოებით 30 კაცი, ხოლო დაჭრილ იქნა 40. შეიარაღებული შეტაკება ჯარის ნაწილსა და გლეხებს შორის მოხდა 7 აგვისტოს თელავის მაზრის სოფელ გრემში. მოკლულ და დაჭრილ იქნა 13 კაცი. მათ შორის იყვნენ ქალები და ბავშვები. თუ რა მდგომარეობა იყო ამ დროს ქუთაისის გუბერნიაში, შეიძლება წარმოვიდგინოთ ენდარმთა სამმართველოს უფროსის საიდუმლო მოხსენებიდან: „ქუთაისის გუბერნიაში ყველგან გამეფებულია სრული ანარქია. მთავრობის ჯარების რიცხვი მეტად მცირეა. დღითი-დღე მოსალოდნელია სახალხო შეიარაღებული აჯანყება“².

¹ „მოგზაური“, 1905, № 17.

² საქ. სსრ აცსი, ფ. 63, ს. 18, ფ. 52.



სერგო ორჯონიკიძე

პარტიის III ყრილობის შემდეგ ბოლშევიკები, ითვალისწინებდნენ რა რუსეთის ცალკეულ რაიონებში, ფლოტსა და არმიაში შომხდარი შეიარაღებული აჯანყების გაკვეთილებს, მოუწოდებდნენ მასებს საყოველთაო შეიარაღებისა და აჯანყების მომზადებისაკენ. სტატიაში „შეიარაღებული აჯანყება და ჩვენი ტაქტიკა“ ი. სტალინი აღნიშნავს ლოდის ქუჩებში გამართულ საბარიაკდო ბრძოლას, მუშების გაფიცვას ივანოვო-ვოზნესენსკში, აჯანყებას ოდესაში, შავი ზღვისა და ლიბავის ფლოტის ეკიპაჟის „ამბოხებას“, თბილისის „კვირას“ და ყველა ამ მოვლენას უწოდებს მოახლოებული ქექა-ქუხილის მრისხანე წინამორბედს. „ეს ქექა-ქუხილი ახლოვდება, — წერს ი. სტალინი, — შეუჩერებლივ ახლოვდება, და დღეს იქნება თუ ხვალ გადმოხეთქს რუსეთზე ყოველად ძლიერ გამწმენდ ნიაღვრად, რომელიც ყოველდღე დაძველებულს, მომპალს წალეკავს და რუსეთის ხალხს მორეცხავს მრავალ საუკუნეთა სირცხვილს, თვითმპყრობელობად წოდებულს“¹.

ი. სტალინი სასაცილოდ იგდებს „თვითშეიარაღების მწვავე მოთხოვნილებით“ ხალხის შეიარაღების ნენშევიკურ ლოზუნგს. ი. სტალინი წინადადებას იძლევა მიღებულ იქნეს ენერგიული ზომები მუშებისა და გლეხების შეიარაღებისათვის, გამო-მუშავდეს აჯანყების გეგმა ყოველი ცალკეული რაიონის მიხედვით, გამოინახოს მოწინააღმდეგის სუსტი ადგილი, დაისახოს პუნქტები, საიდანაც შეიძლება დაიწყოს თავდასხმა, განაწილდეს ძალები რაიონების მიხედვით, შესწავლილ იქნეს სხვადასხვა ადგილის ტოპოგრაფია. ი. სტალინი უდიდეს მნიშვნელობას ანიჭებს აჯანყების ტექნიკურ მომზადებას, იარაღის შოვნას, მეტრძოლი რაზმების შექმნას. „სწორედ ტექნიკური ხელმძღვანელობა და მთელი რუსეთის აჯანყების ორგანიზაციული მომზადება, — ამბობდა ი. სტალინი, — აი ის ახალი ამოცანა, რომელიც პროლეტარიატს დაუსახა ცხოვრებამ“².

ადგილობრივი ხელისუფალნი თავიანთ მოხსენებით ბარათებში კავკასიის მეფისნაცვალ ვორონცოვ-დაშკოვის სახელზე განსაკუთრებით ხაზგასმით აღნიშნავენ, რომ მუშები და გლეხები გამალბით იარაღდებიან და ემზადებიან აჯანყებისათვის. „გურია უკვე დიდი ხანია შეიარაღებულია, — წერდა, მიგალითად, ბათუმის ღლქის სამხედრო გუბერნატორი პ. პარკაუ, — და არ სცნობს რუსეთის

¹ ი. სტალინი, თხზ., ტ. 1, გვ. 125.

² ი. სტალინი, თხზ., ტ. 1, გვ. 127.

ხელისუფალთ. ახლა წარმოებს ქართველებით დასახლებული და
ნარჩენი ადგილების შეიარაღებაც. თქვენმა ბრწყინვალებამ, რა თქმა
უნდა, უკვე მიიღო შესაზღვრეთა რაზმის მე-6 ოლქის უფროსის
მოხსენება ქ. ფოთში 1700 კოლოფიანი შაშხანისა და 200 ათას
გაზნის დაკაფების შესახებ და აგრეთვე იმის შესახებ, რომ იარაღის
ნაწილი გაგზავნილია სადგურ ახალ სენაკში“¹.

ბათუმის დავკითხი პუნქტის გამგე როჟანოვი წერდა, რომ
15 აგვისტოს სოფ. დვებზუს აგიტატორმა მოიწვია ყრილობა, რომ
მელზედაც განმარტა შინაარსი მანიფესტისა სახელმწიფო სათა-
თბიროს შესახებ; იგი ამტკიცებდა, რომ სათათბირო ხელსაყრე-
ლია მხოლოდ მდიდრებისათვის, და ურჩევდა ხალხს მოემარაგებინა
ინარაღი. აგიტატორი ასწავლიდა მათ, რომ გლეხებმა უნდა იცოდ-
ნენ ბარიკადების აგება, ორმოების, მიწის სანგრების თხრა, პატა-
რა თხრილების კეთება ნალმების ჩასაწყობად და ა. შ.²

1905 წლის აგვისტოს საქართველოში ყველგან მიმდინარე-
ობდა რევოლუციური ძალების დათვალეირება. ოზურგეთის, ზუგ-
დიდის, სენაკისა და სხვა მაზრებში მოეწყო შეიარაღებული პოლი-
ტიკური დემონსტრაციები; თითოეულ ამ დემონსტრაციაში მონა-
წილეობდა რამდენიმე ათასი კაცი.

მაგალითად, ოზურგეთის მაზრის დაბა ლანჩხუთში საეკლე-
სიო ზარების ხმაზე, დილის 4 საათზე, მაზრის მოედანზე შეიკრიბა
ათასზე მეტი შამაკაცი, ქალი და ბავშვი. შამაკაცები ყველანი შეიარა-
ღდნენ ბერდენის სისტემის თოფებით, 3-ხაზოვანი შაშხანებით,
რევოლვერებით, ხმლებით, ხოლო მოხუცები და ქალები ჯოხებით.
8 საათზე ჩიბათის საზოგადოებიდან მოვიდა გლეხების მეორე ჯგუ-
ფი ცხენოსნებთან ერთად; ყველა შეიარაღებული იყო. შეიარაღებუ-
ლი გლეხები ჩამწკრივდნენ სამხედრო წესისამებრ. შემდეგ წითელ
აბრეშუმის დროშებით, მარსელიოზისა და სხვა რევოლუციური სიმ-
ღერებით დაიძრნენ სოფელ ნიგოთისაკენ. ლანჩხუთიდან სამი ვერ-
სის გავლის შემდეგ მათ შემოხვდნენ გლეხები, რომლებიც ასევე
შეიარაღებული იყვნენ და ორგანიზებულად მოდიოდნენ სოფელ
ნიგოთიდან. მტინგი მოეწყო მინდორში და რამდენიმე საათს
გრძელდებოდა. წარმოითქვა სიტყვები და გაისმოდა შეძახილები:
„ძირს თვითმპყრობელობა, გაუმარჯოს თავისუფლებას!“ და ა. შ.

ამავე დროს შეიარაღებული დემონსტრაციები მოეწყო სად-
გურ სუფსის მახლობლად და ოზურგეთის მაზრის სხვა ადგილებში-

¹ საქ. სსრ არქივი, ფ. 63, ს. 6115, ფ. 161.

² იქვე; ფ. 63, ს. 6123, ფ. 54.

ლენინი მიუთითებდა, რომ შეიარაღებული აჯანყების მსვლელობაში უნდა წარმოიშვას დროებითი რევოლუციური მთავრობა, როგორც პროლეტარიატისა და გლეხობის რევოლუციური დემოკრატიული დიქტატურა.

ამხილებდა რა მენშევიკებს, რომლებიც გამოდიოდნენ მუშათა და გლეხთა რევოლუციურ მთავრობაში სოციალ-დემოკრატიის მონაწილეობის წინააღმდეგ, ი. სტალინი სტატიებში „შეიარაღებული აჯანყება და ჩვენი ტაქტიკა“, „დროებითი რევოლუციური მთავრობა და სოციალ-დემოკრატია“ და მთელ რიგ სხვა სტატიებში და მოწოდებებში ასაბუთებდა და ავითარებდა ლენინის შეხედულებებს დროებითი რევოლუციური მთავრობის შესახებ, რომელიც პროლეტარიატისა და გლეხობის რევოლუციური დიქტატურა უნდა ყოფილიყო. „...თუ რევოლუციის ბელადი მოწინავე პროლეტარიატია, — წერდა ი. სტალინი, — და თუ ის ვალდებული იქნება აქტიური მონაწილეობა მიიღოს აჯანყების მოწყობაში, — მაშინ თავისთავად ცხადია, რომ ჩვენ არ შეგვიძლია ხელი დავიბანოთ და შორს გავექცეთ დროებით რევოლუციურ მთავრობას, ჩვენ ვალდებული ვიქნებით გლეხკაცობასთან ერთად დავაპყროთ პოლიტიკური ძალაუფლება და მონაწილეობა მივიღოთ დროებით მთავრობაში: ვინც რევოლუციურ ქუჩაში ბელადობს; ის რევოლუციის მთავრობაშიც ბელადი უნდა იყოს“¹.

ბოლშევიკები მეთაურობდნენ რევოლუციურ მოძრაობას, ამზადებდნენ მუშებსა და გლეხებს შეიარაღებული აჯანყებისათვის და ამავე დროს ამხილებდნენ ცარიზმის ცდას ჩამოეშორებინახალხის მასები რევოლუციური ბრძოლისაგან რეფორმების დაპირებითა და მალაღმარდოვანი მანიფესტების გამოცემით. ბოლშევიკები ნათლად და მკაფიოდ განუმარტავდნენ მასებს, რომ 1905 წლის 5 აგვისტოს გამოქვეყნებული მანიფესტი „სახალხო წარმომადგენლების“ (ბულიგინის სათათბირო) მოწვევის შესახებ ხალხის ურცხვად მოტყუება და მოუწოდებდნენ გამოეცხადებინათ ბოიკოტი ამ სახალხო წარმომადგენლობის კარიკატურისათვის.

სულ სხვა ტაქტიკას ახორციელებდნენ ამ დროს მენშევიკები. ისინი ატარებდნენ რევოლუციის ჩაშლის გამცემლურ ხაზს, ეწეოდნენ აგიტაციას ბულიგინის სათათბიროში მონაწილეობის სასარგებლოდ, დიდ იმედებს ამყარებდნენ იმაზე; რომ ცარიზმი ამიერკავკასიაში შემოიღებდა საერობო თვითმმართველობას.

¹ ი. სტალინი, თხზ., ტ. 1, გვ. 244.

მოუწოდებდნენ ხალხს მონაწილეობა მიეღო ხელისუფალთა მიერ მოწვეულ თათბირებში, მათ შორის კავკასიაში ერობის შემოღების საკითხზე გამართულ თათბირში, რომელიც თბილისში მოეწყო.

მენშევიკების გამცემლურმა ტაქტიკამ ხელი შეუწყო იმას, რომ მეფის ხელისუფლებამ შეძლო თავხედურად, გამომწვევად დაეჭირა თავი რევოლუციის მიმართ, ტყვია დაეშინა მუშათა დიტინგისათვის, რომელიც გაიმართა 1905 წ. 29 აგვისტოს თბილისის საქალაქო გამგეობაში.

ამ სისხლისმღვრელი მოქმედების გამო რსდმპ კავკასიის კომიტეტის კავშირმა- გამოუშვა პროკლამაცია „სისხლი იღვრება, ვეშაბდოთ აჯანყებისათვის!“

„წყნარად ვისხედით ქალაქის „უბრავეში“, — ნათქვამი იყო პროკლამაციაში, — მარა მოვიდნენ მეფის ლაქიები და მხეცურად დაგვიშინეს თოფები! წყნარად ვმსჯელობდით ჩვენს ჭირ-ვარაზზე, მარა ჯალათმა კაზაკებმა ნადირობა გამართეს ჩვენზე, სცემდნენ და ფეხქვეშ სთელავდნენ ჩვენს მოძმეებს!

ტყვიების ბზრიალმა, მათრახის ტყლაშუნმა, ქალების ქვითინმა, დაჭრილთა კენესამ, მომაკვდავთა წყევლამ და მტრების ხარხარმა, გულის დამხვევმა ხარხარმა — ყველა ამან ქარტყხილათ ჯადაიარა ჩვენს თავზე.

წყველა და სიკვდილი მეფის მთავრობას, რომელმაც ჩვენი ცოლ-შვილი ააქვითინა!

მარა ნუ იფიქრებს ის, რომ ჩვენი რევოლუციონური სიამაყე ვასტეხოს! პირიქით, მოძმეთა სისხლი გულს უფრო ამამაცებს. ძმათა აჩრდილნი თავს გვევლებიან და ყურში ჩაგვჩურჩულებენ: სისხლი აიღეთო! ჩვენ დავიხვეთ უკან, ვერ დაუშვებთ დროშას! სისხლი სისხლისათვის და სიკვდილი სიკვდილისათვის — აი რითი უნდა უპასუხოთ ჯალათებს. შეიარაღება, და სისხლის აღება! გაუმარჯოს აჯანყებას! — აი როგორი უნდა იყვეს ჩვენი ლოზუნგები, ამხანაგო მუშებო!

ჩვენ არათერს არ უნდა ველოდეთ თვითმპყრობელობისაგან, გარდა ტყვიებისა და მათრახებისა. ჩვენ არათერს არ უნდა ველოდებოდეთ სახელმწიფო სათათბიროსაგან, გარდა მთავრობის გამგებებისა!...

გაუმარჯოს ორგანიზაციულ აჯანყებას!

გაუმარჯოს დემოკრატიულ რესპუბლიკას!

გაუმარჯოს სოციალიზმს! ¹

¹ სკკპ ცკ-თან არსებული მარქს-ენგელს-ლენინ-სტალინის ინსტ-ის საქართველოს ფილიალი, ფ. 33, ს. 33.

თბილისში 1905 წ. 29 აგვისტოს მომხდარ ამბებთან დაკავშირებით გაზეთმა „პროლეტარმა“ 1905 წ. 13 სექტემბერს დაბეჭდა სპეციალური ბიულეტენი „რსდმპ კავკასიის კავშირის კომიტეტის“ ხელმოწერით, ხოლო 1 სექტემბერი თბილისში გამოცხადდა გლოვის დღედ. გარდა ამისა, მთელ ამიერკავკასიაში მოეწყო პოლიტიკური დემონსტრაციები და გაფიცვები რეაქციის წინააღმდეგ პროტესტის ნიშნად. გაფიცვები და დემონსტრაციები გაიმართა თბილისში, ქუთაისში, სოხუმში, ფოთში, ბათუმში, ოზურგეთში, ჭიათურასა და სხვა ადგილებში. 29 აგვისტოს ამბებმა ფართო გამოცხადილი პოვა, მაგალითად, გორის მაზრაში, გორში, ძიხაილოვოში, ბორჯომში, სურამსა და სხვა ადგილებში მოეწყო სამგლოვიარო კრებები, რომლებზედაც წარმოთქვამდნენ მრისხანებით აღსავსე სიტყვებს ცარიზმის წინააღმდეგ და მოუწოდებდნენ შეიარაღებული აჯანყებისაკენ. ფართოდ ვრცელდებოდა ბოლშევიკური პროკლამაციები.

1905 წ. აგვისტოს ქუთაისში გაიმართა რსდმპ კავკასიის კავშირის იმერეთ-სამეგრელოს კომიტეტის მე-4 კონფერენცია, რომელსაც დაესწრო მიხა ცხაკაია. ამ კონფერენციაზე დასახული იყო კონკრეტული ღონისძიებანი იმისათვის, რომ განხორციელებულიყო ბულივინის სათათბიროსა და კავკასიაში ერობის შემოღების საკითხის შესახებ გამართულ თათბირზე გასაგზავნ პირთა არჩევნების აქტიური ბოიკოტი. გლეხებისათვის ფართოდ უნდა განემარტათ, რომ ვიწრო წოდებრივი ერობა ვერ დასკამაყოფილებდა მშრომელი გლეხობის ინტერესებს.

„სახელმწიფო სათათბიროს დამსხვრევა და აჯანყების, რევოლუციის დროშის აღმართვა... აი რას უნდა ვესწრაფოდეთ...—ნათქვამი იყო „ბორბა პროლეტარიატში“—...მხოლოდ ეს გზა გავვიადვილებს რამდენადმე მაინც საგრძნობლად მძიმე გზას „აღთქმული ქვეყნის“—სოციალიზმის სამეფოსაკენ“¹.

ხალხმა მხარი დაუჭირა სათათბიროს ბოიკოტისა და, აგრეთვე, კავკასიაში ერობის შემოღების საკითხზე მოწვეული თათბირის ბოიკოტის ბოლშევიკურ ტაქტიკას.

მაგალითად, ჭიათურის რაიონში ყველა სასოფლო საზოგადოების გლეხებმა განაცხადეს, რომ ისინი მონაწილეობას არ მიიღებენ ერობის არჩევნებში. ქუთაისის გუბერნატორის ცნობით, აგვისტოს დამლევს ზუგდიდის მაზრის რედუტ-კალეს უბანში

¹ „ბორბა პროლეტარიატა“, 1905, № 3.

მოიწვიეს გლებთა ყრილობები, სადაც გამოჰქონდათ რეზოლუცია იმის შესახებ, რომ „ხალხისათვის უსარგებლოა ერობის შემოღება და რომ მთავრობა უძლურია, მას არ შეუძლია ამეამად წინ აღუდგეს ხალხის ნებას“¹.

კავკასიაში ერობის შემოღების საკითხის შესახებ მოწვეულ თათბირზე წარმომადგენლების არჩევაზე უარი განაცხადეს გლებთა ყრილობებმა აგრეთვე ოზურგეთის, ზუგდიდის, რაჭისა და სხვა მაზრებში.

დამახასიათებელია საილუმლო პოლიციის მოხსენება იმის შესახებ, რომ 6 აგვისტოს სახელმწიფო სათათბიროს მოწვევაზე მანიფესტის გამოქვეყნების შემდეგ „მოძრაობამ გურიაში დაიწყო კლასობრივი ბრძოლის ხასიათის მიღება. მცირემიწიანთა და სრულიად შეუძლო გლებები არ მალავენ თავის აღშფოთებას შეძლებული კლასების წინააღმდეგ... მაზრის მოსახლეობა იყოფა ორ ჯგუფად: შეძლებულებად და ღარიბებად; უკანასკნელები ძლიერ ვაბოროტებული არიან პირველთა წინააღმდეგ“².

აგვისტოს დამლევი აღინიშნა საყოველთაო გაფიცვით სოხუმში. „სოხუმში 30 აგვისტოდან საყოველთაო გაფიცვაა, — იუწყებოდა გაზ. „კავკაზის“ კორესპონდენტი, — ყოველგვარი მოძრაობა შეჩერებულია, ყველაფერი დაკეტილია, დაკეტილია აგრეთვე ხორცისა და პურის დუქნები“³.

ეს გაფიცვა წარმოადგენდა პროტესტს თბილისში 29 აგვისტოს მუშების დახვრეტის წინააღმდეგ და გამოხატავდა სოლიდარობას გაფიცულ სასოფლო-სამეურნეო მუშებთან, რომლებმაც უარი თქვეს დიდი მთავრის ალექსანდრე მიხეილისძის, მემამულეების—სმეცკის, პეტროვისა და სხვ. მამულებში მუშაობაზე. კავკასიის მეფისნაცვალ ვორონცოვ-დაშკოვის განკარგულებით ეს მუშები გასახლებულ იქნენ სოხუმის ოლქიდან, მაგრამ სოხუმის საყოველთაო გაფიცვის ზეგავლენით ისინი კვლავ დააბრუნეს ხსენებულ მამულებში.

¹ საქ. სსრ აცსი, ფ. 63, ს. 18, ფ. 89—92.

² საქ. სსრ აცსი, ფ. 63, ს. 6123, ფ. 54—57.

³ გაზ. „კავკაზი“, 1905, № 227.

საერთო-სახალხო მოძრაობა 1905 წლის ოქტომბერში

რუსეთის პირველი რევოლუციის თავისებურებას წარმოადგენდა ის, რომ თავისი სოციალური შინაარსით ის ბურჟუაზიულ-დემოკრატიული იყო, ხოლო ბრძოლის საშუალებებით პროლეტარული.

„მუშათა მოძრაობამ, — წერდა ვ. ლენინი, — თავისი ბეჭედი დაასვა რუსეთის მთელ რევოლუციას. იგი დაიწყო განცალკევებული გაფიცვებით და სწრაფად განვითარდა, ერთი მხრივ, მასობრივ გაფიცვებად, ხოლო მეორე მხრივ — ქუჩის დემონსტრაციებად“¹.

განსაკუთრებული მნიშვნელობა ჰქონდა მოსკოვის სექტემბრის გაფიცვას რევოლუციური ბრძოლის შეზღვევით გაჩაღებისათვის მთელ რუსეთში.

„მოსკოვის გაფიცვა გვიჩვენებს, — წერდა ვ. ლენინი, — რომ ბრძოლა „ქეშმარიტ რუსულ“ ოლქსაც მოედო, რომლის სიმტკიცე ასე დიდხანს გულს უხარებდა რეაქციონერებს. რევოლუციურ გამოსვლას ამ რაიონში უკვე იმიტომაც აქვს გიგანტური მნიშვნელობა, რომ საბრძოლო ნათლობას იღებენ პროლეტარიატის მასები, ყველაზე ნაკლებ მოძრავი და იმავე დროს შედარებით მცირე ოლქში თავმოყრილი, ისეთი რაოდენობით, რომ რუსეთში მას ამ მხრივ ვერც ერთი ოლქი ვერ შეედრება. მოძრაობა დაიწყო პიტერიდან, მთელი რუსეთის განაპირა მხარეები შემოიარა, ფეხზე დააყენა რიგა, პო-

¹ ვ. ლენინი, თხზ., ტ. 9, გვ. 428.

ლონეთი, ოდესა; კავკასია, და ახალი ხანძარი თვით რუსეთის „გულს“ მოედო“¹.

1905 წლის სექტემბრიდან საქართველოში ყველგან ძლიერდება შეიარაღებული ბრძოლა. 1 სექტემბერს სადგურ ჭიათურაში მუშათა შეიარაღებული რაზმი თავს დაესხა მატარებლის მცველებს და განაიარაღა ისინი. 4 სექტემბერს სენაკის მაზრის სადგურ აბაში შეიარაღებული გლეხები თავს დაესხნენ მატარებელს და გაანთავისუფლეს პოლიტიკური პატიმრები, რომლებიც ამ მატარებლით გადაჰყავდათ. იმავე დღეს აბაშისა და სამტრედიის სადგურებს შორის დაამსხვრიეს მატარებელი, რომლითაც გადაჰყავდათ კაზაკებისა და ტენგინსკის პოლკის ჯარისკაცებისაგან შემდგარი სამხედრო ნაწილი. 7 სექტემბერს ქუთაისში თავს დაესხნენ პოლიციის სამმართველოს და გარტაცეს იარაღი. 9 სექტემბერს ოზურგეთის მაზრის სადგურ ლანჩხუთში შეიარაღებული გლეხები თავს დაესხნენ ჩაფრებს. შეიარაღებული შეტაკება მოხდა ამ დროს ქუთაისის მაზრის დაბა ბაღდათში, ოზურგეთის მაზრაში ჩოხატაურის მახლობლად. 25 სექტემბერს მოხდა თავდასხმა კაზაკებზე სოხუმის მახლობლად. გორის მაზრაში წარმატებით იბრძოდნენ ცალკეული სამხედრო ნაწილებისა და თავადაზნაურთა რაზმების წინააღმდეგ გლეხთა მებრძოლი „წითელი ასეულები“. მაგალითად, სოფ. კასპში განაიარაღეს კაზაკთა რაზმი. 13 სექტემბერს განაიარაღეს პოლიციის რაზმები სოფლებში. — ნოსტესა და მეჯვრისხევში. სისტემატურად ესხმოდნენ თავს პოლიციასა და სამხედრო პატრულებს აგრეთვე თბილისში, სადაც ასეთი თავდასხმები ეწყობოდა ყუმბარების გამოყენებით, რამაც, ვ. ლენინის გამოთქმით, „დიდი პანიკა გამოიწვია კაზაკებსა და ჯარისკაცებში“².

ვ. ლენინი, მიუთითებდა რა რუსეთში შეიარაღებული აჯანყების აუცილებლობაზე, ოქტომბრის დამდეგს წერდა: „პოლონეთმა და კავკასიამ უკვე უფრო მაღალი ბრძოლის ნიმუში მოგვცეს, იქ პროლეტარიატი ნაწილობრივ შეიარაღებული გამოვიდა, იქ ომმა გახანგრძლივებული ფორმა მიიღო“³.

7 ოქტომბერს მოსკოვ-ყაზანის რკინიგზის სახელოსნოებში დაიწყო გაფიცვა, რაც მკიდროდ იყო დაკავშირებული მოსკოვისა და პეტერბურგის ფაბრიკა-ქარხნების პროლეტარიატის ბრძოლას;

¹ ვ. ლენინი, თხზ., ტ. 9, გვ. 434.

² იქვე, გვ. 417.

³ იქვე, გვ. 434.

თან. შემდგომში ეს გაფიცვა გავრცელდა სხვა რკინიგზებზეც. 13 ოქტომბრიდან მოყოლებული საგაფიცვო მოძრაობამ მთელი ქვეყანა მოიცვა. ოქტომბრის სრულიად რუსეთის პოლიტიკურ გაფიცვაზე ვ. ლენინი წერდა:

„ბარომეტრი ქარიშხალს გვიჩვენებს... ყველაფერი უკვე მოგლიჯა ადგილიდან სოლიდარული პროლეტარული იერიშის გიგანტურმა გრივალმა. რევოლუცია განსაცვიფრებელი სისწრაფით მიექანება წინ... ჩვენს წინაშეა უაღრესად წარმტაცი სცენები ერთ-ერთი უდიდესი. სამოქალაქო ომისა, თავისუფლებისათვის ომისა, რომელიც კი ოდესმე განუცდია კაცობრიობას...“¹.

ოქტომბრის საყოველთაო გაფიცვის პასუხად 14 (27) ოქტომბერს თბილისში გაიფიცნენ ამიერკავკასიის რკინიგზის მთავარი სახელოსნოების მუშები. მათ მიჰყვა ყველა რკინიგზელი და მოძრაობა ამიერკავკასიის რკინიგზაზე მთლიანად შეწყდა. 15 ოქტომბერს გაიფიცნენ თბილისის ყველა საწარმოს მუშები, ხოლო 17 ოქტომბრიდან საყოველთაო გაფიცვამ მოიცვა უკვე ბათუმი, ფოთი, ქუთაისი, სოხუმი, კიათურა, გორი, ბორჯომი, ოზურგეთი. საქართველოს ცალკეულ რაიონებში გაფიცვამ დაიწყო შეიარაღებულ ბრძოლაში გადაზრდა. ამ ბრძოლამ განსაკუთრებით ფართო ხასიათი მიიღო ბათუმსა და მის რაიონებში, სადაც რევოლუციური რაზმები თავს ესხმოდნენ კაზაკთა ნაწილებსა და პოლიციას.

ამ გამოსვლებს მწვაჭე ხასიათი ჰქონდა ოზურგეთის მაზრაში. გლეხთა რაზმებმა რამდენიმე ადგილას აყარეს რკინიგზის ლიანდაგი. სადგურ სუფსასა და სხვა ადგილებში თავს დაესხნენ სამხედრო ნაწილებს, ჩაფრებსა და პოლიციას. ჩოხატაურში დაატყვევეს პოლიციის ბოქაული და 18 ჩაფარი; 18 ოქტომბერს კაზაკებისა და ჩაფრების რაზმთან ერთად იქ ჩავიდა ოზურგეთის მაზრის უფროსი ლაზარენკო, მაგრამ შეეშინდა რაიმე რეპრესიული ზომების მიღებისა და 20 ოქტომბერს ოზურგეთში დაბრუნდა. მთიან ადგილას — ნასაკირალთან, 13—14 კილომეტრის მანძილზე ოზურგეთიდან, ლაზარენკოს რაზმს თავს დაესხნენ გლეხთა „წითელი ასეულეები“. სასტიკი ბრძოლის შედეგად კაზაკებისა და ჩაფრების ნაწილი განადგურებულ იქნა. თვითონ ლაზარენკო და კაზაკთა ოფიცერი უკვალოდ გაქრნენ; როგორც ჩანს, ისინი ყუმბარების აფეთქებისაგან დაიღუპნენ. 1905 წ. 26 ოქტომბერს კავკასიის პო-

¹ ვ. ი. ლენინი, თხზ., ტ. 9, გვ. 483.

ლიციის უფროსი გენ. შირინკინი თავის მოხსენებაში ვორონცოვ-დაშკოვის სახელზე წერდა:

„უკანასკნელი ცნობები ქუთაისის გუბერნიიდან ცხადყოფენ, რომ გურია (ოზურგეთის მაზრა) აჯანყდა, ამბოხება მრისხანეა. ზნები მოშლილია და დადის ხმები, რომ იქ განლაგებული პლასტუნთა ბატალიონები თითქოს განადგურებულია მემამოხეთა მიერ სატყორცნი ყუმბარებით. ჩემს წმინდა შოვალეობად მიმაჩნია ვაცნობო თქვენს ბრწყინვალეობას, — წერდა შემდეგ გენ. შირინკინი, — რომ აჯანყება გურიაში, დაკავშირებით დაძაბულ მდგომარეობასთან თბილისსა და კავკასიის სხვა პუნქტებში და ცნობებთან აჯანყების შესახებ ფინეთში, წარმოადგენს დიდ საფრთხეს მთელი კავკასიისათვის“¹.

ოზურგეთის მაზრაში გლახთა აჯანყების ჩასაქრობად კვლავ გაიგზავნა დიდი დამსჯელი რაზმი გენერალ ალიხანოვ-ავარსკიჟ მეთაურობით, მაგრამ ამჯერადაც რაზმმა ვერ შეძლო გასცილებოდა სამტრედიის სადგურს. მეფის განზრახვას — გაენადგურებინა გლახთა აჯანყება, მტკიცედ აღუდგა წინ საქართველოს მთელი პროლეტარიატი.

მაგალითად, 30 ოქტომბერს თბილისში, ნაძალადევის მუშათა რაიონში, რსდმპ კავკასიის კავშირის კომიტეტმა მოიწვია მიტინგი, რომელსაც 3000-მდე კაცი დაესწრო. მიღებულ იქნა რეზოლუცია: „მოეთხოვოს მთავრობას გაიწვიოს ჯარები გურიიდან და მოხსნას სამხედრო წესები და თუ ეს მოთხოვნა არ იქნება შესრულებული, ხელი მოვკიდოთ იარაღს მთელს მხარეში“².

მეფისნაცვალ ვორონცოვ-დაშკოვი ინახულა სიღნაღისა და თელავის მაზრების მრავალრიცხოვანმა დელეგაციამ და მოითხოვა საყოველთაო გაფიცვის მუქარით დამსჯელი რაზმის გაწვევა ოზურ-

¹ საქ. სსრ აცსი, ფ. 63, ს. 24, ფ. 159.

„ოზურგეთის“ მაზრაში არსებული მდგომარეობის შესახებ სამოქალაქო როტმისტრი როჟანოვი გრაფ ვორონცოვ-დაშკოვს სწერდა: „17 ოქტომბრის მანიფესტმა იმდენად იმოქმედა გურულებზე, რომ მაზრაში გამეფდა სრული ანარქია. ისედაც ტერორიზებული პოლიცია ჩაფრებთან ერთად 17 ოქტომბრის შემდეგ მიმოიფანტა, ხოლო დარჩენილი თანამდებობის პირები და სხვა უწყებათა წარმომადგენლები სრულ უმოქმედობას იჩენდნენ: ოზურგეთში დარჩენილი გარნიზონი არაფერს არ აკეთებდა ზემოდან მითითებათა მოლოდინში...სხვადასხვა იარაღით შეიარაღებული მემამოხეები პარპაშობდნენ მაზრაში, მათ ხელთ იგდეს რკინიგზა და ოზურგეთის მაზრის ფარგლებში არსებული სადგურები შეიარაღებული წითელი რაზმებით აავსეს“. (საქ. სსრ აცსი, ფ. 63, ს. 6, ფ. 54—57).

² საქ. სსრ აცსი, ფ. 63, ს. 16, ფ. 116.

ჯეთის მაზრიდან. იმის გამო, რომ კავკასიის ხელისუფალნი ჯერ კიდევ არ იყვნენ დარწმუნებულნი თავიანთი ძალების უპირატესობაში, ისინი ამჯერადაც იძულებულნი შეიქნენ დაეთმოთ რევოლუციური მასების მოთხოვნისათვის. გენ. ალიხანოვ-ავარსკი უკან გამოიწვიეს თბილისში, ხოლო 2 ნოემბერს მოხსნილ იქნა სამხედრო წესები ქუთაისის გუბერნიაში.

კახაკთა იმ ნაწილმა, რომელიც აგვისტოს თვიდან ოზურგეთში იყო, გადაწყვიტა შური ეძია გლეხებზე ნასაკირალის ამბებისათვის. იგი დაიძრა ჩოხატაურისაკენ, გზად გაძარცვა გლეხთა ქონება და გადაწვა 108 სახლი. დაიწყო მთელი ოზურგეთის მაზრიდან გლეხთა რაზმების თავმოყრა კახაკთა ნაწილის მოსასპობად.

როდესაც ეს ამბავი ცნობილი გახდა ხელისუფლებისათვის, ისინი იძულებულნი იყვნენ სასწრაფოდ გაეწვიათ კახაკები ოზურგეთის მაზრიდან. როგორც მაშინ ამბობდნენ, ოზურგეთის მაზრა „თავისუფალი რესპუბლიკა“ გახდა.

ოქტომბრის მეორე ნახევარში იარალის ხელში ჩასაგდებად შოეწყო თავდასხმები კახაკთა ნაწილებზე, პოლიციასა და ჩაფრებზე რაჭის, ქუთაისის, გორის, სიღნაღის, თელავისა და სხვა მაზრებში.

სრულად რუსეთის მოძრაობით საშინლად დამფრთხალი ნიკოლოზ მეფე იძულებული გახდა 1905 წლის 17 ოქტომბერს გამოეცა მანიფესტი. ეს მანიფესტი წარმოადგენდა ცარიზმის დროებით უკან დახევას, მხოლოდ ფანდს მასების მოსატყუებლად.

„...17 ოქტომბრის მანიფესტი იყო ხალხის მასების მოტყუება, მეფის ხრიკი, თავისებური შესვენება, რომელიც მეფეს ესაჭიროებოდა იმისათვის, რომ მიეძინებინა გულუბრყვილონი, მოეგოდრო, მოეკრიბნა ძალები და შემდეგ შეეცია რევოლუციისათვის. მეფის მთავრობა სიტყვით დაჰპირდა თავისუფლებას, მაგრამ საქმით არაფერი არსებითი არ მიუცია“¹.

17 ოქტომბრის მანიფესტის გამოქვეყნების შემდეგ, რამაც დააქმაყოფილა საქართველოს გაბატონებული კლასები, ნაციონალური ბურჟუაზია აშკარად შეუთანხმდა ცარიზმს და მასთან ერთად გააჩაღა ბრძოლა ხალხის რევოლუციური მასების წინააღმდეგ. აღფრთოვანებით შეხვდნენ მეფის მანიფესტს ქართველი მენშევიკებიც, რომელთა აზრით მანიფესტი რუსეთში დასაბამს აძლევდა ბურჟუაზიულ-კონსტიტუციური წყობილების ეპოქას. მენშევიკებმა წამოაყენეს მუშებისა და გლეხების განიარაღების ლოზუნგი.

¹ სკპ (ბ) ისტორია. მოკლე კურსი, გვ. 96.

ბოლშევიკები ამხილებდნენ მენშევიკების გამცემლურ ტაქტიკას და მოუწოდებდნენ ხალხს საყოველთაო შეიარაღებული აჯანყებისაკენ.

რსდმპ კავკასიის კავშირის თბილისის კომიტეტის პროკლამაციაში, რომელიც იმ დღეებში გამოიცა, ნათქვამი იყო: —

„მოქალაქენო!

რუსეთის დიდი რევოლუცია დაიწყო! ჩვენ უკვე განვიცადეთ საშინელი სისხლისღვრის პირველი აქტი. მომავალში ჩვენ მოგველის კიდევ უფრო მეტი ბრძოლა და მსხვერპლი. პირველი მიზანი, რომელიც ჩვენ წინაშე დგას, ეს არის ხალხის შეიარაღება თვითმპყრობელობის დამარცხებისა და რევოლუციის გამარჯვებისათვის. აუცილებელია შეიარაღება, შეიარაღება და შეიარაღება!

მოქალაქენო! საჭიროა მივიღოთ ყველა ღონისძიება, რომ შევიძინოთ იარაღი. უნდა დავძლიოთ ხულიგნები, ავლაგმოთ მეფის ბაშიბუზუკები, საჭიროა ვადამწყვეტი ომი მეფის თვითმპყრობელობის წინააღმდეგ, ომი სამოქალაქო და ომი პოლიტიკური. ყოველივე ეს კი შეიარაღების გარეშე შეუძლებელია“¹.

თბილისსა და საქართველოს სხვა ქალაქებსა და ადგილებში იწყობოდა მიტინგები, სადაც ბოლშევიკები განუმარტავდნენ მასებს 17 ოქტომბრის მანიფესტის ნამდვილ აზრს. სოხუმში, მაგალითად, 19 ოქტომბერს მოეწყო დიდი მიტინგი, რომელზედაც ბოლშევიკი ორატორები ამხილებდნენ მეფის სიყალბეს და მოუწოდებდნენ მასებს აჯანყებისაკენ ცარიზმის წინააღმდეგ.

სოხუმის ოლქის უფროსი თავადი ჯანდიერი კავკასიის პოლიციის უფროსს—გენ. შირინკინს ატყობინებდა:

„გაცნობებთ, რომ მიუხედავად 17 ოქტომბრის უმაღლესი მანიფესტის გამოცხადებისა, სოციალ-დემოკრატიულმა პარტიამ არ მოისურვა დაწყნარებულიყო, აწყობს ქალაქში დემონსტრაციულ მსვლელობას დროშებით, მოითხოვს უშუალოდ დემოკრატიულ მმართველობას. დაპატიმრებანი აუცილებელია“².

23 ოქტომბერს სიღნაღში მოეწყო პოლიტიკური დემონსტრაცია მეზობელი სოფლების გლეხთა მონაწილეობით. დემონსტრანტებმა დაგმეს 17 ოქტომბრის მანიფესტი.

¹ სკპ (ბ) მარქს-ენგელს-ლენინ-სტალინის ინსტიტუტის საქ. ფილიალი, ფ. 31, ს. 141, ფ. 236.

² საქ. სსრ აქტი, ფ. 63, ს. 16, ფ. 5.

მეფის მთავრობა არ ფიქრობდა შეესრულებინა ის დაპირე-
შანი, რომლებიც მოცემული იყო 17 ოქტომბრის მანიფესტით. მა-
ნიფესტის გამოცხადების მეორე დღესვე რუსეთში ყველგან დაიწყო
დარბევები. პოლიციის ხელმძღვანელობით ყალიბდებოდა „შავი ასე-
რულები“, რომლებიც მხეცურად უსწორდებოდნენ მშვიდობიან მო-
სახლეობას, ჟღერდნენ რევოლუციონერებს.

— თბილისში მეფისნაცვალ ვორონცოვ-დაშკოვის ხელმძღვანე-
ლობით შეიქმნა შავრაზმული ორგანიზაცია „პატრიოტული საზო-
გადოების“ სახელწოდებით. მას მეთაურობდა მღვდელი გოროდ-
ცოვი. წევრებს აგროვებდნენ უმთავრესად ეკლესიის მსახურთაგან,
შავრაზმულად განწყობილ მოხელეთაგან, რკინიგზის ნაკლებად შეგ-
ნებული მუშებისა და დეკლასირებული ელემენტებისაგან.

21—22 ოქტომბერს თბილისში „პატრიოტებმა“ მოაწყვეს მა-
ნიფესტაცია. მასში მონაწილეობა მიიღეს კაზაკებმა, იუნკრებმა,
სისხლის სამართლის დამნაშავეებმა. მანიფესტაცია დამთავრდა სა-
მოქალაქო მოსახლეობის დარბევით. გოლოვინის პროსპექტზე და
ვაჟთა პირველი გიმნაზიის შენობაში, სადაც მიაშურეს კაზაკთა მიერ
ატეხილი სროლისაგან თავის გადასარჩენად ქუჩაში შყოფმა მოქა-
ლაქეებმა, 38 მოკლული და 66 დაჭრილი აღმოჩნდა. ასეთივე პრო-
ვოკაციული მანიფესტაციები მოეწყო ამიერკავკასიის სხვა ქალა-
ქებშიც; ეს მანიფესტაციები ყველგან მოსახლეობის აწიოკებით
მთავრდებოდა. ცარიზმი განაგრძობდა მტრობისა და შუღლის ხე-
ლოვნურად გაღვივებას ამიერკავკასიის ხალხთა შორის. როდესაც
მოკლულ იქნა ბაქოს ხოცვა-ჟლეტის ერთ-ერთი ორგანიზატორი გუ-
ბერნატორი ნაკაშიძე, შავრაზმელები შეეცადნენ გამოეყენებინათ
ეს გარემოება სომეხ და ქართველ ხალხთა შორის ურთიერთობის
უასამწვავებლად. შავრაზმული გაზეთები და ქართველი ნაციონა-
ლისტები პირფერულად სახავდნენ ნაკაშიძეს „ეროვნულ გმირად“,
ზოლო მის სიკვდილს „ეროვნულ უბედურებად“.

„...განიხილავენ რა თავად ნაკაშიძის სიკვდილს, — წერდა
„პროლეტარი“, — როგორც ეროვნულ უბედურებას და სა-
ხავენ რა განსვენებულს ქართველი ხალხის სიამაყედ, ბა-
ტონი თაყვანისმცემლები ამით აღვივებენ ძმათამკვლევლობის ინს-
ტინქტებს ქართველი საზოგადოების იმ ნაწილში, რომელსაც არ
შეუძლია გაერკვეს რთულ ეროვნულ საკითხში და რომლისთვისაც
საკმარისია იცოდეს, რომ თავადი ნაკაშიძე საქართველოს სიამა-
ყეა, რომ ეს სიამაყე მოკლულია, — თუმცა სომეხ რევოლუციონ-
ერთა მიერ, — რათა ყველა სომეხი თავის ეროვნულ მტრად ჩას-
თვალოს.

ამ გარემოებით უკვე ისარგებლეს ბნელმა ძალებმა, რომლებმაც გამოუშვეს პროკლამაცია ქართველებისადმი, სადაც უკანასკნელთ მოუწოდებენ შეუერთდნენ თათრებს და გაუღიტონ სომხები¹.

ცარიზმმა კვლავ მოახერხა რევოლუციური ბრძოლისაგან მუშებისა და გლეხების ჩამოშორების მიზნით პროვოკაციულად გამოეწვია ძმთამკვლელი შეტაკებანი სომეხთა და აზერბაიჯანელთა შორის ბაქოში, თბილისში, თბილისის გუბერნიის ბორჩალოს მაზრასა და ელისავეტპოლში (კიროვადი). პოლიციის ხელშეწყობით ბაქოში ხოცვა-ჟლეტა დაიწყო 20 ოქტომბერს. კაზაკები, მეფის ჯარები და შავრაზმელები ტყვიას უშენდნენ და ცეცხლს უკიდებდნენ სახლებს, კლავდნენ და ძარცვავდნენ მოსახლეობას. სომხებსა და აზერბაიჯანელებს შორის შეტაკებები დაიწყო აგრეთვე თბილისშიც. პროვოკაციულად გამოწვეულმა სომეხ-აზერბაიჯანელთა ხოცვა-ჟლეტამ ბორჩალოს მაზრაში მოსახლეობას მიაყენა ზარალი ორი მილიონი მანეთის რაოდენობით.

თბილისში ამ „უწესრიგობათა“ შეწყვეტის საბაბით მეფის ხელისუფლების წარმომადგენლებმა გამოიყენეს მენშევიკები, რომლებსაც მისცეს იარაღი.

კავკასიის მეფისნაცვალ ივანოვ-დაშკოვი ამის გამო შემდეგ განმარტებას აძლევდა მეფე ნიკოლოზ მეორეს:

„...მე გადავწყვიტე მიმეცა 500 თოფი წმინდა სოციალ-დემოკრატ მენშევიკების მუშათა პარტიისათვის, რომელმაც, გადაუხვია რა თავის პრინციპს, აღგვიტყვა არ გამოიყენოს იარაღი პარტიული მიზნებისათვის ბრძოლაში“². მენშევიკებმა ეს იარაღი პირველი მოთხოვნისთანავე უკან დააბრუნეს.

1905 წლის რევოლუციური აღშავლობის ვითარებაში საქართველოში დაიწყო პროფესიული კავშირების აღმოცენება. „მოსკოვში, პეტერბურგში, ვარშავაში, ოდესაში, რიგაში, ხარკოვში, თბილისში, — წერდა ი. სტალინი, — ყველგან კავშირები არსდებოდა მართალია, რეაქცია ხელს უშლიდა, მაგრამ მოძრაობის საჭიროებას მაინც თავისი გაჰქონდა და კავშირები მრავლდებოდა“³. სექტემბერში მოწვეულ იქნა პროფკავშირთა სრულიად რუსეთის კონფერენცია. მან აირჩია ცენტრალური ბიურო, რომელსაც უნდა მოემზადებინა კავშირების საერთო ყრილობის მოწვევა. ოქტომბრის

¹ „პროლეტარი“, 1905, № 7.

² „Революция“ 1905 года и самодержавие“, 1928.

³ ი. სტალინი, თხზ., ტ. 1, გვ. 261.

საყოველთაო გაფიცვის შემდეგ მიიღეს რუსეთში, კერძოდ, საქართველოში პროტეკციონისტული რიცხვი სწრაფად იზრდებოდა. პარტიის გარშემო ღარბებით და მასთან შეკავშირებით ისინი იცავდნენ მუშათა უფლებრივ და ეკონომიურ ინტერესებს, იბრძოდნენ მათ ყოველდღიურ საჭიროებათა და მოთხოვნათა დასაკმაყოფილებლად, აწყობდნენ გაფიცვებს და ა. შ.

რევოლუციის საერთო აღმავლობასთან დაკავშირებით და ბოლშევიკური მუშაობის მეოხებით რევოლუციური ბრძოლის იდეებზე ღრმად იჭრება მეფის ჯარშიც.

რსდმპ კავკასიის კავშირის კომიტეტი სერიოზულ ყურადღებას უთმობდა მეფის ჯარში მუშაობას. თბილისსა და მის რაიონებში განლაგებული იყო ე. წ. ტიფლისკი, შინგრელსკი, ერევანსკი და გრუზინსკი გრენადერთა პოლკები, მესანგრეთა ბატალიონი, სარტილერიო ბრიგადა, მსროლელთა და სარკინიგზო ბატალიონები. ბოლშევიკები ამ ნაწილთა ჯარისკაცებში ავრცელებდნენ რევოლუციურ ლიტერატურას, რომელიც ავღაბრის სტამბაში იბეჭდებოდა, ამავე სტამბაში დაიბეჭდა სპეციალური პროკლამაციები: „ჯარისკაცებს“, „ძმებო ჯარისკაცებო“, „ახალწვეულებს“ და სხვ.

მაგალითად, რსდმპ კავკასიის კავშირის თბილისის კომიტეტის მიერ 1905 წლის 5 ნოემბერს გამოშვებულ პროკლამაციაში „ჯარისკაცებს“ ნათქვამი იყო:

„... ამხანაგებო! მთელი ხალხი—მუშები და გლეხები—გომება მთავრობას. მთელი ხალხი მოითხოვს თავისუფლებას. მეფე კი ათასობით ხვრეტს ამ ხალხს. ვხვრეტთ ჩვენ, ჯარისკაცები.

ჩვენ ვეხმარებით ჩვენს დესპოტს. ჩვენ მივდივართ იმ ხალხის წინააღმდეგ, რომლის შვილებიც ჩვენა ვართ.

მაშ, ამხანაგებო, მეფის მთავრობასთან წარმოებული საბოლოო ბრძოლის დროს გადავიდეთ ჩვენი მამების მხარეზე, შევუერთდეთ მათ და ერთად დავარტყათ საერთო მტერს მეფესა და მინისტრებს.

მაშინ კი ჩვენ უჭველად მოვიპოვებთ თავისუფლებას და თვითმპყრობელობის ნაცვლად დემოკრატიულ რესპუბლიკას დავამყარებთ.

გაუმარჯოს ომს მეფის მთავრობასთან!

გაუმარჯოს დემოკრატიულ რესპუბლიკას!

გაუმარჯოს ჯარისკაცთა კავშირს ხალხთან!¹.


¹ სკპ(ბ) ცკ-თან არსებული მარქს-ენგელს-ლენინ-სტალინის ინსტიტუტის საქ. ფილიალი, ფ. 33, ს. 31.

რსდმპ კავკასიის კავშირის კომიტეტმა მიიღო გადაწყვეტილება სამხედრო-საგარნიზონო საბჭოს შექმნის შესახებ, რომელშიც შევიდნენ თბილისში განლაგებული სამხედრო ნაწილების წარმომადგენლები. 1905 წლის ზაფხულზე ამიერკავკასიაში ჩამოყალიბდა ჯარისკაცთა კავშირი, რომელსაც ბოლშევიკები ხელმძღვანელობდნენ. ჯარისკაცთა შორის ხშირდება მუშათა და გლეხთა რევოლუციური გამოსვლების ჩახშობაში მონაწილეობაზე უარის თქმის შემთხვევები. ჯარისკაცები დაჟინებით მოითხოვენ იმ პირთა განთავისუფლებას და სათადარიგოთა კატეგორიაში გადაყვანას, რომლებმაც მოათავეს თავიანთი ვადა, სყენებენ ეკონომიურ და პოლიტიკურ მოთხოვნებს. ჯარისკაცთა შიტინგები თბილისში, ბათუმში, ქუთაისში, სოხუმსა და საქართველოს სხვა ქალაქებსა და ადგილებში ჩვეულებრივი მოვლენა გახდა. ერთ-ერთ ასეთ მიტინგზე ბოლშევიკური გაზეთი „კავკაზსკი რაბოჩი ლისტოკი“ წერდა:

„21 ნოემბერს თბილისში შეიკრიბა ჯარისკაცთა გრანდიოზული მიტინგი, რომელსაც დაესწრნენ თბილისის მთელი გარნიზონის წარმომადგენლები, 3000-მდე კაცი. აუწერელია სულიერი განწყობილება, რომელსაც ამ მიტინგზე განიცდიდი. აქ გამოჩნდა არა დაბეჩავებული ჯარისკაცი—მანქანა, არამედ ჯარისკაცი—მოქალაქე, რომელიც მზად არის იარაღით ხელში დაიცვას თავისი ადამიანური უფლებები“¹.

სხვათა შორის ამ მიტინგზე გამოიტანეს გადაწყვეტილება, რათა მოთხოვნილი ყოფილიყო სიკვდილით დასჯის გაუქმება, თავისუფლებისათვის ყველა მებრძოლის განთავისუფლება, რათა სამსახურში გაწვეული ჯარისკაცი არ წაეყვანათ შორს სამშობლოსაგან, არამედ დაეტოვებინათ ადგილებზე; მიტინგი მოუწოდებდა ჯარისკაცებს იმ შემთხვევაში, თუ თბილისში დაიწყებოდა შეტაკება სომხებსა და აზერბაიჯანელებს შორის, ყველანი ქუჩაში გამოსულიყვნენ და თავიანთი ძალით აეცდინათ სისხლისღვრა; გადაწყვეტილებაში აღნიშნული იყო, რომ აუცილებელია ყველა ჯარისკაცის გაერთიანება, რათა შექმდებელი გახდეს ჯარის ერთი ნაწილის გამოყვანა მეორის წინააღმდეგ. მიღებულ იქნა აგრეთვე გადაწყვეტილება თანაგრძნობა გამოეცხადებინათ სევასტოპოლელებისათვის მათი სახელოვანი გამოსვლის გამო და ქუდის მოხდით პატივი ეცათ დარბევების დროს დაღუპულ მებრძოლთა ხსოვნისათვის. მიტინგის შემდეგ ჯარისკაცები გაეშურნენ თავიანთი

¹ „კავკაზსკი რაბოჩი ლისტოკი“, 1904, № 4.



გარე კახეთის გლეხობის დელეგაცია მეფის ნაცვლთან

პოლკებისაკენ, სადაც გაათავისუფლეს ამ დღეს დაპატიმრებული ამხანაგები¹.

როდმუ კავკასიის კავშირის თბილისის კომიტეტის მიერ 1905 წლის ოქტომბერში გამოშვებულ პროკლამაციაში „სასაღდათოებს“—ახალწვეულებს არმიაში გაწვევის ბოიკოტის ნაცვლად მოუწოდებდნენ: წადით არმიაში; აწარმოეთ იქ მუშაობა ჯარისკაცებს შორის და საჭიროების შემთხვევაში „იარაღით ხელში გადადიეთ ზალხის მხარეზე და მასთან ერთად დაამხეთ მტარვალების სიმაგრეებიო“².

რევოლუციური განწყობილება ვრცელდებოდა იმ სამხედრო ნაწილებშიც კი, რომლებიც გადმოყვანილი იყვნენ კიევის ოლქიდან და ყველაზე საიმედოდ ითვლებოდნენ. 1905 წლის 16 ნოემბერს ქ. ბათუმის სამხედრო გუბერნატორი გენერალი ფონ-პარკაუ ატყობინებდა მეფისნაცვალ ვორონცოვ-დაშკოვს, რომ რევოლუციური პროპაგანდის მეოხებით დისციპლინა ჯარში დაეცა და რომ მათზე დანდობა აღარ შეიძლებოდა.

„ახლა ბათუმში, —სწერდა გენერალი ფონ-პარკაუ, —საფრთხეს წარმოადგენს უკვე არა წესრიგისა და სიმშვიდის დარღვევა ქალაქში, არამედ ციხე-სიმაგრის, იარაღის ხელში ჩაგდებისა და უფროსთა გაჟლეტის შესაძლებლობა. ესოდენ მძიმე და სახიფათო მდგომარეობისაგან ბათუმის ოლქის ხსნა შეიძლება მხოლოდ უაღრესად ენერგიული ღონისძიებებით რევოლუციური ელემენტების წინააღმდეგ, მაგრამ იმ პირობით კი, რომ ამ ღონისძიებებს მხარი დაუჭირონ ახალმა ჯარებმა, უმთავრესად კაზაკთა ჯარებმა“³.

სამხედრო სარდლობა იძულებული იყო ბათუმის ნავსადგურიდან გაეყვანა ზარბაზნიანი ნავი „დონეცი“, რადგან მისი მეზღვაურები რევოლუციურად განწყობილი იყვნენ. თბილისში მესანგრეთა მე-2 ბატალიონმა მეთაურს მოსთხოვა დაუყოვნებლივ გაენთავისუფლებინა დაპატიმრებული ჯარისკაცები. ბატალიონის მეთაური იძულებული იყო შეესრულებინა ეს მოთხოვნა. თბილისის, ქუთაისის, ბათუმის, ფოთის, სოხუმისა და სხვა გარნიზონებისა და ნაწილების ჯარისკაცებმა მოითხოვეს დამფუძნებელი კრების მოწვევა, ჯარში გაწვევის გაუქმება და მისი სახალხო მილიციით

¹ „კავკასიის რაზმი ლისტოვი“, 1904, № 4.

² სკკპ ცკ-თან არსებული მარქს-ენგელს-ლენინ-სტალინის ინსტიტუტის საქაროგრაფიის ფილიალი, ფ. 33, ს. 20.

³ საქ. სსრ აესი, ფ. 68, ს. 6115.

შეცვლა, სიტყვის, კრებების თავისუფლება, პოლიტიკური, ამნისტიკა და ა. შ.

მეტერბურგის ჯარისკაცების მიერ ასეთივე რევოლუციური მოთხოვნების წამოყენების გამო ვ. ლენინი წერდა: „რა შესაძლებელია დოკუმენტიან მოთხოვნათა ეს ნუსხა! როგორ ცხადყოფს იგი, რომ მონური არმია რევოლუციურ არმიად იქცევა. და რა ძალა შეაკავებს ახლა ამგვარ მოთხოვნათა გავრცელებას მთელ ფლოტსა და მთელ არმიასი“¹.

მუშათა და გლეხთა რევოლუციური ბრძოლის გავლენით წარმოიშვა მძძობობა მოსწავლე ახალგაზრდობაშიც, განსაკუთრებით სემინარიების, გიმნაზიებისა და რეალური სასწავლებლების უფროსი კლასების მოსწავლეებს შორის.

საქართველოში მოსწავლეთა სოციალ-დემოკრატიული წრეებიც არსებობდნენ ჯერ კიდევ XIX საუკუნის დამლევებიდან. მეფის ხელისუფალნი ერთნაირი სისასტიკით უსწორდებოდნენ როგორც მუშებსა და გლეხებს, ისე მოსწავლე ახალგაზრდობას. მაგალითად, 1904 წლის 11 აპრილს თბილისში ხელისუფალთა წარმომადგენლებმა მხეცურ, სისხლისმღვრელ ღონისძიებებს მიმართეს იმ დემონსტრაციის მონაწილეების წინააღმდეგ, რომელიც მოეწყო ციმბირში პოლიტიკურ პატიმართა ჯგუფის გაგზავნასთან დაკავშირებით. „დაუგეს რა მახე შეკრებილთ, შემოარტყეს რა ალყა უიარაღო ხალხს, — ნათქვამი იყო რსდმპ კავკასიის კავშირის თბილისის კომიტეტის მიერ გამოშვებულ პროკლამაციაში, — ცემდენ ხმლებით, აწნავდნენ მათარხებს, ცემდენ გრძნობის დაკარგვამდე; ცემდენ მოხუცთ და ახალგაზრდებს, ქალებსა და ბავშვებს, ცემდენ მოსწავლე ახალგაზრდობას — გიმნაზიელებს, სახელოსნო სკოლის მოსწავლეთ და სხვ.! როგორ გულმოდგინეთ ასრულებდა თავის მოვალეობას ხელმწიფისა და „სამშობლოს“ წინაშე გამხეცებულნი: ხროვა მეფის ბაშიბუზუკთა ცხადად სჩანს იმით, რომ დაკრილთა, რიცხვი დაახლოებით თერთმეტია, მათგან შედარებით მძიმედ ერთი გიმნაზიელი და დასასრულ აწიოკებისა — უთვალავი დატუსაღება!“².

1905 წელს მოსწავლე ახალგაზრდობას იერიში მიჰქონდა ცარიზმზე მუშებსა და გლეხებთან ერთად. რსდმპ კავკასიის კავშირის პროკლამაციაში „იმტვრევა ბორკილები“ ნათქვამია: „არც მოს-

¹ ვ. ლენინი, თხზ., ტ. 10, გვ. 48.

² სკკპ ცვ-თან არსებული მარქს-ენგელს-ლენინ-სტალინის ინსტ-ის საქართველოს ფილიალი, ფ. 33, ს. 73.

წავლევები ჩამორჩნენ საერთო მოძრაობას, მათაც გაუწოდეს ხელი მუშა-ხალხს და თავიანთი ნორჩი ხმა შეუერთეს მათს რევოლუციონურ ხმას¹.

1905 წლის იანვარში თბილისის საშუალო სკოლების მოსწავლეებმა მონაწილეობა მიიღეს საყოველთაო გაფიცვისა და, აგრეთვე, 23 იანვრის პოლიტიკურ დემონსტრაციაში. საშუალო სკოლების უმრავლესობა არ მუშაობდა, მოსწავლეებმა წამოაყენეს საერთო დემოკრატიული მოთხოვნები.

20 და 24 იანვარს ქუთაისის სასწავლებელთა მოსწავლეებმა აქტიური მონაწილეობა მიიღეს პოლიტიკურ დემონსტრაციაში. 27 იანვარს ხელისუფალთა წარმომადგენლებმა დახურეს ქუთაისის სასულიერო და სასოფლო-სამეურნეო სასწავლებლები. 14 თებერვალს გაფიცულ მოსწავლეთა ჯგუფი შეეჯახა ჯარისა და პოლიციის რაზმს. დატრიალდა მათრახები, დაიწყო შეუბრალებელი მუსგრაქალაქის ბაღში ჩაკეტილმა მოსწავლეებმა ქვები დაუშინეს კაზაკებსა და ჩაფრებს.

საბჭოთა ეპოქის უნიჭიერესი პოეტი ვ. ვ. მაიაკოვსკი თავის მოგონებაში ამ ამბების გამო აღნიშნავდა:

„მუშათა დემონსტრაციის დღეებში 1905 წელს მე, 11 წლის ბავშვი, ქუთაისის ქუჩებში დავრბოდი და ქართული რევოლუციური სიმღერების სიტყვებს გავყვიროდი“.

თებერვლის დამდეგს ბათუმში გავრცელდა ბათუმის ვაჟთა გიმნაზიის მოსწავლეთა პროკლამაცია, დაბეჭდილი რსდმპ კავკასიის კავშირის არალეგალურ სტამბაში. ეს პროკლამაცია გახდა ბიძგი მოსწავლეთა დემონსტრაციის მოსაწყობად 5 თებერვალს. მასში მონაწილეობა მიიღო ქალაქის მოსწავლეთა უმრავლესობამ. დემონსტრანტებს მიჰქონდათ წითელი დროშა წარწერით: „ძირს თვითმპყრობელობა!“, გაუმარჯოს რესპუბლიკას!“.

20 თებერვალს თბილისში გაიმართა მოსწავლეთა დემონსტრაცია სომეხ-აზერბაიჯანელთა იმ ხოცვა-ჟლეტასთან დაკავშირებით, რომელიც ცარიზმმა პროვოკაციულად გამოიწვია ბაქოში.

თბილისის სასულიერო სემინარიის მოსწავლეებმა შეწყვიტეს მეცადინეობა იმის გამო, რომ აღმინისტრაციამ უარი განაცხადა მათი მოთხოვნების დაკმაყოფილებაზე.

ამ ნიადაგზე 21 თებერვალს მეცადინეობა შეწყვიტეს გორის სასულიერო სასწავლებლის მოსწავლეებმა. მათ შეუერთდნენ

¹ სკკპ ცკ-თან არსებული მარქს-ენგელს-ლენინ-სტალინის ინსტ-ის საქართველოს ფილიალი, ფ. 33, ს. 73.

საქალაქო სასწავლებლის მოსწავლეებიც. მეცადინეობა მიატოვეს
აგრეთვე ქ. ქუთაისის გიმნაზიებისა და რეალური სასწავლებლის
მოსწავლეებმა. მღელვარებამ მოიცვა ყველა სკოლა საქართველოს სა-
სოფლო რაიონებშიც. 4 მარტს თბილისში მამადავითის მთაზე გაი-
მართა ყველა საშუალო სასწავლებლის მოსწავლეთა კრება, სადაც
წარმოსთქვამდნენ პოლიტიკურ სიტყვებს და ავრცელებდნენ ბოლ-
შევიკურ პროკლამაციებს.

1905 წლის შემოდგომაზე ხელისუფალთა წარმომადგენლებმა
საქართველოში თითქმის ყველა სკოლა დახურეს, ხოლო ოქტომბ-
რის დღეებში ჯარის ნაწილებმა თბილისში დაარბიეს და დაიკა-
ვეს ვაჟთა პირველი გიმნაზია.



დუკანის შეიარაღებული აჯანყება

ღიადი მიზნები, რისთვისაც იბრძოდა მშრომელ გლეხობასთან შეკავშირებული მუშათა კლასი ბოლშევიკური პარტიის ხელმძღვანელობით, მოითხოვდნენ შეტევაზე გადასვლას.

რსდმპ კავკასიის კავშირის თბილისის კომიტეტის მიერ 1905 წლის ნოემბერში გამოცემულ პროკლამაციაში „მოქალაქენო“, ნათქვამი იყო:

„საყოველთაო-სახალხო შეიარაღებული აჯანყება! — აი ის საბედისწერო ბოლო, რომლისკენაც ისტორიული გარდუვალობით მივყევართ ამ უკანასკნელ დროს ჩვენი ქვეყნის პოლიტიკური და საზოგადოებრივი ცხოვრების მოვლენათა მთელ ერთობლიობას! საყოველთაო-სახალხო შეიარაღებული აჯანყება! — აი ის დიადი ამოცანა, რომელიც დგას ამჟამად რუსეთის პროლეტარიატის წინაშე და დაჟინებით მოითხოვს გადაჭრას!“¹.

26—30 ნოემბერს (ძვ. სტ.) თბილისში მოწვეულ იქნა რსდმპ კავკასიის კავშირის IV ბოლშევიკური კონფერენცია. მას დაესწრნენ ბაქოს, იმერეთ-სამეგრელოს, თბილისის, ბათუმის კომიტეტისა და გურიის ჯგუფის დელეგატები. კონფერენციამ გამოიტანა გადაწყვეტილება საყოველთაო შეიარაღებული აჯანყების მოსამზადებლად და განსახორციელებლად ბრძოლის გაძლიერების შესახებ, მეფის სახელმწიფო სათათბიროს ბოიკოტის შესახებ, რევოლუციური

¹ სკპ ცკ-თან არსებული მარქს-ენგელს-ლენინ-სტალინის ინსტ-ის საქართველოს ფილიალი, ფ. 33, ს. 27.

ორგანიზაციების, მუშათა დებუტატების საბჭოების, საგაფიცვო კომიტეტებისა და გლეხთა რევოლუციური კომიტეტების გაშლისა და განმტკიცების შესახებ. კონფერენციამ აირჩია კავკასიის ბიურო სახელმწიფო სათათბიროს ბოიკოტის სახელმძღვანელოდ და საყოველთაო შეიარაღებული აჯანყების მოსამზადებლად. IV ბოლშევიკურმა კონფერენციამ განიხილა ეროვნული საკითხი. მან გადაჭრით ამხილა მენშევიკები და ბურჟუაზიული ნაციონალისტები, კულტურული ავტონომიისა და კავკასიის ეროვნებათა ფედერაციის დამპალი იდეა, როგორც ეროვნული ზღუდეების ხელოვნურად შექმნის ცდა. კონფერენციამ თავის რეზოლუციაში მიუთითა, რომ ეს გამოიწვევდა მხოლოდ პროლეტარიატის ძალების დაქსაქსვას და მისი კლასობრივი შეგნების დაბნელებას. კონფერენციამ რსდმპ კავკასიის კავშირის ორგანოდ გამოაცხადა გაზეთი „კავკაზსკი რაბოჩი ლისტოკი“¹.

რსდმპ კავკასიის კავშირის IV კონფერენციას, რომელმაც მიიღო უმნიშვნელოვანესი გადაწყვეტილებანი რევოლუციის ძირითად საკითხებზე, განსაკუთრებული მნიშვნელობა ჰქონდა რევოლუციური მოძრაობის შემდგომი განვითარებისათვის ამიერკავკასიისა და, კერძოდ საქართველოში.

ბოლშევიკების მოწოდებას სახელმწიფო სათათბიროს ბოიკოტისა და შეიარაღებული აჯანყების მომზადების შესახებ მხურვალედ ეხმაურებოდნენ მუშათა და გლეხთა მასები. მაგალითად, „კავკაზსკი რაბოჩი ლისტოკში“ მოყვანილია ცნობები ჭიათურაში გამართული მიტინგის შესახებ, რომელსაც 8 ათასამდე კაცი დაესწრო. მიტინგი მოიწვია რსდმპ კავკასიის კავშირის იმერეთ-სამეგრელოს კომიტეტის ჭიათურის ორგანიზაციამ. მიღებულ რეზოლუციაში მუშებმა მხარი დაუჭირეს სახელმწიფო სათათბიროს მტკიცე ბოიკოტს, საყოველთაო შეიარაღებული აჯანყების აუცილებლობას და დროებითი რევოლუციური მთავრობის შექმნას. ანალოგიური რეზოლუცია მიიღო ხალხმრავალმა მიტინგმა ქუთაისში. იმავე გაზეთში აღნიშნული იყო, რომ „გლეხთა“ წითელი რაზმები“ მეზობელი სოფლებიდან თავს იყრიან სამტრედიის (ქუთაისის მაზრა). ყველანი თითქოს სიგნალს ელოდებიან. ყოველ წუთს შეიძლება იფეთქოს აჯანყებამ“².

¹ ცნობა რსდმპ კავკასიის კავშირის IV კონფერენციის შესახებ და მიღებული რეზოლუციები დაიბეჭდა გაზ. „კავკაზსკი რაბოჩი ლისტოკში“ 1905 წ. № 8 და 9.

² „კავკაზსკი რაბოჩი ლისტოკი“, 1905, № 9.

ბოლშევიკებს უხდებოდათ მტკიცე ბრძოლის წარმოება ნაციონალურ ბურჟუაზიასა და მენშევიკებთან, როგორც რევოლუციის შემდგომი განვითარებისა და შეიარაღებული აჯანყების მოწინააღმდეგეებთან.

რუსეთში რევოლუციის განვითარებისათვის დიდი მნიშვნელობა ჰქონდა პეტერბურგის მუშათა საყოველთაო გაფიცვას, და 16 ნოემბერს დაწყებულ ფოსტისა და ტელეგრაფის მუშაკთა გაფიცვას მთელი რუსეთის მასშტაბით. ორგანიზებულად და დარაზმულად დაიწყო ფოსტა-ტელეგრაფის მოსამსახურეთა გაფიცვა საქართველოშიც. მაგალითად, ახალციხის მაზრის უფროსი თავის ხელმძღვანელებს ატყობინებდა: „ქალაქში 16 ნოემბერს გაიფიცა სატელეგრაფო კანტორა. 20 ნოემბერს გაიფიცა ყველა ადგილობრივი სასწავლებელი და სკოლა“¹.

გორის მაზრაში ამ დროს დაიწყო ტელეგრაფის მაგისტრალური ხაზების ნგრევა, ძირს აქცევდნენ ტელეგრაფის ბოძებს, გლეჯდნენ მავთულებს, ტექნიკოსებს არ უშვებდნენ სამუშაოზე.

მუშათა და გლეხთა გაძლიერებულმა შეიარაღებამ ნოემბრის მეორე ნახევარში საყოველთაო ხასიათი მიიღო. მასების შესაიარაღებლად დიდ მუშაობას ეწეოდა ბოლშევიკური პარტიის გამოჩენილი მრღვაწე გრიგოლ (სერგო) კონსტანტინეს-ძე ორჯონიკიძე. ჯერ კიდევ ზაფხულზე ის ქუთაისის გუბერნიის სოფლებში ქმნიდა გლეხთა შეიარაღებულ რაზმებს — „წითელ ასეულებს“. 1905 წლის სექტემბრიდან იგი რევოლუციურ მუშაობას ეწევა აფხაზეთში. ს. ორჯონიკიძემ მუშაობა დაიწყო დაბა გუდაუთის ქსენონში და აქედან მკვიდროდ დაუკავშირდა გუდაუთის უბნის, სამურზაყანოს, სოხუმის ბოლშევიკებს. თავის მუშაობაში ის თანამიმდევრულად ატარებდა ლენინის ხაზს, ებრძოდა მენშევიკებსა და ბურჟუაზიულ ნაციონალისტებს, ამზადებდა მუშებსა და გლეხებს შეიარაღებული აჯანყებისათვის. ს. ორჯონიკიძე რევოლუციონერთა ჯგუფთან ერთად, რომელსაც ის მეთაურობდა, ღამ-ღამობით სცლიდა პარტიის მიერ საზღვარგარეთ ნაყიდი იარაღით დატვირთულ კარაპებს და გზავნიდა ამ იარაღს დანიშნულ პუნქტებში.

ნოემბრის დამლევს შეიარაღებული შეტაკებები და პარტიზანული ომი მიმდინარეობდა საქართველოს ყველა რაიონში.

27 ნოემბერს კაზაკებმა სრულიად უმიზეზოდ მოკლეს რამდენიმე მოქალაქე ქუთაისში ბალახვანის ქუჩაზე. ქალაქის ქუჩები სწრა-

¹ საქ. სსრ არქივ, ფ. 63, ს. 39, ფ. 54—57.

ფად დაიფარა ბარიკადებით, ატყდა სროლა სამხედრო ნაწილებსა და რევოლუციურ ხალხს შორის. ოფიციალურ ცნობაში ამის გამო ნათქვამი იყო: „შაშხანებით, ნაჯახებით და სხვ. შეიარაღებული უამრავი ხალხი ქუჩაში გამოვიდა. დაგლიჯეს სატელეგრაფო და სატელეფონო მავთულები და მათგან მოაწყეს მავთულლობურები ბარიკადების წინ ქუჩებში. მთელი ხეივანი გაამაგრეს ბარიკადებით, სამივე ხიდი გადაკეტილია. ბარიკადების რაოდენობა 30-ს აღწევდა“. ხალხმა მოსთხოვა გუბერნატორს უკან წაეყვანა კაზაკები, რათა ისინი არ გამოჩენილიყვნენ ქუჩებში, ხოლო წესრიგის დასამყარებლად გამოეყვანათ ჯარები, გუბერნატორმა დააკმაყოფილა ეს მოთხოვნა.

ხელისუფალნი იძულებულნი იყვნენ დათმობაზე წასულიყვნენ და ამჯერად შეტაკება თავიდან იქნა აცილებული.

28 ნოემბერს „წითელი ასეული“ სოფ. ძოვრეთში თავს დაესხა მსხვილი მემამულისა და სახერხი ქარხნის მფლობელის ყორღანოვის რაზმს.

29 ნოემბერს ღამით დაიწყო შეიარაღებული აჯანყება ბათუმში. ოფიციალური ცნობებით იქ შემდეგი მდგომარეობა იყო: 17 ნოემბერს ქალაქში განაიარაღეს პოლიცია. 19 ნოემბერს ბათუმის სატვირთო სადგურზე ვაგდნიდან გაიტაცეს დაახლოებით 4 ფუთი დინამიტი. 22 ნოემბერს თავს დაესხნენ პოლიციის მე-3 უბანს და ჩამოართვეს პოლიციას მთელი იარაღი. თავდასხმა პოლიციელებზე, კაზაკებზე და მათი განაიარაღება შემდგომ დღეებშიც გრძელდებოდა. 28 ნოემბერს ბათუმში გამოცხადდა საყოველთაო გაფიცვა. გაფიცვის მონაწილეებმა მოითხოვეს გაეყვანათ ქალაქიდან ლაბინსკის პოლკის 2 ასეული, ვინაიდან კაზაკები კლავდნენ და ძარცვავდნენ მშვიდობიან მცხოვრებლებს. 29 ნოემბერს ღამით თავს დაესხნენ პოლიციის სამმართველოს საწყობს და იქიდან წაიღეს თოფები, რევოლვერები და მრავალი ვაზნა; ამავე დროს შეიარაღებული ჯგუფები დადიოდნენ ბინებში და აგროვებდნენ იარაღს. 30 ნოემბერს დილით აჯანყებულებმა განაიარაღეს ჟანდარმები და დაიკავეს სადგური. დაკავებულ იქნა ქალაქის გამგეობის შენობაც.

შუადღისას ქალაქის მთავარი ქუჩები დაიფარა ბარიკადებით, რომლებიც დაუყოვნებლივ დაიკავეს შეიარაღებულმა პირებმა. ამავე დროს შეიარაღებული ხალხი ქალაქის ყოველი კუთხიდან თავს იყრიდა ქალაქის საავადმყოფოსთან. მოხდა რამდენიმე შეტაკება კაზაკთა ნაწილებთან, ყველგან ანგრევდნენ ტელეგრაფსა და ტელეფონს, შეწყდა ელექტროსადგურის მუშაობა, გაისმოდა თოფის

სროლა და ყუმბარების აფეთქების ხმა. სხვადასხვა ქუჩაზე გამოჩნდნენ სანიტარული რაზმები წითელი ჯვრის დროშით. აჯანყებულების დასახმარებლად ოზურგეთის მაზრიდან ჩამოვიდნენ გლეხთა „წითელი ასეულები“ 800 კარგად შეიარაღებული კაცის შემადგენლობით. აჯანყებულებს აშკარად მიემხრო კინტრიშის უბნის მოსახლეობაც, რომელმაც რამდენიმე შეიარაღებული რაზმი ჩამოაყალიბა¹.

მაგრამ ძალები უთანაბრო აღმოჩნდა. იმის გამო, რომ ჯერ კიდევ ამ ამბებამდე რევოლუციური პროპაგანდის გავლენის ქვეშ მოქცეული ჯარისკაცები გაათავისუფლეს და სათადარიგოდ გადარიცხეს, გარნიზონი არ მიემხრო აჯანყებას. გარდა ამისა, ხელისუფალთა წარმომადგენლებმა მოახერხეს კაზაკთა ნაწილების სასწრაფოდ გადმოყვანა ართვინიდან და ქალაქში სამხედრო მდგომარეობა გამოაცხადეს. შექმნილი ვითარების გამო მუშები და მომხრე გლეხთა რაზმები იძულებული გახდნენ დაეტოვებინათ ბარიკადები.

4 დეკემბერს გლეხთა რაზმებმა, რიცხვით დაახლოებით 5000 კაცმა, რომელთაც თავის განკარგულებაში ჰქონდათ, სხვადასხვა სახის ცეცხლმსროლელი იარაღის გარდა, ყუმბარებიც, ხელთ იგდეს დაბა ყვირილა შორაპნის მაზრაში. აჯანყებულებმა განაიარაღეს პოლიციელები და წაიღეს ბევრი იარაღი და საბრძოლო ვაზნა. ადგილობრივი საპყრობილიდან გამოუშვეს პატიმრები.

რუსეთის პირველი რევოლუციის უმაღლეს განვითარებას წარმოადგენდა 1905 წლის დეკემბრის შეიარაღებული აჯანყება მოსკოვში. 9 დეკემბერს დაწყებულმა მოსკოვის აჯანყებამ ბიძგი მისცა ამიერკავკასიისა და საქართველოს რევოლუციური მასების პირდაპირ შეტევაზე გადასვლას თვითმპყრობელობის წინააღმდეგ.

დეკემბრის დამდეგს თბილისში შეიქმნა ამიერკავკასიის საგაფიცვო კომიტეტი. საგაფიცვო კომიტეტები წარმოიშვა ბათუმში, ფოთში, ქუთაისში, კიათურაში, სოხუმში, მიხაილოვოში, ბორჯომსა და სამტრედიისში. რევოლუციური მოძრაობის განვითარების მსვლელობაში ეს კომიტეტები გადაიქცნენ შეიარაღებული აჯანყების რევოლუციურ ორგანოებად.

იმ დღეს, როდესაც მოსკოვში პირველი ბარიკადები გაჩნდა, თბილისის ბოლშევიკებმა გამოიტანეს გადაწყვეტილება, რომ თბილისის პროლეტარიატი შეერთებოდა სრულიად რუსეთის საყოველთაო პოლიტიკურ გაფიცვას და გაეჩაღებინა მზადება

¹ საქ. სსრ აცსი, ფ. 63, ს. 3805, ფ. 36—41.

შეიარაღებული აჯანყებისათვის ცარიზმის წინააღმდეგ. საქართველოში დაწყებულ გაფიცვაში წამყვან როლს ასრულებდნენ რკინიგზის მუშები, პირველ ყოვლისა, ამიერკავკასიის რკინიგზის თბილისის მთავარ სახელოსნოთა მუშები. პოლიტიკური გაფიცვა გადაიზარდა შეიარაღებულ აჯანყებაში. 10 დეკემბერს გამოვიდა „კავკაზსკი რაბოჩი ლისტოკი“ მოწინავე სტატიით „უკან. დაბრუნება შეუძლებელია“. ამ სტატიაში ნათქვამი იყო:

„პროლეტარიატი ყველაზე მეტად და ყველაზე ენერგიულად იბრძოდა შიმდინარე რევოლუციაში...ახლა მან მისცა საბოლოო შეტაკების სიგნალი! დაე რევოლუციური ხალხის ყველა ფენა გამოეხმაუროს თავისი ხელმძღვანელის ამ სიგნალს; დაე ყველა ის, ვინც დაინტერესებულია, რომ შეფის თვითმპყრობელობა ხალხის თვითმპყრობელობით შეიცვალოს, ემზადოს გენერალური ბრძოლისათვის ცარიზმის წინააღმდეგ. მტერი სასიკვდილოდ არის დაჭრილი პროლეტარიატის ტყვიით: მაშ ჩავექოლოთ იგი საერთო ძალღონით“¹.

დეკემბრის დღეებში სავაფიცო კომიტეტმა თბილისში ხელთ იგდო ამიერკავკასიის რკინიგზის სამმართველო და ტელეგრაფი.

ქალაქის უდიდესი მუშათა რაიონი—ნაძალადევი მთლიანად აჯანყებული მუშების ხელში გადავიდა. ამ რაიონის წინააღმდეგ ხელისუფალთბ წარმომადგენლებმა თავისი მთავარი ძალები დასძრეს და არტილერიაც კი გამოიყენეს:

აღნიშნავდა რა დეკაბრისტების აჯანყების მე-80 წლისთავს, ბოლშევიკური გაზეთი „კავკაზსკი რაბოჩი ლისტოკი“ მოწინავე სტატიაში „დეკაბრისტები“ 1905 წ. 14 დეკემბერს წერდა: „დეკაბრისტების აჯანყების ოთხმოცი წლისთავი ემთხვევა საყოველთაო პოლიტიკური გაფიცვის მომენტს, როცა ძილისაგან გამოღვიძებული, რევოლუციური ხანძრით გარემოსილი რუსეთი ახდენს თავისი ძალების მობილიზაციას უკანასკნელი და გადამწყვეტი შეტაკებისათვის თვითმპყრობელობის მრისხანე ციხე-სიმაგრეებთან და ამით ასრულებს 1825 წლის 14 დეკემბრის გმირთა ანდერძს“².

მუშებმა სავაფიცო კომიტეტების ხელმძღვანელობით დაგლენტა შეიარაღებული რაზმების დახმარებითა და ხელის შეწყობით ფაქტიურად ხელთ იგდეს რკინიგზის მთელი ხაზი. ყველგან გამოცვალეს რკინიგზის ადმინისტრაცია. ჟანდარმები განაძარაღეს და გზებს იცავდნენ სახალხო მილიციონერები.

¹ „კავკაზსკი რაბოჩი ლისტოკი“. 1905, № 14.

² „კავკაზსკი რაბოჩი ლისტოკი“, 1905, 14 დეკემბერი.

აფხაზეთში შეიარაღებული აჯანყების მზადებას ხელმძღვანელობდა ს. ორჯონიკიძე. დეკემბერში, როდესაც შეიარაღებულმა აჯანყებამ თითქმის მთელი საქართველო მოიცვა, შეიარაღებული გამოსვლები დაიწყო აფხაზეთშიც. გულაუფსა და სამურხაყანოში შეფის ადმინისტრაციას ჩამოერთვა მმართველობა. სოხუმში წარმოებდა შეიარაღებული თავდასხმა სამხედრო ნაწილებზე. გავრის, რაიონიდან „წითელი რაზმები“ გაემართნენ სოკის მუშების დასახმარებლად.

რსდმპ კავკასიის კავშირის იმერეთ-სამეგრელოს ბოლშევიკური კომიტეტის ხელმძღვანელობით შეიარაღებული აჯანყება დაიწყო ქუთაისის, გუბერნიის მუშებმა და გლეხებმა. აჯანყებულებმა დაიკავეს სურამის უღელტეხილი და დაკეტეს რკინიგზის გვირაბი, რათა ხელი შეეშალათ ჯარების მოძრაობისათვის ქუთაისის გუბერნიის მიმართულებით. აქ ყველა სახელმწიფო დაწესებულებამ შეწყვიტა მუშაობა. პოლიციას, ქანდარმებს, ჩაფრებს ანთარალებდნენ, ჯარის ნაწილებს იზოლაციას უკეთებდნენ და ასევე ანთარალებდნენ. ამ წესით განთარაღეს ქუთაისის გარნიზონის ზოგიერთი ნაწილი და ტენგინსკის პოლკის მე-12 ასეული, რომელიც შორაპნის მაზრის დაბა ყვორილაში იდგა. ყვორილის ხაზინიდან წაღებული 201.639 მან. და 56 კაპ. გადასცეს რევოლუციურ ორგანიზაციებს მათი საჭიროებისათვის. გლეხთა რაზმები თავს დაესხნენ სამხედრო ნაწილებს ტყიბულსა და ბელოგოროში. დეკემბერში გლეხთა რაზმების შეიარაღებული შეტაკებები პოლიციასთან, კაზაკთა და სამხედრო ნაწილებთან ხდებოდა აგრეთვე გორის, დუშეთის, სიღნაღისა და თელავის მაზრებში. აჯანყებამ მოიცვა მთელი ცხინვალის რაიონი და მთის ოსეთიც. აქ გააუქმეს მთავრობის დაწესებულებანი და ძალაუფლება რევოლუციური ორგანიზაციების ხელში გადავიდა.

აგიტატორების მოღვაწეობის შედეგად, წერდა კავკასიის პოლიციის უფროსი გენ. შირინკინი, დეკემბერში ახალციხის ძაზრაში „სრულიად შეწყდა ყოველგვარი სახაზინო გადასახადების გასტუმრება, სულ ერთიანად ნადგურდება ტყეები და ფაქტიურად შეწყვეტილია სასოფლო სამმართველოების საქმიანობა... აგიტაცია შეიქცრა მუსლიმანთა სოფლებში, სადაც მოსახლეობამ ახევე უარი განაცხადა გადასახადების გაღებაზე“¹.

მოკლე დროით ახალი რევოლუციური ხელისუფლების სახით, „გურიის რესპუბლიკის“ გარდა, წარმოიშვნენ ყვორილის, ზუგდილის, გორისა და სვანეთის „რესპუბლიკები“.

¹ საქ. სსრ აცსი, ფ. 63, ს. 3896, ფ. 52—54.

122—23 დეკემბერს მეფის ჯარებს შეიარაღებული ბრძოლა გაუმართეს თბილისის მუშებმა სალდათის ბაზრის რაიონსა და დიდუბეში. აჯანყების ჩასახშობად სამხედრო ნაწილებმა გამოიყენეს არტილერია.

1905 წლის შეიარაღებული აჯანყების ვაკევილების შეჯამებისას ვ. ლენინი წერდა: „ამ მხრივ ჩვენ გავასწორეს კავკასიაში, პოლონეთშიც და ბალტიისპირა მხარეშიც, ე. ი. სწორედ ისეთმა ცენტრებმა, სადაც მოძრაობა ყველაზე მეტად ვასცდა ძველ ტერორს, სადაც აჯანყება ყველაზე უკეთ არის მომზადებული, სადაც პროლეტარული ბრძოლის მასობრივი ხასიათი ყველაზე მძლავრად და ნათლად გამოხატული“¹.

მაგრამ, მიუხედავად საქართველოს მუშებისა და გლეხების გმირული ბრძოლისა ბოლშევიკური ორგანიზაციის ხელმძღვანელობით, შეიარაღებული აჯანყების დამარცხება მოსკოვში და მენშევიკებისა და ბურჟუაზიულ-ნაციონალისტური პარტიების—სოციალ-ფედერალისტების, დაშნაკებისა და სხვ. მოღალატური ტაქტიკა აუცილებლად წინასწარვე წყვეტდა შეიარაღებული აჯანყების ბედს ამიერკავკასიასა და საქართველოში. აჯანყებამ თავის უმალღეს განვითარებას საქართველოში მიაღწია მაშინ, როდესაც იგი უკვე დამარცხებული იყო მოსკოვში.

რევოლუციის ზეგავლენით მეფის მთავრობამ 1905 წლის 11 დეკემბერს გამოსცა კანონი პირველი სახელმწიფო სათათბიროს მოწვევის შესახებ. ქართველი მენშევიკები, რომლებიც აჯანყებული ხალხის მასების გათიშვის გამცემლურ ტაქტიკას ეწეოდნენ, მოუწოდებდნენ მუშებსა და გლეხებს მონაწილეობა მიეღოთ ამ სათათბიროში. მენშევიკები ატყუებდნენ მუშებსა და გლეხებს და უმტკიცებდნენ მათ, რომ ახალი დემოკრატიული წესების დამყარება შეიძლება საკანონმდებლო გზით, შეიარაღებული აჯანყების გარეშე და ცარიზმის დაუმხობლად.

მოსკოვში გამარჯვების შემდეგ ცარიზმი შეტევაზე გადავიდა განაპირა მხარეებში: კავკასიაში, პოლონეთში, ბალტიისპირა მხარესა და სხვა რაიონებში.

საქართველოში გამოცხადდა სამხედრო მდგომარეობა, თბილისის მუშათა რაიონები და პირველ რიგში ნაძალადევე დარბეულიქნა და სისხლით მოირწყო. გორისა და დუშეთის მაზრაში გაიგზავნა დამსჯელი რაზმი გენერალ ბაუერის მეთაურობით. ქუთაისის

¹ ვ. ლენინი, თხზ., ტ. 10, გვ. 127.

გუბერნიაში გაიგზავნა დამსჯელი რაზმი გენერალ ალიხანოვ-ავარსკის მეთაურობით. ქუთაისის გუბერნატორ სტაროსელსკის და ვიცე-გუბერნატორ ყივშიძეს ბრალი დასდეს მასში, რომ ისინი რევოლუციონერების გავლენის ქვეშ მოექცნენ და მათთან მოლაპარაკებას აწარმოებდნენ; ორივენი გაათავისუფლეს თანამდებობისაგან. 1906 წ. 10 იანვარს ქუთაისის გუბერნატორად დაინიშნა ვენერალი ალიხანოვ-ავარსკი.

1905 წლის 24 დეკემბერს გუდაუთის უბნის სოფელ ბომბარის შახლოჭლად ნაგიდან იარაღის გადმოტვირთვის დროს დააპატიმრეს სერგო ორჯონიკიძე, რომელიც მეთაურობდა აფხაზეთის მუშებისა და გლეხების რევოლუციურ ბრძოლას.

ბათუმის გენერალ-გუბერნატორი ფონ-პარკაუ მოითხოვდა, რომ რევოლუციის ჩახშობის დროს „არ მორიდებოდნენ უაღრესად ვადამწყვეტ ღონისძიებათა მიღებას, თუნდაც იმის მსგავსს, როგორც მიღებულ იქნა ფრანგების მიერ პარიზის კომუნის ჩახშობისას 1871 წელს“.

დამსჯელი რაზმები საქართველოს ყველა რაიონში ცეცხლითა და მახვილით იკვლევდნენ გზას და სისხლის მორევი დააყენეს ირგვლივ. მეფის ოპრიჩნიკები გაუსამართლებლად და გამოუძიებლად ზვრეტდნენ ყოველ მუშასა და გლეხს, თუკი არსებობდა ეჭვი, რომ იგი ბოლშევიკებისა და რევოლუციის თანამგრძნობი იყო.

გენერალ ალიხანოვ-ავარსკის დამსჯელი ჯარის მთელი გზა აღინიშნა მასობრივი დაზვრეტით, ცეცხლის წაქიღებით, ძარცვითა და ნგრევით.

სურამის გვირაბის გაწმენდისა და ქუთაისის გუბერნიისაკენ მიმავალი გზის გასახსნელად გენერალი ალიხანოვ-ავარსკი ცეცხლის აღში ახვევდა და ანადგურებდა ყველა შემხვედრ სოფელსა და ქალაქს. სადგური მოლითი, ბელაგორი, შორაპანი ცეცხლით გაანადგურეს. ასეთივე ბედი ეწია ყვირილას, სვირსა და აჯამეთს.

დამსჯელი რაზმები მხეცურად და ბარბაროსულად უსწორდებოდნენ მოსახლეობას ქუთაისის გუბერნიის ყველა მაზრაში. მეფის ჯალათმა გენერალ ალიხანოვ-ავარსკიმ გლეხებს მოსთხოვა ახლად აეშენებინათ მთავრობის გადამწვარი შენობები, შეეტანათ სახაზინო და საეროზო გადასახადები, დაებრუნებინათ სხვადასხვა გარემოების გამო ჩამორთმეული იარაღი და ვაზნები, დაუყოვნებლივ შედგომოდნენ მემამულეთა ბეგარების შესრულებას, წარმოედგინათ ახალწვეულები, გადაეცათ მისთვის რევოლუციური მოძრაობის მეთაურები და ა. შ. გარდა ამისა ქუთაისის გუბერნიის გლეხებს დაეკისრათ კონტრიბუცია 500 ათასი მანეთის რაოდენობით.

1905 წლის 20 დეკემბერს სოხუმი გამოცხადდა გაძლიერებული დაცვის მდგომარეობაში მყოფ ქალაქად. აფხაზეთის სოფლებში მძინვარებდნენ დამსჯელი რაზმები. მუშებისა და გლეხების რბევაში დამსჯელ რაზმებს ეხმარებოდნენ თავადანააწურთა „შაფი რაზმები“. განსაკუთრებული სისასტიკით სახელი გაითქვა აზნაურ შირვან, თურქიას რაზმმა.

გაუგონარი დარბევა განიცადა ოზურგეთის მაზრამ. აქ მოქმედებდა დამსჯელი ექსპედიცია რამდენიმე ათასი ჯარისკაცისა და კაზაკის შემადგენლობით. ამ ექსპედიციას მეთაურობდა პოლკოვნიკი კრილოვი. ოზურგეთი დაკავებულ იქნა 1905 წ. 11 იანვარს.

ოზურგეთი, ჩოხატაური, ლანჩხუთი, ხიდისთავი, სურები და მაზრის სოფლების უმრავლესობა განადგურებულ და გადამწყვარ იქნა. პოლკოვნიკმა კრილოვმა გლეხებს მოსთხოვა, დაუყოვნებლივ გადაეხადათ ყველა გადასახადი, გადაეცათ მისთვის დებურტირი ჯარისკაცები და ყველა აგიტატორი, ჩაებარებინათ 4 ათასი შაშხანა, ზარბაზნები, რაც თითქოს სურებში ინახებოდა და ა. შ. ოზურგეთის მაზრაში დამსჯელი რაზმები ყველგან არბევდნენ სოფლებს, აპატიმრებდნენ ხალხს, ძარცვავდნენ და მასობრივად ამათრახებდნენ გლეხებს.

რსდმპ თბილისის კომიტეტის პროკლამაციაში გენერალ ალიხანოვ-ავარსკის მიერ ქუთაისის გუბერნიის მშრომელი მოსახლეობის მხეცური დარბევის გამო. ნათქვამი იყო: „...რომელიმე საზიზღარი ჯალათის მოკვლის განზრახვის გამო, როგორც იყო ეს ქუთაისში და რუსეთის ბევრ სოფლებსა და ქალაქებში, ითასობით მიმაკაცსა ჰკლავენ, ქალებს აუპატიურებენ და ვინც ცოცხალი რჩება სარჩოსაბადებელს. უღუპავენ...სისხლი მდინარეებად იღვრება. ყველგან წყევდა-კრულვა, ტირილის ზარი და მოკლულთა კენესა ისმის“¹.

გორისა და დუშეთის მაზრების დროებითმა გენერალ-გუბერნატორმა გენერალმა ბაუერმა 1906 წ. 15 იანვარს გამოსცა ბრძანება, რომელშიც კატეგორიულად აცხადებდა, რომ თუ სოფელმა ხელისუფლებას დაუმალა თუნდაც ერთი რევოლუციონერი, ჩაუბარებელი დასტოვა თუნდაც ერთი თოფი და რევოლვერი, იგი დაუყოვნებლივ ძირფესვიანად იქნება დანგრეული ჯარის მიერ².

თუ რა საშინლად იქცეოდნენ დამსჯელი რაზმები, ამას გვიჩვენებს ამონაწერი ნოვობაიაზეთის 263-ე ქვეითი პოლკის კაპიტ-

¹ სკკპ ცკ-თან არსებული მარქს-ენგელს-ლენინ-სტალინის ინსტიტუტის საქართველოს ფილიალი. ფ. 33, ს. 36.

² საქ. სსრ აქსი, ფ. 19, ს. 12, ფ. 51.

ნის ვნუკოვსკის პატაკიდან. 1906 წ. 23 იანვარს ის ჩავიდა სოფელ ხელთუბანში და უბრძანა გლეხებს შეკრებილიყვნენ მოედანზე. ამის შემდეგ, — ამბობს იგი, — „დაუშვიზნე ხალხს მსხვილი საფანტით გატენილი ზარბაზნები, გარს შემოვარტყი ქვეითი ჯარისკაცები და კახაკებო გატენილი თოფებით. შემდეგ გამოვუცხადე მცხოვრებთ, რომ ისინი... დაუმორჩილებლობის ან წინააღმდეგობის შემთხვევაში დაუყოვნებლივ მოსპობილი იქნებიან ცეცხლითა და მახვილით, ხოლო სახლები და ქონება განადგურებული იქნება არტილერიით და ცეცხლს მიეცემა“. კაპიტანმა ვნუკოვსკიმ აიძულა მუხლმოდრეკილი გლეხები პირობა დაედოთ, რომ დაუყოვნებლივ გამოგზავნიან ახალწვეულებს, გადაიხდიან გადასახადებს, დაფარავენ მემამულეთა მთელ დავალებას, შეაჩვენებენ და მოკლავენ ყოველ რევოლუციონერს, ჩააბარებენ იარაღს და სხვ. ჯარის ნაწილმა რევოლუციონერთა სახლებს დაუშინა არტილერია და შემდეგ კი ცეცხლი წაუკიდა და გადაწვა ისინი¹.

კავკასიის მეფისნაცვალმა გრაფმა ვორონცოვ-დაშკოვმა დირექტორმა მისცა დამსჯელ რაზმებს „არ მორიდებოდნენ არავითარ მკაცრ ღონისძიებას“, მოესპოთ ყველა რევოლუციური ორგანიზაცია, შეიარაღებული რაზმები. აღდილობრივ პოლიციას წინადადება მიეცა „დაუნდობლად ემოქმედნა აჯანყების, შეიარაღებული წინააღმდეგობის სულ მცირეოდენი ცდისათვის, აგრეთვე მცხოვრებთა მიერ ჯარების წინააღმდეგ ყუმბარების ტყორცნის ან გამოყენების შემთხვევაში“.

მეფე ნიკოლოზ მეორემ მთლიანად მოიწონა კავკასიის მეფისნაცვლის ვორონცოვ-დაშკოვის მიერ რევოლუციის ჩასახშობად გამოყენებული ყველა ღონისძიება. ნიკოლოზ მეორე მას სწერდა: „სრული კმაყოფილების გრძნობით წავიკითხე ტელეგრაფით გადმოცეიულ თქვენი უკანასკნელი ცნობა იმ ღონისძიებათა შესახებ, რომლებიც თქვენ მიგიღიათ კავკასიაში ამბოხების ჩასაქრობად“².

მაგრამ მიუხედავად მხეტლური სისასტიკისა, რასაც მიმართავდა ცარიზმი რევოლუციის ჩასახშობად, საქართველოს მუშებსა და გლეხებს კიდევ დიდხანს არ დაუყრიათ იარაღი და მტკიცე წინააღმდეგობას უწევდნენ რეაქციას. „წითელი ასეულები“ ბრძოლებით ნელ-ნელა იხევდნენ უკან ნაკლებმისაწვდომ მთებსა და ტყეებში და იქედან განაგრძობდნენ პარტიზანულ თავდასხმებს მეფის ჯარებზე.

¹ საქ. სსრ არქივ., ფ. 19, ს. 8, ფ. 141—142.

² „კრასნი არხივ“, 1925, ტ. XI—XII, გვ. 437.

ჩეხოსლოვაკიის უკან დახევა

12—17 დეკემბერს ფინეთში ქ. ტამერფორსში მოწვეულ იქნა ბოლშევიკების პირველი სრულიად რუსეთის კონფერენცია. რსდმპ კავკასიის კავშირიდან ამ კონფერენციაზე დელეგატებად იყვნენ ი. სტალინი და გ. თელია. აქ პირველად შეხვდნენ ერთმანეთს ვ. ლენინი და ი. სტალინი. კონფერენციამ გამოიტანა გადაწყვეტილება პარტიის ერთიანობის აღდგენის შესახებ, მაგრამ ბოლშევიკებისა და მენშევიკების ერთიან პარტიად გაერთიანება უნდა მომხდარიყო იმ პირობით, თუ აუცილებლად აღიარებული და განხორციელებული იქნებოდა ლენინური ორგანიზაციული პრინციპები. გამოტანილ იქნა აგრეთვე გადაწყვეტილება პირველი სახელმწიფო სათათბიროს ბოიკოტის შესახებ.

დეკემბრის შეიარაღებული აჯანყების ჩახშობისა და მთელს რუსეთში კონტრრევოლუციის შეტევაზე გადასვლის შემდეგ მენშევიკები მარხავდნენ რევოლუციას. მათ პლენანოვის პირით განაცხადეს „ხელი არ უნდა მოგვეკიდა იარაღისათვის“. ქართველი მენშევიკები რუსეთის ოპორტუნისტების პირველ რიგებში იდგნენ, ისინი მოითხოვდნენ, რომ შეიარაღებული აჯანყება, როგორც ბრძოლის მეთოდი, სრულიად უარყოფილი ყოფილიყო.

ტამერფორსის კონფერენციიდან დაბრუნების შემდეგ ი. სტალინმა 1906 წ. იანვარში დაწერა ბროშურა „ორი შეჯახება“, რაც რსდმპ კავკასიის კავშირის კომიტეტმა გამოსცა რუსულ და ქართულ ენებზე.

ამ შესანიშნავ შრომაში ლაპარაკია ორ შეჯახებაზე — 1905 წ. 9 იანვარსა და დეკემბრის აჯანყებაზე.

ლენინის კვალდაკვალ ი. სტალინი 1905 წლის პერიოდში რევოლუციური მოძრაობის შედეგების შეჯამების, დეკემბრის აჯანყების მიზეზების განმარტებისა და მენშევიკების პორაჟენცულ-გამცემლური პოზიციის გადაჭრით დაგმობის შემდეგ აკეთებს დასკვნას, რომ მოძრაობის შემდგომი წარმატებისათვის საჭიროა რევოლუციური პროლეტარიატის ერთიანობის შექმნა. „ერთი სიტყვით, მჭიდრო პარტია, პარტიისაგან მოწყობილი აჯანყება და შეტევის პოლიტიკა — აი რა გვჭირდება დღეს ჩვენ აჯანყების გამარჯვებისათვის“¹.

მენშევიკების წუწუნზე, რომ პროლეტარიატი დამარცხდა, ი. სტალინი უპასუხებდა: „არა, ამხანაგებო! რუსეთის პროლეტარიატი არ დამარცხებულა, მან მხოლოდ უკან დაიხია და დღეს ის ახალი სახელოვანი ბრძოლისთვის ემზადება. რუსეთის პროლეტარიატი ძირს არ დახრის სისხლით შეღებილ დროშას, ის არავის დაანებებს აჯანყების ხელმძღვანელობას, ის ერთადერთი ღირსეული ბელადი იქნება რუსეთის რევოლუციისა“².

ტამერფორსის კონფერენციის გადაწყვეტილების საფუძველზე 1906 წლის დამდეგს მოწვეულ იქნა ამიერკავკასიის ბოლშევიკური და მენშევიკური ორგანიზაციების გამაერთიანებელი ყრილობა, რომელზედაც აირჩიეს გაერთიანებული ორგანო — რსდმპ ამიერკავკასიის საოლქო კომიტეტი. შეიქმნა რსდმპ თბილისისა და ბაქოს გაერთიანებული კომიტეტები.

მაგრამ რამდენადაც საქმით მენშევიკები განაგრძობდნენ დეზორგანიზატორულ მუშაობას, რსდმპ ამიერკავკასიის გაერთიანებულ საოლქო კომიტეტთან ერთად არსებობდა და მუშაობდა ბოლშევიკების საოლქო ბიურო, სადაც შედიოდნენ: ვ. სტალინი, მ. ცხაკაია, ფ. მახარაძე, მ. დავითაშვილი, ს. შაუშიანი, ა. ჯაფარიძე, ს. სპანდარიანი და სხვ. ბოლშევიკების ამიერკავკასიის საოლქო ბიურო გახდა რსდმპ კავკასიის კავშირის ნამდვილი მემკვიდრე.

საქართველოს ბოლშევიკები სტოლიპინის რეაქციის მრისხანე წლებში, შავრაზმული ტერორის პირობებში, განამტკიცებდნენ თავიანთ რიგებს, მოხერხებულად იყენებდნენ ლეგალურ და

¹ ი. სტალინი, თხზ., ტ. 1, გვ. 194.

² იქვე, გვ. 195.

არაღიგებელი შესაძლებლობას მშრომელ მასებთან კავშირის გასაძლიერებლად.

ისინი ებრძოდნენ მენშევიკებს, რომელთაც არ სწამდათ რევოლუციის ახალი აღმავლობის შესაძლებლობა და პროლეტარული პარტიის ლიკვიდაციის გზას ადგებოდნენ. ბოლშევიკები ებრძოდნენ ნაციონალური ბურჟუაზიის სამსახურში მდგომ დაშნაკებს, პოლიტიკური ქამელეონების პარტიას — სოციალ-ფედერალისტებს, ანარქისტულ-სინდიკალისტურ ელემენტებს (ვ. ჩერქეზიშვილს, მ. წერეთელს, შ. გოგელიას და სხვ.), რომლებიც აქტივობას იჩენდნენ ამიერკავკასიაში. ამასთან დაკავშირებით ი. სტალინი წერს სტატიების სერიას „ანარქიზმი თუ სოციალიზმი?“

1906 წლის აპრილში სტოკჰოლმში გაიმართა პარტიის მეოთხე (გამაერთიანებელი) ყრილობა. ამ ყრილობაზე ი. სტალინი „ივანოვიჩის“ გვართ თბილისის ორგანიზაციის ბოლშევიკური ნაწილის დელეგატი იყო. ლენინთან ერთად ი. სტალინი დაუნდობლად ებრძოდა მენშევიკებს, ამხილებდა მათ ანტიპარტიულ ხაზს.

ი. სტალინი აქტიურ მონაწილეობას იღებდა აგრეთვე რსდმპ V (ლონდონის) ყრილობის მუშაობაში, რომელსაც იგი ესწრებოდა, როგორც თბილისის ორგანიზაციის ბოლშევიკური ნაწილის დელეგატი. 1907 წლის ივნისის დამლევის და ივლისის დამდეგს მან გამოაქვეყნა სტატია „რუსეთის სოციალ-დემოკრატიული მუშათა პარტიის ლონდონის ყრილობა (დელეგატის წერილები)“, რომელშიც მოგვცა ყრილობის გადაწყვეტილებათა და შედეგთა შეფასება. მეხუთე (ლონდონის) ყრილობის მნიშვნელობა გამოიხატება იმაში, რომ იქ მოხდა „მთელი რუსეთის მოწინავე მუშების ფაქტიური გაერთიანება სრულიად რუსეთის ერთიან პარტიად რევოლუციური სოციალ-დემოკრატიის დროშის ქვეშ“¹.

საქართველოს ბოლშევიკები განაგრძობდნენ თავიანთი რიგების განმტკიცებას, აწესრიგებდნენ კონსპირაციულ კავშირს, აუმჯობესებდნენ სამხედრო-საბრძოლო ტექნიკას, მეთაურობდნენ მშრომელთა მასების რევოლუციურ ბრძოლას.

მიუხედავად იმისა, რომ კონტრრევოლუცია შეტევაზე გადავიდა და სასტიკ რეპრესიებს მიმართავდა, ბოლშევიკები განაგრძობდნენ საქართველოს მუშებისა და გლეხების მზადებას ახალი რევოლუციური ბრძოლებისათვის. არამცთუ შენარჩუნებულ იქნა

¹ ი. სტალინი, თხზ., ტ. 2, გვ. 49.

ქველი მებრძოლი რაზმები, არამედ იქმნებოდა და იწვრთნებოდა ახალიც. მტკიცე და შემქნებლობითი მებრძოლი რაზმები იყო თბილისში, ქუთაისში, ბათუმში, ფოთში, კიათურაში, სოხუმში, თელავში, სიღნაღში, ოზურგეთის მაზრასა და სხვა ადგილებში.

მებრძოლი ბოლშევიკური რაზმების გამოჩენილი ორგანიზატორები და ხელმძღვანელები იყვნენ მ. ბოჭორიძე, ნ. ბუაჩიძე, გ. თელია, ს. ინწკირველი, კამო (ტერ-პეტროსიანი). ბოლშევიკებოვანსაკუთრებულ ყურადღებას უთმობდნენ ქუჩის ბრძოლებისა და პარტიზანული გამოსვლების სამხედრო ტექნიკის გაუმჯობესებას. რაზმებს ამარაგებდნენ უფრო ახალი იარაღით. მოგვარდა იარაღის მიღება საზღვარგარეთიდან, უმთავრესად ბელგიიდან და შვეიცარიიდან. ამ საქმეს უშუალოდ ხელმძღვანელობდა ს. ორჯონიკიძე. ბოლშევიკებმა მოაწყეს იარაღის, საჭურვლის, ყუმბარებისა და ფეთქებად ნივთიერებათა საწყობები. ასეთი საწყობები და სახელოსნოები, სადაც იარაღის შენახვასთან ერთად მიმდინარეობდა მისი რემონტი და ახალი იარაღის მზადება, იყო თბილისის ნაძალადევის რაიონში. აქ მუშაობდა ერთ-ერთი მოწინავე მუშა, მტკიცე ბოლშევიკი ზაქრო ჩოდრიშვილი.

29 აპრილს საიდუმლო პოლიციამ შეძლო ერთ-ერთი ასეთი საწყობის აღმოჩენა თბილისში, პეტრეს ქუჩაზე მდებარე სახლში. სადაც ნახეს 245 გატენილი ყუმბარა, 720 საბრძოლო ვაზნა, 1067 მრგვინავი ვერცხლის წყლის ფისტონი, 1 ფუთი მრგვინავი ლაბა, და ყუმბარებისათვის საჭირო ყოველგვარი მასალა¹.

იარაღის საწყობები იყო ბათუმში, ქუთაისსა და სხვა ადგილებში.

ლენინი მიუთითებდა, რომ რუსეთის პირველ რევოლუციას, ჰქონდა ორი პერიოდი: 1905 წლის აღმავლობის პერიოდი და 1906—1907 წლების დაქვეითების პერიოდი².

„დეკემბრის აჯანყების დამარცხების შემდეგ, — ნათქვამია სკპ (ბ) ისტორიის მოკლე კურსში, — დაიწყო მობრუნება რევოლუციის თანდათან უკანდახევისაკენ. რევოლუციის აღმავლობა შეიცვალა მისი თანდათან შენელებით“³.

ასე იყო საქართველოშიც. სასტიკი რეპრესიების მიუხედავად, მუშები და რევოლუციური გლეხები 1906—1907 წლებშიც განაგრძობდნენ ბრძოლას და უკან იხევდნენ ნელ-ნელა, ბრძოლებით.

¹ საქ. სსრ აქსი, ფ. 1, ს. 116.

² გ. ლენინი, თხზ., ტ. 13, გვ. 19.

³ სკპ (ბ) ისტორია. მოკლე კურსი, გვ. 104.

1906 წლის 17 იანვარს თბილისში მუშა რკინიგზელმა არსენა ჯორჯიაშვილმა ყუმბართ მოკლა კავკასიის არმიის შტაბის უფროსი, კონტრრევოლუციის ერთ-ერთი მეთაური, დამსჯელი რაზმების ორგანიზატორი და უშუალო ხელმძღვანელი გენერალი გრიაზნოვი.

1906 წლის 9 მარტს ბათუმის მუშებმა აღნიშნეს 1902 წელს ბათუმში ჯარების მიერ მუშათა დემონსტრაციის დახვრეტის მე-4 წლისთავი.

მუშები ყველგან აღნიშნავდნენ საპირველმაისო პროლეტარულ დღესასწაულსაც. 1906 წელს საქართველოში გრძელდებოდა აგრეთვე საგაფიცო ბრძოლა. მაისში თბილისში გაიფიცნენ საფაროვის, ენფიანჯიანცის და სხვ. თამბაქოს ფაბრიკების მუშები. ამავე დროს გაიფიცნენ სავაჭრო დაწესებულებათა მოსამსახურეები და იარაღოვის თუჯსასხმელი ქარხნის მუშები. აფხაზეთში გაფიცვა გამოაცხადეს მშენებელმა მუშებმა, სანაოსნო საზოგადოებათა მოსამსახურეებმა. ივნისში თბილისში გაიფიცნენ ტრამვაისა და პურის საცხოვრებელი მუშები, საკონდიტროების ოსტატები და ნოქრები, გორში — სავაჭრო დაწესებულებათა მოსამსახურეები. ივნის-ივლისში შეუპოვარ საგაფიცო ბრძოლას ეწეოდნენ ჭიათურის მუშები და მათი წინააღმდეგობა მხოლოდ მაშინ დაძლიეს, როცა შავი ქვის მრეწველებმა მეფის მთავრობისაგან მიიღეს დახმარება სამხედრო ნაწილების სახით. ივლისში გაფიცვა გამოცხადებული ჰქონდათ თბილისისა და ქუთაისის სტამბის მუშებს.

1906 წელს საქართველოში მიმდინარეობს პროფესიული მოძრაობის შემდგომი განვითარება. ოქტომბერში მარტო თბილისში ირიცხებოდა 30-ზე მეტი პროფკავშირი, რომლებიც მეთაურობდნენ მუშათა საგაფიცო მოძრაობას. ამ ხანებში დაისვა ერთიანი პროფკავშირული ცენტრის შექმნის საკითხი. ხელისუფალთა წინააღმდეგობის მიუხედავად, 1906 წლის 3 დეკემბერს კავშირების რწმუნებულთა კრებაზე შეიქმნა ქ. თბილისის პროფესიული კავშირების ცენტრალური საბჭო. მისი ორგანო გახდა გაზეთი „ახალი დროება“, რომელიც გამოდიოდა ი. სტალინის, მ. ცხაკაიას და გ. დავითაშვილის ხელმძღვანელობით. ამ გაზეთის პირველ ნომერში ი. სტალინი წერდა:

„პროლეტართა პროფესიული ინტერესებისთვის პროფესიული კავშირები ეწყობა, რომლებიც იბრძვიან ხელფასის მომატებისთვის, სამუშაო დღის შემცირებისთვის და სხვ. მაგრამ, პროფესიულ ინტერესებს გარდა, მათ აქვთ კიდევ საერთო კლასობრივი

ინტერესები, რომლებიც სოციალისტურ რევოლუციაში და სოციალიზმის დამყარებაში გამოიხატება¹.

ნელ-ნელა იხევდნენ უკან რეაქციის შემოტევის გამო გლეხთა რევოლუციური მასებიც. მართალია, შეიარაღებული ძალის მუქარის შედეგად გლეხები აღადგენდნენ გადამწვარი სასოფლო კანცელარიების შენობებს, ისტუმრებდნენ გადასახადებს, მაგრამ ისინი გადაჭრით უარს ამბობდნენ მოძრაობის ხელმძღვანელთა გაცემასა და იარაღის ჩაბარებაზე. გლეხთა პარტიზანული რაზმები სისტემატურად განაგრძობდნენ თავდასხმას დამსჯელ რაზმებზე. კვლავ იმართებოდა გლეხთა გამოსვლები ოზურგეთის, ზუგდიდის, სენაკის, ქუთაისის, შორაპნის, გორისა და სხვა მაზრებში.

თითქმის ყველგან გრძელდებოდა გლეხთა შეტაკებები მემამულეებსა და სოფლის ბურჟუაზიასთან სხვადასხვა ბეგარის შესრულებაზე უარის თქმისა და მიწაზე მაღალი საიჯარო ქირის დაწესების გამო. გლეხთა მოძრაობას ბრძოლის სხვა ფორმებიც ჰქონდა: მემამულეთა და ჯაშუშობაში ეკვმიტანილთა მოკვლა, მემამულეთა მიწების თვითნებურად ხელში ჩაგდება და დახვნა, მათი კარმიდამოსათვის ცეცხლის წაქიდება და განადგურება და სხვა. იმართებოდა სასოფლო-სამეურნეო მუშების გამოსვლებიც.

გლეხთა გამოსვლებით დამფრთხალი ქართველი თავადაზნაურობა, 1906—1907 წლებში მთელი ძალღონით ცდილობდა მოეხდინა თავისი მამულების ლიკვიდაცია — მიეყიდნა იგი 1906 წელს თბილისში გახსნილ საგლეხო ბანკისათვის „სამართლიანი შეფასების“ საფუძველზე. აღნიშნული ორი წლის განმავლობაში გასაყიდად წარდგენილი იყო 469 მამული 479 ათასი ჰექტარი ფართობით.

1906 წელს გამოცემული ერთ-ერთი სოციალ-დემოკრატიული პროკლამაცია ასე ახასიათებს გლეხთა მასების განწყობილებას: „ხალხი გამსჭვალულია შურისძიების გრძნობით, იგი აღგზნებულია სურვილით გაანადგუროს რეაქციის ლაქიები, ხალხი მოუთმენლად მოელის მომენტს, როდესაც იგი, შეიძენს რა იარაღს საჭირო რაოდენობით, შეძლებს ეკვეთოს თვითმპყრობელობის ყაჩაღებს და შესძახოს მათ: „გვიფრთხილდით თავისუფლების ჯალათებო, — ახლა ჩვენი დღესასწაულია, ახლა რიგი ჩვენზეა“².

¹ ი. ს. ტაღინი, თხზ., ტ. 1, გვ. 267.

² სკკპ ცკ-თან არსებული მარქს-ენგელს-ლენინ-სტალინის ინსტიტუტის საქართველოს ფილიალი, ფ. 33, ს. 60.

გლებთა ბრძოლას კარიზმის, მემამულეებისა და სოფლის ბურჟუაზიის წინააღმდეგ ხელმძღვანელობდნენ ბოლშევიკები.

რუსეთში ბატონყმობის გაუქმების დროიდან 45 წლის შესრულებასთან დაკავშირებით 1906 წ. თებერვალში რსდმპ თბილისის გაერთიანებულმა კომიტეტმა გამოუშვა პროკლამაცია: „არა მეფის რეფორმა, არამედ ხალხის რევოლუცია!“, რომელშიც მოუწოდებდა გლებობას ეწარმოებინა პროლეტარიატის ხელმძღვანელობით მზადება კარიზმის წინააღმდეგ ახალი ბრძოლისათვის.

„... წარსულისა და განსაკუთრებით 19 თებერვლის გამოცდილებამ ცხადად გვიჩვენა, — ნათქვამი იყო პროკლამაციაში, — რომ მეფის მთავრობის დარბაზებიდან მხოლოდ ბორკილები იგზავნება, რომ გლებების განთავისუფლება შეიძლება იყოს მხოლოდ თვით გლებებისვე საქმე და რომ, მაშასადამე, გლებებზე იგივე შეიძლება ითქვას, რასაც პროლეტარიატზე ამბობენ ევროპის მუშები:

ვერავენ მოგვცემს ჩვენ გამარჯვებას,
ვერც მეფე, ღმერთი ძლიერი, —
დავიპყრობთ ჩვენ თავისუფლებას
ჩვენივე მკლავით ძლიერით.

დეე, ახსოვდეთ გლებებს მუშების ეს ძვირფასი სიტყვები, და დეე, იცოდნენ მათ, რომ მხოლოდ ქალაქის მუშების ირგვლივ მივიდროდ დარბაზებით და ძველ წესწყობილებაზე იერიშის მიტანით მოიპოვებენ ისინი ნამდვილ თავისუფლებას!...

გაზეთ „ელვაში“ მოთავსებულ მთელ რიგ სტატიებში ი. ბესოშვილის ხელმოწერით ნ. სტალინი თანამიმდევრობით იცავდა მემამულეთა მთელი მიწის კონფისკაციის ლოზუნგს.

ამ პერიოდში ამიერკავკასიისა და, კერძოდ, საქართველოს ბოლშევიკები განაგრძობდნენ უდიდეს მუშაობას არმიაში. თბილისსა და ამიერკავკასიის სხვა დიდ ქალაქებში შეიქმნა გარნიზონის სამხედრო საბჭოები. პარტიის ცალკეული წევრები მიამაგრეს სამხედრო ნაწილებს რევოლუციური მუშაობისათვის. შინაგან საქმეთა მინისტრის სახელზე თბილისის საიდუმლო პოლიციის მიერ გაგზავნილ მოხსენებით ბარათში შემდგენიარად იყო დახასიათებული ბოლშევიკების მუშაობა ჯარის ნაწილებში:

„ადგილობრივმა რევოლუციურმა ორგანიზაციებმა ქალაქ თბილისში თავიანთი ძალღონე წარმართეს აგიტაციისა და პროპაგანდისაკენ თბილისის გარნიზონის ჯარებში დაახლოებით მიმდინარე წლის (1906 წ.) 1 თებერვლიდან.

აღნიშნული საქმიანობა გამოიხატა ჯარებისადმი მთელი რიგი დანაშაულებრივი მოწოდებების გამოშვებით (ჩამოთვლილია მთელი რიგი ბოლშევიკური პროკლამაციები. გ. ხ.). ქალაქ თბილისში აღნიშნული კავშირის ადგილობრივი საბჭოს (მხედველობაშია გარნიზონის სამხედრო საბჭო და ჯარისკაცთა კავშირი. გ. ხ.) ჩამოყალიბებაში როლი ითამაშეს ადგილობრივი სოციალ-დემოკრატიული ორგანიზაციების ძალებმა¹.

მოხსენებით ბარათებში შემდეგ მოყვანილია დაწვრილებითი ცნობები იმის შესახებ, თუ რომელი ბოლშევიკი მუშაობდა მეფის ჯარში, სად იმართებოდა კრებები, როგორი იყო ჯარისკაცთა შორის წარმოებული პროპაგანდისა და აგიტაციის ხასიათი და აგრეთვე ცნობები მებრძოლი რაზმების შექმნისა და შეიარაღებული აჯანყების მზადების შესახებ².

1906 წელს თბილისსა და სხვა ადგილებში იმართებოდა ჯარისკაცთა მიტინგები, რომელთა გაფანტვისათვის საჭირო ხდებოდა შეიარაღებული ძალების გამოყენება. ჯარისკაცები განაგრძობდნენ პოლიტიკური და ეკონომიური მოთხოვნების წამოყენებას.

თებერვალში ერთმა არტილერისტმა მიიღო წერილი, რომ მისი ცოლი და მისი და კაზაკებმა გააუბატიურეს, მისი დედა კი ამ სისასიზღრის მოწმე გახადეს. ბედშავმა ჯარისკაცმა ტირილი დაიწყო, ოფიცერთან მივიარდა, მოიგლიჯა პაგონები, სახეში მიაყარა მას და დაიწყო მეფის მთავრობის გინება. მას შეუერთდნენ სხვა ჯარისკაცები და თბილისში დაიწყო არტილერისტების ცნობილი „ამბოხება“².

21 თებერვალს დაიწყო მღელვარება „აღმოსავლეთ ციმბირის მე-17 სამთო ბატარიაში“, რომელიც განლაგებული იყო სოფ. მუხრაევანში. არტილერისტებმა წამოაყენეს ეკონომიური მოთხოვნები; ისინი მოითხოვდნენ ბატარიიდან ზოგიერთი უმცროსი მეთაურის, მათ შორის ფელდფებელის, გაძევებას. სარდლობა იძულებული შეიქმნა დაეკმაყოფილებინა ამ მოთხოვნათა მეტი წილი. „ჯარისკაცთა კავშირმა“, რომელსაც ბოლშევიკები ხელმძღვანელობდნენ, ენერგიული მუშაობა გააჩაღა, დიდი რაოდენობით გამოაღწეა ფურცლები შემდეგი სახელწოდებით: „ახალი ამბების ფურცელი“, „ამხანაგებო“ და სხვ.

¹ საქ. სსრ აქტი, ფ. 1, ს. 216, ფ. 96—98.

² საქ. სსრ აქტი, ფ. 1, ს. 138, ფ. 162.

თებერვალში დიდი მღელვარება მოხდა ბაშკადიკლარის ბატალიონში, რომელიც თელავში იყო დაბანაკებული. ჯარისკაცებმა წამოაყენეს პოლიტიკური და ეკონომიური ხასიათის 15 მოთხოვნა¹. ივნისში მღელვარება მოხდა ბათუმის გარნიზონში, სადაც ყველაზე აქტიურ როლს თამაშობდა არდაგანის სათადარიგო ბატალიონი. „ჯარისკაცთა კავშირის“ პროკლამაციაში ბათუმის ამბების გამო ნათქვამი იყო:

„ბათუმის გარნიზონი, კაზაკებს გარდა, ხალხს მიემხრო... 12 ივნისს მთელი არტილერია და ქვეითი ჯარის ნაწილი გამოვიდა ყაზარმებიდან და შეუერთდა საერთო მიტინგს. ორატორები წარმოთქვამდნენ სიტყვებს... ქვეითი ჯარის ნაწილი უფროსების ბრძანებით გარს შემოერტყა მიტინგს და სურდა ჯარისკაცების დაპატიმრება, მაგრამ გამოვიდა ერთ-ერთი ამხანაგი და მხურვალე სიტყვა წარმოთქვა. მაშინ ქვეითი ჯარი, რომელიც გარს შემოერტყა მიტინგს, შეძახილებით „ურა!“, „გაუმარჯოს ხალხს!“ აჯანყებულ ამხანაგებს შეუერთდა“.

1906 წლის სექტემბერში არეულობა მოხდა თბილისის პოლკში.

ჯარისკაცთა გამოსვლებიდან განსაკუთრებით დიდი მნიშვნელობა ჰქონდა 1906 წლის მარტში მინგრელსკი პოლკში მომხდარ ამბავს.

21 მარტს „ჯარისკაცთა კავშირმა“ გამოუშვა პროკლამაცია „თბილისის გარნიზონის ყველა ნაწილს. ჩვენი, ჯარისკაცთა კრების შესახებ“.

პროკლამაციაში ლაპარაკი იყო ყოველგვარ პოლიტიკურ უფლებებს მოკლებული ჯარისკაცის მძიმე ხვედრზე. იგი მოუწოდებდა ქ. თბილისის გარნიზონის ჯარისკაცებს ეწარმოებინათ მზადება საერთო კრებისათვის, რომელსაც უნდა განეხილა უფროსებისადმი წარსადგენი მოთხოვნები.

„როდემდე გვექნება დადებული კლიტე პირზე? ნუთუ ჩვენ მუდამ ასე უნდა ვიტანჯოთ და უკეთეს ცხოვრებას ვერ უნდა მოვესწროთ? მოდიოთ, ძმებო, წელში გავიმართოთ და ხმამალლა, უშიშრად ავმეტყველდეთ, და ისევე ვიმოქმედოთ, როგორც მოქმედებენ შავი ზღვის ფლოტი, კრონშტატის მეზღვაურები და სხვა ჩვენი ამხანაგები. ამისათვის ბევრი რამ არ არის საჭირო! ყველამ თავი მოვიყაროთ საერთო კრებაზე, განვიხილოთ ჩვენი საჭირო-

¹ საქ. სსრ აქსი, ფ. 1, ს. 138, ფ. 162.

ებანი, წარფუდგინოთ ჩვენი მოთხოვნები უფროსებს და მოვითხოვოთ მათი დამკმაყოფილება. ხოლო თუ არ მოისურვებენ პატივი დაგვკონ, მაშინ ხელში ავიღოთ ჩვენი შაშხანები და გავაძევეთ ჩვენი ტირანები — ოფიცრები... კრების ადგილისა და დღის შესახებ ყველა ჯარისკაცი გაიგებს თავისი შეგნებული ამხანაგებისაგან¹.

ეს კრება არ შემდგარა, რადგან ხელისუფლების წარმომადგენლებმა გაიგეს ამის შესახებ და წინასწარ გაგზავნეს თავმოყრის ადგილას საიმედო სამხედრო ნაწილები და პოლიცია. დააკავეს რამდენიმე ჯარისკაცი და მათ ჩამოართვეს 24 პუნქტის შემცველი ხელნაწერი სახელწოდებით — „ჯარისკაცის მოთხოვნები“. მათ შორის მოხსენებული იყო ისეთი მოთხოვნები, როგორცაა კრებების თავისუფლება ჯარისკაცებისათვის, ყველა დაპატიმრებული ჯარისკაცის განთავისუფლება, ჯარისკაცებთან ოფიცრების ყოველგვარი „პატრიოტული“ საუბრის შეწყვეტა, აღკვეთა ჯარისკაცების გაგზავნისა იმ მუშების დასამორჩილებლად, რომლებიც თავიანთი უფლებების მოსაპოვებლად იბრძვიან, სამხედრო მდგომარეობის მოხსნა, რადგან იგი მეტისმეტად მძიმეა ჯარისკაცებისათვის და დიდად საზიანოა ამეამად სიმართლისათვის მებრძოლი მთელი რუსეთის ხალხისათვის, ჯარების გამოყვანა ოზურგეთის მაზრიდან და კავკასიის ყველა რაიონიდან და მათი თავიანთ ნაწილებში დაბრუნება, ე. ი. ეგზეკუციების გაუქმება და ა. შ.²

დაპატიმრებულთა შორის იყვნენ მოხალისე ჯარისკაცი ავრამენკო, მინგრელსკი პოლკის რიგითი ჯარისკაცები სალუქეაძე, იასენკო, ვასენცკი, ჯაჩულინი, ვორონოვი და სხვ. მათ დასაცავად გამოვიდა გრენადერთა მე-16 პოლკი. 26 მარტს ამ პოლკის ჯარისკაცები შეიკრიბნენ მიტინგზე, „საძულველ ოფიცერთა და ჯაშუშთა დაუსწრებლად, რათა დაუფარავად ეთქვათ მთელი სიმართლე, თუ რატომ არის, რომ ჩვენს დროში მდიდრები არსებობის საშუალებასაც კი არ აძლევენ უბრალო ადამიანს, რატომ არ აქვთ მიწა გლეხებს, კარგი სამუშაო — მუშებს, ხოლო ჩვენ, ჯარისკაცებს, კი წართმეული გვაქვს თავისუფლება და გამწარებული გვაქვს სიცოცხლე“³.

¹ სკკპ ცკ-თან არსებული მარქს-ენგელს-ლენინ-სტალინის ინსტრუქტის საქართველოს ფილიალი, ფ. 1, ფ. 216.

² საქ. სსრ აცსი, ფ. 22, ს. 189, ფ. 80.

³ საქ. სსრ აცსი, ფ. 1, ს. 800, ფ. 138.

ჯარისკაცებმა თავი მოიყარეს დიდი რაოდენობით და მოითხოვეს უწინარეს ყოვლისა დაპატიმრებული ამხანაგების განთავისუფლება, ამასთან ერთად მათ წამოაყენეს სხვა მოთხოვნებიც. სხვა ჯარისკაცებს შორის განსაკუთრებულ აქტიუობას იჩინდა მაჭავარიანი.

უფროსებმა კაზაკებისა და პოლიციის დახმარებით დაშალეს მიტინგი, დააპატიმრეს რა წინასწარ რამდენიმე ჯარისკაცი. პოლკის ჯარისკაცები შეიარაღდნენ საბრძოლო ვაზნებით გატენილი თოფებით და თავი მოიყარეს ყაზარმის ეზოში. მათი მოთხოვნით დაპატიმრებული ჯარისკაცები გაათავისუფლეს. მაგრამ ამ პოლკის მე-14 ასეულის ჯარისკაცები ყაზარმაში დარჩნენ და უფროსების ბრძანებით სროლა აუტეხეს ეზოში თავმოყრილ ჯარისკაცებს, რის შედეგადაც რამდენიმე მათგანი დაიჭრა და მოკვდა. 27 ჯარისკაცი სამხედრო სასამართლოს გადაეცა.

ჯარისკაცების გასამართლების გამო რსდმპ თბილისის კომიტეტმა გამორუშვა შემდეგი მოწოდება:

„ამხანაგებო, 27 ჩვენს ამხანაგს სიკვდილით დასჯას უპირებენ. რისთვის? რა დააშავეს მათ? იმისთვის, ამხანაგებო, რომ მათ მიტინგი მოაწყეს, სადაც თავიანთ ამხანაგებს განუმარტავდნენ, თუ ვინ არის ხალხის მტერი და მეგობარი. იმისთვის, ამხანაგებო, რომ მათ წინააღმდეგობა გაუწიეს ხელისუფალთ — მოეხდინათ მათთან სამარცხვინო ჩხრეკა. და ბოლოს, იმისთვის, რომ მათ აშკარად და პირდაპირ დასდეს ბრალე ხალხის მტრებს იმაში, რომ ისინი-ჯალათები ჭრიან. ამრიგად, ამხანაგებო, ჯარისკაცები ჩვენი საერთო საქმისათვის იღუპებიან. ჩვენ ენერგიულად უნდა გამოვექომაგოთ ჩვენს ამხანაგ ჯარისკაცებს. ხელიდან უნდა გამოვგლიჯოთ ისინი. უნდა მოვაწყოთ მოქალაქეთა კრება და მიტინგი და მოვითხოვოთ 27 ჯარისკაცის დაუყოვნებლივ განთავისუფლება. ეს ჯარისკაცები კი არ არიან, ამხანაგებო, სიკვდილით დასჯის ღირსნი, არამედ ისინი, რომელნიც ყოველდღე სისხლს სწოვენ ხალხს, ასახლებენ და ჟლეტენ მოქალაქეებს, აწყობენ დარბევებს, თავისუფლებას მოწყურებულ მოქალაქეთა სისხლით რწყავენ მთელი რუსეთის ქუჩებს“¹

მინგრელსკი პოლკის ჯარისკაცების სამართალში გადაცემის გამო პროკლამაცია გამოუშვა თბილისის გარნიზონის საბჭომაც. ეს პროკლამაცია მოუწოდებდა ყველა ჯარისკაცს მხარი დაეჭირათ

¹ საქ. სსრ აცსი, ს. 1020, ფ. 11.

პასუხისგებაში მიცემული ჯარისკაცებისათვის, „რათა ისინი არ გაქსახლებინათ თბილისიდან და იარაღით ხელში მოეთხოვათ დაპატიმრებული ამხანაგების განთავისუფლება“.

ბოლშევიკური „ჯარისკაცთა საბჭო“ მოუწოდებდა გარნიზონის ჯარისკაცებს შეიარაღებული დემონსტრაცია მოეწყოთ გასამართლების დღეს. „თუ ჩვენი სიტყვები, ჩვენი მუქარა არ იმოქმედებს გამცემლებსა და მოსამართლეებზე, მაშინ ჩვენ ვაძულებთ ამ ავაზაკებს იგრძნონ ჩვენი ძალა. ჩვენ, შეიარაღებულნი, ყაზარმებიდან სასამართლოს შენობისაკენ გავეშურებით... გაუმარჯოს მთელი გარნიზონის შეიარაღებულ დემონსტრაციას“¹.

21 ივლისს გამოშვებულ იქნა რსდმპ თბილისის კომიტეტის პროკლამაცია თბილისის მუშებისა და მოქალაქეებისადმი, ეს პროკლამაცია მოუწოდებდა მათ მოეწყოთ ერთდღიური გაფიცვა 22 ივნისს, ჯარისკაცების გასამართლების დღეს.

ასეთივე მოწოდება გამოუშვა სახელმწიფო სათათბიროს ამრჩეველთა კრებამ. სამხედრო ნაწილებიდან დაპატიმრებული ჯარისკაცების დაცვის საქმეში ყველაზე მეტი აქტიუობა გამოიჩინა კავკასიის რკინიგზის პირველმა ბატალიონმა, რომელიც განლაგებული იყო ნავთულში.

21 ივნისს, საღამოს, ამ ბატალიონის მიტინგზე მიღებულ იქნა გადაწყვეტილება არ გასულიყვნენ 22 ივნისს დავალების შესასრულებლად და არ შეეცვალათ გაფიცული მუშები. ამასთან გაეწიათ შეიარაღებული წინააღმდეგობა, თუ ეს საჭირო იქნებოდა. 22 ივნისს რკინიგზელთა ბატალიონი დამორჩილებულ იქნა კაზაკებისა და სხვა სამხედრო ნაწილების დახმარებით. დაპატიმრეს 45 ჯარისკაცი.

პასუხისგებაში მიცემული ჯარისკაცების გასამართლების დღეს 1906 წლის 22 ივნისს თბილისსა და საქართველოს სხვა ადგილებში გამოცხადებულ იქნა საყოველთაო საპროტესტო გაფიცვა. თბილისში გაიფიცნენ ყველა სამრეწველო საწარმოს, ამიერკავკასიის რკინიგზის მთავარი სახელოსნოების, დეპოსა და ტრამვაის მუშები, დაწესებულებების, სავაჭრო და სახელოსნო საწარმოების მოსამსახურეები. შეწყდა მატარებლის მოძრაობა. ღამით ქალაქი სიბნელემ მოიცვა, ქუჩებში ფარნებიც კი ჩამქრალი იყო.

საყოველთაო გაფიცვისა და ჯარისკაცთა გამოსვლების ზეგავლენით სამხედრო სასამართლო იძულებული იყო გამოეტანა

¹ საქ. სსრ აქსი, ფ. 1, ს. 304, ფ. 95.

მსუბუქი განაჩენი: 9 ჯარისკაცი გააშართლეს, 7 დისციპლინარულ ბატალიონში გაგზავნეს, 2—სამხედრო საპატიმროში, დანარჩენ 5 კაცს კი უმნიშვნელო დისციპლინარული სასჯელი მიუსაჯეს¹.

ამიერკავკასიისა და საქართველოს ბოლშევიკებს დეკემბრის აჯანყების დამარცხების შემდეგაც არ შეუწყვეტიათ რევოლუციური ბრძოლა, ისინი მთელი ძალდონით ცდილობდნენ ერთ მძლავრ ნაკადად შეერთებინათ მუშათა კლასის, რევოლუციური-გლეხობისა და ჯარისკაცების ბრძოლა. ტამერფორსის კონფერენციაზე მიღებული გადაწყვეტილების თანახმად ბოლშევიკებმა გამოაცხადეს და განახორციელეს ბოიკოტი პირველი სახელმწიფო სათათბიროს მიმართ, რომელსაც ცარიზმი იწვევდა იმ მიზნით, რათა ხალხის მასები ჩამოეშორებინა რევოლუციური ბრძოლისაგან.

არჩევნების მთელი სისტემა ზღუდავდა მშრომელთა მასების— მუშებისა და გლეხების სათათბიროში მოხვედრას. მუშებისათვის დაწესებული იყო სამსაფეხურიანი, ხოლო გლეხებისათვის ოთხსაფეხურიანი არჩევნები. საარჩევნო ხმის უფლება მიიღეს მხოლოდ იმ საფაბრიკო-საქარხნო საწარმოების, რკინიგზის სახელოსნოებისა და მალაროების მუშებმა, სადაც მუშათა რაოდენობა სულ მცირე 50 კაცს მაინც შეადგენდა. ერთი ამრჩეველი მოდიოდა 90.000 მუშაზე, 30.000 გლეხზე და 2.000 მემამულეზე.

„98 ამრჩეველში, — წერდა ი. სტალინი, — რომლებმაც სათათბიროს დეპუტატები უნდა აირჩიონ თბილისის გუბერნიიდან, მხოლოდ 2 კაცი შეიძლება იყოს მუშებიდან, დანარჩენი 96 ამრჩეველი სხვა კლასებს უნდა ეკუთვნოდნენ — ასე ამბობს მანიფესტი-32 ამრჩეველში, რომლებმაც სათათბიროს დეპუტატები უნდა გაგზავნონ ბათუმისა და სოხუმის ოლქიდან, მხოლოდ ერთი კაცი შეიძლება იყოს მუშებიდან, დანარჩენი 31 ამრჩეველი სხვა კლასებიდან უნდა იყვნენ...“².

არჩევნებში მონაწილეობის უფლებას მოკლებული იყვნენ 25 წელზე ნაკლები ხნის პირები, ქალები, მოსწავლეები, არმიისა და ფლოტის სამხედრო მოსამსახურენი, „მოხეტიალე ინოროდცები“, უცხო ქვეყნების ქვეშევრდომნი. საკანონმდებლო სათათბიროს უფლებები კიდევ უფრო შეზღუდულ იქნა, როდესაც 1906 წლის 20 თებერვალს გამოვიდა მანიფესტი, რომლითაც სახელმწიფო საბჭომ მეორე „საკანონმდებლო პალატად“ გამოცხადდა.

¹ საქ. სსრ აცსი, ფ. 1, ს. 308, ფ. 17.

² ი. სტალინი, თხზ., ტ. 1, გვ. 197.

როგორი იყო სახელმწიფო სათათბიროს არჩევნების შედეგში საქართველოში?

მენშევიკებმა აშკარა ბლოკი შეკრეს ბურჟუაზიულ-ნაციონალისტურ პარტიებთან და უმთავრესად ქალაქის წვრილი ბურჟუაზიის, ბურჟუაზიული ინტელიგენციისა და თავადაზნაურების ხმებით გააყვანეს ოთხი მენშევიკი დეპუტატი (ნ. ჟორდანიას, ი. რამიშვილს, ი. გომართელი და ს. ჯაფარიძე), ერთი დეპუტატი იყო სოციალ-დემოკრატების პარტიიდან — თავადი ი. ბარათაშვილი და მეექვსე დეპუტატად საქართველოდან გავიდა ს. წერეთელი. მუშებსა და მშრომელ გლეხებს არჩევნებში მონაწილეობა თითქმის არ მიუღიათ.

პირველ სახელმწიფო სათათბიროს სოციალ-დემოკრატიულ ფრაქციაში ხელმძღვანელ როლს ქართველი მენშევიკები თამაშობდნენ. ისინი სახელმწიფო სათათბიროს განიხილავდნენ როგორც „პოლიციური თვითმპყრობელობის წინააღმდეგ მიმართული საერთო-სახალხო მოძრაობის ცენტრს“, აშკარად გამოდიოდნენ რევოლუციაში პროლეტარიატის ჰეგემონიის წინააღმდეგ და სასტიკად გამოხდნენ შეიარაღებული აჯანყების ბოლშევიკურ ტაქტიკას.

მაგალითად, მენშევიკმა ი. რამიშვილმა სახელმწიფო სათათბიროს სხდომაზე განაცხადა: „სოციალ-დემოკრატების ტაქტიკა კადეტების სამინისტროს გარევოლუციონერებაა... მოსკოვის ამბებმა დაგვიმტკიცეს, რომ პროლეტარიატისათვის საჭირო არ არის „პულემიოტების“ და ზარბაზნების წინააღმდეგ წასვლა, რომ მან არ უნდა აიღოს ხელში იარაღი. იგი თავის გულსა და თავში უნდა ატარებდეს რევოლუციასო“¹.

როგორც ცნობილია, 1906 წ. 8 ივლისს I სახელმწიფო სათათბირო გარეკილ იქნა, რადგან იგი საკმაო მორჩილებას არ იჩენდა ცარიზმის მიმართ. ამავე დროს მინისტრთა საბჭოს თავმჯდომარედ დაინიშნა შინაგან საქმეთა მინისტრი პ. ა. სტოლიპინი, რომელიც ცნობილი იყო გლეხების მხეტური ტანჯვა-წამებით, შავრაზმული ბანდების ჩამოყალიბებითა და დარბევების მოწყობით. სტოლიპინი აღიარებულ იქნა ისეთ ადამიანად, რომელსაც შესწევდა უნარი გადამწყვეტი ბრძოლა გაეჩაღებინა რევოლუციური მოძრაობის წინააღმდეგ.

მენშევიკებმა განაცხადეს, რომ საჭიროა ახალი სათათბიროს მოწვევა, რადგან, მათი აზრით, მისი მოწვევა აუცილებლად დააყე-

¹ „ახალი ცხოვრება“, 1906, № 14.

ნებდა საკითხს დამფუძნებელი კრების შესახებ. მენშევიკებმა სათათბირო გამოაცხადეს „საერთო-სახალხო მოძრაობის ცენტრად“, რომელსაც შეეძლო შეეზღუდა მეფის მთავრობა. მენშევიკები, ლალატობდნენ რა მშრომელთა მასების ინტერესებს და საქმით გადაიქცნენ „ლიბერალთა დანამატად“¹, ახორციელებდნენ კადეტურ ბურჟუაზიასთან შეთანხმების ტაქტიკას, მიისწრაფოდნენ საკანონმდებლო მუშაობისაკენ და სრულიად უარყოფდნენ სათათბიროსგარეშე გამოსვლებს.

ამიერკავკასიისა და საქართველოს ბოლშევიკები, რომლებიც ლენინურ ტაქტიკას ახორციელებდნენ, ამხილებდნენ კადეტების კონტრრევოლუციურ, მონარქისტულ პოზიციას, რათა არ დაეშვათ გლეხობაზე მათი გავლენის ზრდა. მათ გადაწყვიტეს მხარი დაეჭირათ „შრომის ჯგუფისათვის“, „მემარცხენე ბლოკის“ შექმნისათვის და ამავე დროს შეენარჩუნებინათ კანდიდატთა დამოუკიდებელი სია.

„პარტიის მოვალეობა იყო, — წერდა ი. სტალინი, — მხარი დაეჭირა „შრომის ჯგუფისათვის“ კადეტებთან ბრძოლაში, ბოლომდე განევითარებინა მისი რევოლუციური მიდრეკილება, დაეპირდაპირებინა მისი რევოლუციური ტაქტიკა კადეტების არარევოლუციური ტაქტიკისთვის და მით უფრო ნათლად გამოეაშქარავებინა კადეტების მოღალატური მიდრეკილება“².

რევოლუციის შენელებასა და კონკრეტულ-ისტორიული ვითარების შეცვლასთან დაკავშირებით ბოლშევიკებმა გადაწყვიტეს მონაწილეობა მიეღოთ II სახელმწიფო სათათბიროს არჩევნებში, სათათბიროს ტრიბუნის გამოსაყენებლად ცარიზმისა და ბურჟუაზიის მხილებისათვის და რევოლუციის ინტერესების სასარგებლოდ.

სოციალ-დემოკრატები, რომლებიც მეთაურობდნენ მემარცხენე პარტიებს, ცდილობდნენ სათათბიროში განეხორციელებინათ რევოლუციური პროპაგანდა, მაგრამ ეს ყოველთვის როდი ხერხდებოდა, რადგან სოციალ-დემოკრატიული ფრაქციის 65 წევრიდან ნახევარზე მეტი იყვნენ მენშევიკები. ვ. ლენინი ხელმძღვანელობდა სათათბიროს ბოლშევიკ-დემუტატების მოღვაწეობას. მენშევიკები, მათ შორის ქართველი მენშევიკებიც, სათათბიროში ახორციელებდნენ კადეტებისათვის მხარდაჭერის გამცემლურ ტაქტიკას, ლალატობდნენ რა მშრომელთა ინტერესებს.

¹ ვ. ლენინი, თხზ., ტ. 12, გვ. 184

² ი. სტალინი, თხზ., ტ. 1, გვ. 248—249.

I სახელმწიფო სათათბიროს გარეკის შემდეგ და II სახელმწიფო სათათბიროს მოღვაწეობის პერიოდში მუშათა მოძრაობა საქართველოში არ შემწყდარა, მაგრამ აშკარად ნელდებოდა. მუშები განაგრძობდნენ გაფიცვების მოწყობას, აყენებდნენ პოლიტიკურ და ეკონომიურ მოთხოვნებს. 1907 წელს მუშებმა აღნიშნეს პირველი მაისის დღე. მაგალითად, აგენტურული ცნობებით პირველი მაისის დღეს ბორჯომში შეწყდა მუშაობა ყველა საწარმოში და მუშებმა მოაწყეს მიტინგი¹. ქუთაისის გუბერნიის ქანდაკრმა სამმართველოს უფროსის ცნობებით 1 მაისს ქალაქში გავრცელდა პროკლამაციები; ქალაქის ბაღის გარშემო და მიხაილოვის სათავადაზნაურო საადგილმამულო ბანკის შენობის წინ გამოკიდებული იყო რვა წითელი დროშა წარწერებით: „გაუმარჯოს მ-საათიან სამუშაო დღეს“, „ძირს კაპიტალიზმი“, „გაუმარჯოს სოციალიზმი“. მუშები, ხელოსნები და ნოქრები არ გამოცხადდნენ სამუშაოზე. ისინი, სადღესასწაულოდ მორთულნი, ქალაქში დასეირნობდნენ. საშუალო და დაბალი სასწავლებლების მოსწავლეები თუმცა 1 მაისს სკოლებში გამოცხადდნენ, მაგრამ ბეცადინეობას არ შესდგომიან და ისე წავიდნენ თავიანთ სახლებში².

არ შემწყდარა ბრძოლა არც სოფლად. გლეხთა რაზმები განაგრძობდნენ თავდასხმებს პოლიციის სამმართველოებზე, თავდაზნაურთა კარ-მიდამოებზე. 1907 წ. 16 მაისს, ღამით ქუთაისის გუბერნიის რედუტ-კალეს უბანში გავრცელდა პროკლამაცია, რომელშიც ნათქვამი იყო: „ახლანდელ სათათბიროს არ შეუძლია მოსპოს შიმშილი, შეასუსტოს უმუშევრობა, აღაგმოს რეაქცია, მისცეს გლეხებს თავისუფლება და მიწა... ყოველივე ზემონსენებულის მიღწევა შეიძლება ბრძოლის გზით და გლეხები უნდა ემზადონ ამ ბრძოლისათვის მუშა-პროლეტარიატთან ერთად“³.

ბოლშევიკური მებრძოლი რაზმების ერთ-ერთი აქტიური ორგანიზატორი იყო კამო (ტერ-პეტროსიანი). პარტია მას ავალებდა არალეგალური სტამბების მოწყობას, იარაღისა და ლიტერატურის შემოზიდვას საზღვარგარეთიდან. ის მონაწილეობას იღებდა აგრეთვე თბილისის დეკემბრის აჯანყებაში. 1907 წ. 13 ივნისს თბილისში ბოლშევიკურმა მებრძოლმა ჯგუფმა კამოს ხელმძღვანელობით მოახდინა განსაკუთრებით გაბედული ექსპროპრიაცია — 250 ათასი მანეთის სახაზინო ფულის გატაცება, რაც შემდეგ გამოყე-

¹ საქ. სსრ. აცსი, ფ. 63, ს. № 4322, ფ. 82.

² იქვე, ფ. 74.

³ საქ. სსრ. აცსი, ფ. 63, ს. 349

ნებულ იქნა საზღვარგარეთ იარაღის შესაძენად ცარიზმის წინააღმდეგ ბრძოლის მიზნით.

1906—1907 წლებში კავკასიის მეფისნაცვალმა გრაფმა ვორონცოვ-დაშკოვმა გააძლიერა სისხლიანი რეპრესიები მუშებრსა და გლეხების წინააღმდეგ. ჯერ კიდევ 1906 წ. 16 აპრილს, ხანგრძლივი ძებნის შემდეგ შეძლეს აღმოეჩინათ და ხელთ ეგდოთ ავღაბრის არალეგალური ბოლშევიკური სტამბა. მთელ ამიერკავკასიაში გაძლიერდა პოლიციელთა და ჟანდარმთა თავდასხმა მუშათა ორგანიზაციებზე. სპობდნენ პროფკავშირებს, კრძალავდნენ მუშათა ჟურნალ-გაზეთებს.

ბურჟუაზიამ გამოიყენა შექმნილი სიტუაცია და ცარიზმის პირდაპირი მხარდაჭერით გაძლიერებით შეუტია პროლეტარიატს, ცდილობდა წიერთმია მისთვის რევოლუციის ყველა მონაპოვარი. სამუშაო დღე 10—12 საათამდე გაადიდეს. მუშათა მატერიალური მდგომარეობა ფასების ზრდისა და ხელფასის შემცირების გამო მძაფრად გაუარესდა.

სამრეწველო დეპრესიასთან დაკავშირებით (მაგ., 1903 წ. მოპოვებული იყო 23 მილიონი ფუთი მარგანეცი, ხოლო 1908 წელს სულ 7,1 მილიონი ფუთი) მასობრივად ითხოვდნენ მუშებს. „რკინიგზის სახელოსნოების და დებოს მაგალითი ჩვენ თვალ-წინ ზრის, — ნათქვამი იყო ს. დ. ორგანიზაციის პროკლამაციაში, რომელიც გამოშვებულ იქნა 1906 წ. თებერვალში, — აგერ ორი თვე იქნება, რაც ასობით დათხოვნილი ამხანაგები შიმშილით გვეხოცებიან. ყოველ დღე, ყოველ წამს, მათ თავის თვალთ უნდა უყურონ მშიერ ოჯახს, პურს დანატრებულ მტირალ ბავშვებს“¹.

მუშათა მოძრაობის საბოლოოდ ჩახშობის მიზნით ბურჟუაზია ერთიანდებოდა კავშირებად და ერთიანი ფრონტით გამოდიოდა მუშათა წინააღმდეგ. მუშათა გაფიცვების საპასუხოდ ბურჟუაზია ხურავდა საწარმოებს. მაგ., ბათუმში 1906 წ. დაიხურა ხსენი მსხვილი საწარმოები, როგორც იყო როტმილდისა და მანთაშევის ქარხნები.

ცარიზმმა უარი თქვა განეხორციელებინა ის შეკვეცილი რეფორმებიც კი, რომლებიც ვორონცოვ-დაშკოვმა გლეხებს აღუთქვა 1905 წელს. ქართველ გლეხებზე არ გავრცელდა კანონი 1 იანვრი-

¹ სკკპ ცკ-თან არსებულ მარქს-ენგელს-ლენინ-სტალინის ინსტ-ის საქართველოს ფილიალი, ფ. 33, ს. 36.

დან გამოსასყიდ გადასახადთა დავალიანების გაუქმების შესახებ. კვლავ განაგრძობდა არსებობას ღროებით-ვალდებულ გლეხთა და ხიზანთა ინსტიტუტი. საეროზო რეფორმა ამიერკავკასიასა და საქართველოში კვლავ ჩაიშალა იმ საბაბით, რომ მას შეეძლო გაეძლიერებინა ცალკეულ ხალხთა შორის რუსეთისაგან ჩამოშორების მისწრაფება. სოფლად მთლიანად აღადგინეს რევოლუციამდელი წესები.

ყოველნაირად აფერხებდნენ რევოლუციის პერიოდში აღმოცენებულ კულტურულ-საგანმანათლებლო ორგანიზაციების მუშაობას. საქართველოს მრავალ საშუალო სასწავლებელში დახურეს უფროსი კლასები და ამ კლასების მოსწავლეები დაითხოვეს, ამასთან მათ წაართვეს სხვა სკოლებში შესვლის უფლება.

განსაკუთრებული რეპრესიები თავს დაატეხეს ბოლშევიკურ ორგანიზაციების წევრებს. 1906 წელს საქართველოდან აღმინისტრაციული წესით გაასახლეს 1525 კაცი, რომლებიც მონაწილეობას იღებდნენ რევოლუციურ მოძრაობაში. 1907 წელს აღმინისტრაციული წესით გადასახლებულთა რიცხვმა, არასრულწლოზებით, 3074 მიაღწია.

საპატიმროები გაჭედილი იყო. მაგალითად, სოხუმის საპატიმროში, რომელიც გათვალისწინებული იყო 30 პატიმრისათვის, 1907 წ. ივნისში 225 კაცი იჯდა. საპატიმროში ისეთი სივიწროვე იყო, რომ დაწოლას ახერხებდა მხოლოდ პატიმართა მესამედი, დანარჩენები კი იატაკზე ისხდნენ ან კედელს მიყრდნობილნი ფეხზე იდგნენ და ისე ეძინათ. საპატიმროში მძვინვარებდა ტიფი, საავადმყოფოში თითო საწოლზე ორ-ორი პატიმარი იწვა, ხოლო ნაწილი პირდაპირ იატაკზე ეგდო. პოლიტიკური პატიმრები საპრობილეში მეტწილად ბორკილგაყრილი ჰყავდათ; მათ აწამებდნენ და მხეცურად სცემდნენ.

1907 წლის მარტში ტუბერკულოზით გარდაიცვალა 27 წლის ასაკში მყოფი გ. თელია, თბილისის რკინიგზის სახელოსნოების მუშა. ის გამოირჩეოდა მოწინავე მუშათა შორის, როგორც ერთერთი ღირსეული წინამძღოლი. გ. თელია პარტიისათვის ძვირფასი და უმწიკვლო აღამიანი იყო. იგი მონაწილეობდა მუშათა გაფიცვებში, ასრულებდა საპასუხისმგებლო პარტიულ დავალებებს. როგორც მომზადებულმა მარქსისტმა, მან ბოლშევიკური პრესის ორგანოებში დაბეჭდა მთელი რიგი თეორიული და პოლიტიკური სტატიები. იგი ტამერფორსის ბოლშევიკური კონფერენციის დელეგატი იყო. გ. თელია დაასაფლავეს ქუთაისის მაზრის სო-

ფელ ქავანში. მისმა დაკრძალვამ, რასაც 2000-ზე მეტი კაცობრივად დაესწრო, მკათიო პოლიტიკური დემონსტრაციის ხასიათი მიიღო. სტალინში „ამხ. გ. თელიას ხსოვნას“ ი. სტალინი წერდა: „მხოლოდ პროლეტარიატში მოიპოვება თელიასთან პირები, მხოლოდ ის შობს თელიასთანა გმირებს, და პროლეტარიატივე ეცდება სისხლი აილოს იმ უკუღმართი წესწყობილებისაგან, რომელმაც მსხვერპლად შეიწირა ჩვენი ამხანაგი — მუშა გ. თელია“¹.

1907 წლის 30 აგვისტოს დაქირავებული მკვლელების ხელით (როგორც ეს ამჟამად დადგენილია საარქივო საბუთებითა და საქართველოს სსრ უმაღლეს სასამართლოს 1941 წ. 25 დეკემბრიდან 1942 წლის 5 იანვრამდე მიმდინარე პროცესით) დაიღუპა ქართული ლიტერატურის კლასიკოსი და ცნობილი საზოგადო მოღვაწე ილია ქავჭავაძე.

1908 წ. მარტში ჟანდარმებმა დააპატიმრეს ი. სტალინი და ამავე წლის შემოდგომაზე გადაასახლეს სოლვიჩეგოდსკში.

II სახელმწიფო სათათბირო აღმოჩნდა ნაკლებ გამგონე, ვიდრე ცარიზში ფიქრობდა. 1907 წ. 2 ივნისს, ღამით, დაპატიმრებულ იქნა სოციალ-დემოკრატიული ფრაქცია, რომელსაც ბრალი დასდეს სახელმწიფო დანაშაულში.

1907 წ. 3 ივნისს გამოიცა ბრძანებულება სახელმწიფო სათათბიროს დათხოვნის შესახებ. ამავე დროს გამოიცა ახალი საარჩევნო კანონი, რომელიც საშინლად ჰყვეცავდა მუშათა და გლეხთა უფლებებს.

1907 წლის 3 ივნისი ითვლება რუსეთის პირველი რევოლუციის დამთავრების თარიღად. დაიწყო სტოლიპინის რეაქციის სუსხიანი ხანა.

რუსეთის პირველი რევოლუციის დროს პროლეტარიატისა და გლეხობის რევოლუციური განწყობილების გამომხატველი იყო ქართველი მწერლებისა და პოეტების მთელი ჯგუფი.

დიდი ენთუზიაზმით შეხვდა 1905—1907 წლების რევოლუციას ძველი თაობის წარმომადგენელი, გამოჩენილი პოეტი და საზოგადო მოღვაწე აკაკი წერეთელი, რომელმაც აშკარად დაუჭირა მხარი მუშათა კლასსა და რევოლუციურ გლეხობას.

1905 წ. ნოემბერში ა. წერეთელმა გამოაქვეყნა ლექსი „ხანჯალი“, რომელიც ეხმაურება ლერმონტოვის იმავე სახელწოდების ლექსს და რომელმაც ფართო პოპულარობა მოიპოვა მშრომელთა მასებში. ა. წერეთლის „ხანჯალი“ წარმოადგენს მამაცობისა და

¹ ი. სტალინი, თხზ., ტ. 2, გვ. 32.

თავისუფლების განსახიერებას. მიმართავს რა ხანჯალს, ა. წერეთელი წერს:

შენი ჭირიმი, ხანჯალო,
რკინაო ხვარასნისაო,
შენ ერთად-ერთო იმედო
მტრისაგან გამოხსნისაო!
მიმოციქულე მტრის გულთან,
მიუძღვენ ჩემი სალამი:
ის ვითომც საწერელია,
ჩაერკვე, როგორც კალამი!

შეიარაღებული აჯანყების ზრდის პერიოდში, 1905 წლის 4 დეკემბერს დაწერილ ლექსში „ძირს“, აკაკი წერეთელი პირდაპირ მიმართავს ცარიზმს:

ძირს მთავრობავ უკუღმართო!
ველარ ვიტანთ გასაჭირსო,
ყოველი მხრივ გეძახიან: —
„ძირს მთავრობავ! აწ კი ძირსო!“

აკაკი წერეთელმა შეასრულა პროლეტარული ჰიმნის — „ინტერნაციონალის“ თავისუფალი თარგმანი ქართულ ენაზე.

ლიტერატურაში რევოლუციურ-დემოკრატიული მიმართულების თვალსაჩინო წარმომადგენელი იყო პოეტი იროდიონ ევდოშვილი (1873—1916). ის დაიბადა სიღნაღის მაზრის სოფელ ბოდბისხევში, სწავლობდა თბილისის სასულიერო სემინარიაში, მაგრამ რევოლუციურ მოძრაობაში მონაწილეობისათვის გააძევეს იქიდან. ი. ევდოშვილი ერთ დროს მსახურობდა ბაქოში და კარგად გაეცნო ნავთობის მრეწველობის მუშათა ცხოვრების პირობებს. პირველი რევოლუციის წლებში ის აქტიურ მონაწილეობას იღებდა მუშათა და გლეხთა რევოლუციურ ბრძოლაში.

ი. ევდოშვილის ლიტერატურულ შემოქმედებაზე კეთილმყოფელი გავლენა იქონიეს ნეკრასოვმა, ბერანეემ და განსაკუთრებით მაქსიმ გორკიმ: მის მოთხრობებში მკაფიოდ და სწორად ასახულია მუშებისა და გლეხების ცხოვრება, რომლებიც განიცდიდნენ ორმაგ ჩაგვრას: ეროვნულსა და სოციალურს.

ი. ევლოშვილმა გადათარგმნა მ. გორკის ცნობილი ლექსი— „მზე ამოდის და ჩადის“, მან შექმნა „მარსელიოზის“ ქართული ვარიანტი.

ი. ევლოშვილის ლექსები: „სიმღერა“, „მეგობრებს“, „გმირის ჭაფლავეზე“, „ძმებო გმირულად“, „მუშა და მუზა“ და სხვ., რომლებიც ბოლშევიკური პრესის ორგანოებში იბეჭდებოდა, უდიდესი პოპულარობით სარგებლობდა ხალხში; ამ ლექსებს მღეროდნენ ბარიკადებზე და მანიფესტაციებისა და მიტინგების დროს.

ქართული თეატრი, რომელიც ვითარდებოდა მოწინავე რუსული თეატრალური ხელოვნების ზეგავლენით, რუსეთის პირველი რევოლუციის დროს ხალხთან ერთად იყო. იღვებოდა რევოლუციური პიესები.

ქუთაისის თეატრში ეწყობოდა მიტინგები, სცენაზე გამოდიოდნენ ორატორები, რომლებიც ხალხს თვითმპყრობელობის წინააღმდეგ ბრძოლისაკენ მოუწოდებდნენ. მაყურებლებთან ერთად არტისტები ქუჩაზე გამოდიოდნენ, პოლიტიკურ მიტინგებს მართავდნენ.

რუსეთის პირველმა რევოლუციამ მთლიანად დაადასტურა ბოლშევიკების სტრატეგიული და ტაქტიკური ზაზის სისწორე.

„...რევოლუციის დამარცხებამ გამოააშკარავა არა ამოცანების უსწორობა,—წერდა ვ. ი. ლენინი,—არა უახლოესი ამოცანების „უტოპიურობა“, არა საშუალებათა და ხერხთა მცდარობა, არამედ ძალთა არასაკმაო მომზადება, რევოლუციური კრიზისის არასაკმაო სიღრმე და სიფართოე“¹.

¹ ვ. ლენინი. თხზ., ტ. 15, გვ. 425.



დასკვნა

რუსეთის პირველი რევოლუციის დამარცხების ერთ-ერთი ძირითადი მიზეზი ის იყო, რომ გლეხთა მოძრაობა ჩამორჩებოდა მუშათა მოძრაობას.

„სამწუხაროდ,— როგორც ვ. ლენინი მიუთითებს,— გლეხები მოქმედებდნენ მეტად დაქსაქსულად, არაორგანიზებულად, ვერ იჩენდნენ სათანადო შეტევის უნარს, და ეს არის რევოლუციის დამარცხების ერთი ძირითადი მიზეზთაგანი“¹.

არასაკმაოდ ერთსულოვნად და ორგანიზებულად მოქმედებდნენ მუშებიც. მუშათა კლასის უფრო ჩამორჩენილი ფენები რევოლუციურ ბრძოლაში მხოლოდ 1906 წ. ჩაებნენ. მუშების ერთიანი ფრონტით გამოსვლას ხელს უშლიდნენ მენშევიკებიც თავისი შემთანხმებლური ტაქტიკით. რევოლუციაში არასაკმაო აქტივობა გამოიჩინეს ჯარისკაცებმაც, რომელთა უმრავლესობა ეხმარებოდა ცარიზმს მუშათა და გლეხთა ბრძოლის ჩახშობაში.

რუსეთის პირველი რევოლუციის დამარცხებაში ცარიზმს დაეხმარნენ აგრეთვე დასავლეთ ევროპის იმპერიალისტები, ამასვე ხელი შეუწყო იაპონიასთან ზავის დადება 1905 წლის სექტემბერში. ასეთივე იყო რევოლუციის დამარცხების მიზეზები საქართველოშიც, თუმცა, როგორც ვ. ი. ლენინი მიუთითებდა, აქ შეიარაღებული აჯანყება უკეთ იყო მომზადებული, პროლეტარული ბრძოლის მასობრივი ხასიათი უფრო ნათლად და ძლიერად იყო გამოხატული. და ამასთან გლეხთა მოძრაობაც უფრო ძლიერი იყო, ვიდრე ცენტრალური რუსეთის მრავალ რაიონში.

1905—1907 წლების რევოლუცია საქართველოში რუსეთის პირველი რევოლუციის შემადგენელ ნაწილს წარმოადგენდა.

¹ ვ. ლენინი, თხზ., ტ. 23, გვ. 327.

მიუხედავად მისი დამარცხებისა, მან მძლავრი დარტყმა აგემა თვით-
მპყრობელობას. ამ რევოლუციას საერთაშორისო მნიშვნელობასთან
ერთად განსაკუთრებული მნიშვნელობა ჰქონდა აგრეთვე რუსეთის
ყველა ხალხის ისტორიის შემდგომი განვითარებისათვის.

რუსეთის პირველმა რევოლუციამ უდიდესი ისტორიული რო-
ლი შეასრულა დიდი ოქტომბრის სოციალისტური რევოლუციის
მომზადების საქმეში.

„1905 წლის „გენერალური რეპეტიცია“ რომ არა, — წერდა
ვ. ლენინი, — 1917 წლის ოქტომბრის რევოლუციის გამარჯვება
შეუძლებელი იქნებოდა“¹.

რუსეთის პირველი რევოლუციის პერიოდში წარმოებდა რუ-
სეთის ყველა ეროვნების მშრომელთა შემდგომი დაახლოვება და
გაერთიანება დიდი რუსი ხალხის მეთაურობით საერთო მტრის—
ცარიზმის წინააღმდეგ საბრძოლველად.

1905 წელს წარმოიშვა მუშათა და გლეხთა კავშირი. იგი
ჯერ კიდევ არ იყო მტკიცე, მაგრამ, როგორც ეს ხაზგასმით აღნაშ-
ნა ი. სტალინმა თავის შრომაში „სოციალიზმის ეკონომიკური
პრობლემები სსრ კავშირში“, მუშათა კლასისა და გლეხობის შემ-
დგომ გამტკიცებელი კავშირი გადაიქცა იმ მძლავრ ძალად, რო-
მელმაც ჩვენს დიად ქვეყანაში სამუდამოდ დაამსხვრია სოციალუ-
რი მონობისა და ეროვნული ჩაგვრის ხუნდები, ძირფესვიანად
შოსპო ყოველგვარი ექსპლოატაცია, შექმნა მეურნეობის ახალი სო-
ციალისტური ფორმები და „საბჭოთა ხალხი გამოიყვანა კაცობ-
რიობის ისტორიაში ჯერ არნახული სოციალისტური გარდაქმნების
ფართო გზაზე“².

მშრომელთა მასები რუსეთის პირველი რევოლუციის გამოც-
დილებით დარწმუნდნენ, რომ, როგორც ი. სტალინი წერდა, —
„მხოლოდ შეიარაღებულ აჯანყებას შეუძლია ძირს დასცეს მეფის
ბატონობა, მას შეუძლია დაამყაროს ხალხის ბატონობა, რა თქმა
უნდა, თუ ეს აჯანყება გამარჯვებით: გათავდება“³.

რუსეთის პირველმა რევოლუციამ გვიჩვენა, რომ ბოლშევიკები
წარმოადგენდნენ რევოლუციის ერთადერთ ხელმძღვანელ ძალას რუ-
სეთში.

¹ ვ. ლენინი, თხზ., ტ. 31, გვ. 13.

² საბჭოთა კავშირის კომუნისტური პარტიის ორმოცდაათი წელი, ჟურნ.
„მნათობი“, 1953, № 7, გვ. 18.

³ ი. სტალინი, თხზ., ტ. I, გვ. 253.

მხოლოდ ბოლშევიკური პარტია იყო მტკიცედ დაკავშირებული მასებთან, აწარმოებდა თანმიმდევრულ და შეურიგებელ ბრძოლას ყოველგვარ ოპორტუნიზმსა და რევოლუციის მტრებთან. „ბოლშევიკებს აღებული ჰქონდათ კურსი რევოლუციის განვითარებისაკენ, შეიარაღებული აჯანყების გზით ცარიზმის დამხობისაკენ, მუშათა კლასის ჰეგემონიისაკენ. კადეტური ბურჟუაზიის იზოლაციისაკენ, გლეხობასთან კავშირისაკენ, მუშათა და გლეხთა წარმომადგენლებისაგან დროებითი რევოლუციური მთავრობის შექმნისაკენ, გამარჯვებამდე რევოლუციის მიყვანისაკენ“¹.

რუსეთის პირველ რევოლუციას სათავეში ედგა რუსეთის პროლეტარიატი. იგი სოციალური და ნაციონალური ჩაგვრის წინააღმდეგ ბრძოლისათვის რაზმავდა რუსეთის ყველა მშრომელს.

„ლენინის დიდი დამსახურება ის არის, რომ მან რუსეთის პირველი ბურჟუაზიულ-დემოკრატიული რევოლუციის განვითარების პერიოდში გენიალურად დაასაბუთა პარტიის ბოლშევიკური ტაქტიკა, მუშათა კლასის ტაქტიკა, შეიმუშავა კომუნისტური პარტიის პოლიტიკური (ტაქტიკური) საფუძვლები. მან განავითარა იდეა პროლეტარიატის ჰეგემონიისა ბურჟუაზიულ-დემოკრატიულ რევოლუციაში და ცხადყო, რომ იმ დროისათვის შექმნილ ისტორიულ ვითარებაში რევოლუციის გამარჯვების აუცილებელ პირობას წარმოადგენდა მუშათა კლასის და გლეხობის კავშირი პროლეტარიატის ხელმძღვანელი როლის შენარჩუნებით. ლენინმა რუს მარქსისტებს მისცა ნათელი პერსპექტივა ბურჟუაზიულ-დემოკრატიული რევოლუციის გადაზრდისა სოციალისტურ-რევოლუციად“².

საქართველოს მუშებისა და გლეხების რევოლუციურ ბრძოლას თვალსაჩინო ადგილი ეკავა 1905—1907 წლების რევოლუციის საერთო მსვლელობაში. რუსეთის პირველი რევოლუციის წლებში საქართველოში მკაფიოდ გამოიყოფნა მუშათა კლასის ხელმძღვანელი როლი ექსპლოატატორული წყობილების, ცარიზმისა და ბურჟუაზიის წინააღმდეგ ბრძოლაში. საქართველოში აღმოცენებული გლეხთა რევოლუციური კომიტეტები, მუშათა დეპუტატების საბჭოებთან ერთად, რევოლუციური ხელისუფლების ჩანასახს წარმოადგენდნენ. 1905 წელს საქართველოში წარმოშობილი საგაფიცო კომიტეტები გადაიქცნენ შეიარაღებული აჯანყების ხელმძღვანელ ორგანოებად.

¹ სკპ (ბ) ისტორია, მოკლე კურსი, გვ. 116.

² „საბჭოთა კავშირის კომუნისტური პარტიის ორმოცდაათი წელი“, სახელგამი, 1953, გვ. 13.

შიიღეს რა საბრძოლო ნათლობა რუსეთის პირველ რევოლუცი-
ციაში, საქართველოს მშრომელები მუშათა კლასის მეთაურობით,
ისე როგორც მთელი რუსეთის მშრომელები, კიდევ უფრო მჭიდროდ
დაირაზმნენ კომუნისტური პარტიის გარშემო და განაგრძობდნენ
ბრძოლას თვითმპყრობელობისა და ბურჟუაზიის წინააღმდეგ სტო-
ლიპინის რეაქციისა და ახალი აღმავლობის პერიოდში, პირველი-
მსოფლიო ომის წლებში და საქართველოში მენშევიკური ხელისუფ-
ლებისა და უცხოელთა ინტერვენციის პერიოდში.

დიდი რუსი ხალხის დახმარებით საქართველოს მშრომელებ-
მა 1921 წლის თებერვალში დაამხეს მენშევიკური ხელისუფლება,
გააძევეს თავიანთი ქვეყნიდან უცხოელი იმპერიალისტები, მოიპო-
ვეს თავისუფლება და დამოუკიდებლობა და განთავისუფლდნენ მე-
მამულურ-ბურჟუაზიული ექსპლოატაციისა და ეროვნული ჩაგვრი-
საგან.

კომუნისტური პარტიის ხელმძღვანელობით საბჭოთა ერების
ძმურ ოჯახში ქართველმა ხალხმა შექმნა ნამდვილად თავისუფალი,
სუვერენული ეროვნული საბჭოთა სახელმწიფო და ამით დასაბამი
მისცა თავისი ისტორიის ახალ, სახელოვან ეპოქას.

შ ი ნ ა ბ რ ს ი

1. საქართველოს სოციალურ-ეკონომიური მდგომარეობა XX საუკუნის დასაწყისში	3
2. მუშათა მოძრაობა და ლენინურ-ისკრული მიმართულების სოციალ-დემოკრატიული ორგანიზაციის წარმოშობა .	30
3. გლეხთა მოძრაობა 1905 წლის რევოლუციის წინახანებში	44
4. რსდმპ კავკასიის კავშირის კომიტეტის მოღვაწეობა 1905 წლის წინახანებში.	50
5. ძალათა კლასობრივი განლაგება 1905 წლის რევოლუ- ციის წინახანაში.	64
6. რევოლუციის დასაწყისი, საქართველოს მუშებისა და გლეხების გამოსვლები.	73
7. რევოლუციური მოძრაობის განვითარება 1905 წ. გაზა- ფხულსა და ზაფხულზე	91
8. საერთო-სახალხო მოძრაობა 1905 წ. ოქტომბერში.	111
9. დეკემბრის შეიარაღებული აჯანყება.	125
10. რევოლუციის უკან დახევა . დასკვნა	136 157

დაიბეჭდა საქართველოს სსრ მეცნიერებათა აკადემიის
სარედ.-საგამომც. საბჭოს დადგენილებით

რედაქტორი ნ. მახარაძე

ტექნიკური რედაქტორი ა. თოდუა

კორექტორები: დ. ბაქრაძე

ო. გიორგაძე

გამომშვები ნ. ავალიანი

გადაეცა წარმოებას 29.10.54. ხელმოწ. დასაბეჭდად 15.1.54. ქალაქდ.
ზომა 60 × 92¹/₁₆. ქალაქდ. ფურც. 5,625. საბეჭდ. ფურც. 10,25 + 1 ფ
ჩართ. საავტორო 8,54. სააღრ.-საგამომც. ფურც. 9,14.
შეკვ. 1706. უფ. 01513. ტირაჟი 4000.

ფასი 6მან. 75 კაპ.

საქართველოს სსრ მეცნიერებათა აკადემიის გამომცემლობის სტამბა
თბილისი, ა. წერეთლის ქ. 3/5.